


যুক্তিকা-তত্ত্ব ৩৪৮-৪



কৃষিক্ষেত্র, সব্জীবাগ, ফলকর প্রভৃতি রচনা

শ্রী প্রবোধচন্দ্র দে, F R H S (Lond)

*Late Superintendent of Gardens Raj
Durbhanga, of the Nizam State
Gardens, Murshedabad formerly
of the Cossipur Horticultural
Institution Calcutta*

শ্রী প্রণীত।

কলিকাতা

৩ নং ফড়িয়াপুকুর স্ট্রীট "ইন্ডিয়ান প্রেসে"

শ্রী হরিচরণ দাস দ্বারা মুদ্রিত।

১৯১৬।

সূচীপত্র

	পৃষ্ঠা ।
প্রথম অধ্যায়—অবতারণা, উন্নত কৃষি ...	১—৩
দ্বিতীয় অধ্যায়—পৃথিবীর উৎপত্তি, মৃত্তিকা, উপা- দান ভেদের কারণ, উদ্ভিদ মূলের শক্তি, মৃত্তিকার জৈবপদার্থ, জৈব ও উদ্ভিজ্জ ...	৪—৯
তৃতীয় অধ্যায়—মৃত্তিকাস্তর্গত ভূত, ভূত সংখা ভৌতিক শক্তি	১০—১৩
চতুর্থ অধ্যায়—মৃত্তিকা-ভেদ, স্তরের উৎপত্তি, স্তরের বর্ণ, স্তরের গুণ ভেদ ...	১৩—১৬
পঞ্চম অধ্যায়—মৃত্তিকার উপাদান, মৃত্তিকা উদ্ভিদ...	১৭—১৯
ষষ্ঠ অধ্যায়—মৃত্তিকার জাতি ভেদ, ধাতুচূর্ণ, বালুকা মৃত্তিকার ভিত্তি, চূর্ণ, উদ্ভিজ্জ ...	২০—২৯
সপ্তম অধ্যায়—উপাদানের ইতর বিশেষ, উপা- দানের সামঞ্জস্যতা, মৃত্তিকা নির্দেশ ...	২৯—৪০
অষ্টম অধ্যায়—ছিদ্রতা, ছিদ্রপথ, ছিদ্রপথের ক্রিয়া, ভূমির আয়তন বৃদ্ধি, ছিদ্র পথের অসমতা ..	৪০—৪৮
নবম অধ্যায়—রসাকর্ষণ, রস ও উত্তাপ, রস পরি- ক্রমণী, পরিক্রমণের ইতর বিশেষ, ভৌতিক যৌথ, রস ও নরাঞ্জুলি, নরাঞ্জুলি ও উদ্ভিদ, নরাঞ্জুলির অপকারিতা, উত্তাপ, নরাঞ্জুলির গভীরতা, পগার ও জমা— ...	৪৯—৬৬

দশম অধ্যায়—মৃত্তিকা ও বায়ু, বায়ুর প্রবেশ পথ, উদ্ভিদাণু	৬৬—৬৯
একাদশ অধ্যায়—বিজলী	৭০—৭২
দ্বাদশ অধ্যায়—মৃত্তিকার সংস্থান-শক্তি, গামলার গাছ, মৃত্তিকার শক্তি হ্রাস, পর্যায় পদ্ধতি, পদার্থের বিভিন্নতা, পর্যায় ব্যতিক্রম, স্বাভা- বিক সার, বৃক্ষ ফসল, সবুজী ফসল ...	৭২—৮৬
ত্রয়োদশ অধ্যায়—ভূমির তল ভেদ, পৃষ্ঠ ভূমি, অন্তভূমি পৃষ্ঠ-ভূমির গভীরতা, অন্তভূমির গভীরতা	৮৬—৯৪
চতুর্দশ অধ্যায়—ভূ-কর্ষণ, সূচাষ, মৃত্তিকার যবা- কারকতা, কর্ষণারম্ভ, কর্ষণ ও বপন ...	৯৪—১০৬
পঞ্চদশ অধ্যায়—সমতল ভূমি, উচ্চ ভূমি, নিম্ন ভূমি, বিল, বাদা, কুড়ি ও জোলা, গড়েন জমি, ধাকবন্নি, তরাই, চর, সৈকত ...	১০৭—১১৮
ষোড়শ অধ্যায়—দিক সম্বন্ধ, সৌর শক্তি, আকর্ষণ, রোদ্র ও মৃত্তিকা, ভূ-পৃষ্ঠের উচ্চতা ...	১১৮—১২৭
সপ্তদশ অধ্যায়—আবহাওয়া, কসলের প্রকৃতি ভেদ, বারিপাত, বায়ু পরিবর্তন, বারিপাত নিষ্কারণ, মুসলধারা, ধীরধারা, টিপ-টিপে বৃষ্টি ...	১২৭—১৪০
অষ্টাদশ অধ্যায়—গ্রহের প্রভাব, নদী জল, ভূমি- কম্প মৃত্তিকার বর্ণ-সংস্কার ...	১৪০—১৪৭

উনবিংশ অধ্যায়—সেচনঃসংজ্ঞা, সেচনের উদ্দেশ্য, সেচিত জল—না তরল সার, উর্ধ্বতা রক্ষা, সেচনের সময়, সেচনের নিয়ম, ময়লা জল, রস রক্ষার্থে বায়ুরোধ, উচ্চান ভূমির রসালতা	১৪৭—১৫২
বিংশ অধ্যায়—শুক আবাদ, সুকর্ষণের সরঞ্জাম, নিম্ন তলের পরিচর্যা, শুক আবাদের ফসল...	১৫২—১৬৪
একবিংশ অধ্যায়—রসরোধ, আবরণ কি, আবরণ- উপাদান, সতর্কতা	১৬৫—১৬৮
ষাবিংশ অধ্যায়—আগাছা, আগাছার শত্রুভাব, আগাছার উপকার, আগাছাবিশেষের উপায়, নিষ্কৃগতা,	১৬৯—১৭৬
ত্রয়োবিংশ অধ্যায়—ফাও ফসল	১৭৬—১৭৯
চতুর্বিংশ অধ্যায়—উৎপাদিকা-শক্তি, ধরিদ্রী-গর্ভ, শক্তি ক্ষয়ের কারণ, অবিরত আবাদ, সম- জাতীয় উদ্ভিদ, রসালতা, আর্দ্রতা, সারাভাব,...	১৭৯—১৮৫
পঞ্চবিংশ অধ্যায়—চাষ ও উর্ধ্বতা, সুকর্ষণের ফসল, খরচ ও যোগান, বাঁজা-ভূমি	১৮৯—১৯০
ষড়বিংশ অধ্যায়—উর্ধ্বতার লক্ষণ, বারিকৃচ্ছতা	১৯০—১৯৪
সপ্তবিংশ অধ্যায়—উর্ধ্বতা রক্ষার উপায়	১৯৪—১৯৬
অষ্টবিংশ অধ্যায়—ধৌত ভূমি, ধোয়াট-রোধ, ভূমির জিরেন, মৃত্তিকার আরতন বৃদ্ধি	১৯৬—২০০
উনত্রিংশ অধ্যায়—বিরামকাল, পতিত জিরেন, জিরেনের উপকারীতা	২০১—২০৩

পৃষ্ঠা ।

ত্রিংশ অধ্যায়—পর্যায় আবাদ ২০৩—২০৭
একত্রিংশ অধ্যায়—মূলবিশেষে পর্যায়, পর্যায়ে কোট নিবারণ, পর্যায়ে আগাছা, মুখ্য ও গৌণ ফসল, পর্যায়ে কান ব্যবধান ২০৭—২১৫
দ্বাত্রিংশ অধ্যায়—কৃষক ও উদ্ভানক,সার সংস্থানের উপায়, পশুপালনের প্রয়োজনীয়তা, সারোৎ- পাদন যন্ত্র, সমাবেশ চক্র ২১৫—২২১

With His Highness's Special Permission

This humble work

মৃত্তিকা-তত্ত্ব

OR

(Philosophy of the Soil)

is most respectfully dedicated

TO

H. H. THE HON'BLE NAWAB IHTISHAM-UL-MULK

RAIS-UD-DOULAH AMIR-UL-OMRAH

NAWAB ASEF KUDR SYED WASIF ALI MEERZA,

KHAN BAHADUR, MAHABUT JUNG,

NAWAB BAHADUR OF MURSHEDABAD,

In token of profound respect

By The Author.

4



আট নম্বর বৎসর পূর্বে 'কৃষক' পত্রে মৃত্তিকা সম্বন্ধে ধারা-
 বাহিক কতকগুলি প্রবন্ধ গ্রন্থকার কর্তৃক লিখিত হয়। সেই
 অর্থাৎ মৃত্তিকা সম্বন্ধে স্বতন্ত্র একখানি পুস্তক লিখিবার বাসনা
 ছিল কিন্তু নানা কারণে বশতঃ এতদিন তাহা ঘটিয়া উঠে নাই।
 যাহা হউক, এক্ষণে যে তাহা প্রকাশ করিতে সক্ষম হইলাম,
 ইহা বড়ই আনন্দের কথা। উক্ত প্রবন্ধ নিচয় অবলম্বন করিয়া
 মৃত্তিকা-তত্ত্ব লিখিত হইল।

মৃত্তিকা-তত্ত্ব রচনা কালে সুপ্রসিদ্ধ কৃষিতত্ত্ববিদ Wright-
 son, Fletcher প্রভৃতির পুস্তক দ্বারা বিশেষ সাহায্য
 পাইয়াছি, এজন্য তাঁহাদিগের নিকট আমি বিশেষরূপে কৃতজ্ঞ
 রহিলাম।


অতঃপর 'কৃষিগ্রন্থাবলী'র প্রচার বিষয়ে বহুসম্মানস্পদ
 ছাত্রবঙ্গাধিপতি মহারাজা শ্রী রামেশ্বর সিং বাহাদুর, কে, সি,
 আই, ই; মুরসিদাবাদের স্বদেশহিতৈষী নবাব বাহাদুর এবং
 আসাম-গৌরীপুরের বিদ্যোৎসাহী শ্রী শ্রীযুক্ত রাজা প্রভাতচন্দ্র
 বড়ুয়া বাহাদুর আমাকে বিশেষরূপে উৎসাহিত করিয়াছেন এজন্য
 তাঁহাদিগের প্রত্যেকের নিকট আমি বিশেষরূপে কৃতজ্ঞতাপাশে
 আবদ্ধ রহিলাম। কিম্বদিকমিতি।

২৮ নং বিডন রো, কলিকাতা,

১ লা বৈশাখ, মন ১৩১৬ মাল।

শ্রী প্রবোধচন্দ্র দে।

উপক্রমণিকা



মানব সমাজের উন্নতির প্রথম সোপান—কৃষি কার্য।
বর্ষরতার ঘোর তিমির মধ্যে থাকিয়া মানুষের মনে স্বতঃই
কৃষিকার্য করিবার বাসনা হয়। অরণ্যজাত ফল মূল ভঞ্জে বা
বন্য পশু পক্ষী বা মৎস্যাদি স্বীকার করিয়া জীবন ধারণ করা
চিরদিন সুখকর ও সুবিধা জনক নহে, ইহা যখন মানুষ
বুদ্ধিতে পারিল তখন কৃষির প্রতি দৃষ্টিপাত করিল। অর্থাৎ,—
অভাব মোচনের উপায়। অভাব না হইলে সহজে কাহারও
জ্ঞান চক্ষু উন্মীলিত হয় না, কাজেই মানুষকে কৃষিকার্যে নিযুক্ত
হইতে হইল। কৃষিকার্যে নিযুক্ত হইয়া যখন তাহার
ক্ষেত্র হইতে নানাবিধ শস্যাদি উৎপন্ন করিতে সক্ষম হইল,
তখন কৃষির উন্নতি করিবার চেষ্টা হইল। আর্যোদয় অতি
পুরাতন জাতি এবং তাহারাই সর্বাগ্রে কৃষিকার্যে নিযুক্ত হইলেন।
কৃষিকার্যে নিযুক্ত হইয়া যখন তাহার নানা অসুবিধা দেখিতে
পাইলেন তখন সেই সকল অভাব কি উপায়ে বিদূরিত হইতে
পারে তাহার উপায় চিন্তা করিতে ও তাহাকে কার্যে পরিণত
করিতে প্রবৃত্ত হইলেন। এইরূপে ভূমি কর্ষণের জন্য যন্ত্রাদির
সৃষ্টি হইল, ক্ষেত্র কর্ষণের একটা ব্যবস্থা হইল, ক্ষেত্রে সার
প্রদান করা, জলসেচন করা প্রভৃতির আবশ্যকতা অনুভূত
হইল।

কৃষিকার্য্য জনসমাজের উন্নতির ভিত্তি। যত প্রকার শিল্প বা বাণিজ্য আছে, তৎসমুদায়ই সাক্ষাৎ বা পরোক্ষভাবে কৃষির অনুরূপী। কৃষিজাত দ্রব্য লইয়া লোকে বাণিজ্য করে ও শিল্প-সামগ্রী প্রস্তুত করিয়া মানব সমাজের সুখ-সমৃদ্ধি বৃদ্ধি করে। কৃষি আছে বলিয়া ক্ষেত্রে ফসল উৎপন্ন হইতেছে এবং সেই ফসল হইতে কত কল-কারখানা চলিতেছে, কত শ্রমজীবী কত প্রকারে প্রতিপালিত হইতেছে তাহার ইয়ত্তা করা যায় না। অনেক সামগ্রী কৃষিজাত দ্রব্য হইতে প্রস্তুত হয় না সত্য, কিন্তু যাহারা সেই সকল শিল্প বাণিজ্যে নিযুক্ত আছে, তাহাদিগের মূল উদ্দেশ্য—পণ্য দ্রব্য বিক্রয়না বিনিময় করিয়া আহার্য্য শস্যের সংস্থান করা। আহার্য্যের প্রয়োজন না থাকিলে কে কাহার জন্য পরিশ্রম করিত,—কে কষ্ট স্বীকার করিয়া শিল্প সম্ভার উৎপন্ন করিতে প্রয়াস পাইত ?

কৃষিকার্য্যের প্রধান অবলম্বন,—ভূমি। ভূমির উৎপাদিকা-শক্তি অনুসারে তজ্জাত ফসলের ইতর বিশেষ হইয়া থাকে। ভূমির প্রাকৃতিক অবস্থা ও মৃত্তিকার উপাদান ভেদে উক্ত শক্তি পরিচালিত হইয়া থাকে। এইজন্য মৃত্তিকা সম্বন্ধে যত জ্ঞান থাকে, চাষ-আবাদের পক্ষে তত শুভকর। এস্থলে উল্লেখ করা আবশ্যিক যে, কেবল বৈজ্ঞানিক বিচারের রূপ ইহা সুসিদ্ধ হয় না, সেইরূপ কেবল প্রাকৃত বা ব্যবহারিক অভিজ্ঞতায় হওয়া সম্ভব নহে। কৃষির তাবৎতত্ত্ব অবগত থাকিলেও বৈজ্ঞানিক দ্বারা সুশৃঙ্খলে চাষ-আবাদ হওয়া সম্ভব নহে। বৈজ্ঞানিকের বিজ্ঞান সম্ভূত জ্ঞানের সহিত ব্যবহারিক অভিজ্ঞতা সংযুক্ত হইলে সকল দিকে শোভা পায়, কার্য্যক্ষেত্রে সুফল প্রাপ্ত হওয়া যায়। বিজ্ঞান

ଆଲୋଚନା ନା କରିଯାଉ କୃଷକଗଣ ଯତ୍ନ କାର୍ଯ୍ୟ କରିতে পারে, মহା
 মহା ବୈଜ୍ଞାନିକ ଘାଟା ଘାଟା ହୁଏ ନା । କୃଷକ ନିରକ୍ଷର ହୁଏଲେও
 ଜାହାର ବହୁ ଦର୍ଶନ ଓ ଆତ୍ମଜ୍ଞତା ମୂଲ୍ୟବାନ, ସ୍ଵତନ୍ତ୍ର କୃଷକ ଉପେକ୍ଷା
 ଯୋଗ୍ୟ ନାହିଁ । ଅତିକ୍ରମ କୃଷକଙ୍କର ନିକଟ ବିଜ୍ଞାନ ପରାତପ ସ୍ଵୀକାର
 କରିବେ, କିନ୍ତୁ କୃଷକଙ୍କର ଆତ୍ମଜ୍ଞତା ନିର୍ଦ୍ଦିଷ୍ଟ ସୀମାର ମଧ୍ୟେ ଆବଦ୍ଧ
 ବାଲିଆ ସକଳ କ୍ଷେତ୍ର ସକଳ ସମୟ ତଦ୍ଵାରା ସୁଫଳ ପାଇବାର ଆଶା
 କରା ଯାଏ ନା । ବିଜ୍ଞାନସମ୍ପୃକ୍ତ କୃଷିର ବିଶେଷତା ଏହି ଯେ, ସକଳ କ୍ଷେତ୍ର
 ସକଳ ସମୟେ ମୂଳ ଉଦ୍ଦେଶ୍ୟ ପ୍ରତି ଲକ୍ଷ୍ୟ ରାଖିବା କାର୍ଯ୍ୟ କରିতে ପାରା
 ଯାଏ । ଏକହି ନିର୍ଦ୍ଦିଷ୍ଟ ନିୟମର ବଶୀଭୂତ ହୁଏବା କାର୍ଯ୍ୟ କରିଲେ
 ଅନେକ ସ୍ଥଳେ ବାର୍ଷିକ ମନୋରଥ ହୁଏତେ ହୁଏ ।

କୃଷିର ଯୁକ୍ତା ଉଦ୍ଦେଶ୍ୟ,—କ୍ଷେତ୍ର ହୁଏତେ ଅଳ୍ପ ବାସ୍ତବ୍ୟେ ପ୍ରଭୂତ ପରିମାଣେ
 ଫସଲ ଉତ୍ପନ୍ନ କରା । ଚାଳ-ଆବାଦ କରିବାର ସଙ୍ଗେ କ୍ଷେତ୍ର
 ସମ୍ପର୍କେ ସାମଗ୍ରିୟ ତତ୍ତ୍ଵ ସାଧାରଣସାରେ ଅବଗତ ହୁଏବାର ଚେଷ୍ଟା କରା
 ଉଚିତ । ଏହିଜନ୍ୟ ଗୁଡ଼ିକା ସମ୍ପର୍କେ ଆଲୋଚନା କରା ସର୍ବୋତ୍ତମ
 ପ୍ରୟୋଜନ । ଗୁଡ଼ିକାସମ୍ପର୍କେ ଜ୍ଞାନ ନା ଥାକିଲେ ଉତ୍ତମ ପ୍ରଣାଳୀରେ
 କୃଷିକାର୍ଯ୍ୟ କରିতে ପାରା ଯାଏ ନା, ସ୍ଵତନ୍ତ୍ର କୃଷକଦିଗେର-ପଦାକ୍ଷ
 ଅନୁସରଣ କରିବା ଚାଲିତେ ହୁଏ କିନ୍ତୁ ତଦନୁସାରେ କାର୍ଯ୍ୟ କରିଲେ
 କୃଷକଙ୍କର ଚାଲିତେ ପାରେ, କାରଣ କୃଷକଙ୍କର ଅଭାବ ଅଳ୍ପ,—
 କୃଷକ ଅଳ୍ପେହି ସମ୍ପୃକ୍ତ । ଭୂମିଶ୍ରେଣୀର ଅଭାବ ଅଧିକ, ସାଂସାରିକ
 ଓ ସାମାଜିକ ବ୍ୟୟ ଅଧିକ, ସ୍ଵତନ୍ତ୍ର ଚାହାଦିଗଙ୍କେ ପ୍ରକୃଷ୍ଟ
 ଶକ୍ତି ଅବଲମ୍ବନ କରିବା କୃଷିକାର୍ଯ୍ୟେ ଅବତରଣ କରିতে
 ହୁଏବେ । କୃଷକ ଯେ କ୍ଷେତ୍ର ହୁଏତେ ପାଞ୍ଚ ମଣ ଫସଲ ଉତ୍ପନ୍ନ କରେ,
 ସେ ସ୍ଥଳେ ଭୂମିଲୋକଙ୍କେ ଅତ୍ୟନ୍ତ ଦଶ ମଣ ଫସଲ କରିতে ହୁଏବେ,
 ତଦେ ବ୍ୟୟ ଆଦାୟ ହୁଏବା ଲାଭ ଦେଖିତେ ପାଠ୍ୟା ଯାହିବେ । ଏହିଜନ୍ୟ

রুধিকার্যের প্রধান অবলম্বন মৃত্তিকা,—ইহা মনে রাখিয়া
মৃত্তিকার উৎকর্ষতা সাধন করা, নষ্টশক্তির পুনঃসংস্থাপন করা,
একান্ত প্রয়োজন।

মৃত্তিকা-তত্ত্ব

জুলাই
শু ১৩

প্রথম অধ্যায়

মৃত্তিকা যে কি, তাহা অনেকের ভাবিবার বিষয় নহে।
বাঁহাদিগের ভাবিবার বিষয় অনেকের তদ্বিষয়ে
অনভাবণা: চিন্তা করিবার অবসর বা সুযোগ হয় না। মৃত্তিকা
সম্বন্ধে ভাবিবার যে কিছু আছে, তাহাও
অনেকের ধারণা মধ্যে আসে না। কৃষক আবাদ করে,
চিরদিন মাটি লইয়া নাড়া-চাড়া করে, কিন্তু মৃত্তিকার
জ্ঞান বৃদ্ধি হইতেছে কি না, উৎসাহিত ইতিবিশেষ হইতেছে
কি না, তাহার খবর রাখে না। লোকের ধারণা যে, শত
বৎসর পূর্বে জমির যে অবস্থা ছিল, এখনও তাহাই আছে,
কিন্তু তাহা নহে। পৃথিবী যত পুরাতন হইতেছে, ততই উহা
সমস্ত ভূমি হইবার পথে চলিয়াছে। কঠিন ও স্ফটিক পাহাড়-
পর্বত প্রভিন্যত চূর্ণীকৃত হইতেছে, সেই চূর্ণাংশী হস্তির
সাহায্যে ক্রমেই নিম্নদেশে ধাবিত হইতেছে, অবশেষে যেখানে
স্থান পাইতেছে, সেইখানেই থাকিয়া যাইতেছে। এইরূপে
নদী, খাল, বিল প্রভৃতি বৃদ্ধি যাইতেছে, ক্রমে তাহাতে উদ্ভিদ
জন্মিয়া ভূমিকে আবাদের উপযোগী করিয়া তুলিতেছে।

হিমালয়ের যে উচ্চতা একশত বৎসর পূর্বে ছিল, এক্ষণে তাহা-
পেক্ষা অনেক কমিয়া গিয়াছে, কিন্তু ক্ষরের পরিমাণ এত অল্প
যে সহজে তাহা অনুভূত হয় না, কিন্তু হিসাব রাখিয়া দেখিলে
এ কথার যথার্থতা উপলব্ধি হয়। রৌদ্র, বৃষ্টি, বাতাস, শিশির,
ভূবার প্রভৃতির ক্রিয়াবশে প্রতিক্ষণই ভূ-পৃষ্ঠ পরিবর্তিত হই-
তেছে। সকল ক্ষেত্রই পরিবর্তনের অধীন। নিম্নভূমি সকল
উচ্চ ও গড়েন জমির ধোয়াট পাইয়া ক্রমশঃ যেমন উচ্চ হইয়া
উঠিতেছে, অন্যদিকে উচ্চ ও গড়েন জমি সকল ধুইয়া
যাওয়ায় নীচু হইয়া পড়িতেছে। এইরূপে সমগ্র পৃথিবী যেন
সমতল হইবার জন্ত নিরন্তর ব্যস্ত রহিয়াছে।

প্রাকৃতিক কারণ ছাড়াই দিলেও দেখিতে পাঠ যে, সকল
আবাদী ক্ষেত্র পাথারই প্রকারান্তরে পরিবর্তিত হইতেছে।
কৃষক আবাদ করে, ক্ষেত্র হইতে ফসল লইয়া যায়। যে পরি-
মাণ ফসল ক্ষেত্রে হইতে সংগৃহীত হয়, তাহার সহিত ভূমির কতক
মাটি স্থানান্তরে চলিয়া যায়। উদ্ভিদ, শাখা, পত্র, মূল, ফল,
ফুল, বীজ—এ সকলই মৃত্তিকার রূপান্তর মাত্র। পতিত জমি
ও অরণ্য-ভূমি হইতে মৃত্তিকা অপচয় হইতে পায় না, তাহার
কারণ এই যে, তজ্জাত গাছ-পালা বা ফল-ফুল বড় একটা
স্থানান্তরিত হইতে পায় না। ঈদৃশ ভূমিতে যে সকল তরুলতাদি
জন্মে, তাহারা সেই খানেই মরিয়া যায়, ফলতঃ ভূমির জিনিষ
ভূমি পুনরায় ফিরিয়া পায়। আবাদী জমি হইতে ফসল, গাছ,
ফল, ফুল, মূল, পত্র প্রভৃতি স্থানান্তরিত হয় বলিয়াই তাহাতে
সার প্রদান করিতে হয়, কর্ষণাদি দ্বারা মৃত্তিকার উৎপাদিনী
শক্তিকে যত্নে রাখিবার চেষ্টা করিতে হয়। আর্চট্ জমি ও

অরণ্য-ভূমি হইতে কোন জিনিষ অপহৃত হয় না বলিয়া উহা-
দিগের মাটি এত সারবান থাকে যে, তাহাতে আবাদ করিলে
প্রথম প্রথম কয়েক বৎসর কোন প্রকার সার ব্যবহার করিবার
আবশ্যকই হয় না।

ভূমির উন্নতি আছে, অবনতিও আছে। ভূমির উৎকর্ষতা

রক্ষা করা অনেকটা মনুষ্যের করায়ত্ত্ব এবং চেষ্টা
উন্নত কৃষি করিলে তাহার উর্বরতা বৃদ্ধি করিতে পারা যায়।

যে স্থানে একটা ভূণ জন্মে, তথায় দুই চারিটা ভূণ
উৎপন্ন করাটী উন্নত কৃষির উদ্দেশ্য। মৃত্তিকার উৎপাদিকা
শক্তি বৃদ্ধি করিতে পারিলেই সে উদ্দেশ্য সফল হয়। সার
প্রদান করিলেই ক্ষেত্রের উৎপাদিকা শক্তি বৃদ্ধি পায়,
ইহাই লোকের সাধারণ ধারণা। উৎপাদিকা শক্তি বৃদ্ধি
করিবার ইহাই যে একমাত্র ও প্রকৃষ্ট উপায় তাহা নহে।
ক্ষেত্রের উন্নতি বিধানের জন্ম অল্প অনেক উপায় আছে।
মৃত্তিকা সম্বন্ধে জ্ঞান না থাকিলে কেবল সার প্রদান করিলে
কোন ফল নাই।

দ্বিতীয় অধ্যায়

বৈজ্ঞানিকেরা বলেন যে, আমাদের পৃথিবী আসল বা মূল গ্রহ নহে, সূর্যের জ্বলিত অংশমাত্র। লক্ষ লক্ষ পৃথিবীর উৎপত্তি বৎসর পূর্বে সূর্য হইতে একটা বৃহৎ অগ্নিময় পিণ্ড জ্বলিত হয় এবং ক্রমান্বয়ে পৃথিবীর আকার ধারণ করে। উক্ত অগ্নিপিণ্ড নানাবিধ ধাতব পদার্থ সমন্বিত। উহার উত্তাপ হ্রাস হইবার সঙ্গে পৃথিবী শীতল হইতে লাগিল এবং গলিত পদার্থ রাশি জমাট বাপিয়া পৃথিবীর পাহাড় পর্বত-রূপ ধারণ করিল। পৃথিবীর পৃষ্ঠভাগে ফেরপ ক্ষুদ্র বৃহৎ পাহাড়-পর্বত, উপত্যকা অধিত্যকা দেখিতে পাওয়া যায়, নদ নদী ও সাগর গর্ভে এবং তাহাদিগের নিম্নভাগে সেইরূপ এখনও অবস্থিত। তাহা ব্যতীত ভূগর্ভের নিম্নতম দেশে এখনও নানাবিধ ধাতব পদার্থ উত্তপ্ত ও তরল অবস্থায় সাগরবৎ প্রসারিত রহিয়াছে। ভূগর্ভ মধ্যে উল্লিখিত তরল পদার্থের অবস্থান হেতু সময় সময় ভূমিকম্প হইয়া থাকে। ভূগর্ভ অতিশয় উত্তপ্ত হইয়া উঠিলে সেই তরল পদার্থ রাশি বিক্ষোভিত ও আলোড়িত হইয়া উঠে এবং তাহারই ফলে ভূগর্ভ হইতে কখন কখন ভীষণ শব্দোথিত হয়, তরঙ্গাঘাতে পৃথিবী কাঁপিয়া উঠে, কোন কোন স্থান বিদীর্ণ হইয়া নানাবিধ ধাতব পদার্থ, বাষ্প প্রভৃতি উদ্গত হয়। বিগত ১৮৯৬ খ্রীষ্টাব্দের ভূমিকম্পে আসাম ও পূর্ববঙ্গের নানা স্থান কাটিয়া গিয়া ঐরূপ বাষ্পাদিনির্গত

হইয়াছিল। আগ্নেয় গিরি—এটনা ও বিয়ুবিয়স হইতে এখনও মধ্যে মধ্যে উত্তপ্ত গলিত ধাতব পদার্থ নির্গত হইয়া থাকে। যুস্বের ও চন্দ্রনাথ তীর্থে সীতাকুণ্ড হইতে প্রতি নিয়ত যে উত্তপ্ত জল উখিত হইতেছে তাহাও ভূগর্ভস্থিত ধাতব পদার্থের কার্য। উক্ত জলে গন্ধকের গন্ধ স্পষ্টই বিরাজিত। যাহারা বরিশালে গা করেন, কিম্বা যাহারা কখনও তথায় গিয়াছেন, তাহারা মেঘ-গর্জনবৎ শব্দ শ্রুত হইয়া থাকিবেন। উহা 'বরিশাল কামান' (Barisal Gun) নামে পরিচিত। আকাশ পরিষ্কার পরিচ্ছন্ন অথচ কামানোদ্ধত শব্দের ন্যায় শব্দ পরিশ্রুত হইয়া থাকে। এ সকলই ভূগর্ভস্থিত উত্তপ্ত তরল ধাতব পদার্থের আলোড়ন শব্দ মাত্র। ইহা হইতে বুঝিতে পারা যায় যে, ভূগর্ভস্থিত তরল ধাতু সমুদ্র এখনও শীতল হয় নাই। উহা শীতল হইলে পৃথিবীতে আর ভূমিকম্প, অগ্নিপাত প্রভৃতির কোন আশঙ্কা থাকিবে না, কিন্তু তাহা হইতে লক্ষ লক্ষ বৎসর লাগিবে তাহাতে কোন সংশয় নাই।

কিরূপে পাহাড় পর্বত সৃষ্ট হইল তাহা বলিয়াছি। তৎ-সমুদায় প্রথমাবস্থায় কেবলই প্রস্তরময় থাকায়
 সৃষ্টিকা তাহাতে কোন উদ্ভিদ বা জীব জন্মিতে পারিত না, ক্রমে সৃষ্টিকা উৎপন্ন হইতে লাগিল। সৃষ্টি-কার প্রথম উপাদান—পর্বতস্থলিত পরমাণু রাশি। পৃথিবী পর্বতে পরিপূর্ণ ছিল, পরে সৃষ্টি, শিশির, ভূবার, বরফ, বায়ু, উত্তাপ প্রভৃতির ক্রিয়াবোধে সূক্ষ্মতম প্রস্তর রাশি সূক্ষ্ম পরমাণুতে পরিণত হইয়া থাকে। ইহাদিগের ক্রিয়াবশেই পর্বতাদি বিধৌত কিম্বা বিদীর্ণ বা চূর্ণ হয় এবং

পরমাণুসমূহ জলস্রোতে নিম্নদেশে নামিয়া আইসে। বৃষ্টিতে পর্বতের গাত্র বিদৌত হইয়া থাকে এবং সেই সঙ্গে পর্বতের গাত্র হইতে প্রস্তুতপ্রস্তুত পরমাণুগণ ক্রমশঃ বিচ্যুত হইয়া পড়ে। তুষার, শিশির ও বরফ দ্বারাও তাহা হয়। অনন্তর শীতাতাপের ক্রিয়াহেতু প্রস্তুত বিদৌর্ণ হইয়া থাকে। বিদৌর্ণিত স্থানে রস সঞ্চারণ হইবার পর অতিশয় শীতে সঞ্চিত রস বরফে পরিণত হয়। জল জমিয়া বরফ হয় কিন্তু জল তরল ও ঘন বলিয়া সঞ্চিত স্থান মধ্যে থাকিতে পারে। বরফের ধন্য স্ফীত হওয়া, সুতরাং জল, বরফে পরিণত হইলে স্ফীত হইতে থাকে এবং সেইসঙ্গে পর্বত গাত্র বিদৌর্ণ হয়। বিদৌর্ণ স্থান বা ফাটল যতই স্থল হউক, তন্মধ্যে বায়ু প্রবেশ করিয়া কিট্রান উৎপন্ন করে। বায়ু মধ্যস্থিত অক্সিজেন (Oxygen) পৃথিবীর সর্বত্রই এই কার্যে নিযুক্ত। স্ফীত স্থানে এইরূপে গুঁড়া জন্মিলে স্বভাবতঃ তাহাতে ছাতা ও শেওলা জন্মে। ইহারা উদ্ভিজ্জগতের অতি নিম্ন শ্রেণীর অন্তর্গত। ক্রমে ইহারা মরিয়া গিয়া সেইখানেই স্থানলাভ করে। ইহারা মরিয়া গেলে স্ফীত স্থানে উদ্ভিজ্জ পদার্থের প্রথম সংস্থান হয়। অনন্তর তাহাতে অপেক্ষাকৃত বৃহজ্জাতীয় শৈবাল (Moss) ফাৰ্ণ (Fern) প্রভৃতি অপুষ্পিক উদ্ভিদ উৎপন্ন হইয়া বিদৌর্ণ স্থানকে আরও বিস্তৃত করে এবং পরে তথায় আপনাদিগের দেহ বন্ধা করিয়া অস্তিত্বিত হয়। এইরূপে কিছুদিন গত হইলে তথায় অপরূপ বৃহত্তর উদ্ভিদ দেখা দেয়। যত বড় বড় জাতীয় উদ্ভিদ জন্মিতে থাকে, পর্বতের মূন্ময় দেহ তত স্ফীত বা বিদৌর্ণ হইতে থাকে, অন্যদিকে উদ্ভিজ্জ পদার্থ সঞ্চিত হইয়া কালক্রমে স্থল-বিশেষে স্তর পড়িয়া যায়। পাহাড় হইতে এই সকল পদার্থ

রষ্টিতে ধুইয়া নিয়তলে আসিয়া মৃত্তিকার কলেবর পূর্ণ করে।
অতঃপর নিয়তর দেশে উদ্ভিদ জন্মিতে থাকে, পরে সে সকল
ভূমি আবাদের উপযোগী হইয়া উঠে।

উল্লিখিত প্রণালীতে পুরাকাল হইতে নাবাল ভূমির কলেবর

দিন দিন স্থূল হইতেছে ও ভূমি উচ্চ হইয়া

উপাদান ভেদের

কাঃ৭

উঠিতেছে। মৃত্তিকা মধ্যে যে আমরা নানাবিধ

ধাতব পদার্থ দেখিতে পাই তৎসমুদায়ই প্রস্তর-

জাত, কারণ প্রস্তর নিজেই নানাবিধ ধাতু-সমাবিষ্ট জমাট মাত্র।

এস্থলে উল্লেখ করা আবশ্যিক যে, সকল পর্বতের বা সকল

প্রস্তরের উপাদান সম প্রকারের নহে বলিয়া সকল স্থানের

মৃত্তিকার উপাদানও এক প্রকারের নহে। মৃত্তিকার আদি

পদার্থ তরল ধাতু, স্মৃতরাং তদন্তর্গত যে যে পদার্থ যে যে

স্থানে থাকিয়া জমাটে পরিণত হইয়াছে, সেই সেই পদার্থ সেই

সেই স্থানের পর্বতান্ত্রে অবস্থিত। যে স্থানে যেক্রপ পর্বত-চূর্ণ

স্থান পায়, তথাকার মৃত্তিকার তদন্তরূপ পদার্থের প্রাধান্য থাকে।

এইজন্য কোন স্থানের মৃত্তিকায় বালুকা বা লৌহ বা গন্ধক

অধিক, আবার কোথাও বা স্বর্ণ বা রৌপ্য বা লৌহ বা তাম্বের

সমা বেশ অধিক। অতঃপর ইহাও দেখা যায়, পর্বতান্ত্রের

সকল স্তর সম পদার্থে গঠিত নহে। গলিত পদার্থ যে ভাবে

থাকিয়া শীতল হইয়াছে, তদন্তর্গত পদার্থ রাশি সেই ভাবে

থাকিয়া গিয়াছে। এইজন্য বিদীর্ণ পদার্থে ভিন্ন ভিন্ন স্তর দেখিতে

পাওয়া যায়। উল্লিখিত স্তর সমূহ যে একই ভাবে বা একই

ভাগে সজ্জিত আছে তাহা নহে। পর্বত সমূহ মধ্যে এইরূপ স্তরের

বিভিন্নতা হেতু তদুৎপন্ন ভূমির স্তর মধ্যে বিভিন্নতা পরিদৃষ্ট হয়।

ভূপৃষ্ঠে যতই কঠিন হউক, শিলাচল যত দৃঢ় হউক, উদ্ভিদ একবার তাহাতে কোনরূপে স্থান পাইলে তাহাকে ক্ষয় বা বিদীর্ণ করিবে। অতিশয় পিচ্ছিল স্থানে কোন বীজ সংস্থিত হইতে পারে না, এজন্য জেদশ স্থানে কোন উদ্ভিদকে জন্মিতে দেখা যায় না। কিন্তু সামান্য ছিদ্র বা কীটাজ উৎপন্ন হইলে কোথা হইতে বীজ আপনি আসিয়া স্থান পায় ও উৎপন্ন হয়। মূলগণ রস ও আর্দ্রা আতরণ করতঃ উদ্ভিদের জীবনরক্ষা করে, কিন্তু তাহা ব্যতীত উর্ধ্বাঙ্গের আর একটা বিশেষ নির্দিষ্ট কার্য আছে। উক্ত কার্য,— উদ্ভিদকে এক স্থানে দৃঢ়রূপে সংলগ্ন রাখা। মূলগণের এ শক্তি না থাকিলে সামান্য বাতাসে বা বৃষ্টিতে উদ্ভিদ ভুলুঙ্গীত হইত কিম্বা কোণায় ভাসিয়া যাইত। এইজন্য উদ্ভিদ অক্ষুরিত হইলেই মূলগণ একদিকে যেরূপ আহার অব্রমণে বাস্ত থাকে, অন্যদিকে আশ্রয়-স্থানকে দৃঢ়রূপে ধরিয়া থাকে। পিচ্ছিল বা কঠিন স্থানে মূলগণ অবলম্বন পায় না, কিন্তু উর্ধ্বাঙ্গের মূলভাগে যে অল্পাধিক রস থাকে, শুদ্ধারা উর্ধ্বাঙ্গ সরিহিত সূচাগ্র স্থানকে জীর্ণ করিয়া সূক্ষ্ম মূলকে তন্মধ্যে প্রবিষ্ট করিয়া দেয়। এইরূপে সূক্ষ্ম মূলগণ ক্রমে ভিতরে প্রবিষ্ট হইতে থাকে এবং প্রস্তুতকে ক্রমশঃ বিদীর্ণ করে, সুতরাং এতদ্বারা মৃত্তিকা সৃষ্ট হইবার বিশেষ সাহায্য হয়। পাহাড় পর্বতময় কে মহীকর রোপণ করিতে গিয়াছে? উর্ধ্বাঙ্গ আপনাপন স্থান আপনারা করিয়া লয়। সুদৃঢ় অটালিকার কোন স্থানে একটা অর্থক, বট বা অন্য গাছ রোপণ করিলে কিছুদিন মধ্যেই ইহা কাটিয়া যাইবে—ইহা উদ্ভিদ মূলের কার্য। উদ্ভিদগণ দ্বারা মৃত্তিকার উৎপত্তির যেরূপ সহায়তা হইয়া থাকে, মৃত্তিকা

মধ্যে উদ্ভিজ্জ পদার্থ সংস্থানের ও সেইরূপ সুবিধা হইয়া থাকে।
 মৃত্তিকা মধ্যে উদ্ভিজ্জ পদার্থ ব্যতীত জৈব পদার্থ (Animal
 matters) সমূহ পরিমাণে বর্তমান থাকে। জৈব-
 মৃত্তিকার জৈব-পদার্থ পদার্থ কোথা হইতে আসে, এক্ষণে তাহা দেখা
 যাউক। মৃত্তিকায় উদ্ভিজ্জ পদার্থ সঞ্চিত হইলে
 তাহাতে নানাবিধ ক্ষুদ্র কীট পতঙ্গ জন্মে ও উদ্ভিজ্জ পদার্থে
 জীবনধারণ করে এবং মরিয়া গেলে তাহাদিগের
 দেহাবশিষ্ট মৃত্তিকায় সংযুক্ত হয়। মৃত্তিকায় জৈব পদার্থ সংস্থিত
 হইবার ইহাই প্রধান কারণ। অতঃপর তাবৎ জীবের মৃতদেহ
 ভূমিতে আবহমানকাল হইতে সংরক্ষিত হইয়া আসিতেছে,
 সুতরাং মৃত্তিকায় জৈব পদার্থের অভাব হইবার কোন কারণ
 দেখা যায় না।

মৃত্তিকার কলেবর পুষ্ট ও সাবধান করিবার পক্ষে জীব
 অপেক্ষা উদ্ভিদ দ্বারা অধিক উপকার পাওয়া যায়।
 জৈব ও উদ্ভিজ্জ শতবর্ষজীবী একটি প্রকাণ্ড হস্তী মরিয়া গেলে
 তাহার শুষ্ক দেহ হয়ত এক শত মণ, কিম্বা তজ্জাত
 ওয় একমণ হইতে পারে কিন্তু একশত বর্ষজীবী একটি অগ্রবৃক্ষ
 শুষ্ক হইলে, পত্র, পল্লব, ছাল, মূল প্রভৃতির পরিমাণ পাঁচশত
 মণেরও অধিক হয় এবং তজ্জাত ভস্মের পরিমাণ ন্যূনকরে পাঁচ
 মণ হইতে পারে। এই কারণে মৃত্তিকা মধ্যে স্বভাবতঃ উদ্ভিজ্জ
 পদার্থেরই প্রাধান্য দেখিতে পাওয়া যায়। প্রকৃতপক্ষে উদ্ভিজ্জ
 পদার্থই মৃত্তিকার তাবৎ গুণ বজায় রাখিবার প্রধান উপকরণ
 কিন্তু তাহা হইলেও উভয়বিধ পদার্থ মধ্যেই অনেকটা সামঞ্জস্য
 দেখিতে পাওয়া যায়, সুতরাং কেহই উপেক্ষাযোগ্য নহে।

তৃতীয় অধ্যায়

সৌর-জগৎ-স্থলিত জড়পিণ্ড হইতে পৃথিবীর উৎপত্তি—ইহা

মৃত্তিকাস্তর্গত
ভূত

আমরা অবগত হইয়াছি, কিন্তু উক্ত জড়পিণ্ড মধ্যে
কোন কোন পদার্থ ছিল তাহা এক্ষণে দেখা

উচিত। মৃত্তিকা মধ্যে কোন কোন মৌলিক পদার্থ

অবস্থিত তাহা জানিতে হইলে মৃত্তিকা পরীক্ষা করিতে হয় এবং
মৃত্তিকা পরীক্ষা করিলে, মৃত্তিকামধ্যে যে যে পদার্থ—মৌলিক পদার্থ
(Elementary matters)—বিদ্যমান, তৎসমুদায়ই সেই জলস্ত
পিণ্ডমধ্যে ছিল, তাহা সহজেই বুঝিতে পারা যায়।

মৃত্তিকার তিতি বা কাঠাম, —উত্তম তরল ধাতব ও খনিজ পদার্থ

সম্মত জমাট বা শৈলস্থলিত চূর্ণ। উক্ত চূর্ণ বিবিধ

ভূত সংখ্য। পদার্থ সমন্বিত। আর্ধ্য মনিষী ও মহর্ষিগণ

জানিতেন যে, ক্ষিতি, অপ, তেজ, মরুৎ ও ব্যোম,

—এই পঞ্চভূত দ্বারা পৃথিবী গঠিত।* ইহা বহুকালের কথা।

এক্ষণে পাশ্চাত্য পণ্ডিতগণ বহু গবেষণা ও অনুসন্ধানের পর

স্বির করিয়াছেন যে, পৃথিবী-কাঠাম ৭২টা উপাদান সমাবেশে

সংগঠিত। উক্ত ব্যাপ্তির পদার্থ আর্ধ্য মনিষীগণ দ্বারা আবিষ্কৃত

পঞ্চভূতের অতীত নহে, তবে পঞ্চভূত সংক্ষিপ্ত। কেবলই পঞ্চ-

ভূতের উপর নির্ভর করিলে বড় গোলযোগে পড়িতে হয়।

পঞ্চভূতাস্তর্গত সংযুক্ত পদার্থগণ বিশ্লেষিত হইলে প্রত্যেক ভূত

* (১) ক্ষিতি = ভূমি ; (২) অপ = জল ; (৩) তেজ = অগ্নি ;

(৪) মরুৎ = বায়ু ; (৫) ব্যোম = আকাশ।

হইতে অনেকগুলি মৌলিক পদার্থ পৃথক হইয়া পড়ে, সুতরাং দেখিতে পাওয়া যাইতেছে যে, প্রত্যেক ভূত যুক্ত-পদার্থ। অধুনা যে সকল মৌলিক পদার্থ আবিষ্কৃত হইয়াছে তাহাদিগের সংখ্যা চক্কিশটী মাত্র। অবশিষ্ট আটচক্কিশটী উক্ত চক্কিশটী মূল পদার্থের অকীভূত বা একাধিক পদার্থের সংযোগে উৎপন্ন। প্রথমোক্ত চক্কিশটী পদার্থ সাকার, তুলাধীন, নিরেট ও ব্যাপক। ইহাদিগের কিছুতেই বিনাশ নাই। ভূত বিশেষের সংস্পর্শে আসিলে ইহাদিগের বর্ণ বা আকৃতি পরিবর্তিত হইতে পারে কিন্তু মৌলিকত্ব বিনষ্ট হয় না। পূর্বোক্ত চক্কিশটী ভূত বা মূল পদার্থের নাম নিম্নে লিখিত হইল :—

- | | |
|----------------------------|-----------------------------------|
| (১) অক্সিজেন (Oxygen) | (১৩) হাড়জান (Phosphorus) |
| (২) অক্সারজান (Carbon) | (১৪) লবণ (Chlorine) |
| (৩) জলজান (Hydrogen) | (১৫) বালুকা (Silicon) |
| (৪) সোরাঙ্গান (Nitrogen) | (১৬) পটাস (Potash) |
| (৫) গন্ধক (Sulphur) | (১৭) সোডা (Soda) |
| (৬) লৌহ (Iron) | (১৮) চূণ (Lime) |
| (৭) পারদ (Mercury) | (১৯) ম্যাগ্নেসিয়াম (Magnesium) |
| (৮) তাম্র (Copper) | (২০) অ্যালুমিনিয়াম (Aluminium) |
| (৯) সীসদ (Lead) | (২১) ম্যাঙ্গানিজ (Manganese) |
| (১০) টিন (Tin) | (২২) ক্রোমিয়াম (Chromium) |
| (১১) স্বর্ণ ((Gold) | (২৩) নিক্ল (Nickel) |
| (১২) রৌপ্য (Silver) | (২৪) দস্তা (Zinc) |

উল্লিখিত মৌলিক পদার্থ সমূহ মৃত্তিকার প্রধান উপাদান বা ভিত্তি, কিন্তু সর্বস্থানে উল্লিখিত সকল পদার্থই যে থাকিবে,

তাহার কোন নিশ্চয়তা নাই। কোনস্থানে পদার্থ বিশেষ বহু পরিমাণে সঞ্চিত হইয়া থাকিলে তাহা ধনি নামে অভিহিত হয়। অতঃপর শক্তিকা অগ্নিদগ্ধ হইলে ইহাদিগের মধ্যে জলজান, অগ্নিজান ও অকারজান নামক পদার্থ কয়টি এবং তৎসহ সোরাঙ্গান ও ফস্করস কিয়ৎ পরিমাণে বাষ্পাকারে বায়ুমণ্ডলে গিয়া স্থান পাইয়া থাকে। উহারা পুনরায় বায়ু ও বৃষ্টির সহিত ভূমিতে আসিয়া সংযুক্ত হয়।

উল্লিখিত জড় পদার্থ নিচয়ের প্রত্যেকের মধ্যে এক একটা শক্তি নিহিত থাকে, তাহাকে Force কহে। উহার কোন ভৌতিক শক্তি আকার নাই। স্থূল পদার্থের ক্রিয়া দেখিয়া আমরা তাহার অস্তিত্ব উপলক্ষি করিয়া থাকি। জড় হইতে তাহাকে স্বতন্ত্র করিতে পারা যায় না। উক্ত শক্তি নানা আকারে অবস্থান করিতেছে। এই জড়, জড় পরমাণুগণ কখন সংযুক্ত বা বিযুক্ত, কখন বা উখিত বা পতিত হইতেছে; কখন রসাকার কখন বাষ্পাকার ধারণ করিয়া জগতের নানা কার্য সাধন করিতেছে। আলোক (Heat), উত্তাপ (Light), বিজলী (Electricity), চুম্বকতা (Magnetism), মাধ্যাকর্ষণ (Gravitation), সম-সমাবেশ (Cohesion) দলবদ্ধতা (Crystallisation), সংলগ্নতা, (Adhesion), ঘনিষ্ঠতা (Affinity), দ্রাবক বা রস, (Solution), প্রতিক্ষেপণ (Repulsion), জীবনী (Vitality), প্রভৃতি উক্ত শক্তি হইতে উদ্ভূত হইয়া সংসারের তাবৎ কার্য সমাধা করিতেছে। উক্ত শক্তির প্রচ্ছন্নাবস্থাকে সঞ্চিত বা ভাবী (Potential energy) এবং ক্রিয়াশীল অবস্থাকে প্রকৃত-শক্তি (Actual energy) কহে। উভয়বিধ প্রবল শক্তি সকল জড় মধ্যেই অবস্থান করতঃ

মৃত্তিকার মধ্যে নিরন্তর কার্য করিতেছে। ইহাদিগের ক্রিয়াবশে মৃত্তিকা মধ্যে উদ্ভিদের বর্ধনকারী যে শক্তি উৎপন্ন হয়, তাহাকে উৎপাদিকা-শক্তি কহে। মৃত্তিকার অবস্থা ভেদে উক্ত শক্তি কখন প্রচুর, কখন বা ক্রিয়ালীন অবস্থায় থাকে।

উল্লিখিত চতুর্বিংশতি মৌলিক পদার্থের মধ্যে অঙ্গারজান, অন্নজান, জলজান, সোরাঙ্গান, গন্ধক, হাড়জান ও লবন—অসময় বাহ্যিক পদার্থ মধ্যে গণ্য।

চতুর্থ অধ্যায়

—*.*—

মৃত্তিকাস্তম্ভিত উপাদান সমূহের পরিমাণ ও গুণাগুণ অনুসারে উহা নানা প্রকারের হইয়া থাকে। মৃত্তিকা মৃত্তিকাভেদ মধ্যে যে নানাবিধ উপকরণ আছে, তাহারই ইতন বিশেষে উহা ভিন্ন ভিন্ন নামে অভিহিত হইয়া থাকে। প্রত্যেক প্রকার মৃত্তিকারই গুণ ও শক্তি স্বতন্ত্র। ক্ষেত্র মধ্যে কোন স্থলে দীর্ঘিকা, পুষ্করিণী বা কূপ খনন করিলে দেখিতে পাওয়া যায় যে, মৃত্তিকার বর্ণ সকল স্থানে সমান নহে। কোথাও সাধারণ মৃত্তিকা কৃষ্ণ বর্ণ, কোথাও শ্বেতাভ, কোথাও হরিদাভ আবার কোথাও লালভ বা পাংগু অথবা অন্য প্রকারের হইয়া থাকে।

ভূগর্ভস্থ মৃত্তিকা স্তরে স্তরে সজ্জিত থাকে। পৃথিবীর নিম্ন ভূমি যত ভরাট হইয়া উঠিতেছে, ততই তাহাতে স্তর স্তরের উৎপত্তি পড়িতেছে,—ভূমি উচ্চ হইয়া উঠিতেছে। উচ্চ ও পার্শ্বীয় প্রদেশ হইতে বর্ষাকালের অপরিমিত জল নিম্নতন প্রদেশে আসিয়া পড়ে। বৃষ্টি ও জল প্লাবনে কিছা নদ নদী ভাসিয়া গেলে সরিকটস্থিত গ্রাম নগর প্রাবিত হইয়া যায়। সেই জলের মধ্যে নানা দেশের ও নানা স্থানের নানা-বিধ পদার্থ সংযোজিত হইয়া জলের সচ্ছতা বিদূরিত করে, জল ঘোলা হয়। উক্ত ঘোলা জলের মধ্যে যে সকল পদার্থ ভাসমান থাকে, তাহা ক্রমে ভূমিতে স্থান প্রাপ্ত হয়। ইহাকে পলি কহে। পলি পড়িলে ভূমি যে স্বতঃই উচ্চ হইয়া উঠিবে তাহা বলিবার আবশ্যক নাই। স্বভাবজাত জলের গাছ পাল্লা হইতে নিরন্তর পত্র, ফুল, ফল প্রভৃতি করিতেছে, কত গাছ মরিয়া যাইতেছে। এই সকল জিনিষ স্থানান্তরিত হইতে না পাওয়ার যথাস্থানে থাকিয়া যাইতেছে এবং বিগলিত হইয়া মৃত্তিকার অঙ্গ পুষ্ট করিতেছে,—ভূমিকে উচ্চ করিতেছে। স্তর উৎপত্তির ইহাও একটা কারণ।

ঘোলা জলে যে জাতীয় পদার্থ থাকে, স্তরও তদনুরূপ হয়। ঘোলা জল কখন পাটকিলে বর্ণের, কখন স্বেতাভ স্তরের বর্ণ বা কৃষ্ণাভ হয়। জলে যখন পাটকিলে পদার্থের প্রাধান্য থাকে, তখন সে ঘোলা জলের বর্ণ পাটকিলে হয় এবং তদন্তর্গত পলি যথায় স্থান প্রাপ্ত হয় তথাকার মাটি পাটকিলে বর্ণের হইয়া থাকে, স্তরও সেই বর্ণের হয়। অনন্তর একই ভূগর্ভ মধ্যে ভিন্ন ভিন্ন বর্ণের স্তর দেখা যায়, তাহার

কারণ,—প্রতি বারের স্তর এক প্রকারের হয় না। কোন সময়ে জলের সহিত হয়ত মাত্র বালুকা আসে, কোন সময়ে পাহাড়ী দেশের লাল মাটি, কোন সময়ে অরণ্যের ধোয়াট মশি বর্ণের মাটি আসিয়া পড়ে। জলের সহিত বালুকা রাশি ভাসিয়া আসিলে স্তর বালুকাময় হয় এবং তাহার বর্ণ সাদা হয়। এটেল মাটির পলি হইলে স্তর কৃষ্ণাভ হয়, উদ্ভিদ্ধ প্রধান হইলে মশি বর্ণের হয়,—লৌহ স্কুল হইলে লাল বর্ণের হয়। এইরূপ অপরিষ্কার জলে যে বর্ণের পদার্থ থাকে পলির স্তরও তদনুরূপ হইয়া থাকে।

অপরিষ্কার জলের বর্ণ ভেদে যেরূপ স্তরের বর্ণভেদ হয়.

তদন্তর্গত উপাদান সমূহের তারতম্যে স্তর বিশেষের ^{স্তরের গুণভেদ} মাটির গুণ ভিন্ন হইয়া থাকে। অনেকের এরূপ ধারণা যে, পলি পড়িলেই জমির উর্বরতা বৃদ্ধি পায়, কিন্তু সকল সময় এ বৃদ্ধি খাটে না। পলি দ্বারা অনেক সময় যেমন জমি উর্বর হয়, সেইরূপ অনেক সময় অকর্ষর হইয়া যায়। কোন উর্বর ক্ষেত্রে বালুকার ঘন পলি পড়িলে চিরদিনের জন্য না হইলেও, অন্ততঃ দুই চারি বৎসরের জন্য তাহা অকর্ষণ্য হইয়া পড়ে। নদী গর্ভে অনেক সময় চর পড়ে। বালুকা-প্রধান চর হইলে প্রথম দুই তিন বৎসর প্রায় তাহাতে কোন গাছ পাল্লা জন্মে না। ক্রমে তাহাতে বায়ু সংযোগে নানা জাতীয় পদার্থের ধূলা আসিয়া সঞ্চিত হয়। তখন উহাতে ক্ষুদ্র ক্ষুদ্র ভূগ ও আগাছা জন্মিতে থাকে। অতঃপর তাহারা মরিয়া গেলে তাহাদিগেরই ডাল পাল্লা, পাতা শিকড় প্রভৃতি বালুকার সহিত সংযোজিত হয় এবং পচিয়া গিয়া তাহার সহিত

সম্মিলিত হয়। এইরূপে ক্রমশঃ গাছ পালানো জমিরা সেই বালুকা রাশির প্রকৃতিকে পরিবর্তন করিয়া দেয়, তখন আবার উহা আবাদোপযোগী হয়।

যে স্তরে এটেল-মাটি থাকে, তাহা চটচটে, পিচ্ছিল ও ঘন হইয়া থাকে। দোঁ আঁশ মাটির উপরে এটেল মাটির স্তর পড়িয়া জমির প্রকৃতি পরিবর্তিত হইয়া যায়। পূর্বে উক্ত জমিতে যে ফসল সুচারু রূপে জন্মিত, অতঃপর তাহা হওয়া অসম্ভব। সুতরাং এক্ষণে তাহাতে এক্ষণে ফসলের আবাদ করিতে হইবে যে, তাহার এটেল মাটিরই উপযোগী। আলুর জমিতে এটেল মাটি সঞ্চিত হইলে তাহাতে আর আলু আবাদ করা চলে না, অগত্যা তাহাতে অপর ফসলের আবাদ করিতে হইবে। পৃষ্করিণী খনন কালে প্রায় সকলে পৃষ্করিণীর চারিপাশে মাটি ফেলিয়া থাকেন, ইহাতে অনেক জমির উপকার হয়, আবার অনেক স্থলে ক্ষতি হয়। এইরূপে অনেক উর্বরা ভূমি—ক্ষেত পাথর ও বাগ-বাগিচা—নষ্ট হইয়া গিয়াছে। খোদিত মৃত্তিকার উপাদান ও গুণাগুণের প্রতি লক্ষ্য না রাখিয়া তাহাকে ভূমির মধ্যে নিক্ষিপ্ত হইতে দেওয়া উচিত নহে।

পঞ্চম অধ্যায়



মৃত্তিকার প্রধানতঃ দুইটী জাতীয় পদার্থ দেখিতে পাওয়া যায়—(১) জৈব, (২) অজৈব। যাহাকে মৃত্তিকার উপাদান বলা যায়, তাহা উক্ত দুই জাতীয় পদার্থের সমষ্টি মাত্র। পৃথিবীতে যে কিছু পদার্থ দেখিতে পাওয়া যায়, তৎসমুদায় প্রায় উক্ত দুই জাতীর অন্তর্ভুক্ত। প্রাচীনেরা পৃথিবীর তাবৎ পদার্থকে চেতন, অচেতন ও উদ্ভিদ—এই তিন শ্রেণীতে বিভক্ত করিয়া গিয়াছেন। * ভায়, স্বর্ণ, রৌপ্য, সৌহ, প্রস্তর প্রভৃতি মৌলিক পদার্থকে সহস্রবার দৃষ্টি করিলেও রূপান্তরিত হইতে পারে, কিন্তু কখনও অস্তিত্বশূন্য হয় না। মনুষ্য, পশু, পক্ষী, কীট, পতঙ্গ, তরু, লতা, গুল্ম প্রভৃতি সকলই চেতন ও দাহ্য পদার্থ। ইহাদিগকে দৃষ্টি করিলে দাহ্য অংশ বায়ুগুলে গিয়া আশ্রয় লয়, ভস্মাবশেষ মাত্র পড়িয়া থাকে। উক্ত ভস্মাবশেষ অদাহ্য পদার্থ। যে সকল পদার্থ দাহ্য মধ্যে পরিগণিত, প্রকৃত পক্ষে তাহারা কতকগুলি অদাহ্য ও কতকগুলি বাষ্পীয় পদার্থের সমাবেশে উৎপন্ন, তবে আলোচনার সুবিধার্থ দাহ্য ও অদাহ্য—এই দুইটী শব্দ ব্যবহৃত হইয়া আসিতেছে।

(১) Organic.

(২) Inorganic.

* উদ্ভিদ যে চেতন পদার্থ মধ্যে পরিগণিত তাহা সুবিধাত বৈজ্ঞানিক ভাষায় কখনো কখনো মনুষ্য সহস্রবার সপ্রমাণ করিয়াছেন।

এই যে ক্ষুদ্র বা বৃহৎ পাহাড় পর্বত দেখিতে পাওয়া যাই-
 তেছে, তাহারা প্রতিক্রমেই বায়ু বৃষ্টি শিশির প্রভৃতির
 মৃত্তিকা উদ্ভিদ ক্রিয়া বশে ক্ষয় প্রাপ্ত হইয়া নিম্ন দেশে আসিয়া স্থান
 প্রাপ্ত হইতেছে, ইহা পূর্বেই বলিয়াছি। এই সকল
 চূর্ণ মধ্যে নানা প্রকার ধাতব ও খনিজ পদার্থ অবস্থিত। তৎসহ
 উদ্ভিজ্জ পদার্থও জীবদিগের দেহাবশেষ সম্মিলিত হইলে
 মৃত্তিকা পূর্ণতা প্রাপ্ত হয় এবং তখন হইতে উহা আবাদের উপ-
 যোগী হইয়া থাকে। তবে, সকল স্থানের মৃত্তিকা এক প্রকারের
 নহে। উপকরণের তারতম্যে মৃত্তিকা উত্তম বা অধম হইয়া
 থাকে এবং সেই হেতু মৃত্তিকার প্রকৃতি বহুগুণে পরিবর্তিত
 হইয়া থাকে। এই জন্য কোন স্থানের ভূগর্ভে উত্তাপ অধিক
 আবার কোন স্থানে শৈত্যের প্রাদুর্ভাব।

এইরূপ কোন স্থানের মাটিতে অল্পের প্রার্থনা, আবার কোন
 স্থানে লবণের আভিশয্য দেখিতে পাওয়া যায়। এ সকল বিষয়
 পরীক্ষা দ্বারা জ্ঞাত হওয়া উচিত। পরীক্ষা করিতে হইলে
 স্থানীয় মৃত্তিকা পরীক্ষণীয়। স্থানীয় কোন উদ্ভিদকে অগ্নিতে
 দগ্ধ করিয়া যথা নিয়মে পরীক্ষা করিলে মৃত্তিকার স্বভাব বহু
 পরিমাণে বুঝিতে পারা যায়, কারণ উদ্ভিদ শরীরে যাহা কিছু
 থাকে, তাহার অধিকাংশই মৃত্তিকাজনিত, অবশিষ্ট বায়ুমণ্ডল
 হইতে সংগৃহিত অথবা এতদুভয়বিধ পদার্থের সংমিশ্রণে উৎপন্ন।
 উদ্ভিদগণ নিজ নিজ প্রয়োজনানুসারে মৃত্তিকা হইতে আহার্য
 পদার্থ আহরণ করিয়া থাকে। যেসকল ভিন্ন ভিন্ন উদ্ভিদের ভিন্ন
 ভিন্ন সামগ্রীর প্রয়োজন হয়, সেইরূপ পরিমাণ বিষয়েও কোন
 কোন উদ্ভিদ এক পদার্থ অধিক, কোন উদ্ভিদ অল্প আহরণ

করে। এই কারণে উদ্ভিদ পরীক্ষা করিয়া মৃত্তিকার গঠন, উপাদান বা প্রকৃতি বিষয়ে সম্যক সিদ্ধান্ত কিছু করিতে পারা যায় না।

সাধারণতঃ কৃষিকার্যের জন্য ভূগর্ভ হইতে দুই হাত মাটি ধনন করিয়া দেখিলেই আমাদের কাজ মিটিতে পারে কিন্তু নিম্নগামী দীর্ঘমূল বৃক্ষাদির জন্য অপেক্ষাকৃত অধিক গভীর করিয়া ধনন না করিলে চলে না। অনেক জমির উপরিভাগের মাটি ভাল হইতে পারে, কিন্তু তৎপরিবর্তী স্তরের মাটি অকর্মণ্য হওয়া অসম্ভব নহে। ঈদৃশ জমিকে 'চোরা জমি' কহে। এই জন্য মৃত্তিকা বিশেষের উপযোগী ফসল নির্বাচন কিম্বা ফসলের উপযোগী জমি নির্বাচন করা উচিত। এই সূত্রটি বিশেষরূপে স্মরণ রাখিতে হইবে, নতুবা কার্যকালে ব্যর্থমনোরথ হইতে হয়,—অবশেষে উৎসাহ ভঙ্গ হয়। বালুকা-প্রধান মাটিতে পটোলের আবাদ করিতে হয়, কিন্তু তাহাকে এঁটেল মাটিতে পুতিলে কিছুই হইবে না। ইক্ষুকে পটোলের ক্ষেতে রোপণ করিলে আশানুরূপ ফল পাওয়া যায় না। এই জন্য নিজের আয়ত্বাধীন জমির প্রকৃতি অনুসারে ফসল নির্বাচন করা কিম্বা সঙ্কলিত ফসলের উপযোগী জমি গ্রহণ করা আবশ্যিক। প্রয়োজনানুসারে জমিকে সম্পূর্ণরূপে সংস্কার করিয়া লওয়া বড় ব্যয়সম্ভব ব্যাপার, সুতরাং স্থান নির্বাচন বা ফসল নির্বাচন সুবিধাজনক, কিন্তু তাহা করিবার পূর্বে, কোন মৃত্তিকার কি রূপ প্রকৃতি, কোন মৃত্তিকা কি কি উপাদানে সংগঠিত, ইত্যাদি বিষয় প্রতি বিশেষ লক্ষ্য রাখা আবশ্যিক।

ষষ্ঠ অধ্যায়

মৃত্তিকা মধ্যে প্রধানতঃ চারিটা মূল পদার্থ দেখিতে পাওয়া যায়। উক্ত চারিটা পদার্থের নাম (১) কর্দম (clay), (২) বালুকা (sand) (৩) চূণ (Lime), ও (৪) দাহ পদার্থ (humus or organic ingredient)। উক্ত চারি পদার্থের সম্মিলনজনিত মূল পদার্থকে মৃত্তিকা কহে। উক্ত পদার্থ চতুষ্ঠয় বে সমভাগে মৃত্তিকায় অবস্থিত তাহা নহে। কোন পদার্থ অধিক, আবার কোন পদার্থ অল্প পরিমাণে থাকে। পদার্থ নিচয়ের পরিমাত্মসারে মৃত্তিকার জাতিভেদ ও নামকরণ হইয়া থাকে। যে মৃত্তিকায় কর্দমের ভাগ অধিক তাহা কর্দম জাতির, বাহাতে বালুকার ভাগ অধিক তাহা বালুকা জাতীর, বাহার মধ্যে চূণের ভাগ অধিক তাহা চূণ-প্রধান এবং বাহাতে দাহ পদার্থের অংশ অধিক তাহা দাহ মূল বা হালুকা মাটি নামে অভিহিত। উল্লিখিত জাতি চতুষ্ঠয় ব্যতীত মৃত্তিকা মধ্যে আরও দুইটা অদাহ পদার্থ আছে,— পটাস (Potash) ও ফস্ফরিক অ্যাসিড (Phosphoric Acid)। উক্ত দুইটা পদার্থ উর্বরতা গুণের মূল, কিন্তু মৃত্তিকামধ্যে উহাদিগের পরিমাণ অল্প, একন্য উহাদিগের অল্পতা বা আধিক্য হেতু মৃত্তিকার জাতিভেদ বা নামান্তর হয় না। এক্ষণে উক্ত পদার্থ কয়টাকে স্বতন্ত্র ভাবে আলোচনা করিব।

প্রথমেই কর্দমের নামোল্লেখ করা গিয়াছে। মাটির সহিত জল মিশ্রিত হইয়া কাদা উৎপন্ন হয়। ঘাটে, মাঠে বাতু চূর্ণ সর্বত্রই প্রায় তাহা দেখিতে পাই। বিশুদ্ধ ভাষায় তাহাকে কর্দম বলা যায়, কিন্তু এ স্থলে কর্দমের সে অর্থ নহে। কর্দম,—মৃত্তিকার একটা প্রধান উপাদান এবং তাহা ধাতব স্বল্প পদার্থ। সিন্ধাবহায় তাহা এত ঘনীভূত থাকে যে, তদন্তর্গত পরমাণু রাশিকে পৃথক করিতে পারা যায় না। সিন্ধু কর্দম অতিশয় কোমল ও পিচ্ছিল। পরমাণু সমূহের সূক্ষতা, আণবিক আকর্ষণ (Molecular attraction) ও আটালতা হেতু পরমাণু সমূহ পরস্পরে অতি ঘনভাবে সংলগ্ন থাকে, তন্নিবন্ধন অধিক রস ধারণে সক্ষম, কিন্তু ঘন সংলগ্নতাবশতঃ তাহাতে জল শোষিত হইতে কালবিলম্ব হয়। আটাল মাটিতে জল শোষিত হইতে একদিকে যেমন বিলম্ব হয়, অন্যদিকে জল শুকাইতেও বিলম্ব হয়। ঈদৃশ মৃত্তিকায় কৃষিকারগণ নানাবিধ সাংসারিক নিত্য প্রয়োজনীয় দ্রব্য নির্মাণ করিয়া থাকে। হাঁড়ি, কলসী, সরি, খুরী, ভাঁড়, নানাবিধ পুতুল, খেলনা প্রভৃতি নির্মাণ করিয়া কৃষিকার আমাদিগের নানা অভাব মোচন করিতেছে।—আমরা যে হাঁড়ি, কলসী প্রভৃতি দেখিতে পাই বা ব্যবহার করি, তাহা নানা বর্ণের হইয়া থাকে, তাহার কারণ এই যে—পূর্বে বলিয়াছি—মাটি নানা বর্ণের হইয়া থাকে। শৈলাঙ্গ স্বলিত পদার্থ মৃত্তিকার ভিত্তি স্মরণ্য যে বর্ণের পাহাড় হইতে চূর্ণ স্বলিত হইয়া কর্দমে পরিণত হয়, কর্দম সেই বর্ণেরই হইয়া থাকে। কৃষ্ণ পর্বতস্বলিত পরমাণু সমূহ কৃষ্ণ বর্ণেরই হইবে। এইরূপ লাল বা পাটকিলে বর্ণ

বিশিষ্ট পরমাণু তদনুরূপই হইবে। সচরাচর লাল বা পাটকিলে বর্ণেরই তৈজস পত্র দেখা যায়। কর্দম বা এঁটেল মৃত্তিকায় কোন উদ্ভিদ জন্মিতে পারে না। উহার ঘনতা ও দৃঢ়তা এত অধিক যে, উদ্ভিদের মূল তাহা ভেদ করিতে পারে না। যত রসের অভাব হইতে থাকে, তত উহা দৃঢ় হয় ও চাপ বাধিতে থাকে ; শুষ্ক হইলে ফাটিয়া যায় ও সমধিক কঠিন হয়। কোন এলো বা বুয়া মাটিকে সম্বন্ধ করিতে হইলে কিম্বা অবয়ব প্রদান করিতে হইলে তাহার সহিত অল্পাধিক কর্দম মিশ্রিত করিলে সে ফল পাওয়া যায়। অর্ধবিদগ্ধ কর্দম চূর্ণ করতঃ ক্ষেত্রে প্রসারিত করিয়া দিলে ভূমির উর্বরতা অতিশয় বৃদ্ধি পাইয়া থাকে। ইষ্টক পুড়াইবার নিমিত্ত যে প্রকারে পাঁজা নির্মিত হইয়া থাকে, কর্দমকে স্তরে স্তরে সেইরূপে সাজাইয়া পোড়াইতে হয়। অতঃপর সেই বিদগ্ধ পদার্থকে উত্তমরূপে চূর্ণ করিয়া ক্ষেত্রে প্রসারিত করিতে হয়। বিদগ্ধ হইলে মৃত্তিকার শোষকতা বৃদ্ধি পায়। এই কারণে দগ্ধ-মাটি বৃষ্টির জল হইতে সমূহ পরিমাণে অ্যামোনিয়া (Ammonia) নামক বাষ্পীয় পদার্থ শোষণ করিতে পারে এবং ভাবী উদ্ভিদগণের ব্যবহারের জন্য ধারণ করিয়া রাখিতে সক্ষম হয়।

বালুকা—প্রস্তরজাত চূর্ণ পদার্থ। কর্দমের দানা অপেক্ষা

ইহার দানা স্থূল ও ভারী। বালুকার যোজন্য

বালুকা শক্তি নাই সকল দানাই পৃথক,—কেহ কাহারও

সহিত সম্বন্ধ হইতে পারে না। বালুকায় ভূমি

উত্তাপ প্রতিক্ষেপক। বালুকা কণা সমূহের উত্তাপ-শোষণ-শক্তি

না থাকায় উত্তাপ আহরণ করিতে পারে না। এই

জল রৌদ্রের সময় বালুকা এত শীঘ্র উত্তপ্ত হইয়া উঠে। বালুকার রস-শোষণতা আছে, কিন্তু ধারকতা (Power of retention) নাই। বালুকা স্তূপে জল পতিত হইবামাত্রই শোষিত হইয়া যায়, কিন্তু সে জল পরমাণু পরম্পরের মধ্যস্থিত ছিদ্রপথ বাহিয়া নিম্নভাগে চলিয়া যায়, পরমাণু সমূহ সে জল আদৌ ধারণ করিতে পারেনা।—এই হেতু বালুকা ভূমি নীরস। পরমাণু সমূহ যত স্থূল হয়, জল তত শীঘ্র ভূগর্ভ মধ্যে নামিয়া যায়। চট্টচটে ও আটাল মাটিকে হালকা করিবার জন্য মৃত্তিকা মধ্যে বালুকার অবস্থিতি। আটাল মাটিতে জল, রৌদ্র বা বায়ু সহজে ও শীঘ্র প্রবেশ করিতে পারে না। মুসলধারায় বৃষ্টি হইলে আটাল মাটির মধ্যে অধিক জল প্রবৃষ্ট হয় না, কিন্তু বালুকা ভূমির দানা স্থূল বলিয়া তাহার ছিদ্রপথ (Capillary tubes) স্থূল হয়। এইজন্য জল পড়িবামাত্রই ভূমির মধ্যে প্রবেশ করিবার অবাধ পথ পায়, কিন্তু দানা সমূহের ধারকতা অভাবে মাটি অধিকক্ষণ সিক্ত থাকিতে পারেনা। সকল মৃত্তিকারই—উপকরণের ভারতম্যতা হেতু—ধারকতার ইতরবিশেষ হইয়া থাকে। মৃত্তিকার ধারকতা পরীক্ষা করিতে হইলে, কোন স্থানে অগ্নাধিক মৃত্তিকার স্তূপ করতঃ তাহার মধ্যস্থলে একটী গর্ত করিয়া ধীরে ধীরে জল ঢালিতে হয়। এইরূপে জল ঢালিতে ঢালিতে ক্ষণ কাল পরে দেখা যাইবে যে, স্তূপের সর্ব নিম্নভাগ দিয়া জল বাহির হইতেছে। যতক্ষণ শোষণ করিবার শক্তি থাকে, ততক্ষণ তাহা হইতে জল চূড়ান্ত বাহির হয় না। অতঃপর জলের অতিরিক্তাংশ তলদেশ দিয়া বিহির্গত হইয়া যায়। ভিন্ন ভিন্ন প্রকৃতির নির্দিষ্ট পরিমাণ

মৃত্তিকায় জল চালিলে বুঝিতে পারা যায় যে, কোন মৃত্তিকার জল ধারণ করিবার শক্তি কত? ইহা হইতে মৃত্তিকার শোষণ শক্তি কিরূপ—তাহাও বুঝিতে পারা যায়। যে মাটি শীঘ্র শোষণ করিতে পারে, তাহার দানা ও ছিদ্রপথ—স্থূল, মাঝারি যে মাটিতে জল শোষিত হইতে বহু বিলম্ব হয়, তাহার কণা সূক্ষ্ম, ছিদ্রপথ ও সূক্ষ্ম—ইহাই বুঝিতে হইবে। বালুকা কণার শোষণ শক্তি নাই, কিন্তু বালুকা স্তূপের শোষণ শক্তি আছে, কিন্তু এই যে শক্তি, তাহা কেবল জলকে একদিক দিয়া লইয়া অপর দিক দিয়া বাহির করিয়া দিবার নিমিত্ত ভিন্ন আর কিছু নহে। প্রকৃতপক্ষে উহা শক্তি নহে।

বাস্তবিক যাহা মৃত্তিকা নামে অভিহিত, তাহা যে জাতির হউক তাহাতে কর্দম ও বালুকার অংশ অল্প বা অধিক মৃত্তিকার ভিত্তি পরিমাণে থাকিবে, কারণ উক্ত দুইটা সামগ্রীই মৃত্তিকার প্রধান উপাদান ও ভিত্তি। এক্ষণে উহাতে নানাবিধ পদার্থ সংযোজিত হইলে উর্বরতা প্রতিষ্ঠিত হয়।

বেলে-জমি বলিলে তাৎপৰ্য্য বেলে-জমি যে এক প্রকারের হইবে, তাহা নহে। বালুকা পরমাণুর স্থূলতা বা সূক্ষ্মতাসুসারে বেলে-জমি বিভিন্ন প্রকারের হইয়া থাকে। বালুকা পরমাণুকে আকার ভেদে স্থূল, মাঝারি ও সূক্ষ্ম—তিন শ্রেণীতে বিভক্ত করিলে তিন প্রকারের-বেলে জমি আমরা দেখিতে পাই। অতএব তিন প্রকার বেলে জমির গুণও স্বতন্ত্র হইয়া থাকে। স্থূল দানাজনিত বেলে-মাটিতে কূপ বা ছিদ্র (Pores) সংখ্যা অল্প, এক্ষণে অধিক পরিমাণে সস শোষণ করিতে পারে না, কিন্তু ছিদ্র

ও ছিদ্রপথ সমূহ স্থূল বলিয়া শীঘ্র শোষণ করিতে সক্ষম। তাহাতে জল পড়িলে তৎক্ষণাৎ শোষিত হইয়া নিম্নদেশে চলিয়া যায় এবং যে সামান্য জল পরমাণুতে লাগিয়া থাকে তাহাও বায়ু ও রৌদ্রে শুকাইয়া যায়। এত শীঘ্র শুষ্ক হইবার কারণও সেই কূপের ও ছিদ্রপথের স্থূলতা। হুগলী জেলায় মগরায় যে ঈষৎ হরিদ্রাবর্ণের মোটা-দানা-বালুকা পাওয়া যায়, তাহা এই শ্রেণীর বালি। ইহা 'মগরার বালি' নামে অভিহিত এবং প্রতিদিন নৌকা বোঝাই হইয়া কলিকাতা চালান হইয়া থাকে। কলিকাতা অঞ্চলে এই বালি দ্বারা ঘর বাড়ী পলস্তরা (plaster) করা হইয়া থাকে। কৃষিকার্যের পক্ষে ইহা নিকৃষ্ট শ্রেণীর বালি। অতঃপর—

সূক্ষ্ম-পরমাণুজনিত বেলে-জমি দানার সূক্ষ্মতাবশতঃ অধিক জল শোষণ করিতে পারে, কিন্তু শোষণ করিতে অপেক্ষাকৃত কালবিলম্ব হয়। পরমাণুর সূক্ষ্মতা হেতু কূপ ও ছিদ্রপথের সংখ্যা অধিক হয়, তন্নিবন্ধন অধিক রস শোষিত হইবার পথ থাকে, কিন্তু তৎসমুদায় সূক্ষ্ম বলিয়া জল অল্পে অল্পে ভূগর্ভমধ্যে নামিতে থাকে। শোষণে বিলম্ব হইবার ইহাই কারণ। বেলে মাটির মধ্যে ইহা অনেক ফসলের আবাদোপযোগী। জঁদূশ জমিতে অপেক্ষাকৃত অধিকরূপ রস থাকে। ইহাতে সুটি, কাঁকুড়, তর-মুজ, কেঁড়ো, পটোল, বক্রা, ছুট্টা প্রভৃতির আবাদ হইতে পারে।

সাকারি বেলে-মাটির দানা সাকারি আকারের হয়, সুতরাং তাহার শোষকতা এতদুভয়ের মধ্যবর্তী। নদী সৈকতে ও চরে এই প্রকারের জমি প্রভূত পরিমাণে দেখা যায়। ইহাতে উদ্ভিদ পদার্থের সমাবেশ হইলে আবাদের উপযোগী হয়।

কেবল বালুতে কোন গাছ দাঁচিতে পারে না, তবে গাছ জন্মিয়া শিকড় নিম্নস্তরে পৌছিলে, তখন আর আশঙ্কা থাকে না।

মৃত্তিকার তৃতীয় ও বিশেষ প্রয়োজনীয় উপাদান—চূণ।

সচরাচর সকল মৃত্তিকা মধ্যেই প্রায় চূণ থাকিতে দেখা যায়, কিন্তু তাহার পরিমাণ অতি সামান্য হইলেও মৃত্তিকা মধ্যে তাহার কার্যকারিতা বিশ্লেষণ না করিলে উপলক্ষি হয় না। ভূগর্ভমধ্যে নানাবিধ পদার্থের যেরূপ স্তর থাকে, চূণ-সকুল পদার্থেরও সেইরূপ থাকে চূণ প্রধান মাটি দ্বারা উদ্ভিদের বৃদ্ধি ও পরিপুষ্টির ব্যাঘাত ঘটয়া থাকে। যে জমিতে চূণের অভাব বা অল্পতা অনুভূত হয়, কিম্বা যাহার উর্বরতা হ্রাস প্রাপ্ত হইয়াছে, তাহাতে চূণ সংযোজিত হইলে মৃত্তিকার দোষ কাটিয়া যায়, মৃত্তিকামধ্যে আবার উর্বরতার আবির্ভাব হয়।

উল্লিখিত তিনটি বিশেষ বিশেষ উপাদান সত্ত্বেও উদ্ভিজ্জ বা

জৈব পদার্থ না থাকিলে কোন মৃত্তিকাকে পূর্ণ

উদ্ভিজ্জ বলিতে পারা যায় না। ইহারই সংযোগে মৃত্তিকার

উর্বরতা পরিচালিত হইয়া থাকে। পৃথিবীতে যত

গাছপালা ও জীব জন্মগ্রহণ করে তৎসমুদায়ই সান্ধ্য বা পরোক্ষ

ভাবে অবশেষে মৃত্তিকার সহিত সন্মিলিত হয়। মৃত্তিকামধ্যে

এইরূপে দাহ্য পদার্থের সমাবেশ হইয়া থাকে। উক্ত পদার্থ

যাবৎ না অগ্নি সংযোগে ভয়ে পরিণত হয়, তাবৎ উহা ঘন (Solid

বা inorganic) ও লবু পদার্থ (organic) সমন্বিত থাকে।

উক্ত পদার্থ দাহ্য নামে অভিহিত হইলেও উহার অন্তর্গত

তাবৎ পদার্থ দাহ্য নহে। তাবৎ পদার্থ দাহ্য হইলে তাহার

অবশিষ্ট কিছুই থাকিত না। বৃক্ষ, লতা, ফল, ফুল, পত্র হইতে

জীব শরীরের সকল অংশই দক্ষীভূত হইলে তাহার কিয়দংশ ভঙ্গরূপে অবশিষ্ট থাকে। উক্ত ভঙ্গাবশিষ্ট পদার্থও ঘন পদার্থের সামিল। এজন্য তাহাকে জৈব বা দাহ্য পদার্থ (inorganic) না বলিয়া যুক্ত পদার্থ (combined matter) বলিলে ক্ষতি হয় না। বাহ্য হটক, জীব ও উদ্ভিদ মরিয়া মৃত্তিকায় অঙ্গ পুষ্ট করে— ইহা সহজেই বুঝিতে পারা যায়। উদ্ভিদ বা জীবদেহকে বিশ্লেষণ করিলে তন্মধ্যে নানাবিধ লবণ, ক্ষার, সোডা, পটাশ, চূণ, ম্যাগনেসিয়া, লৌহ, বালুকা, স্যালুমিনা, ফস্ফরিক-এসিড, কার্বনিক-স্যালিসিড, সল্ফিউরিক-স্যালিসিড প্রভৃতি নানাবিধ পদার্থ পাওয়া যায়। এতদ্ব্যতীত যবক্ষারজান নামক বাষ্পীয় পদার্থ পাওয়া গিয়া থাকে। সকল জৈব পদার্থ মধ্যে যে উল্লিখিত পদার্থ নিচয়ের সমাবেশ থাকে কিম্বা সম পরিমাণে বর্তমান থাকে, তাহা নহে। যে উদ্ভিদ বা যে প্রাণী যে যে জিনিষ, এবং যে জিনিষের যে পরিমাণ আহরণ করে উদ্ভিদ বা প্রাণী দেহে সেই সেই দ্রব্য সেই অনুপাত মত প্রাপ্ত হওয়া যায়। উল্লিখিত কতকগুলি পদার্থ স্বভাবতঃ মৃত্তিকা মধ্যে বর্তমান, আবার কোন কোন পদার্থ বায়ুমণ্ডল হইতে আহরিত হইয়া শরীর মধ্যে প্রবেশলাভ করতঃ রূপান্তর প্রাপ্ত হয়। মৃত্তিকাস্তর্গত যবক্ষারজান (Nitrogen) বায়ুমণ্ডলেরই নামগ্রী। বাটির মধ্যে যে এক জাতীয় উদ্ভিদানু (Bacteria) থাকে, তাহারাই বায়ুমণ্ডল হইতে নাইট্রোজেন আহরণ করিয়া মৃত্তিকায় সঞ্চিত করে। অতঃপর কষিত ভূমির মধ্যে বায়ু সংযোগেও নাইট্রোজেন প্রবেশ করিয়া থাকে। এতদ্ব্যতীত বৃষ্টির সময় বায়ুমণ্ডলস্থ নাইট্রোজেন নাইট্রিক-স্যালিসিড ও স্যালোমোনিয়া রূপে

ভূমিতে আসিয়া পড়ে। অনেকে উদ্ভিজ্জ পদার্থকে হিউমস (Humus) নামে অভিহিত করেন। প্রকৃত পক্ষে উদ্ভিজ্জ পদার্থ (Vegetable Mould) ও হিউমস—দুইটি স্বতন্ত্র জিনিস। যেখানে উদ্ভিজ্জ পদার্থ সেইখানে হিউমস,—ইহা ঠিক, কিন্তু যেখানে হিউমস সেইখানেই উদ্ভিজ্জ পদার্থ—এরূপ বলা যাইতে পারে না। অক্সিজেন (Oxygen) জলজান (Hydrogen) ও নাইট্রোজেন (Nitrogen)—এই তিনটি বাষ্পীয় পদার্থের সমাবেশ ফলে ‘হিউমস’ নামক পদার্থের উৎপত্তি। উক্ত তিনটি পদার্থ বায়ুমণ্ডলের জিনিস। ভূমি যত উর্বরা হয়, তাহাতে তত অধিক হিউমস সঞ্চিত হয়। ভূমির উর্বরতা ফলে ক্ষেত্রস্থ ফসল বা বৃক্ষগণ বিস্তৃত ও তেজাল হয়—বহু শাখা ও পত্র সম্বলিত হয়, সুতরাং ফসল মধ্যে বহু পরিমাণে হিউমস সঞ্চিত হয়। সেই সকল হিউমস পূর্ণ পত্রাদি মৃত্তিকায় স্থান পাইলে স্বতঃই তাহা সারবান হইয়া থাকে। তবে ইহা অবশ্যই স্বীকার্য যে, উদ্ভিদগণ হিউমসের আধার। সুতরাং আধারের ব্যাপ্তি যত অধিক হইবে ততই তাহাতে অধিক হিউমসের সঞ্চয়ন হইবে। এই জন্য উদ্ভিদ যাহাতে কাড়াল ও পরিপুষ্ট হয়, তাহা যতই সর্বদা সচেষ্ট থাকি উচিত এবং তাহা হইলেই ভূমিতে হিউমসের সঞ্চয় হইবে, মৃত্তিকার উৎপাদিকা শক্তি বৃদ্ধি পাইবে যাহা হউক উদ্ভিজ্জ পদার্থ না থাকিলে মৃত্তিকা অসম্পূর্ণ থাকিয়া যায়, মৃত্তিকার স্থিতিস্থাপকতা লোপ পায়, ছিদ্রপথ অবরুদ্ধ হয় এবং মৃত্তিকার শোষণ ও ধারণ শক্তির অভাব হয়। ক্ষেত্রে যতই উদ্ভিজ্জ পদার্থের সমাবেশ করিতে পারা যায়, তত তাহার প্রকৃতির পরিবর্তন হয়, এবং উর্বরতা বৃদ্ধি পায়।

ক্ষেত্রজাত বন জঙ্গল বা ফসলের অবশিষ্টাংশ—পত্র, ফুল প্রভৃতি কিছুতে নষ্ট না করিয়া ভূমিতে সংযুক্ত করিয়া দিবার চেষ্টা করা উচিত।

সপ্তম অধ্যায়।

যে চারিটি প্রধান প্রধান স্থূল পদার্থের সমাবেশে মৃত্তিকার উপাদানের ইতর বিশেষ উৎপত্তি তাহা পূর্বোধ্যায়ের আলোচিত হইয়াছে। তাহাদিগের প্রত্যেকের পরিমাণানুসারে মৃত্তিকাগুণের ইতরবিশেষ হইয়া থাকে, বৃষ্টি, খড়ি, মার্শ (Marl) মর্শার জিপসম (Gypsum) প্রভৃতি চূণময় প্রস্তর। উহাদিগকে অগ্নিদগ্ন করিলে চূণ উৎপন্ন হইয়া থাকে। এতদ্ব্যতীত শঙ্কু পোড়াইলেও চূণ উৎপন্ন হয়। বাব-তীয় জীব শরীর মধ্যস্থিত অস্থি এবং মৎস্যের কাঁটা দগ্ন করিলে অস্বাভিক পরিমাণে চূণ প্রাপ্ত হওয়া যায়। উস্তিদ ঘষেও চূণের অস্তিত্ব দেখা যায়।

কর্দম বা এঁটেল মাটি ও বালুকা মধ্যে গুণাগুণ বিষয়ে পরস্পরের যে বৈষম্য আছে, তাহাকে সামঞ্জস্য করিবার জন্য মৃত্তিকা মধ্যে চূণ থাকা প্রয়োজন। চূণ নিজ শক্তিমত রস শোষণ ও ধারণ করিতে সক্ষম এবং উল্লিখিত দুইটা ঘন বা নীরেট (Solid) পদার্থকে একবারে জমাট বাঁধিতে না দিয়া পরস্পরকে

পৃথক রাখিয়া স্বীয় শক্তি সংযোগে কার্য্য করাইয়ালয় এবং ক্রমশঃ তাহাদিগের স্থূলতা হ্রাস করিয়া উদ্ভিদ শরীরে প্রেরণ করিয়া থাকে। জৈব ক্রিয়াশীলতা নিবন্ধন চূর্ণ আপন কলেবরও ক্ষয় করিয়া উহাদিগের সহিত ঘনিষ্ঠরূপে মিশিয়া যায়। চূর্ণের এই সকল গুণ আছে বলিয়া ঘন ও আটাল মাটিতে বিবেচনা মত চূর্ণ মিশাইয়া দিলে উক্ত মৃত্তিকার স্বাভাবিক ঘনতা বিদূরিত হয়, মৃত্তিকা লঘু হয়, ফলত তাহাতে জল, বায়ু ও উত্তাপ প্রবেশের দ্বার মুক্ত হয়। জমিতে নিরন্তর কত জিনিস সংযোজিত হইতেছে, কত উদ্ভিজ্জ পদার্থ, কত মৃত জীব দেহ ও কত উচ্ছিষ্ট মিলিত হইতেছে! এত নিবন্ধন মৃত্তিকায় নানা জাতীয় অন্ন প্রতিদিন সন্নিবিষ্ট হইতেছে। উক্ত অন্নজ পদার্থের বিনাশ সাধন করিবার জন্য কিছা তাহাদিগকে সংকুত করিয়া উদ্ভিদের ব্যবহারোপযোগী করিবার জন্য মৃত্তিকা মধ্যে চূর্ণ থাকা বিশেষ প্রয়োজন। চূর্ণহীন জমি প্রায় অল্পময় হয় এবং অগ্নাধিক্য হেতু তাহাতে উদ্ভিদ জন্মিতে পারে না। আটালমাটি, বেলেমাটি, দো-আঁশ বা ফাঁস-মাটি, হুধে-আটল প্রভৃতি যত প্রকার মাটি আছে চারিটা পদার্থের সংযোগে তৎসমুদায় উৎপন্ন তাহাদিগের প্রত্যেকের যথার্থ পরিমাণের সন্নিধান। ফলে মৃত্তিকার জাতিগত নামকরণ হইয়া থাকে। কোন মৃত্তিকায় কন্দমের, কোন মৃত্তিকায় বালুকার, কোন মৃত্তিকায় চূর্ণের, আবার কোন মৃত্তিকায় জৈব পদার্থের ভাগ অল্প বা অধিক থাকে। যে মাটিতে যে পদার্থের প্রাধান্য থাকে, তদানুসারেই তাহাকে অভিহিত করিতে হয়। কদম-প্রধান মাটির আটালতা অধিক, এ জন্য উহা আটাল-মাটি; বালুকা প্রধান

মাটির নাম বেলে-মাটি; এইরূপ উপাদান বিশেষের আধিক্য দেখিয়াই মৃত্তিকা বিশেষকে বিশেষ নামে অভিধান করিতে হয়।

প্রধান উপাদান চতুর্থের মধ্যে মৃত্তিকার কোন একটীর
 উপাদানের
 সামঞ্জস্যতা
 অভাব বা অল্পতা পরিদৃষ্ট হইলে বুঝিতে হইবে যে,
 অপর একটা, দুইটা বা তিনটার পরিমাণ অধিক
 আছে। এই অবিচ্ছিন্ন ফল রাশিকে ইংরাজিতে

Law of Minimum কহে। ইহা গণিত শাস্ত্রানুযায়িত
 সূত্র। ইহার সত্যতা বিষয়ে সন্দেহ করিবার উপায় নাই।
 আবশ্যকীয় যে কয়টা উপাদানের পরিমাণ যথার্থ থাকা আব-
 শ্যক কিন্তু তাহা না থাকিলে, সমষ্টির পূর্ণতা হেতু অবশিষ্ট করেকের
 আধিক্য নিশ্চয়ই দেখিতে পাওয়া যাইবে। সকল জমিতেই এক
 বা একাধিক পদার্থের যেরূপ আধিক্য পরিলক্ষিত হয়,
 সেইরূপ সূন্যতা থাকাও অবশ্যস্তাবী। এই সূন্যতাই তাবৎ ফসল
 নিয়ন্ত্রিত হইয়া থাকে। ক্ষেত্রে ফসল উৎপন্ন হইলে তাহার
 পুষ্টি ও পালনের জন্ত মাটিতে যে যে পদার্থ থাকা আবশ্যক
 তাহা না থাকিলে সেই সেই পদার্থকে স্থানান্তর হইতে
 আনিয়া মৃত্তিকার সেই অভাব পূরণ করিতে হয়। সুপ্রসিদ্ধ
 জার্মান রাসায়নিক লাইবিস্ Baron von Liebig সাহেব উক্ত
 সূত্রের উপর ভিত্তি করিয়া উক্ত মত প্রচার করিয়া
 গিয়াছেন।

উপাদান ভেদে মৃত্তিকার গুণ ও ক্রিয়াশীলতার ভারতম্য
 হইয়া থাকে এবং উদ্ভিদ শরীরে তাহার কণ পরিলক্ষিত হয়।
 উপাদান বিভিন্নতা হেতু কোন জমি রসহীন ও উত্তাপ-বিক্ষেপক,
 কোন জমি সরস ও উত্তাপশোষক হইয়া থাকে; আবার কোন

জমি সামান্য রসের অভাবে একবারে শুষ্ক ও হীনশক্তি হইয়া পড়ে। অনন্তর কোন জমি, বারোমাসই যথা পরিমাণ রস-ধারণক্ষম বলিয়া বৎসরের পর বৎসর সুন্দর ফসল প্রদান করে। অনেক জমি সামান্য বারিপাত হইলেই এমন পিচ্ছিল ও আটাল-বৎ হইয়া যায় যে, তাহা কিছু দিনের জন্য অর্থাৎ যাবৎ উত্তমরূপে না শুষ্ক হয়,—একবারে অকর্মণ্য হইয়া থাকে। কোন কোন জমি মৃষ্টির পরেও অধিক দিন সিক্ত থাকে এবং সেই রস শুকাইবার পূর্বেই হয়ত আবহাওয়া পরিবর্তিত হইয়া যায়। এরূপ হইলে ফসলের বপন রোপণাদি কার্যের অনেক বিলম্ব হইয়া যায়, তন্নিবন্ধন আশানুরূপ ফসল পাওয়া যায় না। অনেকের ভাগ্যে এরূপ অনেক সময় ঘটে যে, ক্ষেতের জল শুষ্ক হইবার জন্য পাঁচ সাত দশদিনের জন্য অপেক্ষা করিতে হয়। চাষ আবাদ কার্যে এই কয়দিন সময় নষ্ট হওয়া বড় কম কথা নহে।

আলোচিত পদার্থ চতুষ্টয়ের পরিমাণানুসারে স্ফুল্কার

সাহেবের মতে মৃত্তিকার প্রধানতঃ আটটি শ্রেণী

মৃত্তিকা
নির্দেশ

দেখিতে পাওয়া যায় এবং প্রত্যেক শ্রেণীকেই তিনি

ছইভাগে বিভক্ত করিয়াছেন। অনন্তর প্রত্যেক বিভাগ

তিন উপবিভাগে বিভক্ত হইয়া এ পর্যন্ত মোটের উপর অষ্টচত্বারিংশ

প্রকারের মৃত্তিকা নির্ণিত হইয়াছে। সুপ্রসিদ্ধ জর্মান কৃষিতত্ত্ববিদ

স্ফুল্কার সাহেবের শ্রেণী বিভাগানুসারে তাহার প্রত্যেক প্রকারের

সংক্ষিপ্ত আলোচনা করিতেছি। প্রথমতঃ আটটি প্রধান শ্রেণীর

নাম দেখা যায়ঃ—(১) আটাল-মাটি, (২) দোয়াঁশ, (৩)

বেলে-দোয়াঁশ, (৪) এঁশো বালি, (৫) বেলে-মাটি, (৬)

চূপ-মধ্যম, (৭) কষা মাটি ; (৮) বোদমাটি বা হিমউস্।

বলা বাহুল্য যে পদার্থ বিশেষের আধিক্যের উপর দৃষ্টি রাখিয়া মৃত্তিকার শ্রেণী-বিভাগ হইয়াছে।

(১) যে মাটি অঁটাল ও চট্চটে তাহাকে অঁটাল মাটি কহে। জৈদৃশ মাটিতে অ্যালুমিনা (alumina) নামক স্বেত দাতব চূর্ণের প্রাধান্য দেখিতে পাওয়া যায়। অঁটাল মৃত্তিকায় ৫০ ভাগের অধিক উক্ত পদার্থ থাকে। চূর্ণের পরিমাণ ভেদে উক্ত মৃত্তিকা দুই প্রকারের হইয়া থাকে। শতভাগ মৃত্তিকা মধ্যে সাধারণতঃ ১ হইতে ৫ ভাগ পর্য্যন্ত চূর্ণ থাকে। ভাগের ইতরবিশেষে উহা উত্তম, মধ্যম ও অধম—এই তিন জাতিতে বিভক্ত। যাহাতে শতকরা পাঁচ ভাগ চূর্ণ থাকে, তাহা উত্তম, যাহাতে ২।০ হইতে ৫ ভাগ থাকে তাহা মধ্যম, এবং যাহাতে ২।০ হইতে অল্পভাগ চূর্ণ থাকে তাহা অধম প্রকারের অঁটাল মাটি। আবার যে অঁটাল মাটি একবারেই চূর্ণবিহীন তাহা দ্বিতীয় শ্রেণীর অঁটাল মাটি, এবং তাহাও প্রথম বিভাগের চূর্ণ বিশিষ্ট অঁটাল মাটির স্থান উত্তম, মধ্যম ও অধম বিশেষে ভিন্ন ভিন্ন তিন উপবিভাগে বিভক্ত। ফলতঃ ইহা এঁটেল মাটির শ্রেণীভুক্ত, সুতরাং তাহাতে ৫০ ভাগের অধিক চিকণ মাটি অবস্থিত। ইহাতে শূণ্য হইতে অল্পভাগ অর্থাৎ একশত ভাগের এক ভাগের অল্পভাগ মাত্র উচ্চিক্ত পদার্থ থাকে, অধিশিষ্ট অংশ বালুকা।

যে মাটিকে আমরা সহজ ভাষায় গঙ্গা-মৃত্তিকা বলিয়া থাকি, তাহাই প্রকৃত এঁটেল (clay) মাটি। কৃষ্ণকারগণ এই মৃত্তিকার দ্বারা হাঁড়ি কলসী, প্রভৃতি নানাবিধ মৃৎপাত্র, খেলনা প্রভৃতি নির্মাণ করে। এঁটেল মাটিতে প্রায় পটাস্ সোডা, চূর্ণ, লৌহমল, প্রভৃতি সন্নিবিষ্ট থাকে, এজন্য ইহা বিশেষ সারবান মৃত্তিকা।

শুক এঁটেল মাটিতে জল লাগিলে এক প্রকার গন্ধ বাহির হয়, তাহাকে সোঁদা কহে। অনেক জীলোক উক্ত সোঁদা গন্ধের জন্ত গাভখোলা বা আধ পোড়া ইষ্টক চর্কন করেন।

২। দৌয়াশ মাটি (Loamy Soil)।—সাধারণতঃ ইহাকে বাগান জমি কহে। সাধারণ ঔত্তানিক কার্য্য ও চাষ আবাদের পক্ষে দৌয়াশ মাটি বিশেষ উপযোগী। ইহাতে ৩০ হইতে ৫০ ভাগ কঁদম বা চিকণ মাটি, ৫ ভাগ চূণ, ৫ ভাগ উদ্ভিজ্জ পদার্থ এবং অবশিষ্টাংশ বালুকা থাকে। অতঃপর, চূণের অংশের ইতর বিশেষে ইহা দুই ভাগে বিভক্ত—১ম-চূণপ্রধান দৌয়াশ; ২য়—চূণবিহীন দৌয়াশ। অনন্তর উপাদান ভেদে এই দুই বিভাগের প্রত্যেকটীরই উত্তম, মধ্যম ও অধম—এই তিনটী উপবিভাগ আছে।

(৩) বেলে-দৌয়াশ (Sandy Loam)—একুপ মাটিতে সচরাচর যত বালুকা থাকে, তদপেক্ষা অধিক বালুকা যে দৌয়াশ মাটিতে দেখা যায়, তাহাই বেলে-দৌয়াশ নামে অভিহিত। দৌয়াশ মাটি অপেক্ষা ইহার রস ধারণ শক্তি কম, এবং ইহা অপেক্ষাকৃত উত্তাপ বিক্ষিপক। ইহাতে উদ্ভিজ্জ সার সংযোগ করিলে মৃত্তিকার রস শোষণ ও ধারণ শক্তি বৃদ্ধি পায়। ইহাতে ২০ হইতে ৩০ ভাগ মাত্র চিকণ মাটি থাকে। ইহার মধ্যে বাহাতে চূণ আছে তাহা চূণ-যুক্ত, এবং বাহাতে চূণ নাই তাহা চূণবিহীন বেলে-দৌয়াশ নামে আখ্যাত। এতদ্ব্যতীত ইহার উহার পরিমাণের তারতম্যে তিন উপবিভাগে বিভক্ত হইয়াছে।

(৪) এঁশো-বালি বা ফাঁস-মাটি (Loamy Sand)।—বেলে

মাটির সহিত ইহার অতি নিকট সংস্ক, কারণ ইহাতে বালুকারই প্রাধান্য অধিক। দৌয়াশ-মাটির অল্পাধিক উপাদান ইহার সহিত সংযুক্ত থাকায় ইহা বালুকা-ভূমি অপেক্ষা ঈষৎ ভাল। ঈষৎ পুরাতন বালুকা চর ও নদী-কূলবর্তী ভূমি সমূহ প্রায় এই জাতীয়। বেলে জমিতে ক্রমশঃ তৃণ ও আগাছা জন্মিয়া উহাতে উদ্ভিজ্জ পদার্থের সমাবেশ করিয়া দেয়, তখনই উহা ফাঁস-মাটি নামের যোগ্য হয়। ফাঁস-মাটি অতিশয় নীরস কিন্তু জলের সন্নিহিতে অবস্থিত বলিয়া ঈষৎ সরস থাকে এবং তাহা ও বর্ষাকালে ও বর্ষার পর ছই এক মাস পর্য্যন্ত। ইহাতে ১০ হইতে ২০ ভাগ পর্য্যন্ত চিকণ মাটি থাকে।

(৫) বেলে বা বালি-মাটি (Sandy Soil)।—ইহার অধিকাংশই প্রায় বালুকা। ইহাতে উদ্ভিজ্জ পদার্থ ত থাকেই না, তবে চিকণ মাটি দশ ভাগ পর্য্যন্ত দেখিতে পাওয়া যায়। ঈদৃশ জমিতে কোন প্রকারেরই চাষ আবার চলে না। বেলে জমির পৃষ্ঠদেশ রৌদ্রের সময় এতই উত্তপ্ত হইয়া উঠে যে সেদিকে কেহ চাহিতে পারে না, তাহার উত্তপ্ত বাতাসে যেন অগ্নিবৃষ্টি হইতে থাকে এবং তৎসন্নিহিতে লোকে বাস করিতে পারে না। বহুকাল পতিত থাকিলে ক্রমশঃ ব্যবহারোপযোগী হইতে পারে।

(৬) মূল-মাঝারি (Marly)।—ইহাতে ৫ হইতে ২০ ভাগ চূর্ণ থাকে। সার সংযোজিত করিয়া কার্যোপযোগী করিতে পারা যায়। বাহাতে ইহা অঁটাল, দৌয়াশ, বা বেলে-দৌয়াশ মাটির অন্তর্গত হইতে পারে, উজ্জ্বল সর্বত্রই উদত্তর্গত চূর্ণের শক্তিকে হ্রাস করিয়া দিবার নিমিত্ত তাহাতে বহু পরিমাণে উদ্ভিজ্জ সার মিশ্রোজিত করা একান্ত প্রয়োজন। উদ্ভিজ্জ পদার্থ

নিয়োজিত হইলে চূণের পরিমাণ বিক্ষিপ্ত হইয়া পড়িবে সুতরাং তাহার প্রাধান্য বহু পরিমাণে হ্রাস প্রাপ্ত হইবে। ইহা Law of Minimum সূত্রের অনুমোদিত।

(৭) কষা-মাটি (Calcareous Soil)—অতিশয় চূণ সঙ্কুল, এমন কি তাহাতে ২০ ভাগেরও অধিক চূণ থাকে। সংকুল করিয়া লইলে উহা আঁটাল, দৌয়াশ প্রভৃতির অন্তর্গত করিতে পারা যায়, কিন্তু যে মাটিতে ৯০ হইতে ৯৮ ভাগই চূণ, তাহাকে আসল চূণ বলিতে পারা যায়। আমরা যে চূণ দেখি, মৃত্তিকায় উহা সে অবস্থায় থাকে না। চূণসঙ্কুল প্রস্তরময় পাহাড়ের সন্নিহিত স্থানে জৈদৃশ জমি উৎপন্ন হইয়া থাকে। উক্ত প্রস্তর সমূহের চূর্ণ ও খণ্ড যে ক্ষেত্রে অধিক পরিমাণে আসিয়া সঞ্চিত হয়, সেই ক্ষেত্রেই চূণময় হয়। উল্লিখিত চূর্ণ ও খণ্ডকে সংগ্ৰহ করিয়া দ্রব করিলে চূণউৎপন্ন হয়।

(৮) উদ্ভিজ্জ-মৃত্তিকা (Humus Soil)—মধ্যে সাধারণ মৃত্তিকা অপেক্ষা অধিক উদ্ভিজ্জ পদার্থ থাকে। সচরাচর মৃত্তিকা মধ্যে এক বা দেড় ভাগ ত্রৈবাস্পিক পদার্থ থাকিতে দেখা যায় কিন্তু উদ্ভিজ্জ মৃত্তিকায় পাঁচ ভাগেরও অধিক থাকে। উদ্ভিজ্জ পদার্থ ও হিউমস্ যে দুইটা স্বতন্ত্র পদার্থ তাহা পূর্বাধ্যায়ের আলোচিত হইয়াছে। হিউমস্—তিনটা বাষ্পীয় পদার্থের সংযোগে উৎপন্ন হইয়া উদ্ভিদের সহিত সংস্পর্শিত হইয়া তদন্তর্গত হুল-স্বরূপে তাহা পরিষ্কার করিয়া অবস্থান করে। এই জন্ত উহার কঠকায়ন, অক্সিজেন, কঠকায়ন, অক্সিজেন। উক্ত জীবনীর অংশ—ইহা পুষ্টি আহরণ করিয়া থাকে। হিউমস্‌র জীবনীর অংশ—উদ্ভিজ্জ (Humic Acid) এবং অক্সিজেন অংশের

নাম অক্ষর বা হিউমিন্ (Humic)। কার্বনই উদ্ভিদের প্রধান খাদ্য। মৃত্তিকায় উহার অভাব থাকিলে উদ্ভিদ জন্মিতে পারে না। এই জন্য হিউমস্ হইতে মৃত্তিকায় কার্বন সংহিত হয়, উপরন্তু উদ্ভিদগণ বায়ুমণ্ডল হইতে ও উহা আহরণ করে।

উল্লিখিত আট প্রকারের মৃত্তিকা ব্যতীত ভারতের নানা স্থানে আরও কয়েক প্রকার মৃত্তিকা দেখা যায়, তন্মধ্যে নিম্ন লিখিত কর্তী বিশেষ :—

৯। বোদমাটি (Vegetable mould)।—অনেকের নিকট ইহা 'পাণ্ডব-পোড়া মাটি' বলিয়া পরিচিত কারণ তাহাদিগের বিশ্বাস যে, কুরু-পাণ্ডবের যুদ্ধের পর পাণ্ডবদিগের মৃতদেহ ভূমিতে পতিত থাকিয়া মৃত্তিকায় পরিণত হইয়াছে এবং সেই মৃত্তিকা 'পাণ্ডব-পোড়া-মাটি'। যাহা হউক—

বোদমাটি সম্পূর্ণ মৃত্তিকা নহে। উহাতে উদ্ভিজ্জ পদার্থ অত্যন্ত অধিক। উক্ত মাটি শুষ্কাবস্থায় অগ্নিসংযোগে প্রজ্জলিত হয় এবং লঘুতা বশতঃ জলে ভাসিতে থাকে। ইহার বর্ণ সিন্ধাবস্তায় মশিবৎ এবং শুষ্কাবস্থায় পোড়া মাটির ভ্রায় খস্খসে ও ফাটা। আসল অবস্থায় উহাতে তৃণটী পর্য্যন্ত জন্মে না কিন্তু অপরাপর মৃত্তিকার সহিত সংযোজিত হইলে, সংযুক্ত মাটি অত্যন্ত তেজস্কর হইয়া উঠে। প্রথমাবস্থায় বহুদিন পর্য্যন্ত তাহাতে কোন উদ্ভিদ জন্মে না, কিন্তু ক্ষেত্রান্তরে উক্ত মৃত্তিকা দারুণরূপে ব্যবহার করিলে আশ্চর্যকর শুভ ফল প্রাপ্ত হওয়া যায়। খাল বিল বা বিস্তীর্ণ জলাশয় এতদে পড়িয়া গেলে তাহাতে হিংচা, কল্মী, গুনি, হোগলা, পানা, শেওলা প্রভৃতি নানাবিধ জলজ উদ্ভিদ

জন্মিয়া থাকে। বহুকাল এইরূপ অবস্থায় থাকিলে সেই সকল উদ্ভিদে জলাশয় ক্রমে ভরাট হইয়া উঠে,—ক্রমে জল শুকাইয়া যায়। অতঃপর কোন গতিকে মাটি চাপা পড়িলে বহুকাল তদবস্থায় থাকিয়া যায়—কর্ষণাদির অভাবে উহা বিগলিত হইতে না পারিয়া বা অল্পাধিক বিগলিত হইয়া সেই অবস্থায় সঞ্চিত থাকে। ঈদৃশ ক্ষেত্রে ক্রমাগত কর্ষণ করিলে দীর্ঘকাল পরে আবাদের উপযোগী হইতে পারে।

১০। লোনা-মাটি (Saline soil)।—সমুদ্রের সন্নিহিত ক্ষেত-পাথারে লোনা মাটির বিশেষ প্রাক্তর্ভাব দেখা যায় এবং তথাকার ঝাল, বিল, পুকুরিণী প্রভৃতির জল প্রায় লবণময় হয়। যে সকল ক্ষেত্রের মৃত্তিকা লবণাক্ত তাহা চাষ আবাদের পক্ষে সুবিধাজনক নহে। ঈষৎ লবণাক্ত মৃত্তিকাকে সংশোধন করা চলে, কিন্তু অতিরিক্ত লবণময় হইলে তাহাতে কোন আবাদই চলে না।

১১। উষর-ভূমি।—বেহার, যুক্ত-প্রদেশ প্রভৃতি সমুদ্র হইতে বহুদূরে অবস্থিত। এজন্য তথায় লোণা জমি পাওয়া যায় না কিন্তু সে প্রদেশের অনেক জমিতে অন্য প্রকারের লবণ থাকে। ঈদৃশ জমি বঙ্গদেশের লোণা জমির ন্যায় চাষ আবাদের পক্ষে বড় অসুবিধাজনক। গ্রীষ্মকালে এই সকল জমিতে লবণ ফুটিয়া উঠে। ভূমির উপরিভাগে উক্ত লবণ শুষ্ক বর্ণের শুঁড়ার ন্যায় প্রসারিত থাকিতে দেখা যায়। ঈদৃশ ভূমির উপরিভাগ টাচিয়া সংগ্রহ করতঃ বেহারের সুনিয়া জাতির লোকে সোরা প্রস্তুত করিয়া থাকে। ইহাদিগকে 'উষর-ভূমি' কহে। উষর-ভূমিতে 'সোডা (Sodium Sulphate), সোডা মাটি (Carbonate of Soda) প্রভৃতি তীব্র লবণ সঞ্চিত থাকে। পুষ্টি ও অনাবাদী

জমিতে লবণ অধিক প্রকাশ পায়। বর্ষাকালে উক্ত পদার্থ জলের সহিত ধৌত হইয়া স্থানান্তরে গিয়া পড়ে কিম্বা ভূমির গভীরতম দেশে নামিয়া যায়, সুতরাং সে সময়ে তথায় চাষ আবাদ করা চলে। ঈদৃশ ক্ষেত্রে বার মাস কোন না কোন ফসলের,—অভাব পক্ষে আগাছার দ্বারা আবৃত করিয়া রাখিলে উপরে লবণ উঠিতে পারে না।

১২। কিট্রাল মৃত্তিকা।—ইংরাজিতে ইহাকে Ferruginous Soil কহে। কোন কোন জমি কুন্দালিত হইলে মৃত্তিকা-চাপের গাত্রে মেটে-লাল বর্ণের ক্ষুদ্র ক্ষুদ্র পদার্থ দেখিতে পাওয়া যায়। ঈদৃশ মৃত্তিকাকে জলে গুলিলে ঈষৎ লালভ হইয়া থাকে। যে সকল জমিতে লৌহের গুঁড়া স্থান পায় তথাকার মৃত্তিকার বর্ণ এইরূপ হইয়া থাকে। লৌহসঙ্কুল পাহাড়ের ধোয়াটের সহিত লৌহের পরমাণু থাকে, সেই জল যে জমিতে স্থান পায় তাহাতেই লৌহকিটু দেখিতে পাওয়া যায়। লৌহের পরমাণুগণ জল-বাতাসের সংস্পর্শে আসিলে তাহাতে ঝরিচা জন্মে, এবং সেই ঝরিচাকে লৌহকিটু বা লৌহমল কহে। আবাদী ক্ষেত্রের উপরিভাগে বা আবাদী-স্তরে লৌহমল প্রায় দেখা যায় না। গুরুত্ব বশতঃ উহারা নিম্নস্তরে নিমজ্জিত হয়। অধিক কিট্রাল জমিতে ফসল তেজাল হইতে পারে না। দ্বারভাঙ্গা জেলার অনেক স্থানের মাটিতে প্রচুর পরিমাণে লৌহমল দেখিতে পাওয়া যায়। বর্ষাকালে তথাকার অনেক খানা-ডোবাকে ঈষৎ লাল বর্ণের সর পড়িতে দেখা যায়। উক্ত সর লৌহমল জাত পদার্থ ভিন্ন আর কিছু নহে। সমস্তল অপেক্ষা তালু প্রদেশে (alluvial) ইহার প্রাচুর্য্য অধিক, কারণ এই সকল দেশের জমি পাহাড়ের

লম্বিকটে অবস্থিত, পাহাড়ের জল তাহাদিগের উপর দিয়াই প্রবাহিত হয় এবং প্রবাহকালে জলাস্তর্গত অপরাপর পদার্থের সহিত লৌহরেণু ও ভূমিতে স্থান প্রাপ্ত হয়। কর্ষাণাধীন ভূমির আবাদীভূত্রে যে উহাদিগকে দেখা যায় না, তাহার কারণ—আলগা মাটিতে উহারা নিরবলম্ব ভাবে অবস্থান করে; সুতরাং বৃষ্টি হইলে, মিলনস্তরে নামিয়া যায়। নিম্নস্তরে নামিয়া গেলেও যোগাকর্ষণে রসের সহিত উহাদিগের কষ উপরিভাগে আসিয়া থাকে এবং রসের সহিত মিশ্রিত হইয়া উদ্ভিদ শরীরে প্রবেশ লাভ করে। ইহাদিগের ঘনতা দূর করিবার জন্য ক্ষেত্রে ভান মাটি বা সার প্রভূত পরিমাণে প্রদান করা উচিত; তাহা হইলে রেণু সমূহের পুঞ্জ বা ঘনতা ভাঙ্গিয়া যায়,—ফলতঃ তাহারা বিক্ষিপ্ত হইয়া পড়ে ও তাহাদিগের শক্তি হ্রাস প্রাপ্ত হয়।

অষ্টম অধ্যায়

—••••—

স্থিতিকা ভগ্নপ্রবণ পদার্থ সুতরাং যতই কঠিন হউক, অন্যান্যিক

আঘাত পাইলে চূর্ণ হইয়া যায়। মাটি যত চূর্ণ
হিঙ্গতা

ও কুরা হয়, তত তাহার হিঙ্গতা বৃদ্ধি পায়।

ভূমির উর্ধ্বতার প্রধান কারণ,—হিঙ্গতা (Porosity)। যে মাটির বত অধিক হিঙ্গতা তাহা তত অধিক উর্ধ্বতা হইয়া থাকে। সাধারণতঃ আঁটাল মাটি বড়ই উর্ধ্বতা হইয়া থাকে, তাহার কারণ এই যে, তদস্তর্গত পরমাণু বা দানা সমূহ অতিশয় সূক্ষ্ম,

উন্নিবন্ধন তাহাতে ছিদ্রও অধিক। স্থলদানাবিশিষ্ট মৃত্তিকায় জল পতিত হইবা মাত্র শোষিত হয় বলিয়া তাহার শোষকতা অধিক, এরূপ মনে করা ভ্রম। এরূপ মৃত্তিকার শীঘ্র জল শোষিত হইবার প্রধান কারণ—দানা ও ছিদ্রপথগণের স্থলতা। ইহাতে কে জল পতিত হয়, তাহা শীঘ্রই নিম্নদেশে নামিয়া যায়,—আবাদী স্থর মধ্যে বড় সঞ্চিত থাকিতে পারে না। যে মাটির দানা স্থল, তাহার শোষকতা ও ধারণতা অল্প। একখানি সুপেক্ষ ইষ্টক যত জল শোষণ ও ধারণ করিতে পারে, তৎপরিমিত সুচূর্ণীত ইষ্টক বা ধূলা তদপেক্ষা বহুগুণ জল শোষণ ও ধারণ করিতে পারে। অভয়াবস্থায় ইষ্টকখানি যত স্থান অধিকার করিয়া থাকে, তাহাকে সুক্ষ ধূলায় পরিণত করিলে, ধূলাংশি ইষ্টকপেক্ষা বহু অধিক স্থান অধিকার করিবে, ইহা নিশ্চয়, কারণ সমষ্টি অপেক্ষা ব্যষ্টির আয়তন অধিক। পরমাণুরাশি একত্র ঘনরূপে সম্বন্ধ থাকিলে তাহাদিগের স্বতন্ত্র অস্তিত্ব থাকে না, সুতরাং বিস্তৃত স্থানেরও আবশ্যক হয় না। সমষ্টি হইতে বিচ্যুত হইলেই একদিকে বেরূপ তাহাদিগের স্বতন্ত্রতা প্রকাশিত হয় অন্যদিকে সেইরূপ থাকিবার জন্য অধিক স্থানেরও আবশ্যক হইয়া থাকে। ধূলা একত্র সমাবিষ্ট হইলে প্রত্যেক পরমাণুর আকারানুসারে প্রত্যেকের চতুর্পার্শ্বে স্থান থাকিবেই। সমাবিষ্ট চূর্ণাংশির উপরিভাগে দানা পরস্পরের মধ্যে সন্মিলন কলে ক্ষুদ্রাংশি ক্ষুদ্র স্থান অনধিকৃত থাকে। ইহাই মৃত্তিকার ছিদ্র বা কূপ (Pores)। উক্ত ছিদ্রসমূহ দ্বারা ই কূপগুলির সহিত বায়ুমণ্ডলের আদান-প্রদান হইয়া থাকে। উহাদিগের ভিতর দিয়া বায়ু, বৃষ্টি, আলোক, উত্তাপ প্রভৃতি মৃত্তিকাবধ্যে প্রবেশ

লাভ করে। প্রবেশকার অধিক থাকিলে বায়বাদি অধিক পরিমাণে প্রবেশ করিতে সক্ষম হয়। সকল প্রকার মাটির দানা অপেক্ষা এঁটেল মাটির দানা স্থূল, এই জন্য তাহাতে হিঙ্গ অধিক,—মৃত্তিকা মধ্যে স্থান অধিক,—পরমাণু পরস্পরের মধ্যবর্তী শিরালা বা ছিদ্রপথ অধিক কিন্তু সঙ্কীর্ণ। এই সকল কারণ বশতঃ উহার শোষণতা ও ধারণতা অধিক। এঁটেল-মাটির নামে অনেকের ভীতির সঞ্চার হয়, কিন্তু তাহার সূক্ষ্ম উত্তম মাটি আর নাই। বালুকা-দানার স্থূলতা অধিক বলিয়া পরমাণু পরস্পরের মধ্যে স্থান অপেক্ষাকৃত অল্প, তন্নিবন্ধন তাহাতে অধিক জল প্রবেশ করিতে কিম্বা অধিক জল সঞ্চিত থাকিতে পারে না। বেলে মাটি অতি শীঘ্র জল শোষণ করিতে পারে বলিয়া লোকের ধারণা যে, বেলে-মাটি অধিক জল শোষণক্ষম, কিন্তু প্রকৃতপক্ষে তাহা নহে। হিঙ্গতার আধিক্য হেতু এঁটেল-মাটির ভিতর ঘেরূপ অধিক জল প্রবেশ করিতে পারে, সেইরূপ আলোক, উত্তাপ ও বায়ু অধিক পরিমাণে প্রবেশ করিতে সক্ষম হয়। অতঃপর দেখা যায়,—

যে ভূমিতে পূর্বোক্ত পদার্থ চতুষ্টিয়ের প্রতিপত্তি থাকে, তাহা

নং ১



স্বভাবতঃ উর্বরা হয়। মৃত্তি হইবার ২৪ দিন পরে মাটি বেশ শুষ্ক হইতে দেখা যায়, তদুপরিষ্ক উদ্ভিদ—বিশেষতঃ কোমল-প্রকৃতি উদ্ভিদ,—বিষয় তাব ধারণ করে, তাহার কারণ ভূগৃষ্ঠ বায়ুবিদ্যোত হইয়া

হিঙ্গ সমূহের মুখ বন্ধ করিয়া দেয়, তন্নিবন্ধন মৃত্তিকা মধ্যে বায়বাদি প্রবেশ করিতে পারে না। মৃত্তিকা মধ্যে উক্ত পদার্থ

সমূহ প্রবেশ করিতে না পারিলে কোন উদ্ভিদ বাঁচিতে পারে না। কোমল প্রকৃতি উদ্ভিদে ইহার ফলাফল যত শীঘ্র দেখিতে পাওয়া যায়, অশ্রু উদ্ভিদে সেরূপ পাওয়া যায় না। বাহা হউক, উল্লিখিত কারণে যে সকল উদ্ভিদ বিষমভাব ধারণ করে, তাহাদিগের কতকগুলির গোড়ার মাটি চূর্ণ করিয়া দিলে ছই ~~ক~~ বস্তীর মধ্যেই এই সকল বৃক্ষ রূপান্তর প্রাপ্ত হইবে অর্থাৎ প্রফুল্ল ভাব ধারণ করিবে। ভূপৃষ্ঠের ছিদ্র বুজিয়া গেলে মৃত্তিকা যতই সারবান হউক, কিছুতেই কিছু হইবে না। কেবল যে, বৃষ্টির জল দাঁড়াইলে অথবা উপরে সর পড়িলে ভূমির ছিদ্র বুজিয়া যায় তাহা নহে, ভূমির উপর দিয়া লোক চলাচল করিলে অথবা গরু বাছুর চরিলে তাহাদিগের পদতরে মাটি বসিয়া যায়,—ছিদ্র বুজিয়া যায়।

রস, আলোক, উত্তাপ প্রভৃতি ভূগর্ভ মধ্যে প্রবেশ করিবার
ছিদ্র পথ যে পথ তাহাকে ছিদ্রপথ (Capillary tubes)
 কহে। ভূ-পৃষ্ঠের উপরিভাগ হইতে ছিদ্রপথ
সমূহ নিম্নাভিমুখী হইয়া ক্রমে ভূগর্ভস্থ বারিপৃষ্ঠে (water
level) মিলিত হইয়াছে। ভূগর্ভ মধ্যে এমন একটা স্থান আছে
যথায় ভূ-পৃষ্ঠ শোষিত তাবৎ জল ক্রমশঃ নিম্নভাগে গিয়া স্থান
পায়। এত যে বৃষ্টি হয়, তাহার সমুদায় জল নিকাল হইয়া যায়
না—কতক জল ভূমিতে শোষিত হয়, কিন্তু কত জল যে শোষিত
হয় তাহার কোন নির্দেশ নাই, কারণ তাহা মৃত্তিকার শোষ-
কতার উপর নির্ভর করে। কুর্শ-পৃষ্ঠ ও গড়ের জমি অপেক্ষা
দমতল জমিতে অধিক জল শোষিত হয়। এইরূপ নানা কারণে
ভূগর্ভ মধ্যে অল্প বা অধিক জল শোষিত হইয়া থাকে। মৃত্তিকা

যে পরিমাণ জল ধারণ করিয়া রাখিতে সক্ষম হয়, সেই পরিমাণ জল ধারণ করিয়া রাখে, অবশিষ্টাংশ ছিদ্রপথের ভিতর দিয়া অন্ত-ভৌম জলাশয়ে গিয়া স্থান পায়। ঋতু অনুসারে উক্ত জলাশয় ভূ-পৃষ্ঠের অধিক বা অল্প নিম্নে বিস্তৃত থাকে। বর্ষাকালে বৃষ্টির আধিকা হেতু জলাশয় ও ছিদ্রপথ সমূহ জলে পূর্ণ থাকে, সুতরাং সে সময়ে হয়ত এক হাত মাটি খনন করিলেই জল পাওয়া যায় কিন্তু উক্ত জল জলাশয়ের নহে,—ছিদ্রপথের সঞ্চিত জল। বর্ষা উত্তীর্ণ হইবার পর মাটিতে রস কনিয়া আসে, তখন অগত্যা অধিক দূর খনন না করিলে জল পাওয়া যায় না—পুষ্করিণী বা কূপ খনন কালে তাহা বেশ বুঝিতে পারা যায়। স্থানান্তরে যে চিত্র (নং ২) দেওয়া গিয়াছে তদৃষ্টে বুঝিতে হইবে,—ক, - ভূপৃষ্ঠ; ক্ষুদ্র ক্ষুদ্র বিন্দু সমূহ, মৃত্তিকার ছিদ্র বা ছিদ্রপথের মুখ; খ, খ,—মধ্যবর্তী স্থানে যে সূত্রবৎ দাগ, তৎসমুদায় ছিদ্রপথ; এবং গ, গ—চিহ্নিত মধ্যবর্তী স্থান অন্তভৌম জলাশয়। সূর্যোত্তাপে ভূপৃষ্ঠ হইতে যত জল আকর্ষিত হইতে থাকে, যোগাকর্ষণ শক্তি দ্বারা ছিদ্রপথ দিয়া তত জল সেই জলাশয় হইতে উক্কে উঠিতে থাকে। জলাশয় কখনও জলশূন্য হয় না। যেখানে যত জল থাকুক, তাবৎ জলই সেই মহাজলাশয়ের সহিত মিলিত হয়। জলাশয় নিরন্তর পূর্ণ থাকায় এবং বাহ্যাকর্ষণে উক্ত জলাশয় হইতে ছিদ্রপথ দিয়া জল নিরন্তর উপরিভাগে উঠিতে থাকায় মাটি সর্বদা অল্পাধিক সিক্ত থাকে। মেঘাচ্ছন্ন দিবসে রৌদ্রাতাবে এবং রাত্রিকালে বন্যাকর্ষণ-ক্রিয়া অল্পাধিক স্থগিত থাকে।



এক্ষণে দেখা যাউক ছিদ্রপথের ক্রিয়া, কি ? ছিদ্রপথের ক্রিয়া—
 ছিদ্রপথের ক্রিয়া উত্তাপ, বায়ু ও রস আহরণ করতঃ ভূমির মধ্যে
 বিস্তৃত করিয়া দেওয়া এবং যোগাকর্ষণ (capillary
 attraction) শক্তি দ্বারা ভূগর্ভস্থ জলাশয় হইতে জল শোষণ
 করিয়া উর্দ্ধাভিমুখে আনয়ন করা। এইরূপে ভূগর্ভস্থ রস বাষ্পা-
 কারে বায়ুমণ্ডলে সংযুক্ত হয়। ছিদ্রপথের মুখ যত উন্মুক্ত থাকে,
 মৃত্তিকামধ্যে উল্লিখিত ক্রিয়া সমূহের কার্য্য তত অধিক হয়।
 মাটি জমাট বাধিয়া গেলে, মাটির উপর সর পড়িলে অবধা ভূমি
 অধিক দিবস অকর্ষিতাবস্থায় পতিত থাকিলে ছিদ্রপথের মুখ বন্ধ
 হইয়া যায়, তন্নিবন্ধন বায়ু, রৌদ্র বা আলোক মৃত্তিকা মধ্যে প্রবেশ
 করিতে সক্ষম হয় না। উল্লিখিত পদার্থ সমূহ মৃত্তিকার জীবন
 স্বরূপ। তাহাদিগের অভাবে মৃত্তিকাকে নির্জীব বা মৃত বলিতে
 পারা যায়। বহুকালের পতিত ও কঠিন জমিতে চাষ দিলে
 তাহার অব্যাহিত পরেই তাহাতে রৌদ্রাদির ক্রিয়া সঞ্চালিত হয়।
 ভূমি নির্জীবাবস্থায় থাকিলে তদন্তর্গত পদার্থ সমূহ বিয়োজিত
 হইতে পার না এবং বায়ু উত্তমরূপে বিয়োজিত না হয় তাৎ

কাল উক্ত পদার্থ—যতই সারাল হউক—উদ্ভিদের কোন কার্যেই আসে না। তবে ইহা দেখা যায় যে, মৃত্তিকা প্রায় নিষ্ক্রিয়াবস্থায় থাকে না, সুযোগ-সুবিধার অভাবে বা তাহাতে কোন ব্যাঘাত ঘটিলেই নিষ্ক্রিয়তা দেখা যায়। ভূমি প্রলিপ্ত হইলে অথবা তদুপরে বিস্তৃত প্রস্তর বা অন্ত কোন গুরুভার সামগ্রী নিপতিত থাকিলে মৃত্তিকার ক্রিয়াশীলতার অভাব হইয়া থাকে। অতঃপর—

ক্ষেত্র কুন্দালিত হইলে মাটির বড় বড় চাপ উৎপন্ন হয়। সেই সকল চাপ ভাঙ্গিয়া উত্তমরূপে চূর্ণ করিয়া না দিলে ভূগর্ভ মধ্যে ক্রিয়ার ব্যাঘাত হয়। হলকর্ষণ করিলেও এরূপ হয়। কর্ষিত ও কুন্দালিত হইলে মৃত্তিকার ছিদ্রপথ সমূহ ভাঙ্গিয়া যায়, মৃত্তিকা মধ্যে রৌদ্র, বায়ু প্রভৃতি সকল যানগার সমভাবে প্রবেশ করিতে পার না, এইজন্য মৃত্তিকা বিচলিত হইবার পর বিদে, চৌকী বা মদিকা দ্বারা তাহা ভাঙ্গিয়া চূর্ণ করতঃ চাপিয়া দিতে হয়। উল্লিখিত যন্ত্র সাহায্যে এক দিকে মৃত্তিকা চূর্ণ হয় ও ভারে বসিয়া যায়, অন্তদিকে জমিও চৌরস হইয়া থাকে। ক্ষেত্রের উর্ধ্বরতা সংরক্ষণহেতু কর্ষণ, চূর্ণণ ও চাপন—এই তিনটি কার্যের প্রতি বিশেষ লক্ষ্য রাখা উচিত। ইহাকেই কহে—সূচাব। দেশের কলন যে ক্রমশঃ হ্রাস পাইতেছে, তাহার অন্ততম কারণ—চাষের অসম্পূর্ণতা। সূচাব দ্বারা প্রতি বৎসর ক্ষেত্র হইতে সমূহ পরিমাণে শস্ত উৎপন্ন করিতে পারিলে, মধ্যে মধ্যে অনাবৃষ্টি বা জলপ্লাবনে অথবা অন্ত কোন দৈব কারণে অজন্মা হইলে তত ভয়ের কারণ থাকে না। যথানি বন্ধ সহজে আমরা অনন্তোপায়, সূত্রাং অন্ত উপায়ে

আমাদিগকে ঘরের অভাব মোচন করিতে হইবে এবং সে উপায়—ক্ষেত্র হইতে বাহাতে পাঁচ মণ স্থলে দশমণ ফসল উৎপন্ন করিতে পারি তৎক্ষণ বক্রপরিষ্কর হইতে হইবে। সে বিষয়ে সিদ্ধিলাভ করিবার জন্য আমাদিগের প্রধান কার্য—সুচাষের বন্দোবস্ত করা।

ঢেলা যত ভাঙ্গিয়া যায়, দানা সকল তত বিযুক্ত হইয়া পড়ে।

জমি ঢেলাবিশিষ্ট হইলে উদ্ভিদের স্থানের অসঙ্কলান
ভূমির আরতন
হয়। ঢেলার ক্ষেত্রে বীজ বপন করিলে ঢেলা
বৃদ্ধি

পরস্পরের মধ্যবর্তী স্থানে তাহা পতিত হয় ও তথায়
উৎপন্ন হয়। দশ কি পাঁচ কাঠা ভূমি ঢেলা দ্বারা অধিকৃত হইয়া থাকিলে কার্যতঃ উক্ত দশ কি পাঁচ কাঠা জমির পূর্ণ উপসর্গ ভোগে আমরা বঞ্চিত হইয়া থাকি। সেই সকল ঢেলা উত্তমরূপে চূর্ণীকৃতাবস্থায় থাকিলে সমগ্র এক বিঘা জমিতে বীজ ছড়াইয়া পড়িতে পারে। বীজ ঘনরূপে পতিত হইলে ঘনভাবে গাছের শাখা, কিংবা প্রয়োজনমত স্থানের অভাব বশতঃ উৎপন্ন গাছ সকল লম্বা হইয়া উঠে, অনেক গাছ ঘনতা হেতু মরিয়া যায়। আবার যে সকল গাছ থাকিয়া যায়, ঘনতা হেতু তাহাদিগের গোড়ায় নিড়েন বা খুরপী করা চলে না। একরূপ অবহেলায় আবাদ করিলে প্রথম ক্ষতি—ফসলের উৎপন্ন হ্রাস হয়; দ্বিতীয়তঃ,—একবিঘা জমির খাজনা দিয়া পুরা এক বিঘা জমির উপসর্গ ভোগ হয় না। একপে এক বিঘার আবাদ অপেক্ষা সুচাষের দশ কাঠা জমিও ভাল। সুচাষ দ্বারা দশ বিঘারফসল পাঁচ বিঘা হইতে উৎপন্ন করিতে পারিলে অপর ব্যক্তি আর পাঁচ বিঘা লইয়া আবাদ করিতে পারে।

সকল মৃত্তিকার ছিদ্রপথ সমান নহে। মৃত্তিকাস্তর্গত উপ-

করণের ও দানার স্থলতা বা স্থলতানুসারে
 ছিদ্রপথের
 অসমতা ভূপৃষ্ঠের ছিদ্র যেরূপ অধিক বা অল্প, বড় বা ছোট

হইয়া থাকে, ছিদ্র পথও সেইরূপ অধিক বা অল্প
 স্থল বা সঙ্কীর্ণ হইয়া থাকে। পক্ষান্তরে বৃষ্টির জল ভেদনি শীঘ্র
 বা বিলম্বে নিম্নদেশস্থ জলাশয়ে গিয়া পড়ে। উদ্ভিজ্জ-পুষ্টিার্থ
 সহজিত মৃত্তিকার সহজে রসের অভাব হয় না। বেলে মাটিতে
 বালির পরিমাণ অধিক, বালির দানাও স্থল। এই কারণে
 তাহার ছিদ্রপথ প্রশস্ত হইয়া থাকে। কিন্তু—

এঁটেল মাটির প্রকৃতি ও গঠন ঠিক উহার বিপরীত অর্থাৎ
 এঁটেল মাটির দানা স্থল, এবং স্থল দানার অধিক্য হেতু ছিদ্র-
 পথ অতিশয় কৃশ হয় কিন্তু সংখ্যায় অধিক হয়। যে সকল
 ক্ষেত্রের মাটি ফাটিয়া যায়, তজ্জাত গাছের শিকড় ও ছিঁড়িয়া
 যায়, মাটির ভিতর রৌদ্র ও বাতাস প্রবেশ করিয়া নিম্নস্তরের
 মাটিকে নরম ও কঠিন করিয়া দেয়। স্থল অর্থাৎ অধিক বিগলিত
 উদ্ভিজ্জ সার প্রদান করিলেও আপাততঃ সে দোষ ঢাকা পড়ে
 কিন্তু তদ্বারা মৃত্তিকার স্থায়ী সংস্কার হয় না, কারণ উহা
 বিগলিত হইলে ছিদ্রপথ সমূহ পুনরায় সঙ্কীর্ণতা প্রাপ্ত হয়।
 এখানে কেবল এঁটেল ও বেলে মাটির বিষয়ই আলোচিত হইল।
 একদুইয়ের অন্তর্গত মৃত্তিকা সমূহ উপাদানের অসাম্যিক্য ও
 ঘনতা বা স্থলতানুসারে স্থল বা স্থল, অল্প বা অধিক হইয়া
 থাকে।

নবম অধ্যায়

যোগাকর্ষণের দ্বারা মৃত্তিকার রস বাষ্পাকারে পরিণত হইয়া
বায়ুমণ্ডলে গিয়া আশ্রয় প্রাপ্ত হয়। ভূমি পাছে
রসাকর্ষণ নীরস হইয়া যায়—এই জন্ত জগদীশ্বর মৃত্তিকাকে
এরূপ একটি বিশেষ শক্তি দিয়াছেন যে, তদ্বারা উহা বায়ুমণ্ডল
হইতে সহজে রস আহরণ করিতে সমর্থ হয়। মৃত্তিকাস্তর্গত উপা-
দান সমূহের ওণাগুণে এবং প্রাকৃতিক ও ভৌতিক কারণে উক্ত
শক্তির অল্প বা অধিক বিকাশ হইয়া থাকে। বায়ুমণ্ডল হইতে
মৃত্তিকার এই রসাকর্ষণ শক্তিকে ইংরাজিতে Hygroscopicity
কহে। উক্ত শক্তিকে জিয়ারালীল রাখিবার জন্ত ভূমি যাহাতে
কঠিন না হয় এবং ভূমির ছিদ্রপথের মুখ বন্ধ না হয়, তদ্বিষয়ে
লক্ষ্য রাখা উচিত। অল্পাধিক সরস মৃত্তিকা যে পরিমাণে রস
শোষণ করিতে সক্ষম, শুষ্ক ও বুঁরা মাটি তত নহে।

মৃত্তিকা মধ্যে রস থাকিলেই যে যথেষ্ট হইল, তাহা নহে।
মৃত্তিকা মধ্যে রস সঞ্চালিত না হইলে তদস্তর্গত
রস ও উত্তাপ স্থল, পদার্থ সমূহ বিগলিত বা বিশ্লেষিত হইতে
পারে না। উক্ত ক্রিয়াকে নিরন্তর তৎপর রাখিবার জন্ত
মৃত্তিকা মধ্যে রস থাকা বেরূপ প্রয়োজন, বাহ্যিক উত্তাপেরও
সেইরূপ প্রয়োজন, কারণ একের অভাবে অপরের নিষ্ক্রিয়তা
অবশ্যজ্ঞাবী। রসহীন মৃত্তিকার যতই প্রথম স্থায়ী নিপতিত
হটক, তদ্বারা মৃত্তিকার কোন উপকার দর্শে না—কেবল তাহার

উপরিভাগে জৈব উত্তাপ হয় মাত্র। আবার সরস মৃত্তিকা সূর্যোত্তাপ হইতে বঞ্চিত হইলে তাহারও কোন উপকার দর্শে না, বরং সঞ্চিত রস জড়ভাবে থাকিয়া ক্রমে ছুষিত হইয়া গড়ে, জমিতে উত্তাপের অভাব হয় এবং তাহার ফলস্বরূপ—তদুপরিস্থ উদ্ভিদগণ শীর্ণ, বিবর্ণ, বৃদ্ধিহীন হয়।

রস-সঞ্চালনী ক্রিয়া কি এবং তাহার ফলই বা কি? রস ও উত্তাপ যতক্ষণ স্বতন্ত্রাবস্থায় থাকে, ততক্ষণ রসপরিক্রমণী তাহাদিগের একপ্রকার নিজস্ব ক্রিয়া থাকে, কিন্তু এতদ্বয়ের সম্মিলন ফলে যে শক্তির উদ্ভব হয়, তদ্বারা অতি বৃহৎ বৃহৎ কার্য সাংসাধিত হইয়া থাকে। মৃত্তিকা মধ্যে যে পরিক্রমণী-ক্রিয়া (Circulation of moisture) দেখা যায়, তাহা রসোত্তাপোদ্ভূত শক্তির ফল মাত্র। সূর্যোত্তাপ—মৃত্তিকাস্তরস্থ রসের সংস্পর্শে আসিলে রস গরম হইতে থাকে। তজ্জাত উত্তাপ ক্রমশঃ নিম্নাভিমুখে ধাবিত হইলে সমগ্র রস অস্বাধিক উষ্ণ হইয়া উঠে। রস যত উষ্ণ হইতে থাকে ততই তাহা উদ্বেলিত হইয়া উঠে, ফলতঃ সমগ্র রস মধ্যে উত্তাপ সঞ্চারিত হইয়া ভূগর্ভস্থিত জড় পদার্থ সমূহকে বিশ্লেষিত করিতে থাকে।

রসের পরিক্রমণ-ক্রিয়া বার মাস সর্বদেশে বা সকল প্রকার মৃত্তিকায় সমভাবে সমাহিত হয় না। পরিক্রমণের ইতরবিশেষ সূর্যোত্তাপের ন্যূনাধিক্য অনুসারে তাহার ইতর-বিশেষ হইয়া থাকে। গ্রীষ্মকালে সূর্যের প্রাধান্যতা—সকল সময় অপেক্ষা অধিক হয়, একত্র গ্রীষ্মকালে পরিক্রমণ-ক্রিয়া অধিক হইয়া থাকে, কিন্তু এ সময়ে ভূমিতে রস কমিয়া যায়

তৎসম্মত পরিক্রমণের ব্যাঘাত ঘটয়া থাকে কিন্তু এ সময়ে কখন কখন বারিপাত হইলে কিম্বা জমিতে জল সেচিত হইলে পরিক্রমণ কার্য পূর্ণতা প্রাপ্ত হয় বা প্রবল হয়। শীতকালে জলমাত্রেই ঘনীভূত হইয়া থাকে,—সহজে গরম হয় না, উপরন্তু সে সময়ের দিবা ভাগ অল্প, সূর্যের স্থায়ী অল্পকণ, সূর্যরশ্মিও তাদৃশ প্রথর নহে। এই সকল কারণে শীতকালে ভূমির রস উত্তপ্ত হইতে বিলম্ব হয়, এবং যে উত্তাপ উদ্ভূত হয়, তাহাও বহুকণ স্থায়ী অথবা সমধিক উত্তপ্ত হয় না। সর্বদেশের কথা যে বলিয়াছি, তৎসম্বন্ধেও উল্লিখিত যুক্তি বহু পরিমাণে প্রযোজ্য, কারণ কোন দেশ শীত প্রধান, কোন দেশ উষ্ণ প্রধান ইত্যাদি। শীত প্রধান দেশে শীতের প্রাধান্য, সূর্যোত্তাপের মৃদুতা, বায়ুগুণের আর্দ্রতা প্রভৃতি কারণ বশতঃ তথাকার মৃত্তিকার উত্তাপ কম। উত্তাপের অল্পতা নিবন্ধন মৃত্তিকার রস-পরিক্রমণ ক্রিয়াও অনেক কম হইয়া থাকে। আবার অনেক দেশের বরিপাত অত্যধিক, বৎসরের অধিকাংশ দিনই আকাশ মেঘাচ্ছন্ন, সূত্রাং সেখানে সূর্যোত্তাপের পরিমাণ অল্পই হইয়া থাকে। ইহা প্রাকৃতিক কারণের অন্তর্ভুক্ত। অতঃপর ইহাও দেখা যায় যে,—

মৃত্তিকাস্তম্ভিত উপকরণ সমূহের ভারতম্যে ও তাহাদিগের বর্তমান অবস্থা ভেদে, ভূগর্ভ মধ্যে সময় বিশেষে উত্তাপের ন্যূনাধিক্য হইয়া থাকে। এঁটেল মাটির পৃষ্ঠ-কূপ (pores) ও ছিদ্র-পথ সমূহ অতিশয় ক্ষুদ্র ও সঙ্কীর্ণ বলিয়া উত্তাপাদি তন্মধ্যে প্রবেশ লাভ করিতে কালবিলম্ব হয়, তদ্বৎ উত্তপ্ত রস শীতল হইতে থাকে। এই জন্য এঁটেল ও তৎসদৃশী মাটি মাত্রেই স্বভাবতঃ অসাম্যিক ঠাণ্ডা হইয়া থাকে। ডোবা বা বিল জমিতে উত্তাপ

আদৌ ভূমি স্পর্শ-করিতে পারে না। বালুকা বা মরুভূমিতে রসাত্তাব, কাঙ্কেই তাহারও প্রায় সেই দশা। পতিত জমিতে যতদিন না হলচালনা করা যায়, তত দিন তাহা এক ভাবে— অতি নির্জীব ভাবে থাকে, এবং তাহাতে যে তৃণাদি জন্মে তৎসমুদায় তাদৃশ বৃদ্ধিশীল বা লাভণ্যযুক্ত হয় না, কিন্তু যে দিনবা যে ক্ষণ হইতে সেই বহুদিনের পতিত ভূমিতে হলচালিত হয়,— সেই ক্ষণ হইতে তাহার নির্জীবতা দূর হয়,—তাহাতে নবজীবনের সঞ্চার হয়।

ইহার মূল—রস, উত্তাপ ও বায়ু। মনুষ্য, পশু, পক্ষী, কীট, ভৌতিক বৌৎ পতঙ্গ প্রভৃতি যাবতীয় জীবের ও উদ্ভিদের জীবন ধারণের জন্ত উক্ত তিনটি অমূল্য পদার্থের যেরূপ একান্ত প্রয়োজন, ভূমির উর্বরতা রক্ষার জন্তও সেই সকল সামগ্রী তদনুরূপ আবশ্যিক। আবাদী জমিতে হলচালনা করা হয়, মাটি উলট-পালট হয়, সেই জন্ত তাহাতে উক্ত তিনটি বিশেষ বিশেষ পদার্থের কার্য হইয়া থাকে। উহাদিগের একের অভাবে অপরের কোন ক্রিয়ানীলতা থাকে না। উক্ত পদার্থত্রয়ের মধ্যে যাহার পরিমাণ অপেক্ষাকৃত অল্প থাকে, তাহারই অনুপাতে উহাদিগের সমবেত ক্রিয়ানীলতার ইত্তরশিষ্য হইয়া থাকে। উহাদিগের কার্যকারিতা পরীক্ষা করিবার একটা সহজ উপায় আছে। খানিকটা জমির (হই এক হাত হইলেও ক্ষতি নাই) এক বিস্তৃত আন্দাজ মৃত্তিকা তুলিয়া কেনিয়া, তাহাতে ২৩ অঙ্গুলি পুরু করিয়া বিচালি, টাটকা অথ-পুরীষ বা অপর কোন উত্তাপজনক দ্রব্য প্রসারিত করতঃ তদুপরি উত্তোলিত মৃত্তিকা প্রসারিত করিয়া দৃঢ়রূপে ঢাপিয়া

দিবার পর তাহাতে জল সেচন করিতে হয়। সেচিত জল ক্রমে সমুদার মৃত্তিকা মিক্র করতঃ নিম্নস্থিত পদার্থে গিয়া সঞ্চিত হয়। নিম্নস্থিত মার বা খড়ে জল সঞ্চিত হইবার কিছুক্ষণ পরে তন্মধ্যে উত্তাপের সঞ্চার হয়। তাপমান যন্ত্র দ্বারা পরীক্ষা করিলে— উত্তাপের অস্তিত্ব ও পরিমাণ জানিতে পারা যায়। উত্তাপ জন্মিলে তথা হইতে যে, উত্তপ্ত বাষ্প নির্গত হইতে থাকে, তাহাও দৃষ্টিগোচর হয়। এই উত্তাপকে বিশ্লেষক-উত্তাপ বলিতে পারা যায়, কারণ উক্ত উত্তাপ উদ্ভূত হইলে পদার্থ সমূহের স্থলতা ভাঙ্গিয়া গিয়া ক্রমশঃ ক্ষুদ্রাদপি ক্ষুদ্র পরমাণুতে পরিণত হয়। এক্ষণে দেখিতে হইবে যে, উক্ত পদার্থত্রয়ের বিনা সমন্বয়ে বিশ্লেষক-উত্তাপ উদ্ভূত হইতে পারে কি না? এতদর্থে উক্ত পরীক্ষাধীন স্থানে বায়ু প্রবেশের পথ রোধ করিতে হইবে। মৃত্তিকাকে দৃঢ়রূপে চাপিয়া দিলে তন্মধ্যে বায়ু বা রৌদ্র প্রবেশ করিতে পারিবে না সুতরাং মৃত্তিকা মধ্যে উত্তাপ জন্মিবে না। দ্বিতীয়তঃ—অল্প সকল কার্য্য যথা নিম্নমে সম্পন্ন করিয়া যদি তাহাতে আদৌ জল সেচন করা না যায়, তাহা হইলেও তন্মধ্যে উত্তাপ জন্মিবে না। অতঃপর দেখা যায়—বায়ু প্রবেশের পথ থাকিলে রৌদ্র বা উত্তাপ প্রবেশের পথ থাকিবে এবং তন্মধ্যে অবশ্যই যে বায়ু প্রবেশ করিতে পারিবে সে বিষয়ে কোন সন্দেহ নাই।

মাটিতে মার—বিশেষতঃ উদ্ভিজ্জ মার—থাকিলে তন্মধ্যে এত স্থান খালি থাকে যে, তথায় বহু পরিমাণ বায়ুর স্থান হয় এবং তন্মধ্যে অবাধে বায়ু প্রবাহিত হইতে পারে। এই তিন পদার্থের যৌথ ক্রিয়া ফলে মৃত্তিকাভগ্নত ক্ষুদ্র ও জ্বলনীয় পদার্থ-সমূহ বিগলিত হইয়া ক্রমে বিলিষ্ট হইতে থাকে।

ভূগর্ভস্থ রস তপ্ত হইলে এতই লঘু হইয়া পড়ে যে, তখন আর তাহা শীতল রসের মধ্যে আবদ্ধ থাকিতে না পারিয়া বাষ্পাকার ধারণ করতঃ বায়ুমণ্ডলে গিয়া মিশিতে থাকে। ভূমি হইতে যে নিরন্তর বাষ্পোদ্গত হইতে থাকে, তাহা সহজে দেখিতে পাওয়া যায়। অনাবৃত জমির কোন স্থানে একটা কাচের গেলাস উল্টাইয়া রাখিয়া দিলে কণ কাল পরে দেখা যাইবে যে, গেলাসের ভিতর চারিদিকে শিশির বিন্দু লাগিয়া আছে। উক্ত শিশির বিন্দু ভূ-নিঃসৃত বাষ্পের রূপান্তর মাত্র। গেলাসের দ্বারা আবৃত থাকার উক্ত বাষ্প বায়ুমণ্ডলে যাইতে না পারিয়া শীত সংযোগে ঘনতা প্রাপ্ত হয় এবং পুনরায় জলে পরিণত হয়। দিবাভাগে ভূমি হইতে যে বাষ্প নিঃসৃত হয়, বায়ুমণ্ডলের শুষ্কতা ও রৌদ্রের উত্তাপ হেতু নিঃসরণ মাত্রেরেই শুকাইয়া যায়, সেইজন্য আমরা তাহা দেখিতে পাই না, কিন্তু রাত্ৰিকালের নিঃসৃত বাষ্প বায়ুমণ্ডলের সিক্ততা ও ঘনতা হেতু অধিক উপরে উঠিতে পারে না, ফলতঃ শিশিরে পরিণত হয়। ভূগর্হীন ভূমিতে শিশিরপাত হইলে ভূমি তাহা শোষণ করিয়া লয় বলিয়া তাহাও আমাদের নয়নগোচর হয় না, কিন্তু ভূগর্হিত স্থানে শিশির বেশ স্পষ্ট দেখা যায়। শীতকালে অত্যধিক শিশিরপাত হইয়া বলিয়া ভূগর্হীন স্থানও তাহাতে সিক্ত হইয়া থাকে,—শীতকালের প্রাতে তাহা দেখিতে পাওয়া যায়।

সৃষ্টিকা মধ্যে জলের প্রাধান্য সামান্য নহে। রস না থাকিলে

রস সৃষ্টিকার ক্রিয়াশীলতা থাকে না,—ইতি পূর্বে তাহা

সংক্ষেপে বলা হইয়াছে। ধারণতা অনুসারে সৃষ্টিকা

মধ্যে যত অধিক রস থাকে, ততই উদ্ভিদের পক্ষে মঙ্গলকর।


জলই উদ্ভিদকে বাঁচাইয়া রাখে এবং জলের সহিতই মৃত্তিকাস্তর্গত সার পদার্থ উদ্ভিদ শরীরে প্রবেশ লাভ করিয়া তাহার অবয়ব গঠনের সহায়তা করে। কোন গাছকে কেবল মাত্র সচ্ছ বায়ুমধ্যে বসাইয়া রাখিলে তাহা বাঁচিয়া থাকে সত্য, কিন্তু বৃদ্ধিত হইতে পারে না। আরও লক্ষ্য করিলে বুঝিতে পারা যায় যে, উক্ত উদ্ভিদ যত রস আহরণ করিতে থাকে, তৎসমুদায় তাহার কোমলাংশ ও পত্রস্থ ছিদ্র (Stomata) দ্বারা বাষ্পকারে বহির্গত হইয়া যায়। এখানে উদ্ভিদকে জল ও বায়ুমণ্ডল—এতদ্বয়ের মধ্যবর্তী পয়ঃপ্রণালী বা Pump স্বরূপ বলা যাইতে পারে। যে গাছ যত অধিক বৃদ্ধিশীল, সে গাছ তত অধিক রস শোষণ করিয়া থাকে এবং তাহাতে তত অল্প স্থূল পদার্থ থাকে।* ফল ও ফুলে রসের ভাগ অত্যধিক। ইহাদিগের মধ্যে অনেক গাছই শত করা প্রায় ৯০ ভাগ জলে পূর্ণ, অবশিষ্ট স্থূল পদার্থ। অগ্ন্যুত্তাপে কটাহে ভাজিলে কিম্বা অধিতে দহন করিলে উহা ভস্মীভূত হইয়া যায়, উহার দাহ্য পদার্থ পুড়িয়া যায়, সুতরাং পরিমাণ আরও কমিয়া যায় ফলতঃ প্রকৃত জলের পরিমাণ বৃদ্ধিতে পারা যায় না। পরীক্ষণীয় জ্রবা যতক্ষণ না তথ্য প্রবেশ হয়, ততক্ষণ তাহাকে জলোত্তাপে রাখিতে হইবে এবং কটাহের জল উদ্বেলিত হইয়া তদুপস্থিত

* জলোত্তাপে (Water Bath) কোন জ্রব্যকে শুক করিতে হইলে এক কটাহ জলে একটা পাত্র রাখিয়া সেই পাত্র মধ্যে উক্ত জ্রব্যকে রাখিয়া দিতে হয়। অন্তঃপর পাত্র সমেত কটাহকে প্রজ্জ্বলিত উনানে বসাইয়া রাখিতে হয়। জলের উত্তাপে উক্ত জ্রব্য শুক হইয়া যাইবে কিন্তু পুড়িবে না। পরীক্ষণীয় জ্রব্যকে অন্তঃপর শুকন করিলে বুঝা যাইবে যে, উহাতে কত জল ছিল।

পাত্রে না পড়ে, তদ্বিষয়েও দৃষ্টি রাখিতে হইবে। এতদ্বারা বুঝিতে হইবে যে, মৃত্তিকা মধ্যে কত রস থাকা প্রয়োজন। মৃত্তিকায় যত রস কম থাকে, গাছের বৃদ্ধি তত কম হইয়া থাকে,— উদ্ভিদের পোষণোপযোগী পদার্থ তত কম পরিমাণে আহরিত হয়। দীর্ঘজীবী মহীকুহ মধ্যে রসের ভাগ অপেক্ষাকৃত অল্প দেখা যায়,—৫০।৬০ ভাগ হয়ত তাহাতে রস থাকে। ঈদৃশ গাছ যে অল্প রস আহরণ করে তাহা নহে। বড় গাছ বহু পত্রক ও বহু শাখী হইয়া থাকে, এবং তদ্বারা বহু পরিমাণ রস বহির্গত হইয়া যায়। ইতিপূর্বেই বলা হইয়াছে যে, উদ্ভিদের কোমলাংশ (শাখা প্রশাখার শেবাগ্র ভাগ) ও পত্রের ভিতর দিয়া রস বহির্গত হইয়া যায়। বৃহৎ বৃহৎ বৃক্ষ সমধিক পরিমাণে রস আহরণে অসমর্থ হইলে তাহারা বৃহদাকার হয় কিরূপে, ইহা ভাবিয়া দেখিলেই এ সমস্তা প্রতিপাদিত হইবে। মৃত্তিকা মধ্যে রসের অভাব নাই এবং কখনও অভাব হয় না। ভূমি বৃষ্টি কাগজের ন্যায় শোষণক্ষম। বর্ষাকালে ভূমিতে যত জল শোষিত হয়, তাহার অধিকাংশ ভূগর্ভ মধ্যে সঞ্চিত থাকে এবং সেই সঞ্চিত রস উদ্ভিদকে বার মাস পোষণ করিয়া জীবিত রাখে ও বর্দ্ধিত করে। ভূমির সঞ্চয় শক্তি না থাকিলে বর্ষাকালের অব্যবহিত পর হইতেই গাছ-পালা মরিয়া বাইতে থাকিত এবং অল্প দিন মধ্যেই পৃথিবী মরুভূমিতে পরিণত হইত। অনাবৃষ্টিতে ভূপৃষ্ঠ শুক হইতে পারে, কিন্তু যতদিন রসাতল বা পাতাল বিস্তারিত থাকিবে, ততদিন ভূমি একবারে রসহীন হইবে না,— উদ্ভিদের রসাতলাব হইবে না।

ধারণক্ষম মৃত্তিকা রস হইয়া থাকে। যে মৃত্তিকায় সে শক্তি

নাই, তাহাতে জল সঞ্চিত হইলে তাহার কিয়দংশ ভূমির উপরিভাগ দিয়া অন্তর প্রবাহিত হইয়া যায়, অবশিষ্ট নিম্নাভিমুখী হইয়া অধো-স্তরে, এবং তথা হইতে নিম্নতরদেশে নানিয়া যায়। অতঃপর যেখানে গিয়া কঠিন ও ঘন মাটির স্তর পায় সেই খানে গিয়া স্থিতি লাভ করে, কিন্তু উপরিভাগের জল ভারে তদুর্দ্ধ-স্থিত কাঁজরা মাটি ভেদ করিয়া কতক জল কোন দিক দিয়া নির্গত হইয়া যায়। পর্তুতে যে সকল নিষ্করিনী দেখা যায়, তাহার এইরূপে উৎপন্ন হইয়া থাকে। সমতল প্রদেশে নিষ্ক-রিনীর উদ্ভব হয় না বটে, কিন্তু নানা দিক দিয়া জল চুয়াইয়া দূরে গিয়া পড়ে, অবশেষে খাল, বিল, কূপ, নালা মধ্যে গিয়া পৌঁছে। অতিশয় রস জমিকে দো-রসা বা শুষ্ক করিতে হইলে ক্ষেত্রের চারিদিকে অল্পাধিক গভীর নয়াঙ্গুলি কাটিয়া দিলে বিশেষ উপকার দর্শিয়া থাকে।



যে দেশের মাটি বড় শুষ্ক, তথাকার ভূগর্ভে উত্তাপেরও বিশেষ অভাব দৃষ্ট হয়। রৌদ্র হেতু উপরের মাটি উত্তপ্ত হয় সত্য, কিন্তু মৃত্তিকার রসাত্তাব হেতু ভূগর্ভ মধ্যে উত্তাপ প্রবিষ্ট হয় না। সেই জমিকে কৃত্রিম উপায়ে জল মিত্ত করিবার ক্ষণ কাল পরে—ইতোমধ্যে অবশ্য সূর্যোত্তাপ পাইলে,—তাহার

মধ্যে তাপমাত্রা যন্ত্র (Thermometer) প্রবিষ্ট করিয়া দিলে দেখা যাইবে যে, তাহাতে উত্তাপের সঞ্চয় হইয়াছে।

যে জমি অতিশয় রসাল, কিম্বা যে জমির আর্দ্রতা শীঘ্র দূর
নয়াঞ্জুলি হয় না, তাহার উন্নতি সাধন করিবার জন্য, হয়
জমিকে অল্পাধিক উচ্চ করিতে হয়, কিম্বা সুবিধা
থাকিলে তাহার চারিপার্শ্বে নয়াঞ্জুলি খনন করিতে হয়।
নয়াঞ্জুলির অপর নাম 'পগার'। নয়াঞ্জুলি বা পগারের দ্বারা
দুইটি বিশেষ উপকার হয়, ১ম,—ভূগর্ভ দিয়া মৃত্তিকার উপরি-
ভাগের জল চূরাইয়া তন্মধ্যে গিয়া পড়ে, ফলে জমির আর্দ্রতা
হ্রাস হয়; ২য়,—পগারের মাটি দ্বারা ভূমিকে উচ্চ করিতে
পারা যায়; ৩য়,—অতিরিক্ত জল বাহির হইয়া যাইতে পারিলে
ছিদ্রপথ মধ্যে অল্পাধিক স্থান হয়, তন্নিবন্ধন তন্মধ্যে বায়ু প্রবেশ
করিতে পারে, এবং রৌদ্রের উত্তাপ প্রবিষ্ট হইয়া রসকে উত্তপ্ত
করিতে পারে, উপরন্তু রসের পরিক্রমণ শক্তি বৃদ্ধি পায়। অতঃপর—

নয়াঞ্জুলি যত গভীর হয়, তৎসম্বন্ধিত জমির মাটি তত অধিক
নিম্ন দেশ অবধি অল্পাধিক শুষ্ক হইয়া থাকে।

নয়াঞ্জুলি
উদ্ভিদ

মৃত্তিকা অনার্দ্র অথচ সরস থাকিলে উদ্ভিদ বৃদ্ধি
শীল হয়। অনার্দ্রতা হেতু মৃত্তিকা মধ্যে উদ্ভিদের

মূল সমূহ বহু দিকে ও বহুদূর নিম্নে ধারিত হইতে পারে।
ইতিপূর্বে বিবৃত হইয়াছে যে, উদ্ভিদ যাত্রাই অধিক জল
আহরণ করিতে পারে ও করিয়া থাকে। অল্পরস মৃত্তিকা মধ্যে
তাহাদিগের রসাভাব বিদূরিত হয় না, অগত্যা মূল সমূহকে জলের
উদ্দেশে চারিদিকে,—বিশেষতঃ নিম্নভাগে সমারিত হইতে হয়।
নিম্নস্থিত চিত্র দ্বারা বুঝিতে পারা যাইবে যে, 'ক' হই

জমির মধ্যবর্তী পগার ; 'খ' বৃক্ষ সমন্বিত ভূপৃষ্ঠ ; 'ঘ-ক' ও 'ক-ঙ'-ভূগর্ভ ; 'গ-গ' মধ্যবর্তী স্থান বারিস্তর। 'খ-খ' ভূমি-খণ্ডদ্বয়ের উপর যে উদ্ভিদ দেখা বাইতেছে, তাহাদিগের মূল (গ-গ) বারিস্তরে আসিয়া পৌঁছিয়াছে। পগারের নিম্নাংশ জল পূর্ণ। বারিস্তর যে, পুষ্করিণীর স্থায় জলে পূর্ণ থাকে তাহা নহে, তবে তথায় সমধিক জল থাকে এবং তথাকার মাটি অত্যন্ত রস ও খসু খসে নরম হইয়া থাকে।

সুশনী, কল্মী, হিংচা, পানা, শেওলা প্রভৃতি জলজ এবং ধাতু (আমন ও জলি) পাট প্রভৃতি অর্ধ জলজ উদ্ভিদ ভিন্ন অপর কোন উদ্ভিদ জলময় বা অর্ধ জলময় হইয়া জীবিত থাকিতে পারে না। সকল গাছের প্রকৃতি সমান নহে, সেই জন্য কোন কোন বৃহৎ বৃক্ষ ছই পাঁচ দশ দিন গোড়ার জল সঞ্চিতাবস্থায় জীবিত থাকিতে পাবে, কিন্তু তাহা সাধারণ নিয়ম মধ্যে গণ্য হইতে পারে না। উদ্ভিদগণ জলস্তরের উপরিভাগ মাত্র স্পর্শ করিয়া থাকিতে পারে কিন্তু মূল সমূহ জলে ডুবিয়া থাকিলে গাছ মরিয়া যায়। ভূমি রসাল হইলে মূলগণ তত নিম্নদেশ পর্য্যন্ত প্রবেশ না করিতে পারে। উদ্ভিদগণের একটা সংস্কার আছে, তাহারা তাহারা নিজ নিজ হিতাহিত বুঝিতে পারে ও তদনুসারে কার্য করে, অধিক জলে অসুস্থ হইবার বা মরিয়া বাইবার আশঙ্কা থাকিলে তাহারা জলের দিকে না গিয়া অন্যদিকে মূল সমূহ প্রসারিত হইতে থাকে, আবার জগদীশ্বরের এমন সুন্দর কৌশল যে, উপরাস্তর হইলে উদ্ভিদগণ যাহাতে সেই রস ভূমিকে অনেক-পযোগী করিয়া লইতে পারে শুষ্কতা তাহাদিগকে বর্জন শক্তি দিয়াছেন। সেই শক্তি সহযোগে ইহারা পত্র-কূপ (pores) দ্বারা

রস বর্জন করিয়া জমির রসকে শুকাইয়া লয়। শুকভূমির গাছ রসা ভূমিতে এবং রসা ভূমির গাছ শুক ভূমিতে কোনরূপে গিয়া পড়িলে কিম্বা রোপিত হইলে ক্রমে সে জমি তাহাদিগের গা-সওয়া হইয়া যায়—তাহারা সে জমিতে থাকিতে অত্যন্ত হইয়া পড়ে।

নালা ডোবার সন্নিহিত গাছ-পালার মূল প্রায় দীর্ঘ হয়। ভূমির জল চুয়াইয়া স্থানীয় ডোবার গিয়া পড়ে, এইজন্য নালা ডোবার বত নিরে জল থাকে, তৎসন্নিহিত মৃত্তিকার সরসতা তত নাশিয়া গিয়া উত্তর জলস্তরের সমতলতা রক্ষা করে। পর্গারের বা নিকটস্থ জলাশয়ের বাসি বত নিরে নাশিয়া যায় কিম্বা বত শুকাইয়া যায়, ভূমির রস ততই নাশিয়া যায়। বর্ষাকালে জলাশয় বা পর্গারের জল বৃদ্ধি হেতু, ভূমির জল চুয়াইয়া বাহির হইতে পারে না, ফলতঃ ভূগর্ভস্থ মৃত্তিকা অতিশয় রসাল হয়, ভূগর্ভের বাসিত্তর উচ্চ হইয়া উঠে আবার বর্ষাকাল উত্তীর্ণ হইবার সঙ্গে সঙ্গে চারিপার্শ্বস্থিত নাবাল জমি, নরাঞ্জলি, খানা, ডোবা হইতে জল কমিয়া গেলে, ভূমির রস হ্রাস প্রাপ্ত হয়।

সর্ব্বস্থলে নরাঞ্জলি বা ক্ষেত্রের মধ্যে পুষ্করিণী থাকা স্পৃহনীয় নহে। রসা-দেশে বা রসা-ভূমিতে নরাঞ্জলি বাসি উপকার হইয়া থাকে, কিন্তু উচ্চ জমিতে ও উচ্চ ভূমি কিম্বা বেলে ভূমিতে জল নিকাল হইবার সম্বন্ধিক ব্যবস্থা থাকিলে ভূমি আরও নীরস হইয়া যায়। সীমুল হালের মাটি ব্যতীত সরস থাকে তাহারই ব্যবস্থা করা উচিত জলাশয় বা নরাঞ্জলি করা বা না করা, ভূমির কারকতার উপর নির্ভর করে, ইহা যেন রাখিয়া জল নিকাশের ব্যবস্থা করা

নরাঞ্জলির
অপকারিতা

উচিত। উচ্চ, শুষ্ক, নীরস বা বেলে জমিতে বৃষ্টির জলকে যত ধরিয়া রাখিতে পারা যায় ততই শুভকর। ঈদৃশ জমিতে বা জমির পার্শ্বে খানা ডোবা না থাকাই ভাল। অতঃপর বৃষ্টির তাবত জলকে ভূগর্ভে সংরক্ষণের নিমিত্ত গড়েন জমির স্থানে স্থানে আল বাধিয়া দিতে হয়, এবং ভূমিকে সমতল ও মৃত্তিকাকে কষিতাবস্থায় রাখিতে হয়। এই সকল প্রণালী অবলম্বন করিলে আকাশের তাবৎ জলই ভূমিতে শোষিত হইতে পারে এবং ভবিষ্যতে তাহা উদ্ভিদের কাজে আইসে। অনেক স্থলে দেখা যায়,—ভূমি স্বভাবতঃ নীরস নহে, কিন্তু পারিপার্শ্বিক কারণে এবং জল ধরিয়া রাখিবার চেষ্টা না থাকায় মৃত্তিকা শুষ্ক হইয়া যায়। মৃত্তিকা সিক্ত বা স্যাঁত সোঁতে না হয়, অথচ সরস থাকে, তাহা সর্বোত্তম বাঞ্ছনীয়। জমিকে নীরস করা বরং সহজ, কিন্তু মৃত্তিকার সরসতা রক্ষা করা বিশেষ বিবেচনার কার্য। এতৎ প্রসঙ্গে আর একটা বিশেষ কথা এই যে, নীরস জমিকে কষিতাবস্থায় রাখা ষে রূপ প্রয়োজন, অন্তর্দিকে মাটিকে অধিক আলগা থাকিতে না দিয়া চাপিয়া দেওয়া সেইরূপ প্রয়োজন। মাটিকে চাপিয়া দিলে যোগাকর্ষণে ধীরে ধীরে জল উপরে উঠে, সুতরাং বহুদিন মাটিতে রস থাকে, কিন্তু আলগা মাটির রস শীঘ্র শুকাইয়া যায়, সকল রস ফসলের উপকারে না আসিয়া কতক রসের অপচয় হয়। উচ্চতল প্রদেশের বাগান-বাগিচার কেয়ারি ও গাছের 'খালী' সমূহের জমি, পার্শ্বস্থিত সাধারণ জমি হইতে ২।৪ অঙ্গুলি গভীর রাখা হয়। এতদ্ব্যতীত সেই সকল নিম্নস্থানে অধিক জল সঞ্চিত হয়, তন্নিবন্ধন মাটি সমধিক ও অধিক দিন সরস থাকে। এ প্রণালী সিক্ত বা নিম্নতল প্রদেশে আঠৌ চলে না।

গোধূম, ভুট্টা, তিসি, গর্ষণ, প্রভৃতি নানাবিধ ফসলের গাছ
 ও সাময়িক তরি-তরকারির উদ্ভিদ অতি অল্পদিন
 বরাঞ্জির
 গভীরতা
 স্থায়ী। ইহারা ভূগর্ভে বহু দূর মূল প্রসারিত করে
 না এবং করিবার অবসর পায় না। সচরাচর
 ইহাদিগের মূল উপরিভাগের এক বিতস্তি মাটির মধ্যেই প্রায়
 আবদ্ধ থাকে। একে ত ইহারা অল্পদিন স্থায়ী, তাহাতে শুকা
 দিনের ফসল। ইহাদিগের আবাদে জল মৃত্তিকায় রস থাকা
 প্রয়োজন, এমনই ইহাদিগের ক্ষেত্র পার্শ্বে গভীর—মূল বিশেষে
 আঁঠো—পগার কাটিবার কোন প্রয়োজন হয় না, বরং তাহা
 করিলে তৎসম্বন্ধিত উদ্ভিদের রসের অভাব হয়। নাবাল
 জমিতে পটোল, অড়হর, গাজর প্রভৃতি দীর্ঘমূল ফসলের
 আবাদ করিতে হইলে, সে জমির পার্শ্বে আবশ্যিক মত গভীর
 পগার কাটার লাভ আছে। পটোলের মূল দেড় বা দুই হাত,
 অড়হরের মূল দুই হইতে আড়াই হাত দীর্ঘ হয়, সুতরাং
 ইহাদিগের জল অল্পাধিক গভীর পগার কাটিতে পারা যায়।
 কেবল পগার কাটিলেই যে সকল উদ্দেশ্য সিদ্ধ হয় তাহা নহে,
 পগারের জল যাহাতে নিকাশ হইয়া যায় তাহার ব্যবস্থা
 করিতে হইবে। পগার বারমাস জলে পূর্ণ হইয়া থাকিলে
 জমির জল চুরাইয়া বাহির হইতে পারে না। স্থানীয় অবস্থা
 ও ক্ষেত্রস্বামীর উদ্দেশ্য স্মরণ রাখিয়া পগারের গভীরতা স্থির
 করিতে হইবে।

এদেশে কৃষকদিগের জমির বিস্তৃতি অধিক নহে, সকলের
 পগার ও জলাশয়
 প্রায় এক বিঘা, দুই বিঘা মাত্র। যদিও কোন
 কোন কৃষকের অধিক জমি থাকে, তাহাও একে

সংশ্লিষ্ট নহে। টুকরা জমিতে নরাঞ্জুলি করার জাত নাই, বরং তাহাতে সহজে যে ফসলের আবাদ হইতে পারে, তাহারই আবাদ করা ভাল। তাহা ব্যতীত বিস্তীর্ণ সমতল ময়দানের মধ্যে বিস্তীর্ণ জমি থাকিলেও সেখানে পগার কাটায় কোন ফল নাই, কারণ তথাকার পগারের জল বহির্গত হইবার উপায় নাই, তবে প্রকারান্তরে একটা উপকার হইতে পারে যে, পগারের মাটি আনিয়া প্রসারিত করিয়া দিলে জমি উচ্চ হইয়া থাকে, কেবল জমি উচ্চ করিতে হইলে পগার না কাটিয়া জমির কোন স্থানে পুষ্করিণী, অথবা দীর্ঘ খিল খনন করিলে তদপেক্ষা অধিক লাভ আছে, কারণ পুষ্করিণী থাকিলে তাহাতে বার মাস জল থাকে এবং তাহাতে মৎস্য রাখিতে পারা যায়, ক্ষেত্রে প্রয়োজন মত জল সেচন করিতে পারা যায় ইত্যাদি অনেক উপকার হইয়া থাকে। পগারের দ্বারা সকল উপকার পাওয়া যায় না, বরং ইহা দ্বারা অনেক সময় বিশেষ অনিষ্ট হইয়া থাকে। পগারের জল বহির্গত হইতে না পারিলে, সেই জল ক্রমে পচিয়া স্থানীয় বাতাস দূষিত করে। পুষ্করিণী দ্বারা যে তাহা হয় না এমন নহে, তবে পুষ্করিণী লোকে প্রায় পরিষ্কার রাখে। পরিষ্কারে যে এত মেলেরিয়া বিষুচিকা প্রভৃতির প্রকোপ দেখিতে পাওয়া যায়, তাহার মূলভূত কারণ অস্বাস্থ্যকর পগার, ডোবা, জল। নরাঞ্জুলি থাকিলে জমি আনার্জ অথচ সরস থাকে, এবং বারি-ররের নিম্নতা হেতু উদ্ভিদগণ বহু ও দীর্ঘ মূলক হয়, ভূমিবন্ধন বহু রস শোষণ করিয়া উদ্ভিদকে পরিপুষ্ট ও বৃদ্ধিশীল করে। মূল অল্প হইলে রস আহরণ অল্প হয়, ফলতঃ উদ্ভিদের বৃদ্ধি ও উৎপাদন হয়।

যে জমি স্বভাবতঃ উচ্চ কিম্বা রস-ধারণে অক্ষম, সে জমির

উত্তাপ জলকে বহির্গত হইতে না দেওয়া ভাল। মৃত্তিকা
মধ্যে রস না থাকিলে, তাহাতে উত্তাপ থাকে না।

ভূগর্ভে স্বভাবতঃ যে উত্তাপ থাকে, তাহা রসাতাবে কার্য্য করিতে
না পারিয়া নিষ্ক্রিয় থাকে বা ক্রমে নির্করণ প্রাপ্ত হয়। সরস
মাটিতেই উত্তাপ পরিক্রমণ করিয়া থাকে, ইহাকে Ciruclation
of heat বলে। রস না থাকিলে বায়ু দ্বারাও কোন উপকার
হওয়া সম্ভব নহে। বায়ুমণ্ডলস্থ কার্বন, নাইট্রোজেন, অক্সিজেন
প্রভৃতি উদ্ভিদ পোষণোপযোগী বাষ্পীয় পদার্থ নীরস মৃত্তিকার
আবদ্ধ হইতে পারে না। সরস মৃত্তিকার সংযোগে আসিলে
উল্লিখিত পদার্থ সমূহ রূপে আবদ্ধ হইয়া যায়, মৃত্তিকার উত্তরতা
বৃদ্ধি পায়। ক্ষেত্র কর্ষিত হইলে মাটি উলটু-পালটু হয়, উপরের
শুক মৃত্তিকা নিম্নভাগে এবং নিম্নভাগের মৃত্তিকা উপরিভাগে
আসিয়া পড়ে। একদিকে নিম্নের সরস মৃত্তিকা ভূপৃষ্ঠোপরি
আসিয়া বায়বাদের ক্রিয়াধীন হয় এবং সংযুক্ত ও আবদ্ধ পদার্থ সমূহ
স্বাভাব্য লাভ করে, অন্যদিকে উপরের মৃত্তিকা নিম্নদেশে গিয়া
শীতোত্তাপ সংযোগে তদন্তর্গত মুক্ত পদার্থ সমূহকে বিগলিত করিয়া
উদ্ভিদের ভাবী ব্যবহারের জন্ত প্রস্তুত করে এবং উপরিভাগের
মৃত্তিকান্তর্গত সার পদার্থের নিম্নগামী অংশকে আহরণ করিয়া
সারবান হইতে থাকে। ভূমির নিম্নস্তর (Sub-Soil) একখানি
বিস্তৃত শোধক-কাগজ (Blotting Paper) সদৃশ। কর্ষিত
মৃত্তিকার নিম্নে প্রসারিত থাকিয়া উপরিভাগের নিম্নগামী পদার্থ
সমূহকে তাহা আটক করিয়া রাখে। উপরে যে সার প্রস্তুত হয়,
কিম্বা যে সকল পাতা লতা, ফল মূল, মৃত কীট পতঙ্গ বা অপরাপ্ত

জীব কিম্বা অপর যে সকল পদার্থ বিপলিত হয়, তাহার কতকাংশ জলের সংযোগে মাটির ভিতর নামিয়া যায়। এই সকল পদার্থ কর্তিত মৃত্তিকার ঠিক নিম্নে গিয়া অবস্থান করে। কর্তিত মৃত্তিকার নিম্নস্থ মাটি স্বভাবতঃ দৃঢ় থাকে, সুতরাং ভূতলভিত্তিকী স্থল পদার্থকে সেই খানেই অবরুদ্ধ থাকিতে হয়।

ভূমির মধ্যে কোনরূপে জল গবেশ করিতে না দিলে কিম্বা ভূমি নীরস হইলে মৃত্তিকার যেকোন ক্রিয়াশীলতা থাকে না, জমিকে জলে প্রস্রিত করিয়া রাখিলেও, উহা সেই আৱস্থা প্রাপ্ত হয়। এইজন্য সিক্ত ভূমির উত্তাপ কম, উর্ধ্বতাও কম। অনন্তর ভূগর্ভস্থ উত্তাপ কিম্বা উপর হইতে যে উত্তাপের সঞ্চার হয়, তাহা উৎপাদিকা শক্তিকে বর্ধিত করিবার জন্য একান্ত প্রয়োজন। ভূগর্ভস্থ স্বভাবিক উত্তাপ উদ্ভিদ শরীরে নিয়ত কার্য্য করে, অতঃপর সূর্য্যের উত্তাপ তন্মধ্যে প্রবিষ্ট হইয়া প্রথমোক্ত উত্তাপকে উদ্দীপ্ত করে। বর্ষাকালে মাটি কর্দমাক্ত হইয়া থাকে, ভূপৃষ্ঠের সর পড়িয়া ছিদ্র ও ছিদ্রপথ সমূহকে বন্ধ করিয়া রাখে,, একজন সে সময়ে মাটির মধ্যে ভালরূপে উত্তাপ সঞ্চারিত হয় না। ভূপৃষ্ঠস্থ মৃত্তিকা-কুপের (Pores) দ্বার উদ্ভিদটিত এবং ছিদ্রপথ সরস থাকিলে সূর্য্যের উত্তাপ ও যোগা-কর্ষণে ভূগর্ভের রস উপরিভাগে আসিয়া বাষ্পাকারে আকাশে মিলিত হয়। এইরূপ আকর্ষণে রস বাষ্পাকারে উপরে উঠিতে থাকে, সুতরাং বাষ্প নির্গমন রোধ হয় না। উপরিভাগের রস উত্তপ্ত হইলে তৎকাল উত্তাপ নিরূহিত প্রত্যেক জলকণাকে উত্তপ্ত করিয়া তুলে। এইরূপে প্রত্যেক জলকণাকে উত্তপ্ত করিতে করিতে সেই উত্তাপ মৃত্তিকাজাতের পারিদিকে ব্যপ্ত হইয়া পড়ে।

যে সকল জলকণা উদ্ভূত হইয়া উঠে তাহারা লঘুতা প্রাপ্ত হইয়া উপরিভাগে উঠিতে থাকে এবং বাষ্পরূপে ভূমি ত্যাগ করিয়া আকাশে গিয়া সম্মিলিত হয়। এইরূপ ক্রমাগত হঠতে থাকার মৃত্তিকা সর্বদা সরস থাকে,—মৃত্তিকার উত্তাপ থাকে। মৃত্তিকা মধ্যে এইরূপে যে উদ্ভাপ বাহিত হয় তাহাকে রসের বাহিনী শক্তি (Conducting Power) বলে। উক্ত শক্তি প্রভাবে ভূগর্ভস্থ রস সজীব বা সবল থাকে। যে মাটির রস এইরূপ সবল-তজ্জাত উদ্ভিদ বৃদ্ধিলাভ ও তেজাল হয়,—তাহাদিগের ফলন ফুলন ও পুন্দর হয়।

দশম অধ্যায়

—:~:—

ভূমি অতিশয় সিক্ত থাকিলে ছিদ্রপথ সমূহ রসে পূর্ণ থাকে। মৃত্তিকা ও বায়ু একরূপ অবস্থায় তন্মধ্যে বায়ু প্রবেশ করিতে পারে না। দো-রসা মাটিতে রস থাকে অথচ রসের অনাধিক্য হেতু ছিদ্রপথ সমূহের মধ্যে বায়ু প্রবেশের পথ থাকে। মাটির মধ্যে বায়ু প্রবিষ্ট না হইলে উদ্ভিদ জীবিত থাকিতে পারে না। মাটির মধ্যে বায়ু প্রবেশ করিয়া সিক্ত রসকে সঞ্চালিত করে,—ঘাতবীর স্তন পদার্থ সমূহকে বিয়োজিত করে। জলময় স্থানের উদ্ভিদ যে মরিয়া যায়, তাহার অন্ততম কারণ—মূলগণ বাস-প্রস্থানের জন্য বায়ু আহরণ করিবার সুযোগ পায় না। এহলে জলজ উদ্ভিদগণ এ সময়ের অধীন নহে। যাহা হউক—মৃত্তিকার পরমাণু পরস্পরের মধ্যস্থিত ছিদ্রপথ সমূহ হয় অথবা,

না হয় বায়ু, কিম্বা এতদূতরে পূর্ণ থাকে। মৃত্তিকা মধ্যস্থ বায়ুর সহিত ভূপৃষ্ঠের বায়ুর জীবৎ প্রভেদ আছে। ভূমধ্যস্থ বায়ুতে অল্পজ্ঞান বাষ্প একদিকে যেমন অপেক্ষাকৃত কম থাকে, অন্যদিকে সেইরূপ কার্বনিক-এসিড-বাষ্প ও স্যামোনিয়া বাষ্প অধিক থাকে। উদ্ভিদ-মূল অল্পজ্ঞানের কিয়দংশ এবং অপর দুইটা বাষ্প মৃত্তিকা মধ্যস্থিত গলস্ত উদ্ভিজ্জ পদার্থ হইতে আহরণ করিয়া থাকে। অতঃপর বিগলিত উদ্ভিজ্জপদার্থজাত নাইট্রিক স্যাসিড নামক দ্রাবকের সহিত উক্ত অল্পজ্ঞান সম্মিলিত হইয়া নাইটেট (nitrate) নামক সোরাঙ্গান-সম্ভূত লবণ উৎপন্ন করিয়া উদ্ভিদের আহাৰ্য্যের সংস্থান করিয়া দেয়। মৃত্তিকা মধ্যে অধিক বায়ু প্রবিষ্ট হইতে পারিলে অধিক উপকার দর্শিয়া থাকে, এই জন্ত মৃত্তিকার প্রকৃতিক অবস্থা যেরূপ, তন্মধ্যে বায়ুর প্রক্রিয়া ও তদনুপাতিক হইয়া থাকে। অকর্ষিত ও কঠিন মৃত্তিকা মধ্যে বায়ু প্রবেশের পথ রুদ্ধ থাকে, এজন্য মৃত্তিকার কার্যকারিতা। থাকে না অথবা অতি অল্প থাকে কিন্তু কর্ষিত আলগা ও লঘু মৃত্তিকা মধ্যে যথেষ্ট পরিমাণে প্রবেশ করিতে পারে, এবং সেই কারণে তাহার উর্বরতা অধিক। কিন্তু এখানে ইহাও স্মরণ রাখিতে হইবে যে, ভূপৃষ্ঠ অধিক ফাটিয়া থাকিলে কিম্বা অত্যন্ত আলগা থাকিলে তন্মধ্যে অধিক বাতাস প্রবেশ করে বটে, কিন্তু তাহাতে মৃত্তিকা নীরস হইয়া পড়ে।

ভূমি-গর্ভে যাহাতে বায়ু প্রবেশের পথ সক্ষীর্ণ না হয় কিম্বা

যাহাতে তন্মধ্যে বায়ু প্রবাহিত হইতে পারে,

বায়ুর প্রবেশ
পথ

তদ্ব্যজ্ঞ করেকটা উপায় আছে। সুচার, জল

নিকাশের জন্ত পরঃপ্রণালী প্রবর্তন, ও দীর্ঘ

মূলক উদ্ভিদ রোপণ,—এই ভিনটীর প্রতি বিশেষ লক্ষ্য রাখিলে আশারূপ ফল পাওয়া যায়। সুচাষ দ্বারা ভূমি উত্তমরূপে কর্ষিত হইয়া থাকে, মৃত্তিকা চূর্ণীত হয় ও মৃত্তিকাকে অস্বাভিক চাপিয়া দেওয়া হয়। অতঃপর জল নিকাশের জন্য ভূমির চতুর্দিকে বা স্থানে স্থানে আবশ্যিক মত পগার ও পুষ্করিণী খনন করিবার কথা ও অধ্যায়ান্তরে বলিয়াছি। পগারাদি দ্বারা জমির অতিরিক্ত রস নিম্ন ভাগে নামিয়া যায়, তন্নিবন্ধন ছিদ্রপথের স্থান অস্বাভিক শূন্য হয়। স্থূল ও দীর্ঘ মূল উদ্ভিদ দ্বারা বিশেষ উপকার পাওয়া যায় কারণ মূলের স্থূলতা ও দীর্ঘতা হেতু ভূগর্ভ মধ্যে অস্বাভিক শূন্যতা পাওয়া যায়, সুতরাং তন্মধ্যে বায়ু অধিক দূর প্রবেশ করিতে পারে। ধাতু, গোধূমাদি অদীর্ঘ ও স্থূল মূল উদ্ভিদ দ্বারা সে উপকার পাওয়া যায় না, কিন্তু পটল বা অড়হরের মত দীর্ঘ মূল গাছের মূল ২৩ হাত গভীর মৃত্তিকা মধ্যে প্রবেশ করিয়া থাকে সুতরাং ইহারা অধিক দূর নিম্নদেশ পর্য্যন্ত বায়ু প্রবেশের পথ প্রশস্ত করিয়া দেয়। ইহাদিগের অনেক শিকড় মাটির মধ্যে মরিয়া পচিয়া গেলেও মাটির মধ্যে অনেক শূন্য স্থানের আবির্ভাব হয় এবং তথায় গিয়া বায়ু স্থান প্রাপ্ত হয়। মহীলতা, উইচিংড়ি, প্রভৃতি নানা প্রকার কীট পতঙ্গ ও মূষিক, গন্ধমূষিক প্রভৃতি মৃত্তিকা মধ্যে স্রুড়ঙ্গ করিয়া তন্মধ্যে বাস করিয়া থাকে, ইহাতেও ভূমির মধ্যে বায়ু প্রবেশের পথ সুগম হয়। সময়ে সময়ে কেবল দীর্ঘ মূল উদ্ভিদের আবাদ করিলে তাহারো পত্র দ্বারা বায়ুমণ্ডল হইতে নোরাঙ্গান (nitrogen) আহরণ করতঃ মাটির মধ্যে অনেক দূর পর্য্যন্ত লইয়া যায়, একদ্বারা মৃত্তিকা উক্ত পদার্থেরও লক্ষ্য

হয়।* অপরাপর উদ্ভিদগণ মাটির ভিতরস্থ বায়ু মূল দ্বারা আহরণ করে, ফলতঃ ইহারা ঘরের জিনিষ খরচ করে, কিন্তু সিন্থীক উদ্ভিদগণ বহির্দেশ হইতে সংগ্রহ করিয়া মাটির মধ্যে সংস্থাপন করে।



ভূগর্ভে বায়ু প্রবেশ করিতে না পারিলে উদ্ভিদাণুগণ জীবিত থাকিতে পারে না। উক্ত উদ্ভিদাণুগণ বায়ু-মণ্ডলের সৌরাজানিক বাষ্পকে আহরণ করিয়া

ভূগর্ভে সংস্থাপিত করে সুতরাং মৃত্তিকা মধ্যে উহাদিগের থাকা বিশেষ প্রয়োজন। উাহারা যে কেবল বাষ্প আহরণ করে তাহা নহে, মৃত্তিকাস্তর্গত জৈবাজৈব নির্ক্শেবে সকল পদার্থকে জীর্ণ করিয়া শীঘ্রই উদ্ভিদের ব্যবহারেপযোগী করিয়া দেয়। এই সকল ক্ষুদ্রাদপিক্ষুদ্র জীবানুগণ দ্বারা জগতের কত ইষ্ট সাধিত হইতেছে তাহার ইয়ত্তা করা যায় না। মাটির মধ্যে বাহাতে উহাদিগের বহুল পরিমাণে বংশ বৃদ্ধি পায় তৎপ্রতি দৃষ্টি রাখা বিশেষ কর্তব্য। বায়ু হীন স্থানে ইহারা বাঁচিতে পারে না।

* পত্র দ্বারা বায়ুমণ্ডল হইতে সৌরাজান আহরণ করিবার শক্তি কেবল সিন্থী জাতীয় উদ্ভিদেরই আছে। অপরাপর উদ্ভিদগণ মৃত্তিকা-ভিত্তরস্থ বায়ু হইতে মূল দ্বারা উক্ত পদার্থকে আহরণ করে। বট, মটর, কলাই, মাধ-কলাই, অড়হর প্রভৃতি সিন্থী-জাতীয় উদ্ভিদ। এই শ্রেণীর বৈজ্ঞানিক নাম—Leguminosae.

একাদশ অধ্যায়

—:~:~:~:—

বায়ুমণ্ডলে যেৰূপ সৰ্বদা বিদ্যুৎ-প্রবাহ বৰ্ত্তমান, ভূমির
বিজলী মধ্যো সেইৰূপ নিরন্তর বিদ্যুৎ প্রবাহিত হই-
তেছে, কিন্তু ভূমধ্যস্থ প্রবাহ অতি ক্ষীণ ও ধীর।
তাহা হইলেও এতদ্বারা উদ্ভিদের বিশেষ উপকার দর্শিয়া।
থাকে। বায়ুমণ্ডলস্থ বিদ্যুতিক পদার্থ বৃষ্টির সহিত সংযুক্ত হইয়া
ভূমিতে আদিয়া স্থান প্রাপ্ত হয়। ভূমির জল শুকাইয়া গেলেও
উক্ত বৈদ্যুতিক পদার্থ ভূমির মধ্য আবদ্ধ থাকে কিন্তু ভূমি
সরস থাকিলে উহা ভূপৃষ্ঠের দিকে নিরন্তর আকৃষ্ট হয়, সুতরাং
তাহার কতকাংশ মৃত্তিকা মধ্য এবং অপরাংশ ভূপৃষ্ঠের অতি
নিকটে বৰ্ত্তমান থাকে। এতন্নিবন্ধন উদ্ভিদের পত্রগণ বায়ু-
মণ্ডল হইতে অক্সারিক-বাষ্প (Carbonic acid gas) আহরণ
করিতে সমর্থ হয়। ফরাসী বৈজ্ঞানিক নলেট ও বার্ধিলট
(Abbe Nollet ও Abbe Berthelot) বৈদ্যুতিক শক্তি
প্রয়োগ দ্বারা অতি সহজে নানাবিধ বীজ অঙ্কুরিত করিতে সমর্থ
হইয়াছেন। উক্ত শক্তি প্রভাবে ভূগর্ভস্থ উদ্ভিদাণুগণ অঙ্কুরাণীত
হইয়া উঠে এবং মৃত্তিকাস্তর্গত সোয়াজানকে উদ্ভিদের আহরণো-
পযোগী নবণে (nitrate) পরিণত করিবার সহায়তা করে।
কেবল তাহাই নহে। উহারা অঙ্কুরাণীত হইয়া অক্সিজেন

খনিজ পদার্থ সমূহকেও একরূপে দ্রবীভূত করিয়া লাবণিক অবস্থায় আনিয়া দেয় যে, তাহা সহজে মূল মধ্যে প্রবিষ্ট হইয়া উদ্ভিদ রসের সহিত সংমিশ্রিত হইতে পারে। প্রোফেসর লেমস্ট্রম (Professor LemStrom) বলেন যে, বৈদ্যুতিক-শক্তি দ্বারা উদ্ভিদ মধ্যে রস-প্রবাহ ক্রম হ্রাস সূতরাং উদ্ভিদগণ অপেক্ষাকৃত অধিক বুদ্ধিশীল ও তেজাল হয়। বিগত ১৮৮৫ খৃষ্টাব্দে লেমস্ট্রম সাহেব বৈদ্যুতিক-শক্তি প্রয়োগ দ্বারা গোধূন ও যবের ফলন ৪০ গুণ বর্দ্ধিত করিয়াছিলেন।

বর্ষাকালে নিরন্তর বৃষ্টি হইলে বলিয়া ভূগর্ভ ও ভূপৃষ্ঠ বৈদ্যুতিক পদার্থে প্রাবিষ্ট থাকে বলিলেই হয়, এজন্য সে সময়ে উদ্ভিদ মধ্যে রসের প্রবাহ প্রবল থাকে, ফলতঃ উদ্ভিদগণ সে সময়ে যথেষ্ট তেজাল হয়। শীতকালে একে বৃষ্টির অভাব, তাহাতে শৈত্যতা হেতু উদ্ভিদ মধ্যে রস গাঢ় ও স্থগ্ন থাকে, এজন্য এ সময়ে উদ্ভিদে তাদৃশ সজীবতা পরিলক্ষিত হয় না। এ সময়ে ভূগর্ভে ও ভূপৃষ্ঠে বিদ্যুৎ প্রবাহ প্রয়োগ করিতে পারিলে উদ্ভিদের জড়তা বিনষ্ট হয়,—যুদ্ধিকস্তর্গত উদ্ভিদগণ সমধিক ক্রিয়াশীল হইয়া উদ্ভিদের আহার্য প্রস্তুত করণে তৎপর হয়, তাহার অবশ্যস্বাবী ফলে—ফসলের ফলন প্রচুর এবং ফসল পরিপুষ্ট হয়।

কৃত্রিম উপায়ে কেবল বৈদ্যুতিক প্রবাহ সংযোজিত করিতে হইলে ভূমি হইতে উৎসে মথবা ভূমির মধ্যে তারের (Electric wire) টানিয়া ফসল-কালে সময়ে সময়ে নিয়মিতরূপে বিদ্যুতের প্রবাহ প্রয়োগ করিতে হয়। ইংলণ্ডের অন্তর্গত ইভশোর (Eveshaw) বমফোর্ড কোম্পানী Messes R&B

Bomford) প্রায় ৬০ বিঘা গোধূম- ও ষব-ক্ষেত্রে বিজলী প্রবাহিত করিয়া দেখিয়াছেন যে, বিজলীর প্রভাবে শত করা পঁচিশ ভাগ শস্যের ফলন এবং তদপেক্ষা অধিক খড়ের পরিমাণ বৃদ্ধি পাইয়াছিল। বৃক্ক-রাজ্যের স্থানে স্থানে ও গবর্ণমেন্টের একটি আদর্শ-ক্ষেত্রে ইহার পরীক্ষা চলিতেছে। প্রবাহ অধিক হইলে গাছ মরিয়া যায়। ভারতবর্ষে আদৌ ইহার পরীক্ষা হয় নাই, অপর কোন দেশে হইয়াছে কি না তাহা জানা যায় নাই। ভারতে ইদানীং বৈজ্ঞানিক আলোক প্রবর্তিত হইয়াছে। ধনীব্যক্তিগণ ইচ্ছা করিলে বাগান-বাগিচার বা ক্ষেত্রে বিজলী-তার সংযুক্ত করিয়া ফলাফল পরীক্ষা করিতে পারেন।

দ্বাদশ অধ্যায়

মৃত্তিকার সংস্পর্শে জলীয় বা স্থূল—যে কোন পদার্থ আসে, ষরিত্রী তাহাকে স্বীয় গর্ভমধ্যে সঞ্চয় করিয়া রাখিতে

মৃত্তিকার
সংহান-শক্তি

সর্বদা নিরন্তর এবং স্বীয় সামর্থ্যমুসারে উবিঘাতের
জন্ত সংগ্রহ করিয়া রাখিতে তৎপর। মৃত্তিকা
মধ্যে এইরূপে নানাবিধ পদার্থ সঞ্চিতাবস্তায় থাকে বলিয়া মানুষের
বিনা চেষ্টাতেও গাছপালা প্রতিনিয়ত উৎপন্ন হইতেছে। বৃক্ক-
লতাদির মূল, কাণ্ড, শাখা-প্রশাখা, ফল-ফুল বা কন্দ হউক, অথবা
জীবসেহাবশিষ্ট মেদ, মাংস, অস্থি, চর্ম, কেশ, নখ হউক অথবা
বালি কঁকর, চুন, পটাস, কলকরম হউক,—মৃত্তিকা সংস্পর্শে

আমিষায়াই যে উদ্ভিদগণ তাহাদিগকে আহরণ করে তাহা নহে। প্রদত্ত বা আহরিত পদার্থের অতি সামান্য পরিমাণই উদ্ভিদের আপাততঃ ব্যবহারে আসে,—অবশিষ্ট অধিকাংশই মৃত্তিকার সেই ছিদ্রপথ মধো অবরুদ্ধ বা সঞ্চিত হইয়া থাকে। এতদ্ব্যতীত তজ্জাত নানা উদ্ভিদের নানা অংশ শুষ্ক ও বিচ্যূত হইয়া আপনা হইতে ভূমিতে স্থান প্রাপ্ত হইয়া মৃত্তিকার কলেবর যুক্তি ও পরিপুষ্ট করে। এই জন্ত—

উদ্ভিদের আহারোপযোগী যে কোন পদার্থ ভূগর্ভে পাওয়া যায়, তৎসমুদায়কে তিন ভাগে বিভক্ত করা যাইতে পারে। ১ম,—গলিত অর্থাৎ বাহ্য আপাততঃ ব্যবহারোপযোগী ; ২য়,—মধ্য-স্থানা-প্রাপ্ত পদার্থ অর্থাৎ যাহা অনতিকাল মধোই ব্যবহারোপযোগী হইতে পারে ; ৩য়,—যাহা দীর্ঘ কাল পরে ব্যবহারোপযোগী হইবে। ভূমির মধো উল্লিখিত তিন প্রকারের পদার্থ প্রতিনিয়ত না থাকিলে আমাদিগকে সর্বদা সারের জন্ত ছুটাছুটি করিয়া বেড়াইতে হইত। উল্লিখিত ব্যবস্থানুসারে বর্তমান হইতে সুদূর ভবিষ্যতের পর্য্যন্ত আহাৰ্য্য মৃত্তিকার বিস্তারিত থাকে বলিয়া জমিতে সার প্রয়োগ না করিয়াও আবাদ করা চলিতে পারে। সীদৃশ অবস্থায় মৃত্তিকার স্বাভাবিক গুণাগুণ ও কৰ্ষণাদির ভারতম্য অনুসারে ফসলের ইত্যরবিশেষ হইয়া থাকে। একথা বলিবার উদ্দেশ্য এই যে, কেবল সারের উপর নির্ভর না করিয়া মৃত্তিকাস্ত-গত সারের উপর যতটা ভারমা করিতে পারা যায় তাহা করা উচিত। সার প্রয়োগ করিতে পারিলে তা উত্তমই হয়। স্বকৰ্ষণের পর সার সংযোজিত হইলে, 'সোনার সোহাগা,' হয়, ইহা বলাই বাছল্য।

সুস্থ ব্যবহারোপযোগী পদার্থের উপর নির্ভর করিয়া কৃষি-কার্য করা চলে না। ভূগর্ভে উদ্ভিদের আহাৰ্য্য পদার্থ সমূহ উল্লিখিত তিন অবস্থায় থাকায় জমিতে গাছটী রোপন করিয়া আমরা নিশ্চিত থাকিতে পারি। উপস্থিত ব্যবহারের জন্ত মাটিতে যে যে পদার্থ প্রস্তুত থাকে, তদ্বারা উদ্ভিদ আপাততঃ জীবন ধারণ করিয়া বর্দ্ধিত হইয়া থাকে। ইত্যবসরে যে ভূগর্ভস্থ আশু দ্রবনীয় পদার্থ নিচয় বিগলিত ও বিল্লিষ্ট হইতে থাকে, এবং উদ্ভিদের মূলগণও বর্দ্ধিত হইয়া চারিদিকে ধাবিত হইয়া, আহাৰ্য্যবেষণ করে ও লক্ষ পদার্থ আহরণ করিয়া লয়, সুতরাং উদ্ভিদকে আর তাদৃশ নির্দিষ্ট সীমার মধ্যে আবদ্ধ থাকিতে হয় না। উক্ত দ্বিতীয় প্রকার পদার্থ ধরত হইবার সঙ্গে তদপেক্ষা মূল পদার্থ ব্যবহারোপযোগী হইয়া উঠে। সুতরাং উদ্ভিদের প্রায় আহাৰ্য্যভাব ঘটে না।

টবে বা গামলায় যে সকল গাছ রোপিত হয়, তাহাতে গামলায় গাছ সারের ফলাফল-স্পষ্ট বুঝিতে পারা যায়। উভয় সার সংযোগে মাটি তৈয়ারি করিয়া গামলা পূর্ণ করতঃ তাহাতে কোন উদ্ভিদ রোপন করিলে দেখিতে পাওয়া যায় যে, গামলার আন্তরন অনুসারে তাহাতে যে পরিমাণ মাটি থাকে, স্বাভাবিক বৃদ্ধি ও স্থায়ী অনুসারে উদ্ভিদ তাহাতে অল্প বা অধিক দিন জীবিত থাকে, বর্দ্ধিত হয় ও ফল-পুষ্প প্রদান করে, কিন্তু যেমন মৃত্তিকাস্তর্গত সার পদার্থ নিঃশেষিত হইয়া যায়, অমনি উহা ক্রমশঃ শ্রীহীন হইতে থাকে। এই সময়ে তাহাতে পুনরায় নূতন মৃত্তিকা বা সার সংযোজিত করিতে পারিলে উক্ত উদ্ভিদ পুনরায় তেজাল ও মনোরম্য হইয়া উঠে।

কিন্তু সে অবস্থায় নূতন মাটি বা সার না দিলে গাছ মরণোন্মুখ হয়—প্রথমতঃ পত্রসমূহ বিবর্ণ হয়, পরে খসিয়া পড়ে, অবশেষে গাছ মরিয়া যায়। ইহা দ্বারা সহজে বুঝিতে পারা যায় যে, মৃত্তিকার তাবৎ সারাংশ খরচ হইয়া না গেলেও তাহাতে এরূপ কোন গলিত সার নাই যদ্বারা উদ্ভিদ জীবিত থাকিতে পারে। জমিতে গাছ থাকিলে শীঘ্র যে তাহার কোন অভাব হয় না তাহার কারণ এই যে, উহার বৃদ্ধির সঙ্গে মূলগণও চতুর্দিকে বিস্তৃত হইয়া নানাদিক ও দূর হইতে আহাৰ্য্য পদার্থ সংগ্রহ করে। টবের মধ্যে আবদ্ধ থাকিলে উদ্ভিদকে টবের মধ্যস্থিত মাটির উপরই নির্ভর করিতে হয়। স্বাধীন জীব আপনার আহাৰ্য্য ব্যবহারের নিমিত্ত আপনই সংগ্রহ করিতে পারে কিন্তু অব-
রুদ্ধকে আহাৰ্য্য না যোগাইলে সে অনাহারে মরিয়া যাইবে, ইহাতে আর আশ্চর্য্য কি ? এমন ও ঘটে যে, গামলার সমুদয় সারাংশ খরচ না হইলেও তজ্জাত উদ্ভিদ দুর্দশাপন্ন হয়। লক্ষ্য করিলে দেখিতে পাইবেন যে, নিয়ম রক্ষার জন্য জন-মজুরেরা টবে অল্প জল দিয়া থাকে, তাহার ফলে মাটির উপরিভাগের ২১ ইঞ্চি মাত্র সিদ্ধ হয়, নিম্নাংশের মাটি শুষ্ক ধূলায় পরি-
ণত হইয়া যায়। এই প্রণালীতে জল সেচন করিলে উদ্ভিদকে উপরিভাগের সিদ্ধ মৃত্তিকার উপরই নির্ভর করিতে হয়, নিম্ন-
ভাগের রসাতাববশতঃ মূল সমূহ তদ্বশে প্রবেশ করে না, অধিকতর যে সকল মূল ইতিপূর্বে নিম্নাংশে প্রবেশ করিয়াছে, তৎসমূহের ক্রমশঃ জীর্ণ-শীর্ণ হইয়া পড়াইয়া যায়, কয়েকই তাহাদিগের দ্বারা উদ্ভিদের আর কোন কাজ হয় না। নিম্নাংশের মৃত্তিকা সারাশ হইতে পারে, কিন্তু তৎকর্তা বশতঃ উদ্ভিদ মূল তাহা

হইতে রস কিম্বা সার আহরণ করিতে পারে না। টবেব গাছ
একুণ অনেক দেখা যায় যে, গাছে যথানিয়মে জল সেচন হইতেছে
কিন্তু তাহার বৃদ্ধি নাই, শ্রী নাই,—গাছে পত্রাতাব, পত্রে বর্ণা-
ভাব ইত্যাদি।

কোন এক খণ্ড জমিতে বিনাসারে ক্রমান্বয়ে একই ফসলের
আবাদ হইতে থাকিলে দেখা যায় যে, সে জমির
মৃত্তকার
শক্তি হ্রাস
উর্ধ্বরতা হ্রাস পাইতেছে,—ফলন ক্রমশঃ কমিয়া
আসিতেছে। একুণ হইবার অনেক কারণ

আছে। সকল ফসলই জমি হইতে কিছু সার পদার্থ লইয়া
যায় কিন্তু সকল ফসলের আহরণ শক্তি সমান নহে। সকল
ফসলের আহাৰ্য্য পদার্থেরও প্রকার ভেদ আছে। কোন ফসল
যবক্ষারজান, কোন ফসল ফস্ফরিক পদার্থ, কোন ফসল পটাস
ইত্যাদি অপর ফসল অপেক্ষা হয়ত অধিক আহরণ করে ; কোন
ফসল সমধিক রস আহরণ করে। যে ফসল সমধিক যবক্ষারজান-
ভুক্ত, একই ক্ষেত্রে বারবার তাহার আবাদ হইতে থাকিলে
মৃত্তিকা মধ্যে যবক্ষারজানের অভাব হইয়া থাকে। প্রয়োজন-
হুসারে উত্তমগণ মৃত্তিকা হইতে জীবনধারণোপযোগী ত্রুণ
আহরণ করে। এই কারণবশতঃ একই ক্ষেত্রে একই ফসলের
পুনঃপুনঃ আবাদ করিলে মৃত্তিকা মধ্যে পদার্থ বিশেষের
অভাব পরিলক্ষিত হয় এবং তজ্জাত ফসল হীনতা প্রাপ্ত হইতে
থাকে। ভূগর্ভ সার-পূর্ণ বটে, কিন্তু সকল সময়ে তন্মধ্যে
সকল পদার্থ সমুদায় ব্যবহারোপযোগী অবস্থায় থাকে না—তাহা
পূর্বেই বলিয়াছি। ফসল উঠিয়া যাইবার পর ভূমি কির-
কিনের অল্প বিরাম পাইলে ও সর্দে সর্দে করিত হইলে

উদভূগত অবিগলিত ও অজীর্ণ পদার্থরাশি বিল্লিষ্ট হইয়া উদ্ভিদা-
হারের উপযোগী হইতে পারে। ভূমিকে বিরাম দিবার সুবিধা
বা সামর্থ্য না থাকিলে পর্যায় পদ্ধতিতে (Rotation) আবাদ
করিলে চলিতে পারে। জমিকে পতিতবস্থায় ফেলিয়া রাখিতে
কেহ ভাল বাসে না, এই জন্য পর্যায়-পদ্ধতি প্রবর্তিত হইয়াছে।
অনেকের পক্ষে পর্যায়-পদ্ধতি অবলম্বনের কোন আবশ্যক হয়
না। বাহারা দীর্ঘকালস্থায়ী ফসলের আবাদ করিয়া থাকেন, তাহা-
দিগের ক্ষেত্র ছই চারি বৎসর বা ততোধিক কাল একই ফসলের
দ্বারা অধিকৃত থাকে,—জমি খালি হইতে পার না, অগত্যা
সে জমিকে বিরাম দেওয়া অথবা তাহাতে পর্যায় বতে অপর
ফসলের আবাদ করা চলে না। নানাবিধ স্থায়ী ফলের গাছ, চা,
কাফি, রবার, তুঁত, প্রভৃতি বহু বৎসরকাল ভূমি অধিকার
করিয়া থাকে। এই সকল আবাদ-ক্ষেত্রে সার প্রয়োগ করা
নিতান্ত আবশ্যক।

এক ফসলের পর অপর ফসলের আবাদকে পর্যায়-পদ্ধতি
পর্ধ্যায় পদ্ধতি কহে। পূর্বেই বলিয়াছি যে, ভিন্ন ভিন্ন ফসলের
বিভিন্ন প্রকারের ও বিভিন্ন পরিমাণ দ্রব্যের
প্রয়োজন এবং তাহাদিগের আহরণ শক্তিও উদভূরূপ—ইহা
স্বরণ রাখিয়া কোন ফসলের পর কোন ফসলের আবাদ করা
উচিত তাহা বিচক্ষণতা সহকারে নির্বাচন করিতে পারিলে
ক্ষেত্রের উর্বরতা সংরক্ষিত হয়—নষ্ট শক্তি পুনরাগত হয়—
মৃতিকার উৎপাদিনী-শক্তি বৃদ্ধি পায়। দীর্ঘকালের অভিজ্ঞতা
ফলে সকল দেশের কৃষকগণই মোটামোটি একটা পর্যায়
পদ্ধতি সৃষ্টি করিয়া লইয়াছে এবং উদভূসারে বরাবর কাজ

করিয়া আসিতেছে। পর্যায় ফলে কৃষকের বড় একটা
স্বার্থের প্রয়োজন হয় না। কৃষক জানে যে, কোন্ ফসলের
পর কোন্ ফসল আবাদ করিতে হয়। শিক্ষানবিশের
পক্ষে পর্যায়ের ফসল নির্বাচন করিয়া লওয়া বড় কঠিন কথা।
স্থানীয় কৃষকদিগের পদ্ধতি অবলম্বন করা শিক্ষানবিশের পক্ষে
বিশেষ শুভকর। অভিজ্ঞতার সহিত পর্যায়ের মূল-মন্ত্র হৃদয়ঙ্গম
করিতে পারিলে, স্বীয় ক্ষেত্র ও তাহার মৃত্তিকা, স্থানীয়
আবহাওয়া ও নিজ সঙ্কলিত ফসল—এই কয়টির মধ্যে সামঞ্জস্য
রাখিয়া প্রচলিত পর্যায়ের পরিবর্তন করিতে পারা যায়।
যথেষ্টভাবে ফসল নির্বাচিত হইলে আবাদ করিয়া কতিপয়
হইবারই বিশেষ সম্ভাবনা।

দেশ, কাল, ভূমি ও মৃত্তিকা নির্বিশেষে এক প্রকারের
পর্যায় পদ্ধতি অবলম্বিত হইতে পারে না। দেশ
পরিভ্রমণ
বিভিন্নতা অনুসারে আবহাওয়ার বৈশিষ্ট্য বিভিন্ন হয়,
সেইরূপ ঋতু ভেদে ভূমির অবস্থা রস বা শুষ্ক
হইয়া থাকে; ভূমির স্বাভাবিক অবস্থান ভেদে কোন জমি
উচ্চ, কোন জমি নিচু; আবার কোন জমি গড়েন হয়।

দৃশ্য কারণ বশতঃ ভূমি রস বা শুষ্ক হইতে পারে। আবার
মৃত্তিকা সম্বন্ধে দেখা যায় যে, কত দেশে, কত স্থানে কত
প্রকারের মাটি; কোথাও চচ্চটে গঙ্গা-মৃত্তিকা, কোথাও বেলে
বা দোরাশ, আবার কোথাও কৃত্তিক পদার্থের অভাব, কোথাও
পটাসের প্রাচুর্য্য। এই সকল কারণ বশতঃ যে দেশে ও যে
প্রকার জমিতে যে যে ফসল সহজে জন্মে তৎসমুদায় বিশেষ
বিবেচনা করিয়া সকল দেশের কৃষকগণ আপনাদিগের মনোমত

এক একটা পর্যায় নির্দিষ্ট করিয়া লইয়াছে। যুক্তপ্রদেশ বা পঞ্জাবের পর্যায়, আসাম বা নিম্নবঙ্গে যে রূপ প্রবর্তিত হইতে পারে না, সেইরূপ হিমালয় সদৃশ হিমপ্রধান দেশের পর্যায় সমতল প্রদেশে চলিতে পারে না। হিমপ্রধান দেশের ফসল সমতল ভূখণ্ডে না জন্মিলে তথাকার পর্যায় ও সমতলে কোন ফলদায়ক হইবে না। এই কারণে ভিন্ন ভিন্ন দেশে ভূমির প্রাকৃতিকতা ও মৃত্তিকার উপকরণ ভেদে নানা দেশে নানা প্রকারের পর্যায়-পদ্ধতি দেখিতে পাওয়া যায়।


যাহারা একবারেই পর্যায়ের অনুসরণ করিতে পারে না, তাহাদিগের মধ্যে দুই জাতীয় কৃষিকর্মনিরত পর্যায় ব্যতিক্রম ব্যক্তি দেখা যায়। এক শ্রেণীর অন্তর্গত—উগ্ধানক ; অপর শ্রেণীর অন্তর্গত—ফল ও বাগিচা-পণ্য-আবাদীগণ। উগ্ধানকগণ পর্যায়ের পদ্ধতি যে একবারেই অনুসরণ করে না তাহা নহে। উগ্ধানে বা সব্জী-ক্ষেত্রে উগ্ধানকগণ জমির ভিন্ন ভিন্ন স্থানে নানা প্রকার তরিকারি প্রতি বৎসরই উৎপন্ন করে কিন্তু একই ফসলকে প্রতি বৎসর নির্দিষ্ট চৌকায় না দিয়া ভিন্ন ভিন্ন চৌকায় দিয়া থাকে। প্রকৃত পক্ষে তাহারা কৃষকদিগের জায় পর্যায়ের নির্দিষ্ট নিয়মের অধীন নহে। উগ্ধানকগণের পদ্ধতিকে কৃষির নিয়মানুসারে পর্যায় বলা যাইতে পারে না। যাহা হউক, উগ্ধানকগণ পর্যায় পদ্ধতির অনুসরণ না করিলেও, তাহারা স্বয়ং ক্ষেত্রে বরাবর সমভাবে উর্বরাবহাৰ রাখে বলিয়া তজ্জাত ফসল বরাবর সমভাবেই উৎপন্ন হইয়া থাকে। কৃষকের অবলম্বন যে রূপ পর্যায়, সেইরূপ উগ্ধানকের ভরণ—সার। উগ্ধানক সারের ভরণ তা কয়েই,

তাঁহা ব্যতীত জমিকে উত্তমরূপে কর্ষণ করে, মাটির যত্ন পরিচর্যা করে। উদ্ভানকের ক্ষেত্রের আরও বিশেষত্ব এই যে, তাঁহাতে জল সেচিত হয়, ভূমি প্রায় নিষ্কৃণতার অধীন থাকে, এবং ফসলের যে কিছু ফল, ফুল, পাতা, মূল, কন্দ, প্রভৃতি ঝলিত হইয়া ভূমি সংযুক্ত হয়, তৎসমুদায় পচিয়া মাটির অঙ্গ পরিপুষ্ট ও উর্বরা করে। এইরূপ নানা কারণে উদ্ভানক ও সব্জী-জীবীর ক্ষেত্র এত উর্বরা ও লাভজনক। কৃষকের ক্ষেত্র হইতে ফসলের প্রায় সকল অংশই সংগৃহিত হইয়া স্থানান্তরিত হয়, কেবল মাত্র গাছের মূলগুলি মাটির মধ্যে থাকিয়া যায়। আমাদিগের কৃষকের সারের মধ্যে—ছাই। ছাই—যবক্ষারজান-বর্জিত বলিয়া উদ্ভানক ক্ষেত্রের সকল অভাব পূরণ হয় না।

যাহারা দীর্ঘকালস্থায়ী ফসলের আবাদ করে, তাঁহারা না
 ষাভাবিক সার পারে ক্ষেত্রকে বিরাম দিতে বা উত্তমরূপে কর্ষণ
 করিতে, না পারে সার প্রদান করিতে বা
 পর্যায়ের অনুসরণ করিতে। ইহাদিগের ফসল সমূহ পাঁচ সাত
 বৎসর হইতে ততোধিক কাল ক্ষেত্র অধিকার করিয়া থাকে,
 কাজেই উল্লিখিত উপায় সকল অবলম্বন করা তাঁহাদিগের পক্ষে
 একবারেই অসম্ভব। দুই চারি বা পাঁচ দশ সহস্র বিঘা ভূমিতে
 সার প্রদান করা কত ব্যয়সম্ভব ও শ্রমসাধ্য ব্যাপার তাঁহা
 সহজেই অনুমেয়। স্থায়ী উদ্ভিদে শ্রবিধা এই যে, তাঁহাদিগের মূল
 ভূগর্ভ মধ্যে অধিকদূর প্রবেশ করে, মূলের সংখ্যা অধিক হয়
 তন্নিবন্ধন তাঁহারা ভূগর্ভের বহুদূর হইতে নিজ নিজ ব্যবহার্য পদার্থ
 আহরণ করিয়া জীবিত থাকে। অনন্তর মৃত্তিকাবিন্দিত বে সার
 পদার্থ তাঁহারা আহরণ করিয়া অঙ্গ পরিপুষ্ট করে, মালিকের

প্রয়োজনীয় সামগ্রী বা অংশ—ফল ফুল হউক বা পত্র বা নির্ঘাস হউক—মালিক গ্রহণ করিয়া থাকে, অবশিষ্ট ধরিয়াই হইতে পারি। এই জন্ত দীর্ঘাবাদী ক্ষেত্রের উর্বরতা নষ্ট হইতে পারি না। চা-গাছ প্রতিবৎসর শীতকালে ছাঁটা গিয়া থাকে এবং কর্তিতংশ—পাতা ও শাখাশাখা—মাটিতে পতিত থাকে ও পচিয়া মাটির সহিত মিলিত হয়। এই সকল ক্ষেত্রে যে আদৌ সার দেওয়া হয় না তাহা নহে কিন্তু সে সম্বন্ধে নির্দিষ্ট পদ্ধতি নাই, কেহ ইচ্ছা করিলে দুই চারি বৎসর অন্তর সার দিয়া থাকে, কেহ বা না দিয়া থাকে। অপরাপর সার অপেক্ষা গাছের স্বীয় অঙ্গ-চ্যুত পদার্থ তাহার পক্ষে উত্তম সার। আত্রগাছের সার আত্রগাছের পত্রাদি, কারণ যে যে পদার্থে উহার বৃদ্ধি ও পরি-পুষ্টির জন্ত আবশ্যিক তৎসমুদায় উহা মাটি হইতে আহরণ করিয়া পরিপুষ্ট হইয়াছে এবং প্রায় তৎসমুদায় পদার্থই বৃক্ষচ্যুত ফল, ফুল, ও পত্রে অবরুদ্ধ থাকে। ভূমিতে পতিত হইলে তৎসমুদায় পদার্থ প্রাকৃতিক নিয়মে বিগলিত হইয়া মূলের ভিতর দিয়া পুনরায় সেই উদ্ভিদেই প্রবেশ লাভ করে। গাছের তলা হইতে পত্রাদি সংগৃহীত হইতে না দিলে তাহাতে সার দিবার তত্ত প্রয়োজন হয় না। পল্লীগ্রামে প্রায় দেখা যায় যে লোকে গাছের পাতা সংগ্রহ করিয়া লইয়া যায় এবং জালানি কার্যে ব্যবহার করে। অনেক স্থলে টিকা তৈয়ার করিবার জন্তও পাতা ব্যবহৃত হয়। অনেক উদ্ভানস্বামী গাছের পাতা জমা দিয়া থাকেন কিন্তু ইহাতে যে পরিমাণ সার হয়, তাহাপেক্ষা গাছের বহুংশ ক্ষতি হইয়া থাকে। নানা উপায়ে উদ্ভিদগণ আপনাপন অভাব মোচন করিবার সুযোগ পাই বলিয়া সে সকল ক্ষতি

আমরা উপলব্ধি করিতে পারি না। মৃত্তিকার সামগ্রী মৃত্তিকাকে প্রত্যর্পণ করিতে হইবে—এই কথাটা সর্বদা স্মরণ রাখিয়া কার্য করা উচিত। ঠিক সেই ভিনিষটা ফেরত দেওয়া ঘটনা উঠে না বলিয়া সার দিয়া ও সূচাবের দ্বারা সে অভাব মোচন করিতে হইবে। ঈদৃশ কোন উপায় অবলম্বন না করিলে জমির উর্বরতা যে হ্রাস প্রাপ্ত হইবে, তাহাতে আর আশ্চর্য্য কি ?



ইক্ষু, বেব-খাম্ব বা গহ্বা প্রভৃতি কঠকগুলি বৃদ্ধকু কলম বৃদ্ধকু কলম জুমি হইতে অত্যধিক পরিমাণে সার পদার্থ ও রস আহরণ করিয়া থাকে। যে ক্ষেত্রে উহা-দিগের পুনঃ পুনঃ আবাদ হয়, তাহার উর্বরতা ক্রমশঃ হ্রাস প্রাপ্ত হইয়া থাকে। সার অধিক আহরিত হইলে বিশেষ ক্ষতি হয় না কিন্তু রস আহরিত অধিক হইলে তাহা হইয়া থাকে। কদলী-বৃক্ষ অতিশয় রস-শোষক উদ্ভিদ। উৎকৃষ্ট ও মৃত্তন মৃত্তিকার সৌমিক হইলেও এক বৎসর হইতে দুই বৎসরের মধ্যে উহারা জুমিকে এক-বারে যে ক্ষীণ করিয়া ফেলে তাহা উহাদিগের রসালতা দেখিলেই বুঝিতে পারা যায়। প্রথম বৎসর উহারা যেরূপ তেজস্ব হইয়া

উঠে, পরবর্তী বৎসরে উহাদিগের আর তত তেজ থাকিতে দেখা যায় না, এইজন্য কদলী-বৃক্ষে পাক-মাটি দিবার ব্যবস্থা আছে। শোষণ-শক্তি অধিক বলিয়া উহারা মৃত্তিকা হইতে বহু রস-শোষণ করে, ইহাতে মৃত্তিকার রসাতাব হয়। পূর্বেই বলিয়াছি যে, নীরস মাটি যতই সারবান হউক, উদ্ভিদ তাহাতে ভাল থাকিতে পারে না। এইরূপে মৃত্তিকার বাহাতে বলক্ষয় না হয়, সে জন্য পর্যায় অবলম্বন করা উচিত। যে কোন ফসল হউক কেবল যে তাহারা রস-শোষণ করিয়া মৃত্তিকার শক্তি হরণ করে তাহা নহে। ফসল সমূলে কর্তৃত হইয়া স্থানান্তরে গিয়া পড়িলে ক্ষেত্রস্থিত অনেক পদার্থ তাহার সহিত বহির্গত হইয়া যায়। বারিপ্রধান দেশে ইহাতে বড় আশিয়া যায় না। ক্ষেত্র হইতে যতই সার সামগ্রী চলিয়া যাইক, বারিপাতের সহিত সমূহ পরিমাণে সোরাঙ্গান আসিয়া পড়ে। অতঃপর বৃষ্টির জল মৃত্তিকার সহিত মিলিত হইলে মৃত্তিকাস্তর্গত গলনীয় পদার্থ বিগলিত হইবার সুবিধা পায়। বর্ষাকালে উদ্ভিদে নবজীবন সঞ্চারিত হইবার ইহা মূল কারণ। বর্ষাকালে অনেক গাছ মরিয়া যায় কিম্বা জন্মে না বলিয়া একরূপ মনে করা ভ্রম যে, বর্ষাই তাহার কারণ। উদ্ভিদের প্রকৃতিভেদে তাহা হইয়া থাকে।

একদিকে বেরূপ কতকগুলি ফসল দ্বারা মৃত্তিকার শক্তি
সকলী কসল বিনষ্ট হয়, অন্যদিকে আবার সিধী জাতীয় কতক-

গুলি উদ্ভিদ দ্বারা নবশক্তি সংগৃহিত হয়। সিধী

(Leguminosae) জাতীয় উদ্ভিদের বিশেষত্ব এই যে, উহাদিগের মূলে এক জাতীয় উদ্ভিদাণু আশ্রয় লইয়া বাস-স্থান নির্মাণ করে ও তথায় অবস্থান করিয়া মৃত্তিকামধ্যস্থিত বায়ু হইতে যবকার-

জান আহরণ করে। একটা সিঁদী জাতীয় গাছ—দৃষ্টান্ত স্বরূপ ছোলা বা বুট গাছ—সমূলে উৎপাটিত হইলে তাহার মূলের স্থানে স্থানে রাই বা সর্বপের গ্রাম ক্ষুদ্র ক্ষুদ্র গুলি দৃষ্ট হয়। পূর্বে উহা উদ্ভিদের কোন রোগ বলিয়া লোকের ধারণা ছিল কিন্তু এক্ষণে সে মত পরিবর্তিত হইয়া উদ্ভিদাণুর আবাস বলিয়া নির্দ্ধারিত হইয়াছে। উক্ত গুলি সমূহের কোনটী সর্ববৎ আহার কোনটী মটরের গ্রাম হইয়া থাকে। সিঁদী জাতীয় উদ্ভিদগণ মূল-সংযুক্ত গুলির ভিতর হইতে যবক্ষারজান আহরণ করিয়া থাকে। উক্ত গুলি সমূহকে ইংরাজিতে nodules কহে। এই সকল উদ্ভিদ যবক্ষারজান প্রধান। অপরাপর উদ্ভিদগণ মৃত্তিকাস্তর্গত হিউমস্ (humus) নামক জৈব পদার্থ হইতে যবক্ষারজান আহরণ করে। সেই জন্য ইহাদিগের আবাদে মৃত্তিকার যবক্ষারজান অধিক ব্যয়িত হয়। জৈব পদার্থ মাত্রেই যবক্ষারজানের আধার, কারণ উক্ত পদার্থ উদ্ভিদই আহরণ করে, কিন্তু সিঁদী জাতীয় উদ্ভিদগণ ভূগর্ভস্থ বায়ু হইতে উহা আহরণ করে বলিয়া ভূমির মাইটে-জেন ভূমিতে থাকিয়া যায়, উপরন্তু সেই সকল উদ্ভিদ বাহ্যে আহরণ করে, তাহাও মাটিতে স্থান গ্রাপ্ত হয়। মৃত্তিকার উর্বরতা বৃদ্ধি করিবার পক্ষে সিঁদীক উদ্ভিদ বিশেষ উপযোগী এবং এইজন্য ইহাদিগকে সঞ্চয়ী বলিতে হয়।

উদ্ভিদাণুগণ সহজ চক্ষে দৃষ্টির অগোচর। ইহারা একই

বীজিক উদ্ভিদ ক্ষুদ্র যে, এক সারিতে রাখিলে এক-ইক-পরিমিত

স্থানে ইহাদিগের দশ সহস্রকে স্থান দিতে

পারা যায়। এত নগর ও দৃষ্টির অগোচর হইলেও ইহাদিগের

কার্যকারিতা অপারমীম। যে ভূমিতে যবক্ষারজানের অভাব

। অন্নতা অনুভূত হয়, তাহাতে সিংহী-জাতীয় ফসলের আবাদ
রিবার এইজন্য ব্যবস্থা হইয়াছে। একইত সিংহী-জাতীয়
উদ্ভিদ যবকারজানপূর্ণ, তাহার উপর দুর্ভিক্ষ-গুলিসম্মত
।ই সকল গাছকে ভূশায়ী করিয়া দিলে মৃত্তিকার উর্বরতা
ধিকতর বৃদ্ধি পায়। পর্য্যায়ের জন্ত সিংহী জাতীয় গাছের
।মিচ্চি যথেষ্ট। কতকগুলি সিংহী জাতীয় উদ্ভিদের নাম এখানে
।সহ হইল :—

।	আঃনী
।	অপরাজিতা
।	নীল
।	শগ
।	ধক্ষে
।	শোলা
।	মোহন চূড়া (Goldmohur tree)
।	কৃষ্ণ চূড়া
।	বাবুল বা বারলা
।	পলাস
।	কাঞ্চন
।	ভিষ্টিড বা উঁতুল
।	লজনা
।	

।এতদ্ব্যতীত আরও অনেক সিংহী-জাতীয় উদ্ভিদ আছে। যে
।গাছের সূঁচি হয়, তাহাই যে সিংহী জাতীয় অন্তর্গত—তাহা নহে।
।এই জাতীয় গাছের গঠন এবং সূঁচীর মধ্যে হান্না সমূহের ব্যবধান

মধ্যে বিশেষত্ব আছে। ইহাদিগের পুষ্পের গঠন অনেকটা প্রোজাপতি সদৃশ। ইহাদিগের পত্র নিচর স্ফীত সমাগমে মুদিত হয়।

ত্রয়োদশ অধ্যায়

—:—

ভূপৃষ্ঠের বতদূর নিম্ন অবধি কর্ষণাধীন, তাহাকে পৃষ্ঠ-ভূমি ভূমির (Surface Soil) এবং তন্নিম্নস্থিত মৃত্তিকাকে তল ভেদে অন্তভূমি (Sub-Soil) বলা যায়। কর্ষণের গভীরতা অনুসারে পৃষ্ঠ-ভূমির গভীরতার ইতরবিশেষ হইয়া থাকে। এ দেশের কর্ষণ প্রায় লঘু বা ভাঙ্গা (Shallow) হইয়া থাকে—কদাচিৎ চারি ইঞ্চি অপেক্ষা গভীর হয়। পাশ্চাত্য দেশের কৃষকেরা প্রায় গুরু বা গভীর চাষের (deep) পদ্ধতি বহিষ্কার তাহাদিগের জমি ৮৯ ইঞ্চি গভীর করিয়া কর্ষিত হইয়া থাকে সুতরাং, তাহাদিগের জমির পৃষ্ঠ-ভূমি সচরাচর প্রায় ৯-ইঞ্চি বা এক বিস্তৃতি, আর আমাদের জমির পৃষ্ঠ-ভূমি ৫।৫ ইঞ্চি বা অর্ধ বিস্তৃতি হইয়া থাকে। দেশ ভেদে, মৃত্তিকা ভেদে, কৃষকের অবস্থা ভেদে কিথা প্রয়োজন ভেদে—কর্ষণ লঘু বা গুরু করিতে হয়। যে মাটি রৌদ্রে অতিশয় উত্তপ্ত হইয়া উঠে, কিথা বারি শোষণ করিতে তাড়ন সক্ষম নহে, তাড়ন জমিতে গুরু বা গভীর কর্ষণ দিলে উপকার আছে। যে জমি সহজেই উত্তপ্ত হয় তাহাতে গভীর চাষ দিলে তৎক্ষণাত উদ্ভিদগণের মূল ভূগর্ভ মধ্যে অধিক দূর প্রবেশ করে

তন্নিবন্ধন মূলে অধিক উদ্ভাপ লাগিতে পারে না,—উদ্ভিদেরও
 রসাত্তাব হয় না। নদী বা অপর জলাশয়ের সন্নিহিত ভূমি ও
 বেলে-ভূমি স্বভাবতঃ মৌসুম হইয়া থাকে কিন্তু সে ক্ষেত্রে
 গভীর কৰ্ষণ দিলে পূৰ্বমত উদ্ভিদের মূলগণ মাটির ভিতর
 অধিক দূর প্রবেশের পথ পায়,—রসাত্তাবের দায় হইতে রক্ষা
 পায়। অতঃপর আবশ্যক বোধ করিলেও অংশীভাৱ সক্ষীর্ণতা
 হেতু কৃষকগণ ভাল লাঙ্গল ব্যবহার করিতে পারে না—
 ক্ষুদ্র-ফাল লাঙ্গলেই তাহাকে কার্য্য সমাধা করিতে হয়। কেবল
 দীর্ঘ-কাল লাঙ্গল হইলেই হয় না। সেরূপ লাঙ্গল টানিবার
 উপযোগী বলিষ্ঠ বলদও এদেশে প্রায় ছলভ হইয়া পড়িয়াছে।
 দীর্ঘকাল চলচালনা করিতে হইলে দীর্ঘ ও বলিষ্ঠ বলদের
 প্রয়োজন এবং বলদকে ভাল করিয়া জাব দেওয়া আবশ্যক।
 গরীব কৃষকের সে সব করিবার সংস্থান না থাকায় হেলে-গরু ও
 পিলে-লাঙ্গল দ্বারা তাহাকে আবাদ করিতে হয়।*

পৃষ্ঠ-ভূমির মৃত্তিকা বুয়া, সারবান ও রসশোষক হইয়া

পৃষ্ঠ-ভূমি থাকে। পৃষ্ঠ-ভূমি সৰ্বদা কৰ্ষণের অধীন থাকে,

তন্নিবন্ধন উপরের মাটি তাদৃশ কঠিন হইতে না

পাওয়ার ব্যৱস্থায় পদার্থ তন্মধ্যে অবাধে প্রবেশ করিতে পার ;

* যে গরুতে লাঙ্গল টানে তাহাকে হেলে-গরু বলে। হালের গরু
 হস্ত-পুষ্টি ও বলিষ্ঠ কিম্বা কীৰ্ণকাম হইতে পারে, কিন্তু সচরাচর শেখোক্ত
 একালের গরু দেখিতে পাওয়া যায় বলিয়া হেলে-গরু বলিলেই আয়সা সেই
 চলচ্ছক্তিহীন, দুর্বল ও কীৰ্ণ কার পশু বুঝি। এখানে সেই অর্থে 'হেলে-
 গরু' ব্যবহৃত হইল। 'পিলে' শব্দ কুর ভাষাভাষক।

বায়ু, বৃষ্টি ও শিল্পির দ্বারা মাটি নিরন্তর পরিবর্তনের অধীন বলিয়া অপেক্ষাকৃত উর্বরা থাকে। পৃষ্ঠ-মৃত্তিকার উর্বরতার আর একটি বিশেষ কারণ এই যে, বহির্ভাগ হইতে যে কিছু জৈব-সার তাহাতে প্রদত্ত হয় বা বায়ু সংযোগে আসিয়া পতিত হয়, তত্তাবৎ উপরি-ভাগেই স্থান প্রাপ্ত হয়। সারসঙ্কুল হিউমস্ (humus) নামক জৈবাল্পিক পদার্থ পৃষ্ঠ-ভূমিতে যথেষ্ট পরিমাণে পাওয়া যায়। জৈবাল্পিক পদার্থ যে কি তাহা অনুমান করিয়া লইতে হয়। পুষ্পের আকার আছে কিন্তু নোরভের আকার নাই অথচ সৌরভ যে কিছুই নহে, তাহা কেহই বলিতে পারে না। জৈবাল্পিক (humus) পদার্থ সম্বন্ধে ও সেই কথা প্রযুক্ত। জৈব পদার্থ অবয়ববিশিষ্ট, কিন্তু তাহার যাহা সত্ত্ব বা সার তাহা নিরবয়ব। তাহা হইলেও পুষ্পের সৌরভের স্তায় ইহারও অস্তিত্ব আছে তাহা স্বীকার করিতে হইবে। পৃষ্ঠ ভূমির বর্ষিত অংশেই ইহার স্থান বলিয়া উদ্ভিদগণ অধিক নিম্নভূমিতে সহজে আহারের অন্বেষণ করে না। উদ্ভিদের আহারাশ্রমী সূত্রবৎ মূল সমূহ (fibrous roots) ভূ-পৃষ্ঠের নিম্নভাগেই প্রায় বিস্তৃত হয় ও তথা হইতে আহার সঞ্চয় করে। এতদ্ব্যতীত মৃত্তিকার এই অংশে উদ্ভিদাণুগণ বাস করিয়া থাকে। উদ্ভিদাণুগণ জৈবাল্পিক পদার্থ হইতে আহারা সংগ্রহ করে।

অন্তভূমি (Sub-soil) মধ্যে এত সুবিধা নাই। অধির

অন্তভূমি

পৃষ্ঠ দেশ যেরূপ বিস্তারিত ও সমতলবৎ অন্তভূমির

পৃষ্ঠ-দেশও উদভূরূপ অবস্থাপন্ন। অন্তভূমি সার

সূত্র—একথা বলি না। উহার মধ্যে যে সারাংশ থাকে তাহা

রৌদ্র, বায়ু, বৃষ্টি প্রভৃতির সাক্ষাৎ অধীন নহে। উহার মধ্যে

বায়ু বা রৌদ্র সহজে প্রবেশ করিতে পারে না, সেই হেতু সেখানে উদ্ভিদগণ জন্মিতে পারে না। ঈদৃশ কারণে অন্তর্ভূমি উদ্ভিদের সমস্ত ব্যবহারোপযোগী পদার্থ হইতে বঞ্চিত। উহার মধ্যে উদ্ভিজ্জ পদার্থের প্রায় একবারেই অভাব, তবে উপরিভাগের মৃত্তিকাস্থিত সারের গলিত কিয়দংশ উহার মধ্যে গিয়া হান পায়, কিন্তু উভাগাদির অভাবে তদবহাতেই থাকে। পৃষ্ঠ-ভূমি কর্ষিত হইবার কালে লাঙ্গলের কাল ততদূর নিম্নদেশ অবধি প্রবেশ করিলে পূর্ব-সংস্থিত সার বিচলিত হইয়া ক্রমে উপরিভাগের মৃত্তিকার সহিত সম্মিলিত হইতে পারে। কিন্তু ইহাও বলি যে, অন্তর্ভূমি উদ্ভিদের ভাণ্ডারস্বরূপ। জলের অতিরিক্তাংশ ও সারাংশের অব্যবহৃতংশ ক্রমাগত সেই ধানেই গিয়া সঞ্চিত হইয়া থাকে। অন্তর্ভূমি প্রস্তুতকৃত কঠিন হইলে, তাহাতে জল বা সার প্রবেশ করিতে পারে না তাহা ব্যতীত পতিত জল উপরিভাগের মৃত্তিকাকে সিক্ত করিয়া জল বহির্গত হইয়া যায়, সেই সঙ্গে অনেক সার পদার্থ ও চলিয়া যায়। অন্তর্ভূমির শোষণ শক্তি না থাকিলে এইরূপই ঘটে। পৃষ্ঠভূমির নানাবিধ স্বেযোগ আছে। যত গাছ পাল্লা করে, তাহাদিগের যত মূল, গোড়া, পাতা, কুল, কল পড়িয়া পৃষ্ঠদেশের মৃত্তিকাকে উদ্ভিজ্জ পদার্থ দ্বারা পূর্ণ রাখে। অতঃপর এই সকল উদ্ভিজ্জ পদার্থ অনিভ অল্প দ্বারা উহার আপনারা জীবীভূত হয়, উপরন্তু মৃত্তিকার অগলিত জৈব ও বায়বীয় পদার্থ সমূহও বিশ্লেষিত হইতে থাকে। নিম্ন ভূমিতে এ সকল পদার্থ প্রবেশ করিতে পারে না। কোন ক্রমে প্রবিষ্ট হইলেও উভাগাদির অভাবে বিগলিত হইতে ও পারে না। ভূগর্ভমধ্যে গাছের একটি পাতাকে সূচরূপে পুড়িয়া রাখিলে বহুদিন তদবহার থাকিতে

পারে, কিন্তু ভূ-পৃষ্ঠোপরি থাকিলে কয়েকদিন মধ্যে তাহার আর অস্তিত্বই পরিলক্ষিত হয় না।

ভূমির উপরিতল বা পৃষ্ঠ-ভূমি শীতপ্রধান অর্পেকা গ্রীষ্ম-

প্রধান দেশে অপেক্ষাকৃত গভীর হইয়া থাকে।

পৃষ্ঠ-ভূমির

গভীরতা

গ্রীষ্মপ্রধান দেশে—রৌদ্রের প্রখরতা হেতু—গভীর

চাষ দিতে হয়। গভীর কর্ষণের ফলে পৃষ্ঠ-ভূমির

গভীরতা বৃদ্ধি পায়। গ্রীষ্মপ্রধান দেশে গভীর কর্ষণ দ্বারা

উদ্ভিদের মূল সমূহকে অপেক্ষাকৃত অধিক দূর নিরে প্রবিষ্ট হইবার

উপায় করিয়া দেওয়া হয়। অতিরিক্ত উত্তাপে মূলের রস

শুকাইয়া যায়। অনন্তর মৃত্তিকার নীরসতা হেতু মূলগণ সমূহ

পরিমাণে রস আহরণ করিতে পারে না, অত্রদিকে উদ্ভিদের অঙ্গ-

সৌষ্টব দ্বারা মৃত্তিকার রস বহু পরিমাণে বহিষ্কৃত হইয়া যায়,

কিন্তু উপরিতল গভীর হইলে মূলগণ নিরূপে অধিকদূর প্রবেশ

করিতে ও সেখান হইতে অধিক পরিমাণে রস আহরণ করিতে

সমর্থ হয়। এতদ্ব্যতীত শুধাকার উত্তাপের ন্যূনতা হেতু মূল

ও বৃদ্ধি পাইয়া থাকে। শীতপ্রধান দেশে ঠিক হইবার বিপরীত,

কারণ শুধার শীতের প্রাচুর্য হেতু সূর্যের প্রখরতা একবারেই

থাকে না, বরং যে সামান্য উত্তাপ থাকে তাহারা উদ্ভিদের

উপকারই হইয়া থাকে। ভূগর্ভের শৈত্যতাধিক্য হেতু মূল-

গণ তন্মধ্যে অধিক দূর নিরে না গিয়া উপরিতলেই বিচরণ

করে। শীতপ্রধান স্থানে গভীর পৃষ্ঠতল হওয়ার স্যাত নাই বরং

কতিই হয়। আমরা গ্রীষ্মপ্রধান ও সমতল দেশবাসী, সুতরাং

আমাদের পক্ষে ছয় ইঞ্চি হইতে আট ইঞ্চি গভীর উপরিতলের

মাটি চাষ-আবাদের জন্য উপযোগী। গরীব কৃষকদিগের পক্ষে

এত গভীর কর্ষণের সুবিধা হইবে না জানি, কিন্তু যতটা হর, তাহার চেহাঁ করিতে হইবে। অনেক কসল গভীর মাটিতে মূল প্রসারিত করে, কিন্তু মাটি আলগা না পাইলে অধিক নিম্নে প্রবেশ করিতে পারে না।

অন্তভূমির গভীরতার কিছু নির্দেশ নাই। উপরিস্তরের নিম্নে যতদূর মৃত্তিকা আছে তাহাই অন্তভূমির গভীরতা। অন্তভূমি গভীর না হইলে কোন

অন্তভূমির
গভীরতা

জমিতেই বারমেনে উদ্ভিদ ও বৃহৎ বৃক্ষাদি দীর্ঘকাল জীবিত থাকিতে পারে না। উপরিস্তরের মৃত্তিকা ও তাহার উৎপাদিকা-শক্তি—ক্ষয়ের অধীন। অনেক সময় মৃত্তিকার শুকবহায় ক্ষেত্র হ্রাসালিত বা কুদালিত হইলে কিম্বা তাহাতে খুরপি বা নিড়েন করিলে মূছ সমীরণেও ভূমি হইতে ধূল্যরূপে অনেক দূর পদার্থ উড়িয়া যায়, প্রবল বৃষ্টিতে ধুইয়া যায় এবং আরও কত কারণে ক্ষেত্রের মাটি ক্ষেত্র হইতে স্থানান্তরিত হইয়া থাকে। অন্তভূমির এ সকল আপদের কারণ নাই। অতঃপর, উপরিস্তরের মৃত্তিকা রৌদ্র ও বাতাসের দাক্ষাৎ অধীন বলিয়া বারমাস তাহাতে বনের সমতা থাকে না। বর্ষাকালে উহা যেমন রসাল বা পঙ্কিল হর, গ্রীষ্মকালে তেমনই নীরস ও কুরা হইয়া পড়ে। অধিক দিন বারিপাত না হইলে কৃপৃষ্ঠের ৪:৫ অঙ্গুলি মাটি এত শুক হইয়া যায় যে, সে সময় মৃত্তিকা বিচলিত হইলে ক্ষেত্র হইতে অনেক ব্যবহারোপযোগী মাটি ধূল্যকারে দিয়া গুলে উড়িয়া যায়। এইজন্য অধিক বাতাসের সময় মৃত্তিকাকে বিচলিত করা উচিত নহে। বৃষ্টির সময় ক্ষেত্রের খোয়াট রোধ করিবার জন্য চাবীগণ আপনাগুন জমির

চারিদিকে আল দিয়া থাকে। জমি বন্ধুর বা গড়েন হইলে থাক-
বন্দী করিয়া স্থানে স্থানে আল দিতে হয় নতুবা বৃষ্টির সময় ক্ষেত্রের
সূক্ষ্ম বা লঘু মাটি ও সার বিধৌত হইয়া ক্ষেত্রান্তরে গিয়া পড়ে।
এইরূপে জমি ধুইয়া গেলে কেবল যে তাহার সার হ্রাস হয় তাহা
নহে, সূক্ষ্ম ও লঘু পদার্থ চলিয়া গেলে তাহার উপরিভাগ স্থল
দানাময় হয়। বৃষ্টিতে বা বায়ুতে স্থল দানা অধিক অপসারিত
হইতে পারে না কিন্তু সূক্ষ্ম লঘু দানার উপরেই বায়ু ও বৃষ্টির
প্রতিপত্তি অধিক। এইরূপে লঘুকণিকা বিবর্জিত হইলে ক্ষেত্রের
প্রকৃতি পরিবর্তিত হইয়া যায় এবং উর্বরতার ইতরবিশেষ হয়।
উক্ত পরিবর্তন এতই অলক্ষিতভাবে হয় যে, এক আধ বৎসরে তাহা
মহজে সাধারণ লোকের বোধগম্য হয় না কিন্তু সূক্ষ্মদৃষ্টি বিচক্ষণ
ব্যক্তি চেষ্টা বা লক্ষ্য করিলে তাহা বুঝিতে পারেন। মৃত্তিকার
লঘুভাগ স্থানান্তরিত হইলে বালুকার প্রাধান্য হয় সুতরাং তাহার
প্রকৃতি বালুকাভূমিসদৃশ হইয়া পড়িবে, ইহাতে আশ্চর্যের
বিষয় আর কি আছে? কিন্তু—

অন্তস্তল পৃষ্ঠভূমির দ্বারা আবৃত ও সুরক্ষিত থাকায় উহা হইতে
মৃত্তিকার সূক্ষ্ম পদার্থরাশি স্থানান্তরিত হইতে পার না,—মৃত্তিকা
জলপূর্ণ হয় কিন্তু পঙ্কিল হয় না,—শোষিত জল ক্রমশ নিম্ন দেশে
গিয়া আশ্রয় লয় এবং পরঃপ্রণালী বা নয়াগুলির সুব্যবস্থা থাকিলে
কতক জল বহির্গত হইয়া যায়। নিম্নস্তল অগভীর হইলে অর্থাৎ
তাহার অধুর নিম্নে কঙ্কর বা মোটা বালুকার থাকিলে
শোষিত জল তাহার ভিতর দিয়া বহু নিম্নে গিয়া পড়ে তন্নিবন্ধন
উভয় স্তরেই রসের ভাগ কমিয়া যায়। মাটিতে সূক্ষ্মভাব হইলে
উভয়ের কত অসুবিধা হয়, তাহা পূর্বেই আলোচিত হইয়াছে।

ভূগর্ভ উদ্ভিদের অক্ষয় ভাণ্ডার ও রক্তনাগার স্বরূপ এবং ভূগর্ভ ভোজনশালা স্বরূপ। উক্ত ভাণ্ডার মধ্যে উদ্ভিদের ব্যবহার্য্য প্রায় তাবৎপদার্থই বিদ্যমান থাকিয়া প্রতিনিয়ত রূপান্তরিত হইয়া উৎপাদিমুখী হইতেছে। উপরিতলের দানত্রী মত ব্যবহারোপ-
যোগী, একত্র তাহাকে উদ্ভিদের ভোজনশালারূপে নির্দেশ করা
শেল। উপরিতলের সুপরিচর্যা না হইলে নিম্নতলের মৃত্তিকা দ্বারা
কোন উপকার পাওয়া যায় না। নিম্নতলের সহিত সম্বন্ধ রাখিবার
জন্য উপরিভাগের মৃত্তিকাকে সুকর্ষিত ও সম্বন্ধ রাখিতে হইবে।
মৃত্তিকা ঘন বা সম্বন্ধ থাকিলে ছিদ্রপথের উদ্ভব হয়, তন্নিবন্ধন
নিম্নতলের সহিত উপরিতলের অবিচ্ছিন্ন সম্বন্ধ সংস্থাপিত হয়।
উপরের মাটি অতিশয় বুয়া ও আলগা থাকিলে নিম্নতল হইতে
অতি অল্প রস উপরে উঠে এবং যাহা উঠে তাহাও শীঘ্র শুকাইয়া
যায়, কিন্তু ভূকর্ষণের পর যথা নিয়মে মদিকা বা চৌকী পরিচালিত
হইলে মাটি বসিয়া যায়,—মাটি সম্বন্ধ ও চ হয়। মৃত্তিকার ঘনতা
বৃদ্ধি করিবার জন্য মদিকা অপেক্ষা চৌকী দিবার পর কাষ্ঠ
নির্মিত রল (Roller) দিতে পারিলে আরও উপকার দর্শিয়া
থাকে। মদিকা নিতান্ত হালকা বলিয়া তদ্বারা মাটি তত ঘনরূপে
বসে না কিন্তু চৌকী তদপেক্ষা গুরুভার সূত্রাং তদ্বারা মাটি
অপেক্ষাকৃত অধিক চাপিয়া যায়। রল,—চৌকী অপেক্ষা ভারি
ও সর্বস্থানে সমভাবে ভার ফেপন করে, একত্র রল দ্বারা মাটি
অধিক ও সমভাবে চাপিয়া যায়। মাটি যত অধিক বসিয়া যায়
ছিদ্রপথ সমূহ তত স্থল হয় সূত্রাং সূর্য্যাকর্ষণে নিম্নদেশস্থ রস
অপেক্ষাকৃত অধিক পরিমাণে উপরিভাগে আসে অথচ অপচর
হইতে পার না এবং সেই জন্য তাহাশ মাটিতে গাছের রসাতার

হয় না। এতদ্বারা এরূপ কাহারও না মনে হয় যে, মাটিকে বৎপরোনাস্তি চাপিয়া দিলে আরও অধিক স্তূফল দর্শিতে পারে। কর্ষিত মৃত্তিকার উপরিতলেও ঘনতার আবশ্যক, কারণ কর্ষণ-কালে উহার ছিদ্র ও ছিদ্রপথ সমূহ চূর্ণ-বিচূর্ণ ও বিশৃঙ্খল হইয়া যায়, কিন্তু নিম্নতলের মৃত্তিকা বিচলিত হইতে পার না, তন্নিবন্ধন ছিদ্রপথ সমুদায় ঠিক থাকে। সেই সকল ছিদ্রপথ নিম্নভাগের জলস্তর অবধি সংযুক্ত। নিম্নতল বত গভীর ও ছিদ্রপথ সমন্বিত হয়, মৃত্তিকা তত রসধারণক্ষম হইয়া থাকে।

চতুর্দশ অধ্যায়

—••*••—

ভূকর্ষণ সম্বন্ধে মতভেদ দৃষ্ট হয়। অনেকের মত—গভীর চাষ ভাল, আবার অনেকের মত তাহা নহে, ভূ-কর্ষণ কিন্তু উভয় পক্ষেরই মত যে, উৎপাদিকা-শক্তিকে বজায় কিম্বা বর্দ্ধিত করিবার একমাত্র উপায়—সুকর্ষণ। ভূমি বতই সারবান হউক, তাহাতে বতই সার প্রদান করা হউক, আবাদ করিবার বতই সুবিধা থাক—সুকর্ষণ সকলের মূলাধার। অসম্পূর্ণ চাষ এ দেশে বিরল নহে। জায়ই দেখা যায়, ক্ষেত্রের সকল স্থান সমভাবে কর্ষিত হয় না, মৃত্তিকা ভালরূপ চূর্ণ হয় না, যথানিয়মে চৌকী পড়ে না। এরূপকারের চাষকে নিকৃষ্ট কর্ষণ বলিতে হইবে। সুকর্ষিত ক্ষেত্র সমভাবে কর্ষিত হইলে,—মৃত্তিকা আর্দ্রতার ঞ্চার চূর্ণ হইবে, কিন্তু আমরা সচরাচর দেখি—ভিন

চারি অঙ্গুলি বা ততোধিক স্থান ব্যবধানে হলচালিত হয় ও তাহাতে এক অঙ্গুলি হইতে দুই অঙ্গুলি মাত্র নিম্নের মাটি বিচলিত হয়। সম্মার্জনী দ্বারা তথাকার মাটিকে অপসারিত করিলে দেখা যায়, স্থানটাকে যেন আঁচড়ান হইরাছে। বহু কৃষক এইরূপ চাষেই পরিতৃপ্ত হয়। ভূমিকে উত্তমরূপে কর্ষণ করা যে বিশেষ প্রয়োজন, সুচাষে উপরেই যে আবাদের ফলাফল নির্ভরপর, তাহা অনেক কৃষকই অবগত নহে। গভীর-অগভীর চাষের কথা তাহাদিগের নিকট বলা আপাততঃ বাহুল্যতা বলিয়া মনে হয়। যতই হালকা বা ভাঙ্গা চাষ হউক, সর্বত্র সমভাবে কর্ষিত হইলে তাহা সুচাষের অন্তর্গত হইতে পারে। আঁচড়ান-চাষে বিপরীত ফল হইরা থাকে। ৪ নং চিত্র দেখিলে তাহাতেই সম্যক উপলব্ধি হইবে। 'ক'-চিহ্নিত স্থান সমূহের উপর দিয়া হলপ্রবাহিত হওয়ার সেই সকল স্থান ঈষৎ গভীর হইরাছে। 'ক-ক' পরস্পরের মধ্যবর্তী খ-চিহ্নিত স্থান আদৌ হলস্পর্শিত না হওয়ার ভূমি যথেষ্ট থাকিয়া গিয়াছে। কর্ষণ-কালে কর্ষিত 'ক' স্থানের কতক মাটি অকর্ষিত 'খ' স্থানে আসিয়া পড়ায় উভয় স্থানকে একাকার দেখাইতে পারে কিন্তু এতদ্বারা কোন ফলই হয় না। 'ক'-স্থানের মাটি 'খ'-স্থানে আসিলে, 'ক'-স্থানের মাটি কমিয়া যায় অথচ এই অল্প পরিমাণ মাটি 'খ'-স্থানে আসার শেবোক্ত স্থানের কোনই উপকার হয় না। ঈদৃশ কর্ষণের কালে অকর্ষিত সমতল খ-স্থানে বে বীজ পতিত হয়, তাহা আদৌ অঙ্কুরিত হইতে পারে না কিবা অঙ্কুরিত হইলেও গাছ বাড়ুক বা ফলত হয় না। অতঃপর কর্ষিত 'ক'-স্থানে যে সকল বীজ পতিত হয় তাহা অঙ্কুরিত হয় বটে, কিন্তু মাটির অন্তর্গত

ও কর্বণের লঘুতা হেতু গাছ তেজাল হইতে পাবে না। তাহা ব্যতীত কর্বিত স্থানের মাটিতে অধিক রৌদ্র লাগার মাটি অপেক্ষাকৃত অধিক শুকাইয়া যায়—ইহাও বিশেষ বিবেচনার বিষয়। সমতল ভূমি অপেক্ষা গড়েন, বজুর বা অসমতল ভূমি হইতে যে অধিক রস শুকাইয়া যায়, তাহার কারণ শেষোক্ত জমির উচ্চতা বা গভীরতানুসারে মৃত্তিকার ছিদ্রগণ (Pores) সূর্যের কিরণাভিমুখী থাকে। যে চিত্র দ্বারা বিশেষ বৃত্তিতে পারা যায় যে, ক-খ ও গ-খ স্থানে যত রৌদ্র ও বাতাস লাগে খ-ঙ-গ-স্থানে তাহাপেক্ষা অধিক রৌদ্রাদি লাগে। ক-খ, খ-গ, গ-ঘ-সমদীর্ঘ, কিন্তু মধ্যবর্তী স্থান কর্বিত হওয়ার এক্ষণে উহার সীমা খ-গ'র পরিবর্তে খ-ঙ-গ হইয়াছে। অতঃপর ক-খ ও গ-ঘ'র ব্যাপ্তির সহিত খ-ঙ-গ'র ব্যাপ্তির পরিমাণ করিলে শেষোক্ত স্থানের ব্যাপ্তি যে অধিক, তাহা অঙ্কশাস্ত্রসঙ্গত সত্য। খ-ঙ-গ-স্থান মৃত্তিকাপূর্ণ থাকিলেও তথাকার মৃত্তিকা কর্বিত, তন্নিবন্ধন তাহাতে রৌদ্র ও বাতাসের যত অধিক প্রকোপ, 'ক-খ' বা 'ঘ'-স্থানে তত নহে। অতঃপর—

এইরূপ অসমতলরূপে যে জমি কর্বিত হয়, তাহাতে অধিক গাছের স্থান হইতে পারে না। বীজ বণিত হইবামাত্র কঠিন সমতল মাটি হইতে প্রতিঘাতে ঠিকরাইরা নিকটস্থ কোমল স্থানে গিয়া আশ্রয় প্রাপ্ত হয়। এক্ষণে কোমল স্থান বলিলে কর্বিতাংশকে বুঝিতে হইবে। কর্বিত স্থানে পতিত হইলে প্রতিবাতাত্মাবে বীজ স্থানান্তরিত হইতে পারে না। এইরূপে পতিত হইলে অধিকাংশ বীজই ভাঁওরের মধ্যে গিয়া পড়ে ও সেই স্থানে অস্থিরিত হয়, আর উক্ত ভাঁওরের মধ্যবর্তী

শিরালা অকর্ষিত- ও অনুদ্ধিদ অবস্থায় পতিত থাকে। তাঁওয়ার মধ্যে যে সকল গাছ জন্মে, স্থানের অপ্রতুলতা হেতু তাহারা সূচাক্রমে বর্ধিত হইতে পার না, অনেক গাছ লম্বা হইয়া যায়, অনেক গাছ আঁওতায় গড়িয়া মড়াধে দশা প্রাপ্ত হয়।*

মোটের উপর মাটি সুকর্ষিত হওয়া আবশ্যিক। চারি

পাঁচ অঙ্গুলি মাটি সমভাবে সুকর্ষিত হইলে
সূচায়।

আবাদোপযোগী হইতে পারে। এইরূপ সু-

কর্ষণের ফলে নিম্নতলস্থ ভূমি সমতলাপন্ন হইয়া উপরিভাগের

তাবৎ মাটিকে সমভাবে রস সরববাহ করিতে পারে। নিম্ন-

তলের মৃত্তিকা স্বভাবতঃ কোমল অথচ ঘন ও দৃঢ় এবং বিচলিত

হইতে না পাওয়ার কারণ সমভাবে থাকে। তাবৎ তাহাই

ও রনিখনের উদ্ভিদগণ প্রায় অদীর্ঘমূলক হইয়া থাকে।

৪। ৫। অঙ্গুলি গভীর মাটি পাইলে তাহাদিগের সকল অভাব

মিটিতে পারে। আমন ধান্জ জলজ উদ্ভিদ স্তরঃ তৎসমক্কে

এ নিম্নম খাটে না। যে ক্ষমিতে আমন ধান্জ রোপিত হয়,

তাহা প্রায় অস্বাধিক জলমগ্ন থাকে, তন্নিবন্ধন তথাকার মাটি

খুবই কোমল থাকে এবং উদ্ভিদগণ অনায়াসে ভূগর্ভমধ্যে মূল

প্রবিষ্ট করিতে সক্ষম হয়। দীর্ঘমূল উদ্ভিদগণের মূল কর্ষিত ভূমির

নিম্নতল পাইলে ক্রমে নিম্নদেশে প্রবেশ করিতে পারে।

নিম্নতলের মৃত্তিকাকে কর্ষণ করিতে হয় না, তাহাতে সার

* কর্ষণকালে যে স্থান কর্ষিত হইয়া যায়, তাহাকে 'তাঁওর' কহে।

হলপ্রবাহে তাঁওয়ার মাটি উত্তর পার্শ্বে সরিয়া যায়। যে যে স্থানের উপর দিয়া

ফাল প্রবাহিত হয় তাহার উত্তর পার্শ্বই রেখাকে 'শিরালা' এবং ফালের

শেখাংশকে 'হালি' কহে।

দিতে হয় না কিম্বা তাহার অপর কোনরূপ পরিচর্যাই করিতে হয় না। ভূপৃষ্ঠের মাটিকে সুকৃষিতাবস্থায় রাখিবার অন্ততম বিশেষ উদ্দেশ্য—নিম্নতলের মাটিকে সজীব বা ক্রিয়াশীল রাখা। ভূপৃষ্ঠের মাটি কঠিন ও 'লাল-চিটে' হইয়া থাকিলে, কিম্বা আগাছা দ্বারা পরিবৃত্ত থাকিলে নিম্নতলের মৃত্তিকা দ্বারা কোন উপকার পাওয়া যায় না। ভূগর্ভ উদ্ভিদের খাদ্য খাণ্ড-ভাণ্ডার। তথায় উহাদিগের প্রয়োজনীয় প্রায় সকল পদার্থই পাওয়া যায়—তাহা পূর্বেই বলিয়াছি। কেবল তাহাই নহে, উদ্ভিদের উহা রসায়ন-গার স্বরূপ। সকল পদার্থেরই তথায় নিরন্তর বিশ্লেষণ হইতেছে। ছনিয়ার কাহারও নিষ্কর্মা থাকিবার যো নাই, সকলেই নিজ নিজ কার্যে নিরত। ভূতগণও নিরন্তর আপনাপন কার্যে ব্যাপ্ত। সেই ভূতগণই ভূগর্ভ মধ্যে এক জিনিষ ভাগিয়া অপর জিনিষ গড়িতেছে, আমলকে ভাগিয়া তদন্তর্গত পদার্থ সমূহকে মুক্তি দান করিতেছে, আবার তন্মূর্ত্তে তাহাদিগেরই হই চারি দশটিকে লইয়া নূতন জিনিষ তৈয়ার করিতেছে। এইরূপে প্রতিনিয়ত সংযোগ ও বিয়োগ কার্য না চলিলে মৃত্তিকা মধ্যে সর্বদা সত্ত্ব আহরণোপযোগী পদার্থ কোথা হইতে আসিতে পারে? ভূতগণের একত্র সমাবেশ হইলেই বিশ্লেষণ বা সংযোজন ক্রিয়ার সূত্রপাত হইয়া থাকে। জমির সূচাব হইলে উল্লিখিত সুবিধা সকল আপনাই হইতে আবির্ভূত হয়। অতিশয় গভীর কর্ষণ হইলে বর্ষাকালে মাটি শুষ্ক হইতে অধিক বিলম্ব হয়, ভূগর্ভের উত্তাপ কমিয়া যায়, সাময়িক পরিচর্যারও বিলম্ব ঘটয়া থাকে। অতঃপর, গ্রীষ্মকালে বধন সূর্যোর প্রচণ্ড কিরণে চারিদিক বেন বন্ধ হইতে থাকে, সে সময় গভীরকর্ষিত ভূমি হইতে বহুদূর ও

সমধিক পরিমাণে রস শুকাইয়া যায়, তন্নিবন্ধন ভূপৃষ্ঠ হইতে অনেক দূর নিম্ন পর্য্যন্ত নীরস হইয়া পড়ে। কেবল যে গ্রীষ্ম-কালেই এরূপ ঘটে, তাহা নহে। ভূমির অবস্থান ও মৃত্তিকার উপকরণ ভেদে বর্ষার অব্যবহিত পরে তদ্রূপ হওয়া আশ্চর্য্য নহে।

এস্থলে বিশেষ বিবেচ্য এই যে, কোন নির্দিষ্ট নিয়মের অধীন হইয়া কার্য্য করা সকল স্থলে শুভকর কি না? ভূমি ও মৃত্তিকা বিশেষে—কর্ষণের গভীরতা ঠিক করিয়া লওয়া উচিত। গভীর বা ভাসা চাষে সকল স্থলে যে শুভ ফল হইবে তাহা অনিশ্চিত। সাধারণ চাষের পক্ষে ছয় হইতে আট অঙ্গুলি গভীর করিয়া ক্ষেত্র কর্ষণ করিলে বিশেষ উপকার দর্শিয়া থাকে কিন্তু প্রতি বৎসর একই প্রকার গভীর করিয়া চাষ করিলে একটা বিশেষ দোষ ঘটে এই যে, নিম্নতল কঠিন হইয়া যাইবার সম্ভাবনা। এক ঋতু বা এক বৎসর গভীর, পর ঋতু বা পর বৎসর লঘু চাষ দিলে নিম্নে একটা পাত বা তলা উৎপন্ন হইতে পারে না। সমভাবে বারম্বার চাষ দিলে কর্ষণাধীন মাটির সহিত পাত-ভূমি ঘনরূপে সংযুক্ত হইতে পারে না কারণ প্রতিবারই কর্ষণাধীন মাটি কর্ষিত হওয়ার তরিন্নহ পাত ঘর-দালানের মেজের মত কঠিন হইয়া পড়ে,—বৃষ্টির জল তাহার মধ্যে অধিক প্রবেশ করিতে পারে না, উপরন্তু উপরিভাগ হইতে যে জল চুয়াইয়া তাহাতে গিয়া প্রবেশ করে তাহা পাতের উপরিভাগ দিয়া ক্ষেত্রান্তরে বা অন্ত্র বহির্গত হইয়া যায়। নিম্নতলের মাটি এঁটেল হইলে আরও বিষম কথা। এঁটেল মাটির পাত কঠিন হইলে তাহাতে বিন্দুমাত্র জল শোষিত হইবে না। উপরের বতই জল নামিয়া বাউক তৎসমুদায়ই হয়

চুরাইয়া নিকাশ হইয়া বাইবে, না হর অর্থাৎ বহির্গত হইতে না পারিলে উপরিভাগের কর্ষিত মাটিকেও জল পূর্ণ করিয়া রাখিবে। সামান্য বৃষ্টিতে ক্ষেত্রে যে জল দাঁড়ায়, ইহাই তাহার অন্ততম কারণ। পর্যায়ক্রমে ক্ষেত্রে গভীর ও লঘু চাষ দিলে কর্ষণাধীন মৃত্তিকার সহিত পাত-ভূমির অতি নিকট সমস্ত সংস্থাপিত হয়, এতদ্ব্যতিরিক্ত হিঙ্গপথ সমূহ পরস্পরের সহিত সংযুক্ত হয়, এবং তখন তাবৎ জলই নিম্নতল মধ্যে প্রবেশ করিতে সক্ষম হয়,- কর্ষিত মাটি কঁদমা কঁদ হয় না,- জমিতে জল ও দাঁড়াইতে পারে না। বর্তমান প্রণালীতে কৃষকগণ যে চাষ দিয়া থাকে তাহা নিতান্ত লঘু এবং বরাবর সেইরূপ লঘু করিয়া চাষ দেয় বলিয়া নিম্নের মাটি অধিক রস শোষণ করিতে পারে না,- উদ্ভিদের মূল অধিক নিম্নে প্রবেশ করিতে পারে না ফলতঃ সামান্য জলাভাবে উদ্ভিদগণ শীর্ণ হইয়া পড়ে।

ভারতীয় কৃষককুলের জ্ঞান পৃথিবীতে আর দরিদ্র কৃষক আছে কি না জানি না। ইহারা ভাল লাঙ্গল বা বলিষ্ঠ পশু রাখিতে পারে না, ক্ষেত্রে সার দিবার সঙ্গতি ইহাদিগের নাই, ক্ষেত্রে জল-সেচন করা ইহাদিগের পক্ষে সুদূরপর্যায়ত ব্যাপার। আমাদিগের অধিকাংশ আবাদই শুষ্ক-আবাদের অন্তর্গত। কৃষি বিষয়ে আমাদিগের এত অভাব ও অসুবিধা সত্ত্বেও যে এদেশে বিবিধ প্রকারের ও এত প্রচুর শস্ত উৎপন্ন হয়, সে কেবল ধর্ম্মীয় স্বাভাবিক উর্বরতা ও প্রাকৃতিক আশুকূল্যতা হেতু। ইহার উপর সুচাষ হইলে উত্তমই হয়। দরিদ্র কৃষকের পক্ষে সুচাষই যথামূল্য বা অমূল্য এবং একমাত্র সার। ক্ষেত্রে সার দিব না, সুচাষও দিব না—ইহা বড় সাংঘাতিক কথা।

কৃষকগণ ও কৃষি-লিপ্তগণ যাহাতে সুকর্ষণের মর্মে হৃদয়ঙ্গম করিতে পারে তাহার চেষ্টা করা প্রত্যেক দেশহিতৈষীর একান্ত কর্তব্য। কৃষির প্রথম ও বিশিষ্ট সোপান—সুকর্ষণ। বিজ্ঞা বিষয়ে কবি বলিয়াছেন,—

“যতই করিবে দান তত যাবে বেড়ে।”

উক্ত অমূল্য সত্যটি সুকর্ষণ সম্বন্ধে ও বর্ণে বর্ণে সত্য। ক্ষেত্রে যত ভাল করিয়া চাষ দিবে, তত তাহার উৎপাদিকা শক্তির বিকাশ হইবে।

নিজ নিজ ক্ষেত্র সম্বন্ধে অনেকে নানারূপ অভিযোগ করিয়া থাকেন। অনেকের এরূপ বিশ্বাস হইয়া গিয়াছে যে, ভারতবর্ষ অতি প্রাচীন দেশ, বহুকাল হইতে চাষ-বাস হইতে থাকায় তাৎক্ষণিক ভূমি নিঃস্ব হইয়া পড়িয়াছে, ভূমিবন্ধন ক্ষেত্রের ফলন হ্রাস প্রাপ্ত হইতেছে। এই ভ্রান্ত বিশ্বাসে তাঁহারা নিজে নিজে নিরাশভাব ধারণ করিয়াছেন এবং সেই কথা প্রচার করিয়া দশজনকেও সেই পথে আনিতেন,—লোকের উদ্বম-উৎসাহকে নষ্ট করিতেছেন। ঈদৃশ ভ্রান্তি বশে লোকে ‘সার’ ‘সার’ করিয়া উদ্বাস্ত হইয়া উঠিয়াছে। যাহাদিগের সামর্থ্য আছে তাঁহারা অর্থ ব্যয় করিয়া সার দ্বারা ক্ষেত্রে উর্বরা করিতেছেন, অপরে ভগবানের মোহাই দিতেছেন। ধরিত্রীর নিঃস্বতা একবারেই অসম্ভব। শস্য প্রসব করিয়া ধরিত্রীর নিঃস্ব হওয়া সম্ভব হইলে আশা-বিগ্নকে বহুকাল পূর্বে এ পৃথিবী ছাড়িয়া চন্দ্রলোক, সূর্য্যালোক, কেবলোক বা অপর কোন লোকে গিয়া নূতন ক্ষেত্রের অন্বেষণ করিতে হইত। সার ব্যবহার করিতে নিষেধ করি না, কিন্তু সার ব্যবহার করিবার পূর্বে ক্ষেত্র কৰ্ষণের প্রতি মনোযোগ

হওয়া চাই। আবাদ অন্নাবাদ নির্বিশেষে সকল অবস্থায় ক্ষেত্রে
সুকর্ষিতাবস্থায় রাখিতে হইবে। ক্ষরণ রাখিতে হইবে যে,
উৎকৃষ্ট কৃষির মূলমন্ত্র—সুকর্ষণ।

আলস্র বা উদাস্যবশে লোকে সুকর্ষণের গুরুপাতী হইতে চাহে

মৃত্তিকার
ব্যবহারকতা।

না বা পারে না। সূচ্যের অভাবে কোথাও ক্ষেত্রে

রসাতাব হয়, কোথাও ক্ষেত্র রস হয়, ক্ষেত্র আগা-

ছার শাস্তিময় আলয় হয়। অসম্পূর্ণ কর্ষণফলে উচ্চ

ও বহুর ভূমিতে অধিক জল প্রবিষ্ট হইতে না পারিয়া অধিকাংশ
বহির্গত হইয়া যায়। অকর্ষণ ও অসম্পূর্ণ কর্ষণ ফলে ভূমির রস
অধিক শুকাইতে না পাইয়া তাহা সর্দিগ্রহ হইয়া থাকে, এতদ্ব্যতীত
আরও কত অনিষ্ট হয় তাহা স্থানান্তরে বিশেষরূপে বিবৃত হইয়াছে।
ভূমিকে যতই কর্ষণ করা যায়, ততই উহা নূতন হয়, ততই উহাতে
নব শক্তির সঞ্চার হয়। কর্ষণ ফলে মৃত্তিকা মধ্যে ভৌতিক ক্রিয়ার
সমাবেশ হইলে তাহাতে যে একটা শক্তি উৎপন্ন হয় তাহাকে
উৎপাদিকা শক্তি বলিতে পারি, কিন্তু তাহা ভূমির উর্ধ্বতা নহে।
উর্ধ্বতা—মৃত্তিকার গুণ বিশেষ। উল্লিখিত শক্তি হইতে উর্ধ্বতা
নিষ্টিত হইলে মৃত্তিকা নির্বিকার দশা প্রাপ্ত হইয়া থাকে কিন্তু
নির্বিকার হইলে মৃত্তিকার দ্বারা কৃষির কোন উপকার হয় না।
উর্ধ্বতার অন্তরালে একটা জিনিস আছে তাহাকে ব্যবহার-ক্রিয়া
(nitrication) কহে। মৃত্তিকা সঞ্চালিত ও বায়ু সংস্পর্শিত
হইলে তাহাতে উদ্ভিদগু উৎপন্ন হইয়া থাকে। অতঃপর উদ্ভিদগু-
সমূহ মৃত্তিকাস্তম্ভিত উদ্ভিজ্জ পদার্থকে ব্যবহারমাানে পরিণত করিয়া
যায়। উদ্ভিদগুর উচ্চ শক্তির ব্যবহারকতা মূল। সুকর্ষণ-
বীর ভূমিতে যত অধিক ব্যবহারকতা দেখা যায়, আট, সুকর্ষিত

বা হেলার কর্ষিত ভূমিতে তত দেখা যায় না। যবক্ষারকতার নানাধিক্যানুসারে ক্ষেত্রের উর্বরতা অল্প বা অধিক হয়। সুকর্ষিত ভূমির যবক্ষারকতা এত অধিক যে, প্রচুর কসল উৎপন্ন করিয়াও তাহা নিঃশেষিত হয় না। কর্ষণাধীন ভূমিতে যবক্ষারসকুল পদার্থ স্বভাবতঃই বহুল পরিমাণে সঞ্চিত হইয়া থাকে, কিন্তু আমরা তাহাকে আমাদেরিগের কার্য সাধনে নিরোজিত না করিয়া ক্ষতিগ্রস্ত হই,—যেরে জিনিষ থাকিতে আমরা মার সংগ্রহার্থে অর্থ-ব্যয় করিয়া থাকি। অকর্ষিতক্ষেত্রে যবক্ষারদ প্রাণীজ ও উদ্ভিজ্জ পদার্থের অভাব নাই কিন্তু কর্ষণাভাবে তৎসমুদায় অকর্ষণ্য বা অসাড় অবস্থায় থাকে। ভূমি কর্ষিত হইলে উদ্ভিদাণুগণ সেই সকল স্কুল ও সঞ্চিত পদার্থকে চূর্ণ করতঃ যবক্ষারজানসকৃত লবণে পরিণত করে। উক্ত লবণ রসের সহিত সন্মিলিত হইয়া উদ্ভিদানে প্রবেশ লাভ করে।

গোধূম, মর্ষপ, তিসি, বুট ও অন্যান্য রবি কসল সংগৃহিত হইবার পর, অর্থাৎ ফাল্গুন মাস হইতে বৈশাখ-
কর্ষণারম্ভ
জ্যৈষ্ঠ মাসের মধ্যে ক্ষেত্রে কুন্দালের প্রথম আঘাত পড়ে। পরবর্ষে আবাদের এই সূত্রপাত। রবি ও ভাঙ্গুই কসলের মধ্যে ইহা অতি দীর্ঘকাল। ভাঙ্গুই ও রবি কসলের মধ্যে ক্ষেত্র পরিচর্যা করিবার এত অধিক সময় পাওয়া যায় না। এইজন্য কোন কোন কৃষক রবি কসলের ক্ষেত্রকে উত্তমরূপে কোপাইয়া দেয়। এ সময়ে জমি বড় কঠিন হইয়া থাকে সুতরাং হালচালনা করা আদৌ চলে না। এ সময়ে জমি কোপাইয়া দিলে ঘান জঙ্গলাদি সমূলে মরিয়া যায়। তাহা ব্যতীত যে সময়ে মধ্যে মধ্যে বে বৃষ্টি হয়, তাহার সমুদায় জল ভূগর্ভে স্থান

পায়। এ সকল ক্ষেত্রে আবার মাসের পূর্বে প্রায় কোন ফসলের আবাদ হয় না। এজন্য কৃষকগণ কুন্দালিত মাটির চাপ ভাঙ্গিয়া দিতে বাস্তব হয় না, কারণ তাহারা জানে যে, সেই সকল চাপ বৃষ্টিতে ক্রমে ভাঙ্গিয়া যাইবে, পরে বাহা অবশিষ্ট থাকে, তাহাই ভাঙ্গিয়া হলচালনা করে। বাহা হউক, কৃষকগণ যে এতদিন পূর্বে চাপ ভাঙ্গে না বা হলচালনা করে না, তাহা একটা মঙ্গলের বিষয়। এ সময়ে মাটি ভাঙ্গিয়া ভূকর্ষণ করিলে মাটি চৌরস হইয়া মৃত্তিকা মধ্যে ভৌতিক ক্রিয়া আরম্ভ হয়, সঙ্গে সঙ্গে যবক্ষারক্রিয়ার সূত্রপাত হয়। ফসলহীন ক্ষেত্রে যবক্ষার-জ্ঞান উৎপন্ন হইতে থাকিলে তাহা কোনই কাজে আসে না, উপরন্তু বোগাকর্ষণে বাষ্পের সহিত বায়ুমাণ্ডলে চলিয়া যায়। ক্ষেত্রের জিনিষ এক্রূপে অপব্যয় হইতে দেওয়া কর্তব্য নহে।

বীজ বপন করিবার দুই তিন দিন পূর্বে চেলা ভাঙ্গিয়া উত্তম-
 কর্ষণ ও
 বপন
 রূপে কর্ষণ করিলে বড় ক্ষতি হয় না, তবে অবস্থা
 বুঝিয়া ব্যবস্থা করিতে হইবে। দৈবক্রমে সে
 সময় বৃষ্টি হইয়া মাটি কাদাটে হইয়া গেলে 'যো'-

কালের জন্য অপেক্ষা করিতে হইবে। বাহা হউক, এ সময়ে
 ক্ষেত্রে সাধ্যমত সূচাব দিতে হইবে, এবং চেলা যত ভাঙ্গিয়া যায়,
 তৎপ্রতি বিশেষ দৃষ্টি রাখিতে হইবে। মদিকা বা চৌকী দিলে
 জমি চৌরস হয়, উপরিভাগের মাটিকে প্লার গ্যার দেখায় কিন্তু
 উদবস্থার একবার হলচালনা করিলে শত শত ছোট বড় চেলা
 দেখা দেয়। চোরা-চেলা উদপেক্ষা অধিক বিপজ্জনক। কুন্দালিত
 ক্ষেত্রের চেলা-ভাঙ্গা একটা বিশেষ কার্য। কুন্দালিত ক্ষেত্রে
 আঙ্গুল দিবার পূর্বে, চেলা সমুদায়কে কোদাল দ্বারা ভাঙ্গিয়া

দিবার পরে যে সকল ছোট চেনা থাকিয়া যায়, তাহাদিগকে মুগের সাহায্যে চূর্ণ করিয়া দিতে হয়। এক্ষেত্রে লাঙ্গল দিলে ক্ষতি নাই। সচরাচর দীর্ঘে ও প্রস্থে হলচালিত হইয়া থাকে। মাটিকে আধীরের স্তায় করিতে হইলে, সেই সঙ্গে কোণা-কোণী চাষ দেওয়া কর্তব্য। যত অধিক চাষ দেওয়া যায়, মাটি তত ধূলায় পরিণত হয়, মাটির জড়তা ভাঙ্গিয়া যায়, প্রত্যেক দানার কৃতিত্ব বিকাশ প্রাপ্ত হয়। ভূমির ব্যবহারকতা বৃদ্ধি করিবার ইহাই অমোঘ উপায়, কিন্তু সকল কৃষক এত কষ্ট স্বীকার করে না। অতি অল্প কৃষকেই জমি কোপাইয়া থাকে। ইহারা বারিপাতের জন্ত অপেক্ষা করে এবং বীজ বপনের দিন সন্নিহিত হইলে যখন বৃষ্টি হয়, তখন তাড়াতাড়ি বেমন-তেমন করিয়া ক্ষেত্রের কর্ষণকার্য সমাধা করে। সে প্রণালী এ মহার্ঘের দিনে চলিবে না। ছুটে গাভা নিজে বস্ত্রক্ষেপে সহজে ছুঙ্কান করে না। বরিত্রী প্রায় শুষ্করূপে। পূর্ণ ছুঙ্কবতী হইয়াও পরিত্রীমাতা সন্তানদিগকে সহজে ছুঙ্ক দিতে চাহেন না, এজন্য পীড়ন করিয়া ছুঙ্ক আদায় করিতে হইবে—ক্ষেত্রে উত্তমরূপে কর্ষণ করিতে হইবে, এবং তাহা হইলে ধারিত্রী আর ছুঙ্ক লুকাইয়া রাখিতে পারিবেন না। কর্ষণকার্য অবিচ্ছিন্নভাবে ও যথাসাধি করা কর্তব্য। এলাদন হলচালনা করিয়া কিছু দিন ক্ষেত্রে ফেলিয়া রাখিয়া পুনরায় কর্ষণ করিতে গেলে নুতন ভাবেই কর্ষণ করিতে হয়। উপর্যুপরি কর্ষণাদি দ্বারা ক্ষেত্রের কর্ষণকার্য শেষ করা ও শেষ চাষের অব্যবহিত পরেই বীজ বপন করা উৎকৃষ্ট ব্যবস্থার প্রধান অঙ্গ। বিচ্ছিন্নভাবে ও অনর্থক বিলম্ব করিয়া মধ্যে মধ্যে চাষ দিলে পূর্ণ চাষের উপকারিতা নষ্ট হয়,—জমির 'হাথ' কাটিয়া

যায়।* জমিতে 'হাল' থাকিলে বীজ অঙ্কুরিত হইতে বিলম্ব হয় না এবং ক্ষেত্রের সর্বস্থানে সমভাবে বীজ অঙ্কুরিত হয়। বিচ্ছিন্নভাবে ক্ষেত্র কর্ষণ করা যে দোষাবহ ও কৃতিকর তাহা ভারতবাসী প্রাচীন কাল হইতে অবগত আছে। মহামুনি পরাশর মহাশয়ের নিম্নলিখিত শ্লোক দ্বারা তাহা প্রতিপন্ন হয় :—

“ছিন্নরেখা ন কর্তব্যা যথা গ্রাহ পরাশরঃ ।

একা তিস্রস্তথা পঞ্চ হলরেখা প্রকীৰ্ত্তিতাঃ ॥”

অর্থাৎ লাকলের রেখা (চাষ) ছিন্নভাবে (মধো মধো বাদ দিয়া) করিবে না। এক, তিন ও পাঁচটি হলরেখা কথিত হইয়াছে।

অধিক চাষ দিলে অধিক ফসল হয়, তৎসম্বন্ধে বলিতেছেন,—

“একা ভয়করী রেখা তৃতীয়া চাৰ্থসিদ্ধিদা ।

পঞ্চমাখ্যা ভু যা রেখা বহু শস্য প্রদায়িনী ॥”

অর্থাৎ একটা রেখা বা চাষ জরযুক্ত, তিনটা রেখা প্রয়োজন-সিদ্ধি, আর পাঁচটা রেখা বহু শস্য প্রদায়িনী।

সাধারণতঃ কৃষকগণ—ভদ্র ক্ষেত্রস্বামীগণও—পাঁচ চাষ দূরের কথা, তিন চাষ ও দিতে পারে না। ইহাই হইল আমাদের কৃষির অবনতির মূল কারণ। পাঁচের আবাদ বৃদ্ধি—দেশের উর্ভিক্ষ বা অন্তর্কষ্টের কারণ নহে; ক্ষেত্রের ফলন কমিয়া যাওয়া প্রধান কারণ বলিয়া মনে হয়। অতএব ফলন বাড়াইবার চেষ্টা করা কর্তব্য।

* 'সরসতা' শব্দ গ্রাম্য ভাষায় 'হাল' শব্দ দ্বারা অভিযুক্ত হয়।

পঞ্চদশ অধ্যায়

—:—

ভূপৃষ্ঠের সমতলতা, উচ্চতা, নিম্নতলতা, বা গড়েন স্বভাবের
উপরেও মৃত্তিকার উৎপাদিকা-শক্তির অতি যনিষ্ট
সমতল ভূমি সম্বন্ধ। সচরাচর সমতল ভূমি সকলের প্রিয়।
ইহাতে যে বারিপাত হয়, তাহা সর্বত্র সমভাবে পতিত হয় ও
শোষিত হয়,—অধিক বৃষ্টি হইলে জলের টানে মাটি ধুইয়া
যাইতে পারে না এবং ক্ষেত্রের সর্বস্থানে সমভাবে বায়ু সঞ্চালিত ও
সূর্যের কিরণ পতিত হইতে পারে। উল্লিখিত নানা সুবিধা
হেতু সমতল ভূমির সর্বস্থানে রস ও উত্তাপের সামঞ্জস্য থাকে,
সর্বস্থানের মৃত্তিকা সমশক্তিসম্পন্ন হইয়া থাকে। তাহা
ব্যতীত সমতল ভূমিকে কর্ষণ করিতে কৃষাণের ও হলবাহী
পশুপণের বড় কষ্ট হয় না, সুতরাং তাহারা অধিকক্ষণ ও
ভালরূপে কার্য্য করিতে সক্ষম হয়।

পারিপার্শ্বিক জমি অপেক্ষা যে জমি উচ্চ, তাহা অনেক
ফসলের পক্ষে বিশেষ উপযোগী। গোল-আলু
উচ্চ-ভূমি রান্না-আলু, পটোল, তরমুস, ফুটি, কাঁকড়,
কাঁপাস, যান প্রভৃতি তাহারিণের মধ্যে গণ্য। রস
অধিকতর উৎপাদন ফসলের আবাদ করিলে ফসলের প্রকৃতি ও
ফসলের বৈলক্ষণ্য ষড়ীয়া থাকে। আশ্র ও বোরো ধান, পাট,

মাড়ুয়া, ভূট্টা প্রভৃতি রসাল জমিতে ভাল থাকে, উচ্চ জমি তাহাদিগের পক্ষে তত সুবিধাজনক নহে। উচ্চ জমিতে যে সকল ফসলের আবাদ করিতে হয়, তাহারা দীর্ঘ মূলক হইলে ভাল, কারণ দীর্ঘতা হেতু মূলগণ ভূগর্ভ মধ্যে অধিক দূর প্রবেশ করিতে সক্ষম হয়। উচ্চভূমিজাত উদ্ভিদগণের মূল পার্শ্ববর্তী ক্ষেত্র সমূহের সাধাবণ পৃষ্ঠভাগ কিম্বা পৃষ্ঠভাগের কষিচ মৃত্তিকার নিম্নতল পর্য্যন্ত পৌঁছিতে না পারিলে যথোচিত পরিমাণে রস প্রাপ্ত হয় না। উচ্চ ভূমির জল চুয়াইয়া ক্ষেত্রান্তরে নামিয়া যায় এবং উপরিভাগ ও পার্শ্ব দেশ দিয়া সূর্য্যাকর্ষণে রস শুকাইয়া যায়। এই ছই কারণে উচ্চ ভূমি অপেক্ষাকৃত শুষ্ক হইয়া থাকে। সমতল ভূমিতে সূর্য্যের কিরণ কেবল উপরিভাগে (Surface) পতিত হয় এবং উপরিভাগ দিয়াই রস শুকায়, কিন্তু উচ্চ ভূমির রস পৃষ্ঠ ও পার্শ্ব—উভয় দিক দিয়া শুকাইয়া যায়। সমতল ভূমির রস পার্শ্ব ভাগ দিয়া অধিক নিকাশ হইতে পার না। তাহা ব্যতীত উপরিভাগ ভিন্ন অপর কোন দিক দিয়া তাহার রস শোষিত হইতে পারে না, কাজেই সমতল জমির রসালতা অধিক ও সমভাবাপন্ন। ঈদৃশ জমিতে স্বভাবতঃ যে সকল আগাছা জন্মে তাহারা প্রায় দীর্ঘ মূল হয় এবং মৃত্তিকা মধ্যে অধিক দূর পর্য্যন্ত মূল প্রবিষ্ট হইয়া রস ও খাদ্য আহরণ করিতে পারে। উদ্ভানের পক্ষে এ প্রকারের জমি স্পৃহনীয়। ঈদৃশ জমিতে বার মাস রস রাখিতে হইলে উদ্ভিদ-সারের বিশেষ প্রয়োজন। উদ্ভিদ পদার্থ রস শোষণ ও ধারণ করিতে বিলম্ব সক্ষম। পৃষ্ঠভাগের মৃত্তিকা বুরা রাখিতে পারিলে উচ্চ ও শুষ্ক জমিতেও রসভাব হয় না।

উচ্চভূমি-পরিবেষ্টিত ক্ষেত্রে চারিদিক হইতে জল আসিয়া
 সঞ্চিত হয় এবং বহির্গত হইবার উপায়ভাবে
 নিম্নভূমি বর্ষার তাবৎ জল ক্ষেত্রেই দীর্ঘকাল সঞ্চিত হইয়া
 থাকে। বর্ষা অতীত না হইলে প্রায় তাহার জল শুকায় না।
 ইহাকে 'কোল' জমি কহে। কোল-জমির বারি-তর অতি
 নিকট নিম্নে অবস্থিত। তাহা ব্যতীত পারিপার্শ্বিক উচ্চ জমির
 জল নামিয়া সেই বারিস্তরে গিয়া আশ্রয় গ্রহণ করে কিন্তু বারি-
 স্তরের জলাধিক্য হেতু তত্পারস্থ মৃত্তিকা সর্দিময় হইয়া থাকে।
 তক্ত আতরিত্ত বারি নিম্নে প্রবেশ করিতে পারে না, ফলতঃ
 বায়ু ও সূর্য্যাকর্ষণে না শুকাইলে অন্ত রকমে সে জল নিঃশেষিত
 হয় না। জল নিকাশের সুবন্দোবস্ত করা সম্ভব হইলে, উহা
 অতি উৎকৃষ্ট ক্ষেত হইয়া থাকে। ঈদৃশ জমি আমন ও জলি
 দাত্তের বিশেষ উপযোগী। যে সকল নিচু ক্ষেতের জল কার্তিক
 মাসের মধ্যে শুকাইয়া যায়, তাহাতে রাবথন্দ অতি উত্তম জন্মিয়া
 থাকে। মাটির সরসতা ও সারালতা তাহার বিশেষ কারণ।
 নিচু জমির এতাদৃশ সারাল হইবার কারণ এই যে, ধোরাটের
 সহিত তথায় অনেক সার—উৎসদের সম্ভব্যবহারোপযোগী সার
 আসিয়া পড়ে। নিম্ন ভূমির জল শুকাইয়া রবিথন্দের উপযোগী
 হইতে কিছু বিলম্ব হয়। যে জমির জল শুকাইতে পৌন্দি মাসও
 অতীত হইয়া যায় তথায় রবি ফসল করিবার সময় পাওয়া যায়
 না। পূর্ব্ববঙ্গ ও আসাম প্রদেশে ঈদৃশ জমি বিরল নহে। তথায়
 কেবল একটী সার ফসল উৎপন্ন হইয়া থাকে। একটী সার ফসল
 হউক, কিন্তু তাহাতে যে পরিমাণ শস্ত উৎপন্ন হইয়া থাকে,
 তদ্বারা দুই ফসলের সার হইয়া থাকে। বাথরগর ও চট্ট-

গ্রাম জেয়ার অনেক স্থানে নৌকারোহণে গিয়া ধান কর্তন করিতে হয়। এ সকল জমি ধাত্তের অল্প প্রশস্ত এবং তাহাতে ধাত্তেরই আবাদ হইয়া থাকে।

সুবিস্তীর্ণ পল্লীর ভূমিখণ্ডকে বিল—কোন কোন দেশে 'বিলান'

বিল —কহিয়া থাকে। উল্লিখিতরূপে ভরাট হইয়া

আবাদোপযোগী হইলে তাহা 'বাদা' নামে

অভিহিত হয়। মাগুরসন্নিহিত সৈকত, বাদা ও বিল লাবণিক হইয়া

থাকে। বিলভূমি বর্ষাকালে ডুবিয়া যায় ও চারিদিক হইতে

ধোয়াট আসিয়া স্বস্তিকার উর্ধ্বতা প্রকি করে। বিলে প্রায় একটী

অধিক ফসল হয় না এবং সে ফসল—রবি। বিলে বহু মৎস্য

আসিয়া পড়ে। কলিকাতার দক্ষিণ-পূর্বে যে সুবিস্তীর্ণ বাদা

ও বিল আছে তাহাতে রাশি রাশি ও বৃহৎ বৃহৎ ভেটকী, পলুদা

ছিংড়ী, পার্শে, পাররাটাদা প্রভৃতি উৎকৃষ্ট মৎস্য জন্মে এবং

কলিকাতার সকল বাজারে তাহাদিগের যথেষ্ট আমদানী হয়।

যাহা হউক, চারিদিকের ধোয়াট আসিয়া পড়ায় বিলের মাটি

এঁটেলের গুয় ঘন ও ভারি হইয়া থাকে। বিল-ভূমি স্বভাবতঃ

এত সারাল যে, তাহাতে আদৌ সার দিতে হয় না, অধিকত

যে মাটি আসিয়া অল্প ক্ষেত্রে প্রসারিত করিয়া দিলে পোষাক

ক্ষেত্রে প্রভূত উপকার হইয়া থাকে। বিল ভূমিতে রবি

ফসল এবং শীতকাল হইতে গ্রীষ্মকালের তরি-তরকারির আবাদ

হইতে পারে। বর্ষার প্রারম্ভ হইতেই তাহাতে জল সঞ্চিত

হয় ও ক্রমশঃ জল বৃদ্ধি পাইতে থাকে। এক্ষণে ষোল্ল মাসের

মধ্যে বিলভূমিকে একবার চাষিয়া দিলে তৎপাত তাবৎ উদ্ভিদ—

ফাল-পালা মূল, পাজা প্রভৃতি গুচিয়া গিয়া স্বস্তিকার উর্ধ্বতা

ও কোমলতা বৃদ্ধির পক্ষে বিশেষ সহায়তা করে। অতঃপর বিলের জল একবারে শুকাইয়া গেলে বখানিয়মে কর্ষণাদি করিয়া আবাদ করিতে হয়।

বিল চিরদিন বিল থাকে না, ধোয়াটের জলে ক্রমশঃ ভরাট

হইয়া আসে। পরিভ্রমণ বা গভীর বিলে প্রতি

বাদ্য

বৎসর হিংচে, সুমী, কক্ষী, শর, শালুক, পদ্ম প্রভৃতি

নানা জাতের জলজ উদ্ভিদ জন্মিয়া ক্রমশঃ তাহাকে ভরাট করিয়া

ভুলে। ভরাট বিল বা বাদ্য অতিশয় উর্বরা ভূমি। তাহাতে

যে সকল শাক-সজী উৎপন্ন হয় তাহা দেখিলে মুগ্ধ হইতে হয়।

কলিকাতার সম্বিহিত বিলের অধিকাংশ এক্ষণে বাদ্যর পরিণত

হওয়ার তাহাতে নানা ফসলের আবাদ হইতেছে। তজ্জাত তর্রি-

তরকারি বাজারে আসিলে অপর তর্রি তরকারির দিকে লোকে

বড় তাকায় না। একে উই মারাল জমি, তাহাতে আবার

কলিকাতা সহস্রের তাবৎ আবর্জনা প্রতিদিন পতিত হইতেছে।

এতদ্বারা কারণে কলিকাতা-বাদ্যর এত উর্বরতা। উক্ত বাদ্য

Salt Lake নামে অভিহিত। শুক তাহাই নহে—

অনেক বিস্তীর্ণ জলাশয়ের জল বর্ষার পর শুকাইতে থাকিলে

উৎসমিহিত অল্পাধিক জমি জাগিয়া উঠে। এই সকল জমিতে

যাহারা রবি ফসলের কিম্বা শীত বা গ্রীষ্মের ফল মূল বা

তর্রি-তরকারির আবাদ করে তাহারা প্রভূত লাভবান হইয়া

থাকে। উল্লিখিত তীরবর্তী স্থান বর্ষাকালে অধিক জলমগ্ন না হইলে

আমন ধানের পক্ষে বড়ই উপযোগী। মুরসিদাবাদের সুবিখ্যাত

মতিঝিল ও আফ্জালবাগের সমুখস্থ বিলে এবং দায়তাদার-

হাড়াই-বিগের পাশদেশে আমন ধানের আবাদে বিখ্যাত প্রতি

১৫১২০ মন খাল উৎপন্ন হইয়া থাকে,—বিচালী ও ষাথেই পরিমাণে পাওয়া যায়। কিনারার জমিতে অধিক দিন জল সঞ্চিত থাকিতে পারে না অথচ উহা সমধিক সারাল ও রসাল। এই হই কারণে এবশ্রকার জমির এত অধিক উর্বরতা। কলিকাতার ৮১০ ক্রোশ দক্ষিণে জয়নগর-মজিলপুর অঞ্চলে যে বাদা আছে, তাহাতেও সমূহ পরিমাণে কমল উৎপন্ন হইয়া থাকে। পূর্বকালে উক্ত বিস সকল নদা গর্ভ ছিল বলিয় মনে হয়।

যে নিম্নভূমির চতুর্দিক উচ্চভূমি দ্বারা পরিবেষ্টিত তাহাকে 'কুড়ি' কহে। কুড়ি বিস্তৃত হইলে 'জোল' নামে কুড়ি ও জোল অভিহিত হয়। কুড়ি ও জোল—পাকতা প্রদেশেই পরিদৃষ্ট হয়। মধুপুর, বৈষ্ণনাথ প্রভৃতি পাহাড়ী দেশে অনেক জোল দেখা যায়। যে যে কারণে বিলের জমি উর্বরা হয় জোলের জমিও সেই সেই কারণে উর্বরা হয়। জোল অভিযয় গভীর ও আর্দ্র না হইলে তাহাতে ভাঙ্গুই ও রবি—ছহ ফসলেরই আবাদ হইতে পারে। বৈশাখ বা জ্যৈষ্ঠ মাসে প্রথম ২১ পসলা বৃষ্টি হইলেই ফের কর্ষণ করিয়া রাখিতে হয় এবং বর্ষার কুত্র-পাত হইলেই তাহাতে বোয়া ধানের আবাদ করিতে হয়। ইহাতে বপন-আবাদ চলে না, কারণ বপন করিবার পর জোলে ক্রমশঃ জল সঞ্চিত হইতে থাকে, তাহাতে হয় বীজ অক্ষুরিত হইতে পারে না, কিংবা অক্ষুরিত পোয়ালি সহসা জলবৃদ্ধি হেতু ডুবিয়া যায়।

গড়েন জমিতে জল দাঁড়াইতে পারে না, কিন্তু জমিতে কমল

থাকিলে কিংবা তৃণ জঙ্গল থাকিলে অথবা কবিচা-

বন্যার থাকিলে অসামান্য জল ভূমিতে শোষিত

হইতে পারে, কিন্তু কি পরিমাণ জল শোষিত হইতে পারে, তাহা ভূমির ঢালুতা, মৃত্তিকার শোষকতা প্রভৃতির উপর নির্ভর করে। ঢালু অধিক হইলে জলের বেগ অধিক হয় ফলতঃ জল সববেগে নিম্নাংশে ধাবিত হয় এবং তাহার ফলে মাটি ধুইয়া যায় ও ধোয়াই জলের সঙ্গে মৃত্তিকার সূক্ষ্ম দানা ও গলিত সার পদার্থ সমূহ পরিমাণে নামিয়া য'য়, তন্নিবন্ধন তাহাতে মোটা দানা অর্থাৎ বালুকা বা কঙ্করের প্রাচুর্য্য হয়, এবং জমি সারহীন ও নিঃস্ব হইয়া পড়ে। কেবল তাহাই নহে। উচ্চ জমি অপেক্ষা গড়েন জমির উপরে সূর্য্যের প্রকোপ অধিক। গড়েন জমির বিস্তৃতি বা বাষ্পি অধিক এবং তাহার পূর্ণদেশ অধিক পরিমাণে প্রকাশিত থাকে। এই দুইটী বিশেষ কারণবশতঃ উহাতে সূর্য্যের কিরণপাত অধিক হয়, ফলতঃ মাটি নীচ শুকাইয়া যায়। ঢালুতাজনিত দোষ নিবারণ করে কৃষকগণ প্রায়ই আপনাপন ক্ষেত্রে আগ দ্বারা পরিবেষ্টিত করিয়া রাখে। ঢালুতা দ্বিগুণ হইলে ক্ষেত্রে আগ পরিবেষ্টিত করতঃ উচ্চাংশের কতক মাটি কাটিয়া নিম্নাংশে দিয়া সমতল করিতে পারিলে চলিতে পারে, কিন্তু অধিক গড়েন হইলে কেবল আগ দ্বারা সুবিধা হয় না। এরূপ স্থলে জমিকে 'থাকবন্দী' করিয়া লওয়া আবশ্যিক।

ক্ষেত্রে সোপানাবন্দীর স্থায় 'থাকবন্দী' করিবার প্রথাকে

Terracing কহে। 'থাকবন্দ' প্রবর্তন করিলে

থাকবন্দী

ঢালুতা দোষ বিদূরিত হয় এবং ক্ষেত্রে জল উচ্চস্থিত

হইতে অধিক বেগে ধাবিত পায় না। 'থাকবন্দ' ভূমির প্রতি


থাক বা সোপানের পূর্ণভাগ সমতল এবং থাকেয় পার্শ্বদেশে আগ

ও আটীর দ্বারা সংরক্ষিত থাকে, সুতরাং জল তাহা উল্লসন

করিতে না পারিয়া তাহাতেই শোষিত হয়। উপরে যে প্রাচীর
 শব্দ ব্যবহৃত হইয়াছে তাহা সোপানের উর্দ্ধতা মাত্র। এক
 সোপানের বহির্ভাগস্থ উর্দ্ধতা অপর সোপানের প্রাচীরের কাজ
 করে। ইহার ভিতরাংশ উক্ত প্রাচীর এবং বহির্ভাগ স্রবচ্ছ
 আল দ্বারা সংরক্ষিত। উহাতে সৃষ্টির জল পতিত হইলে
 একদিকে যেরূপ তাহা স্রব পতিত হয়, অত্রদিকে সেইরূপ
 বহির্ভাগস্থ পার্শ্বদেশ দিয়া চুরাইয়া নিম্নবর্তী সোপানে গিয়া
 পড়ে, আবার কঠক জল ভূগর্ভমধ্যেও প্রবিষ্ট হয়। থাকবন্দী
 ভূমির জল উক্ত দুই প্রকারে ভূপৃষ্ঠ হইতে নামিয়া গিয়া
 মাটিকে রসহীন করিয়া দেয়। অনন্তর উপরিভাগ দিয়া ও
 দুই প্রকারে রস বাষ্পাকারে বাহির হইয়া যায়:—১ম,—
 সোপানাবলীর পৃষ্ঠদেশ দিয়া; ২য়,—বহির্পার্শ্বদেশ দিয়া।
 এক্ষণে দেখা যাইতেছে যে, থাকবন্দী ভূমির রস চারি প্রকারে
 বহির্গত হইয়া যায়। কৃষকের পক্ষে ইহা বিশেষ ভয়ের কথা।
 সকল বিষয়েরই অন্তরিক আছে। ভূপৃষ্ঠের জল যতই ভূগর্ভে
 নামিয়া বাউক বা পার্শ্বদেশ দিয়া চুরাইয়া বাহির হউক, অথবা
 ভূপৃষ্ঠ ও সোপান পার্শ্ব দিয়া বাষ্পাকারে চলিয়া যাউক, মাটি
 একবারে নীরস হইতে পার না। জমি আবাদী অবস্থায় থাকিলে,
 পৃষ্ঠতলস্থ মাটির লঘুতা হেতু যোগাকর্ষণ দ্বারা নিম্নতল হইতে
 রস ক্রমাগত উপরে উঠিতে থাকে এবং সেই রস মাটিকে সর্বদা
 সন্ন্যাস রাখে। রস যত শুষ্ক তত তাহার যোগান হয়। অন্তঃপর
 সোপান হইতে জল মাটির মধ্যে নামিবার অথবা ভূগর্ভ হইতে
 রস উপরে উঠিবার কালে সমগ্র মাটিকে নিষ্কর করিয়া দেয়।
 এইরূপে মাটি সন্ন্যাস থাকিলে সোপানের পার্শ্বদেশ দিয়া রস

বহির্গত বা আকর্ষিত হইবার কালে সোপানাস্তর্গত মাটিকে সরস করিয়া দেয়, ফলতঃ মাটি কিছুতেই শুকাইতে পার না। নিম্নে 'থাকবন্দ' অমির একটি চিত্র দেওয়া গেল।

৬ নং চিত্র



চিত্রস্থিত 'ক'-চিহ্নিত সমতল স্থানগুলি থাক বা সোপানের উপরিভাগ; 'খ'-চিহ্নিত স্থানগুলি প্রাচীর; 'গ' সর্জননিরহিত স্বাভাবিক সমতল; 'ঘ' বারিস্তর। চিত্রস্থিত যে সকল আঁকা-বাঁকা জালবৎ রেখা দেখা যাইতেছে উহারা মৃত্তকার ছিদ্রপথ। ছিদ্রপথ সমূহ ভূপৃষ্ঠ হইতে বারিস্তর পর্যন্ত কোন না কোন রকমে সংযুক্ত। অনেক ছিদ্রপথ প্রাচীরদিকে লম্বিত। বৃষ্টির জল সেই সকল ছিদ্রপথ অবলম্বন করিয়া বারিস্তরপ্রতিমুখী হয়। যে সকল ছিদ্রপথ সোপানের প্রাচীরপ্রতিমুখী, তাহাদিগের মধ্যবর্তী রস রসাকারে বা বাষ্পাকারে বহির্গত হইয়া থাকে।

অন্যমতল ও গড়েন জমি প্রায় পার্শ্বতা দেশেই দেখিতে পাওয়া যায় এবং সেই সকল দেশেই জমিকে থাকবন্দী করিয়া লোকে চাষ আবাদ করে। থাকবন্দী জমি সরল থাকিলে কৃষি কার্যের বিশেষ উপযোগী হইয়া থাকে। সোপানাবনী সোপানের প্রায় প্রকৃতই সঙ্কীর্ণ হইলে তাহাতে হলচালনা করিতে ও চৌকি বা মদিকা পরিচালিত করিতে বড় অসুবিধা হইয়া থাকে। হলচালনাদির সুবিধার্থ 'থাক' সমূহকে বিস্তৃত করিতে পারা যায় না, কারণ তাহা ভূমির স্বাভাবিক ঢালুতার উপর নির্ভর করে। ঢালুতা যত অধিক হয়, সোপানের পরিসর বা প্রশস্ততা তত অল্প হইয়া থাকে। ক্রম-ঢালু জমির সোপান প্রশস্ত হইতে পারে।

থাকের বহিঃপার্শ্ব জৈষং ঢালু থাকা ভাগ, নতুবা পার্শ্বদেশ ক্রমে ভাঙ্গিয়া যায় ও সর্বদা নেরামত কারণে হয়।

পার্শ্বতশ্রেণীর পাদদেশস্থ ভূভাগকে 'তরাই' নামে অভিহিত করা হইয়া থাকে। তরাই প্রদেশে প্রতিবৎসর তরাই
পাহাড়ের ধোয়াট আসিয়া পড়ে। সেই জন্য তরাইয়ের মাটি অতিশয় উর্বরা। তরাই ভূমি উর্বরা ত বটেই তাহা ব্যতীত রসাল। তরাই জমি প্রায় জঙ্গলে পূর্ণ থাকে, তন্নিবন্ধন তথাকার মৃত্তিকায় উদ্ভিদ্ধ-পদার্থের প্রাচুর্য্য দেখা যায়। তরাই প্রদেশ অতিশয় অস্বাস্থ্যকর স্থান। হিমালয় পদপ্রান্তে জলপাইগুড়ি জেলার তরাই বিস্তীর্ণ ভূভাগ এবং তাহাতে চা'র আবাদ হয়।

বর্ষাকালে জল নামিয়া গেলে নদীগর্ভের স্থানে স্থানে চর দেখা দেয়। উক্ত চর ক্রমশঃ উচ্চ ও বিস্তীর্ণ হয় এবং বহু পুরাতন হইতে থাকে, তত আবাদের উপযোগী

হয়। চর জমি স্বভাবতঃ উর্বরা কিন্তু প্রথমাবস্থায় সকল ফসলের উপযোগী নহে। চরের মাটি খুব সূক্ষ্ম হইলেও তাহাতে জৈব-পদার্থের অল্পতা বা অভাবহেতু আপাততঃ বিশেষ উপকার পাওয়া যায় না। পুরাতন চরে যে সকল ফসলের আবাদ হইয়া থাকে তৎসমুদায় প্রায় ঔদ্যানিক ফসলের অন্তর্গত। ধাত্ত গোধুমাদি কৃষি-ফসলের পক্ষে বালুকাপূর্ণ চর জমি বড় সুবিধা জনক নহে। চর জমির মাটি—বালি বা বালি প্রধান। প্রথমাবস্থায় উহাতে ফুটি, কাকুড়, তরমুজ, রাসা-আলু প্রভৃতির আবাদ হয়। ইহাদিগের উদ্ভিজ্জাবিশিষ্ট ও নানাবিধ স্বভাবজাত তৃণশুল্কাদি গলিত হইয়া মৃত্তিকায় জৈব পদার্থের সমাবেশ করিয়া দেয়। এইরূপে ৩০ দিন যায় তত তাহার কলেবর পবিপুষ্ট হইতে থাকে কিন্তু বর্ষাকালে উহার জলমগ্ন হইবার সময় উত্তীর্ণ না হইলে তৎসমুদায় সঞ্চিত পদার্থ তাহাতে স্থায়ী হইতে পারে না। অপর ঋতুতে যে কিছু সার সঞ্চিত হয়, তাহা বর্ষাকালে বিধৌত হইয়া যায়। অতঃপর উদ্ভিজ্জ পদার্থের অল্পতা বা অভাব হেতু চর অতিশয় উত্তপ্ত হইয়া উঠে কিন্তু তরমুজাদি লতিকা জাতির আবাদ করিলে লতিকা প্রসারিত হইয়া ভূপৃষ্ঠকে ঢাকিয়া রাখে, ফলতঃ ভূমির পৃষ্ঠদেশ উত্তপ্ত হইতে পারে না।

নদীতটের বালুকাময় ভূখণ্ডকে 'নৈকত' কহে। নৈকত

ভূমির প্রকৃতি—চর সদৃশ। বর্ষাকালে উহা

নৈকত

ভুবিয়া যায় এবং আশ্বিন-কার্ত্তিক মাসে নদীর

জল নামিয়া গেলে পুনরায় দৃষ্টিগোচর হয়। সুতন নৈকত

ক্ষেত্রে চরের সার তরমুজ, ফুটি, কাকুড়, উচ্ছে, ঝিলে, রাসা

আলু প্রভৃতি নগণ্য ফসলের আবাদ হয়, কিন্তু দীর্ঘকালের

পুরাতন সৈকতে জল উঠিতে না- পারায় উহা আবাদী জমিতে পরিগণিত হইতে পারে। তাহা হইলেও বালুকতা হেতু উহাতে মেঠো ফসলের আবাদ হইতে পারে না। বালুকতা হেতু একেই ত উহার মাটি নীরস, উত্তাপহীন ও বাঁধনহীন, তাহার উপর নদীভাগস্থিত ভাঙ্গড়ের * গাত্র দিয়া ক্ষেত্রের বহু পরিমাণ রস চুরাইয়া বহির্গত হইয়া যায়। এ প্রকার জমির ধারকতা বড় কম বা নাই বলিলেও চলে।



ষোড়শ অধ্যায়

—:—

পাহাড় ও পাহাড়িয়া জমির ঢালু নানাদিকে কিন্তু যে সকল পার্শ্ব পূর্ব, দক্ষিণ-পূর্ব, দক্ষিণ ও দক্ষিণ-পশ্চিম দিক সম্বন্ধে অবস্থিত, তৎসমুদায় উত্তর-পশ্চিম, উত্তর, ও উত্তর-পূর্ব দিক অপেক্ষা অধিকক্ষণ ও অধিক পরিমাণ রৌদ্র পায় বলিয়া অধিক উর্বরা হইয়া থাকে। পাহাড়ের অনেক ঢালুতে আদৌ রৌদ্র পৌঁছে না। এই সকল স্থানের স্বাভাবিক

* নদীতটস্থ ভগ্ন পার্শ্বকে 'ভাঙ্গড়' কহে।

উষ্ণতা কম হইয়া থাকে। ভূমির উচ্চতা ও সম্মুখতা বা সদর দিগ্বিশেষের প্রাকৃতিকতার সহিত সম্বন্ধ স্থাপন করিলে স্থানীয় ভূমির প্রকৃতি মধ্যে অনেক পরিবর্তন সংঘটিত হইতে দেখা যায়। তাহার কারণ জলিঃ, শিলঃ, মসুরী বা সিমলা পাড়াতে গিয়াছেন তাঁহারা লক্ষ্য করিয়া থাকিলে নিশ্চিত দেখিয়া থাকিবেন যে, উত্তরাভিমুখী ঢালু দিকে কত জাতীয় ফাণ, মস, লাইকোপোডিয়া, বিগোনিয়া, অর্কিড প্রভৃতি জল প্রচুর জন্মিয়া থাকে কিন্তু দক্ষিণাভিমুখী ঢালু ভাগে তৎসমুদায়ের বড়ই অভাব। অর্থব্যয় ও কষ্ট স্বীকার করিয়া ততদূর না গিয়া নিজ নিজ বাটীতে থাকিয়াও উদ্ভিজ্জতার বৈষম্য দেখা যাইতে পারে। ঘর বাড়ীর সন্নিহিত পূর্ব, দক্ষিণ ও পশ্চিমদিকের উদ্ভিদ হইতে উত্তর দিকের উদ্ভিদগণের বৃদ্ধি ও শ্রী সৌন্দর্য্য স্বতন্ত্র। গ্রীষ্মকালের প্রথর রৌদ্রে প্রথমোক্ত দিক সমূহের উদ্ভিদগণ—বিশেষতঃ কোমল প্রকৃতি উদ্ভিদগণ—যেন স্নিগ্ধমান ও লাবণ্যহীন হইয়া থাকে কিন্তু উত্তরভাগের সেই সেই গাছ কিরূপ বৃদ্ধিশীল ও লাবণ্যময় তাহা যিনি লক্ষ্য করিয়াছেন, তিনি বুঝিয়াছেন যে, ভূমির বক্রতার সহিত দিগ্বিশেষের কিরূপ ঘনিষ্ট সম্বন্ধ। সমতল ভূমির সকল স্থানে সমভাবে সূর্য্যের কিরণ-রশ্মি পতিত হইয়া থাকে কিন্তু বক্র স্থানে তাহা হয় না। বক্রতার যে ভাগ সূর্য্যামুখীভাবে (at right angle-) অবস্থিত তাহাতে বস্তু অধিক রৌদ্র লাগে, অপরভাগে তাহা হয় না। এই জন্ত বক্র ভূমির সকল স্থান সমভাবে রৌদ্র পায় না, সকল স্থানের মৃত্তিকা সমভাবে উত্তপ্ত হয় না। জীব শরীরে যেকোন একটি ভাগ আছে, ভূগর্ভ মধ্যে সেইরূপ তাপ আছে। ভূমির মধ্যে তাপমান যত

প্রতিষ্ঠা করিয়া দিলে তাহার উষ্ণতা (temperature) বুঝিতে পারা যায়। উষ্ণতা পরীক্ষা করিবার জন্য স্বতন্ত্র তাপমান যন্ত্র (Thermometer) ক্রয় করিতে পাওয়া যায়। দিগ্বিশেষে যে কেবল ভূমির ভিতরে উত্তাপের ইতর বিশেষ হয় তাহা নহে, ভূপৃষ্ঠস্থ বায়ু মণ্ডলের অবস্থারও ইতরবিশেষ হইয়া থাকে। অনেক উদ্ভিদই দিগ্বিশেষের আলোক ও উত্তাপ যে ভাল বাসে তাহা সহজেই বুঝিতে পারা যায় এবং তাহা পূর্বেই উল্লেখ করিয়াছি। দিক হেতু মৃত্তিকার উত্তাপ ও ভূপৃষ্ঠে আলোকের ইতরবিশেষ হইলে উদ্ভিদগণকে তাহার ফলভোগী হইতে হয়। বন্ধুর ভূমির উত্তরমুখী ক্ষেত্রে আলোক ও উত্তাপ কম বলিয়া তজ্জাত উদ্ভিদ আশ্রিতাজাত গাছের জায় লম্বা হয়, অবয়ব পল্কা হয় এবং শক্ত ও পরিপক্ব হইতে যেরূপ বিলম্ব হয়, তাহাতে ফুল ফল জন্মিতে ওঃ বীজ সুপক্ব হইতে সমূহ বিলম্ব হয় কিন্তু রোদ-পিঠে স্থানের উদ্ভিদ অপেক্ষাকৃত খর্বকার ও ঝাড়া ল হয়, তাহার শাখা-প্রশাখা পরিপুষ্ট ও শক্ত হয়, উপরন্তু ফল ফুল শীঘ্র উৎপন্ন হইয়া শীঘ্র পরিপক্ব হয়।

সূর্য্যাকিরণ মধ্যে উত্তাপ ও আলোক—এই দুইটি জিনিস

আমরা দেখি, কিন্তু এতদ্ব্যতীত উহাতে একটা সৌরশক্তি

শক্তি বিশেষ প্রচ্ছন্নভাবে থাকিয়া সংসারের বহু

কার্য্য সমাধা করিতেছে। উক্ত সৌর-শক্তি (Actinism)

আলোক ও উত্তাপ হইতে সম্পূর্ণ স্বতন্ত্র। সৌর-শক্তি বৈজ্ঞাতিক

তার মূল। উহা হইতেই বৈজ্ঞাতিকতা উৎপন্ন হইয়া বায়ুমণ্ডলে

ব্যাপ্ত হইয়া রহিয়াছে এবং বায়ুমণ্ডল হইতে ভূগর্ভে বিস্তৃত

হইতেছে। সৌর-শক্তির বৈজ্ঞাতিকতা দশম অধ্যায়ে আলোচিত

হইয়াছে, সুতরাং এস্থলে তাহার আলোচনা নিম্নয়োজন।
মৌরিকতার অপরাপর গুণ মধ্যে সর্বাধিক উল্লেখযোগ্য—

আকর্ষণ বা শোষণ শক্তি। পৃথিবীতে যতই রসের সঞ্চয়

আকর্ষণ হউক, ততই বারিপাত হউক, সূর্যের উক্ত
শক্তি দ্বারা তাহা পরিশোধিত হইতে পারে।

একদিকে যেরূপ পরিশোধন কাণ্ড চলিতেছে, অপর দিকে
সেইরূপ জলের সংস্থান হইতেছে বলিয়া পৃথিবী শুষ্ক স্থান পরিণত
হয় নাই। দৌরশক্তির আকর্ষণ গুণ রসের অতিরিক্তাংশ
আকর্ষিত হইয়া বাসুন গুলে গিয়া পৌঁছিতেছে এবং বায়ু সাহায্যে
নানাদিকে ও নানা দেশে গিয়া শিশির বা বারিরূপে পুনরায়
ভূমিতে আসিয়া স্থান পাইতেছে। সূর্যের উক্ত শক্তি অপভ্রুত
হইলে কোন দেশ জলাকাণ্ড, আবার কোন দেশ রসাতাবে
মরুভূমিতে পরিণত হইবে সে বিষয়ে কোন সংশয় নাই।
পৃথিবীতে যত বারিপাত হয় কিম্বা পৃথিবীতে যত জল আছে,
তাহার নির্দিষ্ট পরিমাণ আছে এবং সেই নির্দিষ্ট পরিমাণ জলই
চিরদিন চক্রবৎ দেশ দেশান্তরে পরিভ্রমণ করিতেছে।

ছায়া ও আলোক, শৈত্যতা ও উত্তাপ, ইহারা মৃত্তিকার

কার্যকারিতার অনুকূলে বা প্রতিকূলে নিরন্তর
কার্য ও মৃত্তিকা

কার্য করিতেছে। জগৎসংসারের এমনই নিয়ম

যে, প্রত্যেক ক্ষেত্রেই স্থানীয় আবহাওয়া ও প্রাকৃতিক অবস্থান-
সারে পরিচালিত হইতেছে এবং ভিন্ন ভিন্ন দেশে ও আব-
হাওয়া বিশেষে বিভিন্ন প্রকারের তরুণতা ও গুল্ম সৃষ্টি
হইয়াছে। যেখানে যে উর্ভিদ নিষ্ক বাসোপযোগী স্থান পাই-
তেছে সেইখানেই সে আপনা হইতে জন্মিতেছে। আমরা

তাহাদিগের স্থিতি, বৃদ্ধি ও ফলন-ফুলন দেখিয়া অভিজ্ঞতা লাভ করিয়া থাকি। ছায়া বা আওতার গাছ দীর্ঘ ও কোমল হয় কিন্তু রোদ পীঠে যায়গার উদ্ভিদগণ সেরূপ না হইয়া অপেক্ষাকৃত ছোট ও কঠিন হয়, ইহার দৃষ্টান্ত অবিরল নহে। বড় বড় বৃক্ষের নিম্নে যে তৃণ জন্মে তাহা কত দীর্ঘ ও কোমল হয়, কিন্তু মাঠ-নয়দানে তৃণ কি সেরূপ হয়? আবার বহু জাতীয় উদ্ভিদ অল্পাধিক ছায়ার বা আওতার ভাল থাকে, তাহারা সূর্যের তীব্র আলোক ও প্রখর কিরণ সহ্য করিতে পারে না। বারমাস ক্ষেত্র সমুদায়কে শস্যশালিনী অবস্থায় রাখিবার জন্য প্রকৃতিদেবী বৎসরের মধ্যে কয়েকবার বেশ পরিবর্তন করিয়া থাকেন—ইহাই ঋতুভেদের কারণ। সমগ্র গ্রহগণের স্তায় সূর্য ও পৃথিবীরও একটা নির্দিষ্ট গতি আছে। সেই নির্দেশ অনুসারে কখন সূর্যের দক্ষিণায়ন, কখন উত্তরায়ন হইয়া থাকে।* সূর্য যখন দক্ষিণভাগে থাকেন, তখন পৃথিবীতে বসন্ত, গ্রীষ্ম ও বর্ষা এবং যখন উত্তরভাগে থাকেন, তখন শরৎ, হেমন্ত ও শীত কালের আবির্ভাব হয়। দক্ষিণায়নকালে পৃথিবীর অতি নিকটেই সূর্যদেব থাকেন বলিয়া এ সময়ে পৃথিবীতে

* বিষুব রেখার (Equator) দক্ষিণভাগে সূর্যের বসন্ত গতি হয়, তখন দক্ষিণায়ন, এবং বিষুব-রেখার উত্তরভাগে যখন গতি হয়, তখন উত্তরায়ন হয়। প্রতি ছয় মাস অন্তর (২৩শে মার্চ ও ২৩শে সেপ্টেম্বর) সূর্য একবার বিষুব-রেখা অতিক্রম করেন। উক্ত দুই তারিখে দিবসরাত্রি সমান হয়। ২৪শে মার্চ হইতে ক্রমে দিন বড়, ও রাত্রি ছোট হইতে থাকে এবং ২৪শে সেপ্টেম্বর হইতে ২২শে মার্চ পর্যন্ত ক্রমে দিন ছোট ও রাত্রি বড় হইতে থাকে।

রৌদ্রের প্রখরতা ও আলোকের তীব্রতা বৃদ্ধি পায় এবং অধিক-ক্ষণ থাকেন বলিয়া উত্তাপের পরিমাণ অধিক হয় ও রাত্ৰিকাল ছোট হয়, কিন্তু উত্তরায়ণ কালে পৃথিবী হইতে সূর্য্য দূরে থাকেন, ও পৃথিবীতে অল্পক্ষণ প্রকাশিত থাকিতে পারেন। এই হই কারণবশতঃ সে সময় দিবাভাগ সমধিক ছোট হয়, এবং রৌদ্রের তেজ ও স্থায়ীত্ব কম হয়। সূর্য্যের গতি পরিবর্তনের বিষয় এ স্থলে উল্লেখ করিবার উদ্দেশ্য এই যে, সূর্য্যের গতি পরিবর্তনের সহিত পৃথিবীর আবহাওয়া (climate) পরিবর্তিত হইয়া থাকে—ইহাই প্রদর্শন করা। এতদ্বারা স্পষ্ট বুদ্ধিতে পারা যায়, কি বায়ুগোল, কি ভূগর্ভ,—এতদুভয়ই সূর্য্যের গতি অনুসারে নিয়ন্ত্রিত হইতেছে। যে স্থানে যত অধিক রৌদ্র সে স্থানের উত্তাপ তত অধিক। সূর্য্যের গতির সহিত পৃথিবীর কোন সম্বন্ধ না থাকিলে পৃথিবীতে এক-মাত্র ঋতু বিদ্যমান থাকিত, অধিক কি, তাহা হইলে হয়ত ঋতু গণেরও সৃষ্টি হইত না, জীবগণকে শীত গ্রীষ্মের অধীন হইতে হইত না এবং এত প্রকার উদ্ভেদেরও সৃষ্টি হইত না। পৃথিবীর আবহাওয়ার মান এক ভাবাপন্ন হইলে হয়ত সকল দেশে বার মাস ধানাদি বর্ষার ফসল কিবা গোধূনাদি রবি ফসল উৎপন্ন হইতে পারিত। এ স্থলে—

দেশের স্বাভাবিক উচ্চতা (altitude) বিবেচনার বিষয়।

সূর্য্য ও পৃথিবীর মধ্যে যে ব্যবধান, তাহা সর্বত্র ভূপৃষ্ঠের উচ্চতা সমান নহে। দেশ বিশেষের আবহাওয়ার বিভিন্নতার ইহাও একটা বিশেষ কারণ। সমুদ্র পর্বতোপরি স্বভাব-জাত শত শত জাতির উদ্ভিদ জন্মিয়া থাকে কিন্তু সে সকল উদ্ভিদ সমতল দেশে (Plains) ভাল থাকে না কিবা আদৌ বাচে

না। দারজিলিং, শিলং মসুরী প্রভৃতি সমুচ্চ পার্বত্য স্থানে শীত অধিক বলিয়া গ্রীষ্ম প্রধান স্থানের গাছ-পালাকে তথায় রাখিতে হইলে নানাবিধ কৃত্রিম উপায় অবলম্বন করিতে হয়। যাহারা দারজিলিং ভ্রমণ করিয়াছেন তাঁহারা দেখিয়া থাকিবেন যে, তথাকার বোটানিক গার্ডেন মধ্যে দাগিনিমিত্ত সুবৃহৎ গৃহ মধ্যে নানাবিধ সুরমা পুষ্পাদির মনোহর উদ্ভিদ সুন্দররূপে রক্ষিত হইয়াছে এবং তথায় থাকিয়া সেই সকল উদ্ভিদ সুচারুরূপে বদ্ধিত হইতেছে ও পুষ্প প্রদান করিতেছে। আজকাল সমস্ত দেশের অনেক বিত্তবান ব্যক্তির উদ্যানে ছই একটা তাদৃশ গৃহ দেখিতে পাওয়া যায়। উক্ত গৃহ মধ্যে রাখিবার উদ্দেশ্য এই যে, সেই নির্দিষ্ট আবৃত স্থান মধ্যে কৃত্রিম উপায়ে তাহা-দিগকে পালন করা। যাহা হউক, সমুদ্র পৃষ্ঠতোপরি যে এত শীতের প্রাদুর্ভাব,—উচ্চতা তাহার অন্যতম কারণ। ভূতত্ত্ববিদগণ প্রমাণ করিয়াছেন যে, ভূতল হইতে যত উর্ধ্বে উঠা যায়, বায়ু তত লঘু ও বায়ুমণ্ডলের অবস্থা তত শীতল। বোম্বাই-আরোহী-গণও একথা বলিয়া থাকেন, এবং সেই জন্ত বোম্বাই-আরোহণ করিবার সময় আরোহী-গণ অপেক্ষাকৃত উষ্ণ বস্ত্রাদি সঙ্গে লইয়া থাকেন। ভূপৃষ্ঠের স্বাভাবিক উচ্চতা নির্দেশ করিবার জন্ত ভৌগোলিকগণ সমুদ্রের বারিপৃষ্ঠকে (Sea level) ভিত্তিরূপ অবলম্বন করিয়াছেন। পৃথিবীর—কি সমুদ্র, কি ভূগর্ভ—সকল স্থানের জল সমতল। হিমালয় হইতে গঙ্গা, যমুনা, ব্রহ্মপুত্র প্রভৃতি নদ নদী নানা দেশ, অরণ্য, অধিত্যকা ভেদ করিয়া দিবারাত্র হ-হ করিয়া প্রবাহিত হইতেছে—কেবল সমতল পাই-বার জন্ত। যে মুহূর্ত্তে প্রবাহিনী গিয়া সমুদ্রের জলে মিশিবে,

সেইক্ষণ হইতেই উহার আর বেগ দেখা যাইবে না। কূপ বা পুষ্করিণী খননকালে আমরা পাতাল পর্নাস্ত স্পর্শ করিবার চেষ্টা করি, তাহার কারণও সমুদ্র পৃষ্ঠের অনুসরণ করা। এই স্থান স্পর্শ করিতে পারিলে আর জলের অভাব হয় না। বঙ্গভূমি সমুদ্রের অতি সন্নিকটে ও অতি নিম্ন ভূমি বলিয়া সচরাচর কূপ খননকালে ৮.১০ হাত বা তদপেক্ষা কম নিম্নে জল পাইয়া থাকি, কিন্তু সমুদ্রকূল হইতে যত দূর উচ্চ দেশে যাই, দেখিতে পাওয়া যায়, তত অধিক গভীর করিয়া খনন না করিলে জল পাওয়া যায় না। সকল জলাশয় যে, অত গভীর করিয়া খোদিত হয়, তাহা নহে। অগভীর জলাশয়ের জল চতুর্দিকস্থিত ভূমির চৌদ্বান-জল কিম্বা বৃষ্টির জল। ভূগর্ভ মধ্যে বৃষ্টির জল শোষিত হইয়া ধীরে চুয়াইয়া এই সকল জলাশয়ের আসিয়া পড়ে এবং সঞ্চিত জল ভূগর্ভস্থ বারিস্তরের (water level) সহিত সমতল হইবার পর আর উচ্চ হইতে পারে না। সময় বিশেষে অধিক জল খরচ করিলে ঈদৃশ জলাশয়ের জল নিঃশেষিত হইয়া যায়, পরে ক্ষণকাল অপেক্ষা করিলে পুনরায় চারিপার্শ্ব হইতে জল চুয়াইয়া আসিয়া সেই শূন্য স্থানকে পূর্ণ করে। এইরূপে চুয়ানকে percolation কহে। ভূগর্ভ খনন করিতে করিতে যখন পাতাল স্পর্শিত হয়, তখন বুঝিতে পারা যায় যে, সমুদ্রপৃষ্ঠের সমতলে কিম্বা, সমুদ্র স্তর হইলে, নিকটস্থ নদ নদী বা দীর্ঘ জলাশয়ের ধার-পৃষ্ঠের সমতলে পৌঁছিয়াছি। ভূমির উচ্চতা কিরূপে বুঝিতে পারা যায় তাহা প্রদর্শন করিবার জন্য এ সকল কথা বলিতে হইল। এক্ষণে দেখা যাক—

ভূপৃষ্ঠের উচ্চতার সহিত যুক্তিকার কি সম্বন্ধ। ভূপৃষ্ঠের

উচ্চতার সহিত আবহাওয়ার যে ঘনিষ্ঠ সম্পর্ক তাহা কাহারও
 অবিদিত নহে। অতঃপর আবহাওয়ার সহিত মৃত্তিকার যে
 সম্পর্ক তাহাও আলোচিত হইয়াছে। তথাপি এখানে বাক্য
 এই যে, উচ্চতার নৈরূপ আবহাওয়ার পার্থক্য হয়, সেইরূপ মৃত্তিকা
 মধ্যে ভৌতিক ক্রিয়ারও তারতম্য হয়। পাহাড়ের জমি বর্ষা
 মাসেই অল্পাধিক ধুইয়া যায়, সেই সঙ্গে সমূহ সূক্ষ্ম সার পদার্থ
 ক্ষেত্র হইতে বহির্গত হইয়া যায়। শৈল প্রদেশে বারিপাত
 অধিক, তুষারপাতও প্রচুর, এমন কি, কোন কোন বৎসর
 তথায় ২।৪ বা ততোধিক দিন সমগ্র স্থানই তুষারে আবৃত হইয়া
 থাকে। অতীত গিরিশৃঙ্গ শায় বার মাস তুষারাবৃতাবস্থায়
 থাকে—কাঞ্চনজঙ্ঘা, ধবলাগিরি প্রভৃতি তাহার নিদর্শন। শীতের
 প্রাধান্য হেতু তথায় কোন ফসলের আবাদ হইতে পারে না।
 এরূপ স্থান প্রাণী ও উদ্ভিদ বিবর্জিত হইয়া থাকে। সেই সকল
 দেশে শীতের প্রকোপ বশতঃ মৃত্তিকাস্তর্গত দ্রব্যানীর পদার্থ
 বিগলিত হইতে বিলম্ব হয়। মৃত্তিকা মধ্যে উত্তাপের অল্পতা
 ইহার কারণ। ভূমির উচ্চতা হেতু তথাকার বায়ু মণ্ডলের
 অবস্থাও স্বতন্ত্র। স্থানীয় বা বিশেষ ফসল ভিন্ন অপর ফসল
 তাহা সহ করিতে সক্ষম হয় না। অতঃপর উহাও দেখা যায়
 যে, সমতল বা নিম্নতল ভাগে মৃত্তিকা মধ্যে যথেষ্ট উত্তাপ থাকায়
 তথায় বীজ যত শীঘ্র অঙ্কুরিত হয় এবং বায়ুমণ্ডল সুখকর বলিয়া
 বলিয়া অঙ্কুরিত উদ্ভিদ যত শীঘ্র বর্দ্ধিত হয়, শৈল প্রদেশের গাছ
 তত হয় না। উচ্চদেশের মাটি ও বাতাস শুষ্ক প্রায় সূতরাং
 সে সকল দেশে উদ্ভিদকে নিরন্তর আকাশের পানে তাকাইয়া
 থাকিতে হয়। উদ্ভিদসম্বন্ধীর্ণ প্রদেশ হইলে মাটি ও বাতাস

নীরস হইতে পার না, কারণ তথাকার মাটি উদ্ভিজ্জ পদার্থপূর্ণ।
মৃত্তিকার সহিত উদ্ভিজ্জ পদার্থ সংযুক্ত থাকিলে তাহাতে অধিক
রস থাকিতে পারে। উদ্ভিদগণ মৃত্তিকা হইতে রস আহরণ
করিয়া নিজ অবয়বের কোমলাংশ—পত্র ও অপরিপক্ক ডাল-পালা
দিয়া বাষ্পকারে বাহির করিয়া দিয়া থাকে, তাহারই ফলে বায়ু-
মণ্ডল সরস থাকে। তরুহীন দেশের বায়ুমণ্ডল শুষ্ক বলিয়া
তথাকার বায়ু এতই শুষ্ক যে, নিশ্বাস-প্রশ্বাসে মানুষের কষ্ট হয়।

সপ্তদশ অধ্যায়

ধরিত্রীর তলভেদের সহিত প্রাকৃতিক যে সঞ্চ, তাহা আমরা
ইতিপূর্বেই সম্যকরূপে আলোচনা করিয়াছি। উহার
আবহাওয়ার সহিত আবহাওয়ায় কি সঞ্চ তাহা পূর্বাধ্যায়ের
অন্তর্গত হইলেও সুবিধার্থ স্বতন্ত্র অধ্যায়ের অবতারণা করা গেল।
শৈলমণ্ডলে যত বারিপাত হয়, তৎসমুদায়ই নিম্নতলাভিমুখে
প্রবাহিত হয়। মাটিতে সমধিক উদ্ভিজ্জ পদার্থ থাকার অনেক
প্রকারে তাহারা শোষিত হয়, কিন্তু তথায় স্থায়ী হইতে না পারিয়া
পাতাভেদে কোন স্থান ভেদ করিয়া নির্ঝরিতরূপে উদ্ভূত হইয়া
কোন নদী বা হ্রদে গিয়া পড়ে। যে স্থান ভেদ করিয়া নির্ঝরিতরূপে
প্রকাশিত হয় তাহাকে প্রস্রবণ (Spring) কহে। আমরা যে
নদ নদী দেখিতে পাই তৎসমুদায় প্রস্রবণনিস্কৃত বহু নির্ঝরিতরূপে
সম্মিলনে উৎপন্ন। বৃহৎ হ্রদ হইতেও নির্ঝরিতরূপে উৎপন্ন হইয়া

থাকে। পাতাল প্রদেশ হইতে উর্দ্ধভাগে জল উঠিয়া ৫ স্রবণ উৎপন্ন হয় না। পর্বত মণ্ডলে সমধিক বারিপাত হইয়া থাকে। নিবিড় অরণ্য প্রদেশে ও বারিপাতের অপ্রতুল হয় না। যেখানে এতদূর্ভয়ের সমাবেশ সে স্থানের বারিপাত সর্বাধিক অধিক হইয়া থাকে। গগনস্পর্শী গিরি সমূহে উদ্ভিদ না থাকিলেও ভূষারের প্রাদুর্ভাব হেতু জলের অভাব নাই সুতরাং সে প্রদেশ সমধিক সর্দিময়। ঈদৃশ দেশের বায়ুমণ্ডল স্বভাবতঃই সিক্ত। সুতরাং অপর স্থানাপেক্ষা তথায় অধিক বারিপাত হইয়া থাকে। সিক্ততা ও বারিপাতের মধ্যে যে ঘনিষ্ঠ সম্বন্ধ, এতদূর্ভয়ের সহিত উদ্ভিজ্জ-গতেরও সেইরূপ ঘনঃসম্বন্ধ। প্রকৃতপক্ষে উক্ত তিনই পরস্পরের অধীন, পরস্পরে যেন একতা সূত্রে আবদ্ধ। বারিহীন দেশে কোন উদ্ভিদ জন্মে না, উদ্ভিদহীন দেশেও বৃষ্টি হয় না। অনেক বারিহীন দেশে উদ্ভিদ রোপিত হওয়ায় বৃষ্টির আবির্ভাব হইয় ছে সেই সঙ্গে স্থানীয় আবহাওয়া পরিবর্তিত হইয়াছে। অতঃপর যে দেশ বহু অরণ্যময়, সে দেশে তত অধিক বারিপাত হইয়া থাকে। গাছপালা বন-জঙ্গল যত নিশ্চলিত হয়, বারিপাত তত কমিয়া যায়, দেশের প্রাকৃতিক অবস্থা তত পরিবর্তিত হইয়া যায়। গত ৩০।৪০ বৎসর পূর্বে সমগ্রদেশে বহু অরণ্য ছিল, এক্ষণে তত নাই। দৃষ্টান্তস্বরূপ বাঙ্গালা দেশের বিষয় আলোচনা করিলে ইহা সুস্বীকৃত্যে পারা যাইবে। যখন সুন্দরবন সুবিস্তীর্ণ অরণ্য ছিল, তখন বাঙ্গালা দেশের আবহাওয়া একরূপ ছিল, এখন অন্যরূপ হইয়াছে। সুন্দরবন কাটায়া তথায় এখন আবাদ হইতেছে, গ্রাম নগর প্রতিষ্ঠিত হইতেছে, সেই সঙ্গে বারিপাত ক্রমে হ্রাস পাইয়া আসিতেছে। পূর্বে চৈত্র-বৈশাখ মাসে প্রতিদিন

অপরাত্নে 'কাল বৈশাখী' হইত বৃত্তবাং অপরাত্নে কেহ সচরাচর গৃহভাগ করিয়া দূর স্থানে যাউত না। সুন্দরবন ছাড়াও অনেক স্থানের গাছ-পালা কাটা গিয়াছে, সেই জন্য বৃষ্টি দিন দিন কমিয়া আসিতেছে। এক্ষণকার বর্ষাকাল প্রায় অল্প দিন স্থায়ী হয় এবং যে পরিমাণ বৃষ্টি হয় তাহাও পূর্বাপেক্ষা অনেক কম। বাঙ্গালা দেশের উত্তরে হিমালয়, পূর্বে আগাম, দক্ষিণে সুন্দর-বন। এই কর্তন হানই 'অরণ্যময়' এবং বঙ্গ দেশ ইহাদিগের দ্বারা পরিবেষ্টিত। বাঙ্গালা দেশের আনহাওয়ার প্রতিবিধি নিয়ন্ত্রিত করিবার উহারাহ মালিক, ইহা বলিতে পারা যায়। *

ইংরাজি ১৯০০ সালে আমি আসামের পূর্ব সীমান্ত-প্রদেশান্তর্গত নাগা পাহাড়ে গিয়া মার্গেটোটা সহরে মাসাধিক কাল অবস্থান করিয়াছিলাম। তথায় অবস্থানকালে স্থানীয় আধিবাসী ও দীর্ঘ প্রবাসীদিগের নিকট শুনিয়াছি যে, ১৫১২০ বৎসর পূর্বে যখন সে স্থানে অগ্নি জ্বল ছিল, তখন দিবারাজি বৃষ্টি হইত, কিন্তু বিগত কয়েক বৎসর হইতে স্থানীয় জ্বল কার্ত্তিত হইয়া চা-বাগান, জনপদ, নগর প্রভৃতি সৃষ্টি হইতে আরম্ভ হওয়ার বৃষ্টির প্রকোপ অনেক কমিয়াছে। তাহাদিগের পক্ষে কম

* আজ কালের ছেলেরা 'কাল-বৈশাখী' কথাকে বলে তাহা জানে না। পরিনতী বংশধরগণ উহার নামও হয় ত শুনিতে পাঠবে না। তাহা-দিগের অনগতির জন্য এখন 'কাল-বৈশাখী' শব্দের ব্যাখ্যা করা আবশ্যিক। পূর্বে বৈশাখ মাসে প্রবল বাতাস দিষ্ট, অথ গর্জিত, বিজলী চমকিত; ধূলায় আকাশ অন্ধকার ও ঘর-দুয়ার আচ্ছন্ন হইত, বড় বড় গাছের ডালপালা ভাঙ্গিয়া বাইত। অবশেষে মূলধারার বৃষ্টির পর আকাশ পরিষ্কার হইত।

হইয়া থাকিতে পারে কিন্তু সেই কম অবস্থাতেই যাহা দেখিয়া আসিয়াছি তাহা বড় কম নহে। আমি তথায় ফাল্গুন কি চৈত্র মাসে ছিলাম। সে সময়ে একরূপ একদিনও ঝায় নাই, যে দিন ২।৪ পমলা বৃষ্টি না হইয়াছে! তথা হইতে ৫০।৬০ মাইল দূরে ছম-ছমার কিছুদিন থাকিয়াছি কিন্তু সেখানে তত বৃষ্টি বা শীত নাই! দারজিলিঙ্গে গিয়া তথাকার দীর্ঘ প্রবাসীদিগের নিকট ঠিক একরূপ কথাই শুনিয়াছিলাম।

প্রাকৃতিক বিভিন্নতা হেতু অনেক ফসল অনেক দেশে জন্মে

না। অত্যধিক বারিপাত-সময়িত-স্থানের মাটিতে

ফসলের

প্রকৃতি ভেদ

এতই অধিক রস যে, ফসলের মধ্যে সারাংশ খুব

কমই পরিদৃষ্ট হয়। মার্গেরেটা, ডিক্রগড়

তেজপুর প্রভৃতি রসা জেলায় যে সুদীর্ঘ ও সুপুষ্ট ইক্ষু জন্মে তাহা

দেখিলে অবাক হইতে হয়। সেখানকার সাধারণ ইক্ষুদণ্ড

৭.৮ হাত দীর্ঘ ও ২ ইঞ্চি ব্যাসের হইয়া থাকে কিন্তু তাহাতে

শর্করার ভাগ নিতান্ত সামান্য। হরিদ্রা প্রচুর উৎপন্ন হয়,

মূল তাজা ও পরিপুষ্ট হয়, কিন্তু তাহাতে হরিদ্রাত্বের অর্থাৎ বর্ণের

বড়ই অভাব পরিদৃষ্ট হয়। বেগুণ সুবৃহৎ ও নয়নানন্দকর কিন্তু

সারাংশের অভাব হেতু মিষ্টতা বা স্বাদবিহীন। বেহারে যে

সকল ফল-পাকুড় বা তরিতরকারি উৎপন্ন হয়, তৎসমুদায়

যেমন সারাল তেমনই মধুরাশ্বা। সাত আট বৎসর পূর্বে

আমি কলিকাতা হইতে পটোল, বেগুণ, ইক্ষু প্রভৃতি অনেক

জিনিষের বীজ আনাইয়া আবাদ করিয়াছি কিন্তু এক্ষণে

হারভাকার অন্তর্গত রাজনগরে সেই বীজোৎপন্ন ফসল যেমন

পরিপুষ্ট, শাঁসাল ও মুখরোচক হয়, বাঙ্গালায় তেমন হয় না।

আমার যে সকল আত্মীয় বা বন্ধুবান্ধব এখানে আসিয়াছেন তাঁহারা সকলেই একবাক্যে সেই সকল জিনিসের যথেষ্ট প্রশংসা করিয়াছেন। আবহাওয়ার দোষ গুণে মৃত্তিকারও শক্তি যে পরিচালিত হয়, পদে পদে তাহা দেখিতে পাইতেছি। বাঙ্গালা দেশে যে সকল আম্র, পেয়ারা, তরমুজ, খরমুজা জন্মে তৎসমুদয়ের স্বাদ পান্সে বা স্বাদহীন এবং সৌরভ (flavor) ক্ষীণ হইতে দেখা যায় কিন্তু বেহারে বা আরও পশ্চিমাঞ্চলে যে জিনিস জন্মে তাহাদিগের স্বাদ যেমন রসনা তৃপ্তিকর, স্বাণও সেইরূপ মনমুগ্ধকর। একটা পেয়ারা বা খরমুজা ঘরে থাকিলে ঘর আমোদ করিয়া দেয়। নানাবিধ পুষ্প সম্বন্ধেও সেই কথা বলা যাইতে পারে। বাঙ্গালা দেশে বেল-ফুল জন্মে, বেহারে ও জন্মে, কিন্তু শেষোক্ত স্থানের ফুলে যেমন প্রাণহারিণী সৌরভ বাঙ্গালা দেশের ফুলে তাহা কই? বাঙ্গালা দেশের গোলাপ ফুলটিকে নাসারন্ধ্রনধ্যে প্রবেশ করাইলে তবে হয়ত একটু স্বাণ প'ওয়া যায় কিন্তু দ্বারবন্ধের গোলাপ গাছের নিকটবর্তী হইবা মাত্র এমন চিত্তবিমোহিনী সৌরভ প্রাণকে মাতোয়ারা করিয়া দেয় যে, সেদিকে ফিরিয়া চাহিতেই হয়, তথায় কিয়ৎকাল দাঁড়াইতেও হয়। এ সকল আবহাওয়ার কার্য জানিতে হইবে। সুতরাং আবহাওয়াকে ওরফে তাহার নিয়ামক বারিপাতকে উপেক্ষা করিবার নহে।

কৃষির সহিত বারিপাতের বা আবহাওয়ার যে ঘনিষ্ঠ সম্বন্ধ

তারিপাত তাহা ভারতবাসী বহু পূর্ব কাল হইতে জানিয়া আসিতেছে। তাহা হইলেও ইংরাজের আমলে

আমরা স্বয়ং ঘরে বসিয়া সমগ্র ভারতের আবহাওয়া-তত্ত্ব জানিতে

পারিতেছি। এক্ষণে সমগ্র ভারতের প্রত্যেক জেলার সদরে প্রতিদিন বারিপাতের পরিমাণ লিখিত ও সপ্তাহে সপ্তাহে পবর্নমেণ্টের গেজেটে প্রকাশিত হইতেছে। সেই হিসাব দেখিলে কোন্ জেলায় কত বারিপাত হইয়া থাকে তাহার একটার আন্দাজ পাওয়া যায়। স্থানান্তরে বাঙ্গালার জেলা কর্তৃক বার্ষিক বারিপাতের একটি তালিকা দেওয়া গেল।* পৃথিবীর স্থান বিশেষের উচ্চতা ও নিম্নতা, বিষুবরেখা হইতে দূরত্ব, অরণ্যের প্রাচুর্য বা অভাব, বারিপাতের ইতরবিশেষ প্রভৃতির সমাবেশ ফলে আবহাওয়া সম্বন্ধে একটি নিয়ম প্রতিষ্ঠিত হইয়া গিয়াছে এবং সেই নিয়মবশে উহা পরিচালিত হইয়া আসিতেছে। কলিকাতায় মানমন্দির (Observatory) হইতে প্রতিদিন আবহাওয়ার তালিকা প্রকাশিত হইয়া থাকে কিন্তু নিত্যন্ত পরিতাপের বিষয় এই যে, কোন দেশীয় পরিচালিত সংবাদ পত্রে প্রায় তাতা স্থান পায় না। আকাশের জলের উপর দেশের কৃষিকার্য নির্ভর করে, সে দেশের লোক আবহাওয়ার সংবাদ রাখে না, ইহাপেক্ষা কোন্‌ভের বিষয় কি আছে?

ভারতে দুইবার বায়ু পরিবর্তিত হয়, ইংরাজিতে তাহাকে Monsoon কহে। যে দুইটা বাতাসে এদেশের বায়ু পরিবর্তন আবহাওয়া পরিবর্তিত হয়, তাহাদিগের একের নাম দক্ষিণে-বাতাস (South-west monsoon), অপরের নাম

* উক্ত তালিকা স্বর্গীয় দিত্যগোপাল মুখোপাধ্যায় মহাশয়ের Handbook of Indian Agriculture" নামক গ্রন্থ হইতে গৃহীত হইল।

পূর্ব বা পূবে-বাতাস (North-East Monsoon)। দক্ষিণে-বাতাস ভারতের দক্ষিণ-পশ্চিম কোণস্থিত আরব্য-উপসাগর হইতে সচরাচর জ্যৈষ্ঠ মাসের শেষ বা আষাঢ় মাসের প্রথম সপ্তাহে উত্থিত হইয়া বোম্বাই, মধ্য-প্রদেশ প্রভৃতি ভেদ করিয়া বঙ্গদেশ চীন প্রভৃতির ভিতর দিয়া কামসকাটকায় গিয়া মিলিত হয়। উক্ত বাতাসের স্বাভাবিক গতি—দক্ষিণ-পশ্চিম হইতে উত্তর-পশ্চিম কোণে। পশ্চিমঘো সমুদ্র পর্বতাদি থাকায় উহার স্বাভাবিক গতি বিঘ্ন পাইয়া দিগন্তর দিয়া প্রবাহিত হয়। দক্ষিণে-বাতাসের সূত্রপাত হইলে অল্লাধিক বৃষ্টির সূত্রপাত হয়। পূবে-বাতাস—ভাদ্র মাসের শেষ বা আশ্বিন মাসের প্রথম ভাগে বঙ্গোপসাগর হইতে উত্থিত হইয়া বঙ্গদেশের ভিতর দিয়া উত্তর-পশ্চিমাভিমুখে ধাবিত হইলে শীতকালের সূত্র-পাত হয়। উল্লিখিত বাতাস ঘরের সূত্রপাতকালে প্রায় বড় বৃষ্টি হইয়া থাকে। হাওয়া পরিবর্তনের সময় সযত্নে নিশ্চিত থাকিতে পারিলে কৃষিকার্যের অনেক সহায়তা হইতে পারে। দক্ষিণে-বাতাসের সূত্রপাত হইলে মধো মধো আকাশ মেঘাচ্ছন্ন হয়; এক আধ পসলা বৃষ্টি ও হয়, বায়ুমণ্ডল স্থির ভাব ধারণ করে। কৃষকগণ যদি জানিতে পারে যে অমুক তারিখ হইতে বর্ষা আরম্ভ হইবে, তাহা হইলে তাহার চাষ-বাসের অনেক কাজ পূর্বাহ্নে ঠিক করিয়া রাখিতে পারে। এখন যে কৃষক-গণ তাহা করে না এমন কথা বলি না, তবে যাহা করে তাহা পূর্ব অভিজ্ঞতা ও চির পরীক্ষিত অনুসারে কোন কোন বৎসর পরে পরিবর্তন কিছু পূর্বে বা পরে হয়। বর্ষারস্তের এইরূপ অনিশ্চয়তা হেতু কৃষককে অনেক সময় ক্ষতিগ্রস্ত হইতে হয়। বর্ষা আরম্ভ

হইয়া গেলে পর মৃত্তিকা বিচলিত হইলে অনেকসময় জমি ধারাপ হইয়া যায়—মাটি ঢেলা বাধিয়া যায়। ইহাকে ‘চেঙ্গটা-ধরা’ কহে। চেঙ্গটা-ধরা জমিতে ফসলের শ্রীবৃদ্ধির পরিবর্তে অধোগতি হইয়া থাকে। এইজন্য মাটি সিক্ত থাকিতে ক্ষেত্র কর্ষণের কোন কার্যই করিতে নিষেধ, অধিক কি নিড়ানি বা খুরপী করাও নিষেধ। বৃষ্টির পর পুনরায় ‘যো’ না পাইলে ক্ষেত্রের মাটিকে আদৌ বিচলিত করিতে নাই, বিশেষ প্রয়োজন ভিন্ন তন্মধ্যে প্রবেশ করিতেও নাই। ভূমির সিক্তাবস্থায় তন্মধ্যে প্রবেশ করিলে অথবা মাটি কোনরূপে বিচলিত হইলে অনেক স্থানের মাটি চাপিয়া বসিয়া যায়, অনেক ঢেলা জন্মে এবং পরে রৌদ্র হইলে সেই সকল স্থান ও ঢেলা সমূহ প্রস্ফুরবৎ এত কঠিন হইয়া যায় যে হাল চৌকীতে তাহা সংশোধিত হইত না। পূর্ক অভিজ্ঞতানুসারে কাজ করা অনেকটা আন্দাজের উপর নির্ভর করে। নির্দিষ্ট সময়ে বর্ষারম্ভ হইবে জানিতে পারিলে তাহার পূর্ক কৃষক বীজ বুনিয়া রাখিতে পারে। দারুণ বোপণের জন্য ইহা বিশেষ আবশ্যিক। আষাঢ় মাসের প্রথমে বর্ষারম্ভ হয় তাবিয়া জ্যৈষ্ঠ মাসে যদি কৃষক পাটের বীজ বপন করে, আর যদি আষাঢ়ের শেষ ভাগে বৃষ্টির সূত্রপাত হয়, তাহা হইলে সে আবাদের ক্ষতি হইয়া থাকে। বিলম্বে বর্ষারম্ভ হইবে জান্ত থাকিলে কৃষকগণ বিলম্বে বীজ বুনিতে পারে। বর্ষারম্ভ হইবার নির্দিষ্ট সময় অবগত না থাকিলে এইরূপ অনেক সময় অনেকে ক্ষতিগ্রস্ত হইয়া থাকে। বাতাস পরিবর্তনের সঙ্গে ভূগর্ভ মধ্যেও উত্তাপ, রস-সঞ্চালনী ক্রিয়া, মৃত্তিকাস্তম্ভিত পদার্থ রাশির বিশ্লেষণ-ক্রিয়া প্রভৃতির গতি ভিন্ন হইয়া থাকে। সে যাহা হউক,—

এক্ষণে কথা হইতেছে যে, যে আকাশব্যাপ্ত বারি পৃথিবী
 ব্যাপ্ত হইয়া পড়ে, সে বারির পরিমাণ করিবার
 বারিপাত
 নিরূপণ উপায় কি ? কথাটা যত গুরুতর কার্য্যতঃ তত
 মছে। বারিপাতের যে তালিকা প্রদত্ত হইয়াছে

তাহাতে দেখা যায় যে দেশ বিশেষের বারিপাতের পরিমাণ স্বতন্ত্র।
 কোন স্থানে অধিক, কোন স্থানে অল্প, বারিপাত হইয়া থাকে।
 কেবল তাহাই নহে, মাস বিশেষেও বারিপাতের তারতম্য হয়।
 বৃষ্টির পরিমাণ করিবার জন্য তুলানগের আবশ্যক হয় না, ইঞ্চি
 হিসাবে পরিমাণ করা হইয়া থাকে। বৃষ্টি পরিমাণ করিবার
 এক প্রকার যন্ত্র আছে—তাহাকে Rain gauge কহে। ইহার
 মূল্য ৫৬ টাকার মধ্যে। বিনা খরচার বৃষ্টি মাপিবার একটা সহজ
 কৌশল এখানে লিখিত হইল :—কোন উন্মুক্ত স্থানে বৃষ্টির অব্যব-
 হিত পূর্বে একখানি ধাতু পাত্রে—কাঁশি বা খালা রাখিয়া দিতে
 হয়। পাত্রে শেষ হইয়া গেলে সঞ্চিত জলে সরল ভাবে একটা
 কাঠি দণ্ডায়মান করিলে পাত্রে যতটা জল থাকে, কাঠি ততটা
 ভিজিয়া যায়। অন্তঃপর কাঠির ভিজা অংশকে গজ দ্বারা
 মাপিয়া দেখিলে বুঝিতে পারা যাইবে যে, কয় ইঞ্চি জল হইল।
 জল মাপিবার সরঞ্জাম যতই সামান্য হউক, কয়েকটা বিষয়ে
 বিশেষ সাবধানতার আবশ্যক নতুবা সঠিক ও প্রকৃত হিসাব
 পাওয়া যাইবে না। (১) যে স্থানে পাত্র স্থাপন করিতে হয়,
 তাহা চৌরস ও সম্পূর্ণ সমতল হইবে। (২) উক্ত স্থান—যদি বাড়ী,
 গাছ-পালা প্রভৃতি হইতে এত দূরে হওয়া আবশ্যক যে, বৃষ্টির
 সময় ঐ সকলের টোপানি জলের এক ফোঁটাও সে পাত্রে না
 পড়ে, কিম্বা উহাদিগের অবস্থান হেতু এক বিশুদ্ধ কল ও যেন

যাধা না পার। অনেক সময় বারিধারা কোন দিকে হেলিয়া পতিত হয়—তাহাকে 'ছাট্ট' কহে। নিরীক্ষিত স্থান এত দূরে থাকি আবশ্যিক, যেন ছাট্টের সময় তথায় বারিপাতের ব্যাঘাত না হয়। এই সকল হইতে পাছে না কোন বিষয় ঘটে, এই জন্য ঘড় বাড়ী বা গাছ-পালা হইতে অন্ততঃ ৮।১০ হাত দূরে, কিম্বা মাঠে বা ছাদের উপরে উহার ব্যবস্থা করা উচিত।

(৩) পাত্র আলবিশিষ্ট হওয়া উচিত। পাত্র সম্পূর্ণ সমতল হইবে—কোথাও ছিদ্র বা টোল বা ডোবর থাকিবে না। এত সাবধানতার উদ্দেশ্য এই যে, সঞ্চিত জল পাত্রে সর্কস্থানে সম-পরিমাণে পতিত হইতে পারে। মুখ পাত্রে জল শুকাইয়া যায় সুতরাং সঠিক পরিমাণ হয় না। গঞ্জ মাপিয়া সঞ্চিত জল যত ইঞ্চি হইল তত ইঞ্চি জল এক বিঘা ভূমির উপর হইল বলিয়া ধরিয়া লইতে হইবে। এক্ষণে এক বিঘা জমিতে কত মণ জল দেখিতে হইবে। অঙ্ক কষিবার পুণালী নিম্নে লিখিত হইল।

এক ইঞ্চি বৃষ্টি বলিলে বুঝিতে হইবে যে, প্রতি বিঘা ভূমির উপর $২১১।৮৮ \frac{১}{৪}$ (নয় শত এগার মণ, আঠার সের পাঁচ ছটাক) এবং ইংরাজি হিসাব ধরিলে প্রতি একারে (৬০।০ কাঠা জমি) ১০০ টন (২৭২১।০ মণ) জল হইয়াছে বুঝিতে হইবে।

নিম্নমিতরূপে জল মাপিবার ব্যবস্থা করিতে হইলে একটা রেন-গঞ্জ (Rain Gauge) রাখা নিতান্ত আবশ্যিক। যাহারা ঘরে নির্মাণ করিতে ইচ্ছা করেন তাহাদিগের জন্য নিম্নলিখিত উপায় লিখিত হইল:—

টানের একটা এক ফুট লম্বা ও ৩।৫ ইঞ্চি পরিধি বিশিষ্ট নল তৈয়ার করিতে হইবে। নলের ভিতর তলা হইতে মুখ

পর্গাস্ত কোন রং দ্বারা একটী সরল রেখা অঙ্কিত করিতে হয়। অতঃপর উক্ত সরল রেখাকে ৬৪ ভাগে বিভক্ত করিয়া প্রত্যেক বিভক্ত স্থানে একটী দাগ ও নম্বর দিতে হয়। বৃষ্টির সময় যে জন উক্ত নলের মধ্যে সঞ্চিত হয় তাহা নলের মুখ পর্গাস্ত উঠিলে বুঝিতে হইবে যে, এক ইঞ্চি জল হইল। নল পরিপূর্ণ না হইলে, নলের ভিতরের সরল রেখার যতদূর জল উঠিয়াছে তাহা দেখিয়া জলের পরিমাণ নির্দেশ করিতে হইবে। প্রত্যেক দাগ এক ইঞ্চির ৬৪ ভাগের এক ভাগ। বত্রিশ দাগ পর্য্যন্ত হইলে $৩\frac{৩}{৪}$ অর্থাৎ আধ ইঞ্চি, ১৬ অবধি উঠিলে $\frac{১}{২}$ মিকি ইঞ্চি ইত্যাদি বুঝিতে হইবে। প্রতি পয়ল বৃষ্টির পরই মাপ নির্দেশ করিয়া জল ফেলিয়া দিতে হয়। মাপ দেখিতে বিলম্ব হইলে বাতাসে বা রৌদ্রে জল শুকাইয়া যাইবে, ফলতঃ সঠিক মাপ পাওয়া যাইবে না। কেবল বৃষ্টির পরিমাণ দেখিয়া সন্তুষ্ট হইলে চলিবে না কারণ—

বৃষ্টি নানা প্রকারের হইয়া থাকে,—তন্মধ্যে মুসল-ধারা,

ধার-ধারা ও টিপ-টিপে—এই তিনটি প্রধান।

মুসলধারা

মুসলধারার বৃষ্টি বিশেষ কাজের নহে। উহা

যেমন মুসল ধারার পতিত হয়, তেমনি ভূমি হইতে প্রবল বেগে প্রবাহিত হইয়া চলিয়া যায়। উহাতে ভূগর্ভের মৃত্তিকা অধিক দূর ভিঞ্জে না। মৃত্তিকার শোষণ-শক্তি অপেক্ষা জলের প্রবাহ (velocity) অধিক হইলে উক্ত জল মৃত্তিকায় শোষিত হইবার অবসর পায় না। একেই মৃত্তিকার ছিদ্র ও ছিদ্র-পথ সূক্ষ্ম, তাহাতে জল অধিক স্তরাং তাহার গতি দ্রুত হইলে সমগ্র জল শোষণ করা ভূমির পক্ষে অসম্ভব। অনেক দিন

বৃষ্টি না হইলে ক্ষেত-পাথার ভূকান্তপ্রায় হইয়া থাকে। এ সময়ে মুষল বা প্রবল ধারায় বৃষ্টি হইলে অল্পক্ষণ মধ্যে মাটি ভিড়িয়া যায়, তখন ধীর বৃষ্টি হইলে ভাল হয়, কিন্তু অধিক ক্ষণ মুসল বৃষ্টি ভাল নহে। বারিধারা যত ধীর হয়, ভূমি তত অধিক পরিমাণে আহরণ করিতে পারে। মুষল-ধারা বৃষ্টিতে জলের প্রবাহহেতু ভূপৃষ্ঠে উদ্ভিজ্জ-মুষ্টিজ্জ— তাৎসং লঘু পদার্থ জলের সহিত বহির্গত হইয়া যায়, ইহাতে ভূমির উৎপাদিকা শক্তির ক্ষয় হয়। সমতল ক্ষেত্রে তত ক্ষতি হয় না কিন্তু গড়েন জমিতে বড় ক্ষতি হয়। পার্বত্য বন্ধুর জমিতে আরও অধিক ক্ষতি হয় কারণ পার্বত্য ভূমি স্বভাবতঃ কঙ্করসঙ্কুল, সুতরাং মুষল বৃষ্টিতে ভূপৃষ্ঠের সূক্ষ্ম মাটি ধুইয়া গেলে উহার অন্তর্কর্ত্তী কঙ্কর সমূহ পকাশিত হইয়া পড়ে, পরে রৌদ্রে ভূমি অতিশয় উত্তপ্ত হইয়া উঠে। ক্ষেত্রে ফসল থাকিলে গাছের গোড়া হইতে মাটি সরিয়া যাওয়ার— কিম্বা বৃষ্টির ভারে ও দাপটে—গাছ ভুশায়ী হইয়া পড়ে, অনেক গাছ ভাঙ্গিয়া যায়। এ সকল সম্বন্ধেও বাড়া অর্থাৎ মুষল বৃষ্টিতে একটা বিশেষ উপকার হয় এই যে, লোকের ঘর বাড়ী, অঙ্গিনা, আঁস্তাকুড় ও অপরাপর অপরিষ্কৃত স্থান বিধোত হইয়া যায়, জলাশয় সমূহে জল বৃদ্ধি হয় পুরাতন জলের দোষ কাটিয়া যায়, পল্লীর স্বাস্থ্য ভাল হয়। আল্বেষ্টিত সমভূমিতে উহার দ্বারা জল দাঁড়াইলে ক্ষেত্রস্থিত সার পদার্থ—মলুয়া, পশু পক্ষী, কীট পতঙ্গ প্রভৃতির পুরিষাদি গলিয়া জলের সহিত মিশিয়া ক্ষেত্রময় সমভাবে বাষ্প হইয়া পড়ে, ক্রমে সেই সার-সম্বিত জল ভূমিতে শোষিত হইলে ক্ষেত্র উর্বরা হয়।

কৃষিকার্যের পক্ষে ধীর ভাবে ও ঘন বর্ষণ হওয়া বিশেষ
 গীরধারা স্পৃহনীয়। ধীর বর্ষণে ভূমিতে অধিক জল
 শোষিত হয়, সে কারণ মাটি বহুদিন সরস
 থাকে, ভূমি হইতে অধিক বাষ্প উদ্গত হইয়া বায়ুমণ্ডলকে
 শীতল রাখে। এই সকল কারণে ধীর বর্ষণের পর পুনরায়
 শীঘ্র বৃষ্টি হইবার আশা থাকে। চাষ আবাদের সৌকর্যার্থে
 ভূমির সরসতা ও বায়ুমণ্ডলের সিক্ততা একাধারে একান্ত
 প্রয়োজন।

টিপ্-টিপে বৃষ্টি দীর্ঘ কাল স্থায়ী হয়, সে জন্য জমির জল
 শুকাইতে বিলম্ব হয় ও জমিতে কাদা হয়।
 টিপ্-টিপে বৃষ্টি মৌভাগ্য ক্রমে টিপ্-টিপে বৃষ্টি বর্ষার প্রারম্ভকালে
 বড় এ.টা হয় না। টিপ্-টিপে বৃষ্টি দ্বারা উপকার হইয়া
 থাকে। অনেক দিন অনাবৃষ্টির পর টিপ্-টিপে বৃষ্টি হইলে
 মাটি সহজে ভিজে না, ভূগর্ভে জল প্রবেশ করে না, অত্ৰ দিকে
 ভূ-পতিত জল ও শীঘ্র শুকাইয়া বাইতে থাকে। টিপ্-টিপে
 বৃষ্টিতে আমন-ধান রোপণ করিবার উত্তম সময়। টিপ্-টিপে
 বৃষ্টি অধিক ক্ষণ, এমন কি দুই তিন দিবসও স্থায়ী হয়, সুতরাং
 মাটি অতিশয় কাদাটে হইয়া যায় ও শীঘ্র শুক হয় না। এ
 সময়ে অপর কোন ফসল রোপণ করিতে গেলে পদ-দলনে
 রোপণ কালে মাটি জমাট বাঁধিয়া যায়, পরে জল শুকাইলে
 ভূমি অত্যন্ত প্রস্তরবৎ কঠিন হইয়া যায়। ইহাকে 'চেসটা-
 ধরা' কহে। চেসটাধরা ক্ষেত্রের ফসল সূচারূপে বর্দ্ধিত হয়
 না, তাহার ফলন ও ভাল হয় না। মাটিতে বাহাতে চেসটা না
 ধরে, একান্ত মাটির সিক্তাবস্থায় ক্ষেত্রে গমন পর্য্যন্ত নিষেধ।



স্বভিকার এ অবস্থায় ক্ষেত্রের কোন পাট-পরিচর্যা বা রোপনাদি কার্যের জন্ত বাস্তব না হইয়া যাবৎ 'যো' না হয়, তাবৎকাল অপেক্ষা করা বহু শুভে শ্রেয়। পূর্ণ যোয়ে কাজ করিলে যেমন ভাল ফল পাওয়া যায়—অপর সময়ে সেরূপ পাওয়া যায় না।

অবিশ্রান্ত ও দীর্ঘকাল ধরিয়া বৃষ্টি হইতে থাকিলে জলে জলে মাটি পাকের মত হইয়া যায়। ইহাকে কাঁচল-ধরা কহে। যে সকল এটেল মাটির জমি হইতে জল নিকাশ হইতে পারে না, তাহাতেই কাঁচল ধরে। কাঁচল-ধরা জমি শুকাইলে চেষ্টা জমির ঞ্চয় কঠিন হইয়া ফাটিয়া যায়। পুনরায় বৃষ্টি না হইলে তাহাতে হলচালনা করা চলে না। এতদবস্থায় জমির ফাটাল দিয়া ভূগর্ভের বস বহু নিম্ন অবধি শুকাইয়া যায়। কাঁচল হইতে রক্ষা করিতে হইলে স্বভিকায় দো-রস অবস্থা বা যো আসিলেই ভূমিকে কর্ষন করা উচিত। অধিক বিলম্ব করিলে যো অবস্থা কাটিয়া যায়, তখন আর চাষ চলে না।

অষ্টাদশ অধ্যায়

—:—

সূর্যের সহিত আবহাওয়া ও ভূমির যে সম্বন্ধ তাহা পূর্বেই বলা হইয়াছে। অপরায়ণ গ্রহের সহিত ও যে গ্রহের প্রভাব তাহার কোন সম্বন্ধ নাই, এরূপ নহে। কোন কোন বৎসর সূর্যের প্রকোপ বৃদ্ধি হয়, অসহনীর গ্রীষ্ম হয়,

অথবা অতিরিক্ত বর্ষা বা শীত হয়, তাহার নানাবিধ কারণ থাকিলেও ভিন্ন ভিন্ন গ্রহের কার্য দ্বারা তাহা কতক পরিমাণে পরিচালিত হয়। জৈদৃশ কারণবশতঃ অনেক সময় কীর্ষাই বর্ষা আরম্ভ হয়, কোন বৎসর অধিক শীত বা গ্রীষ্ম হয়, আবার কখন কোন কোন ঋতু স্বাভাবিক অপেক্ষা দীর্ঘকাল স্থায়ী হয় এবং তাহার অবশ্যস্তাবী ফলে ভূগর্ভ মধ্যে ভৌতিক ক্রিয়ার ইতরবিশেষ হইয়া থাকে। চন্দ্রের গতিবিধির সহিত সমুদ্র ও নদ-নদী কখন ক্ষীণ, কখন বা কৃষ্ণিত হইয়া যায়, তদ্বৎ নিকটবর্তী ভূমিতে কখন রস সমধিক পরিমাণে প্রবিষ্ট হয়, কখন বা ভূমি নীরস হইয়া যায়। বর্ষাকালে পাহাড় পর্বত হইতে চল নামিয়া নদীতে অসিয়া পড়ে, নিম্নতল ভূমির জলও গড়াইয়া স্রষ্ট অথবা ক্রমে নদীতে গিয়া স্থান প্রাপ্ত হয়, সুতরাং নদী সকল তখন পূর্ণতোয়া ও প্রকাণ্ড হয়। ইহাই নদীগণের চল-চল অবস্থা। নদীগণের পূর্ণতোয়াব-স্থায় তৎসম্বন্ধিত স্থানের মৃত্তিকামোষিত জলরাশি বহির্গমনের পথ পায় না, ফলতঃ মৃত্তিকা খুব রসাল থাকে। বর্ষা যত কমিয়া আসিতে থাকে, পাহাড়ের চল তত কমিয়া আসে, নদীও ক্রমে নামিয়া যায়। নদীর জল হটিয়া যাইবার সঙ্গে ক্ষেত্রের জল বাহির হইয়া যায়—মৃত্তিকার রসাদিকা হ্রাস প্রাপ্ত হইতে থাকে। নদীকূলবর্তী যে সকল ভূমির মৃত্তিকা লঘু বা বেলে বা দোঁরাশ, নদী জলের হ্রাস বৃদ্ধির সহিত তাহাদিগের মধ্যেও রসের হ্রাস বৃদ্ধি হইয়া থাকে। বর্ষাকাল না হইলেও মৃত্তিকার গঠন বিশেষে নদীর জোয়ার ভাঁটার সহিত নদ নদী সম্বন্ধিত ভূমি ও ভূগর্ভমধ্যে বহু জলের সমাবেশ হয়। কয়েক বৎসর

পূর্বে বরিশালে থাকিতে দেখিতাম—জোরারের সময় বরিশাল নদীর জল বৃদ্ধি হইলে সহরের তাবৎ পুকুরিণী ও ডোবা জলে পূর্ণ হইয়া যাইত, অধিক কি—রকনশালার উমানেও জল উঠিত। বলা বাহুল্য—এই জল ভূমির উপর দিয়া না আসিয়া ভূগর্ভ ভেদ করিয়া আসিত এবং নদীতে তাঁটা পড়িলে তৎ-লম্বুদার জল স্বতঃই নামিয়া যাইত। অধ্যয়নান্তরে যে ছিদ্রপথের (capillary tubes) কথা বলা হইয়াছে, উক্ত জল তাহারই ভিতর দিয়া যাতায়াত করিত। উমানের ভিতর জোরার-তাঁটা দেখিয়া বাস্তবিকই আমার কোতুহলের উদ্রেক হইয়াছিল। মাটির ভিতর দিয়া জল চলাচলের সহজ উপায় থাকাতে ভূগর্ভ-স্থিত সূক্ষ্ম ও সার পদার্থ নদী জলের বেগ বশতঃ উপরে উঠিয়া পড়িত। এতদ্বাতীত নদীর নূতন সারপূর্ণ জল পাইয়া ভূমি প্রতিনিয়ত উর্বরতা লাভ করিত। এই কারণেই বরিশালের ক্ষেত্র সমূহ এত উর্বর। এবং তথাকার গাছ-পালা অধিকতর তেজাল ও শ্রী সম্পন্ন। তথাকার গাছ-পালা সম্বন্ধে অধিক কি বলিব! এক একটি ডেস্কো-খাড়া ৭৮ হাত লম্বা! অনেক স্থানে পাট গাছ ও তত দীর্ঘ হয় না।

নদী জলের মধ্যে উদ্ভিদাহারোপযোগী অনেক পদার্থ থাকে।

অপরূপর ঋতু অপেক্ষা বর্ষাকালের ঘোলা
নদীজল

জল অধিক সারবান। বর্ষাকালে ক্ষেত্র-পাথার-

বিধৌত জল আসিয়া নদীতে মিলিত হয়। ক্ষেত্র-পাথার ও মাঠ-

মাঠে কত প্রাণীক ও উদ্ভিজ্জ পদার্থ পতিত থাকে তাহার

সীমা নাই। সেই সকল অবজ্ঞনা,—বাহুয, পণ্ড-পক্ষী কীট-

পতঙ্গ প্রভৃতির পুরীষ, মৃত-জীবদেহাবশিষ্ট, গাছের ডালপালা,

পাতা, কল-ফুল, শিকড় প্রভৃতি—ক্ষেত্র বিধৌত হইয়া নদীতে গিয়া সন্মিলিত হয়। নদী জলের উর্ধ্বতার ইহা একটি বিশেষ কারণ। জোরারের সময় সমুদ্রের অনেক সার পদার্থ নদীর মধ্যে প্রবেশ করে এবং সেই জল ক্ষেত্রে প্রবেশ করিলে মৃত্তিকার উর্ধ্বতা বৃদ্ধি পায়। লবণাক্ত জল আসিলে ক্ষেত্রের ক্ষতি হইয়া থাকে। বাহারা কৃষিকার্যের জন্য নদীর জল ব্যবহার করেন তাঁহারা নদী জলের উপকারিতা সবিশেষ অবগত আছেন। ছারবঙ্গেশ্বরের রাজনগরস্থ প্রাসাদান্তর্গত বিস্তীর্ণ উদ্যানের অধিকাংশভাগই কমলা নদীর জল দ্বারা সেচিত হইয়া থাকে। উদ্যানে পুষ্করিণী থাকিলেও তদ্বারা সকল স্থানে জল সেচন করিবার সুবিধা হয় না বলিয়া কমলা নদী হইতে 'মোট'মাহেয়্যে জল তুলিয়া বাগানের ভিন্ন ভিন্ন স্থানে—বিশেষতঃ সবঙ্গীক্ষেত্র ও গোলাপ-বাগানে—দেওয়া হয়। উদ্যানভূমির বিস্তীর্ণতা ও কার্যাদিকাহেতু অনেক সময়ে কোন কোন স্থানে, চৌকা, পটি বা গাছে—সার দেওয়া ঘটে না, কেবল সেই নদী জল দ্বারা সকল কার্য সাধিয়া লইতে হয়। ইহাতে প্রত্যক্ষ দেখিতে পাই—সে সকল জমি বার মাস সমান উর্ধ্বতা থাকে। নদী-জলের সুবিধা না থাকিলে আবাদ রাখিতে পারা যাইত না।

ভূমি-কম্প দ্বারা অনেক সময় মৃত্তিকার প্রকৃতি একবারে

পরিবর্তিত হইয়া যায়। সচরাচার যে সামান্য ভূ-
ভূমি কম্প কম্পন হইয়া থাকে তদ্বারা বিশেষ কিছু পরিবর্তন

আনিতে পারা যায় না কিন্তু বিগত ১৭৫৭ খৃষ্টাব্দে মিসবন নগরে যে ভীষণ ভূমিকম্প হইয়াছিল তাহা মনে হইলেও ভূকম্প উপস্থিত হয়। ১৩০৪ সালের ৩০শে জ্যৈষ্ঠ তারিখে সমগ্র

ভারতভূমি ব্যাপিরা যে ভয়াবহ ভূমিকম্প হইয়া গিয়াছে তাহা মনে করিলে এখনও মৃত্তিক বিঘূর্ণিত হয়। ঈদৃশ প্রলয়-ক্ষরী ভূমিকম্পে জমির প্রকৃতি বড়ই পরিবর্তিত হওয়া সম্ভব। উক্ত সালের ভারতীয় ভূমিকম্পে পূর্ববঙ্গ ও আসামের অনেক জেলার সমুদ্র অনিষ্ট সাধিত হইয়াছে,—ঠেই সাধিত হইয়াছে কিনা, তাহা জানা যায় না। অনেক জমি ভূগর্ভে বা নদীগর্ভে বিলীন হইয়াছে, কোন জমি উচ্চ হইয়া উঠিয়াছে, অবার কোথাও বা ভূগর্ভস্থিত নিকৃষ্ট মাটি উপরিভাগে আসিয়া জমিকে একবারে অকর্মণ্য করিয়া দিয়াছে। যে স্থানে সহর বা আবাদ ছিল তাহার চিহ্ন মাত্র নাই। আসামের অনেক স্থানে ব্রহ্মপুত্র নদের গতি একবারে পরিবর্তিত হইয়া গিয়াছে, জল মধ্য কত স্থানে চর উৎপন্ন হইয়াছে, অগত্যা ব্রহ্মপুত্রকে স্বতন্ত্র পথ করিয়া একপে প্রবাহিত হইতে হইয়াছে। দৈব দুর্ভিক্ষকে ইহার হস্ত হইতে পরিত্রাণ পাইবার উপায় নাই, তবে ইহা জানিয়া রাখা ভাল যে ভূমিকম্পে ভূগর্ভ ও জলাশয়াদি উলট-পালট হইয়া গেলে মৃত্তিকা প্রকৃতির অবাস্তর হওয়া স্বাভাবিক। প্রবল কম্পনে ভূপৃষ্ঠের মাটি উচ্চ হইয়া উঠিলে বা নিরে বসিয়া গেলে তাহাতে পূর্বে যে যে ফসল জন্মিত, একপে হয়ত তাহা হইবার আর উপায় থাকে না। আমন-ধানের জমি উচ্চ হইয়া উঠিলে তাহাতে আমন-ধান আর জন্মিবে কিরূপে? এইরূপ আধি-দৈবিক ক্রিয়ার ফলে ভূমির আধিভৌতিক অবস্থার পরিবর্তন হয়।

মৃত্তিকার বর্ণগত প্রকৃতির সহিত উৎপাদিকা শক্তির একটা বিশেষ সম্বন্ধ আছে। দেশ ভ্রমণ করিলে নানা মৃত্তিকার বর্ণ বর্ণের মৃত্তিকা নেত্রপথে পতিত হয়। তাহা

ব্যতীত ভূগর্ভ খনন করিলেও নানা বর্ণের মাটি দেখিতে পাওয়া যায়। সচরাচর আমরা যে ধূসর বর্ণের মৃত্তিকা দেখিতে পাই তাহা চাষবাসের পক্ষে বিশেষ উপযোগী। ঐদৃশ বর্ণের মৃত্তিকা সূর্যের উত্তাপ শোষণক্ষম বলিয়া তাহাতে উত্তাপ অপেক্ষাকৃত অধিক এবং তাহার ফলে ভূগর্ভ মধ্যে ভৌতিক ক্রিয়ার বিশেষ সুবিধা হইয়া থাকে। অপরাপর বর্ণের—বিশেষতঃ শুভ্র বা লালভ বর্ণের—মৃত্তিকা তত অধিক উত্তাপ শোষণ করিতে পারে না, তাহাতে যে সূর্যের কিরণ পতিত হয় তাহা প্রতিফলিত হয়,—মাটির মধ্যে অধিক প্রবেশ করিতে পারে না।

ধূসর বর্ণের মৃত্তিকায় প্রায় উদ্ভিদ্ধ পদার্থ অধিক থাকে। এতলিঙ্গন মৃত্তিকা মধ্যে রস সংকীর্ণ থাকিতে পারে। মৃত্তিকা সরস থাকিলে উত্তাপ দ্বারা তাহার বিশেষ কার্য হইয়া থাকে। বেলে মাটির বর্ণ শুভ্র বলিয়া উহার উত্তাপ আহরণ করিবার শক্তি আদৌ নাই বলিলেই হয়, সুতরাং উহাতে যতই কিরণপাত হউক, ভূগর্ভে উত্তাপ প্রবেশ করিতে পারে না, ভূগর্ভ মধ্যে উত্তাপেরও অধিক সঞ্চারণ হয় না, তবে যে ঐদৃশ মাটিতে বৃক্ষাদি কমে তাহার কারণ, উহা একবারেই বালুকা নহে। মৃত্তিকায় আরণ্য উপকরণ বৎসামান্যও থাকে, তলিঙ্গন রস ও থাকে। ভূমিতে বালুকা ভাগের অসামান্যত্ব হেতু মৃত্তিকা অসামান্য শুভ্র হইয়া থাকে। লালভ মাটিতে যথারীতি আবাদ হয়। ইহাকে ধূসর বা মণি বর্ণের করিতে হইলে সন্নিবেশ যথেষ্ট উদ্ভিদ্ধ সার প্রদান করা উচিত।

ক্ষেত্রে কাঁচা উদ্ভিদের পাড়ন দিলে মৃত্তিকার বর্ণ ও প্রকৃতি পরিবর্তিত হয়। পাড়ন দিতে হইলে ক্ষেত্রে কেরা
 মৃত্তিকার
 বর্ণ সংস্কার
 স্থানিয়মে কৰ্ষণাদি করিয়া অতিশয় ঘন করিয়া কোন ফসল বুনিতে হয়। অতঃপর অক্ষুরিত গাছগুলির গোড়া হারহর্ন থাকিতে পুনরায় জমিকে কৰ্ষণ করিয়া তাবৎ গাছকে মাটির সহিত মিশাইয়া দিতে হয়। ক্রমে সেই সকল গাছ পাচিয়া মাটির সহিত মিশিয়া যায়। উক্ত পাড়নকে হরিংসার (green manuring) দেওয়া কহে। মৃত্তিকার অভাব বৃদ্ধি একাধিক বার পাড়ন দিতে পারা যায়। হরিংসারের উদ্দেশ্যে যে কোন ফসলের বা আগাছার আবাদ করিতে পারা যায়। পল্লগ্রামে 'চকোর' নামক আগাছা চৈত্র বৈশাখ মাসে প্রভূত পরিমাণে আপনা হইতে জন্মিয়া থাকে। কার্তিক অগ্রহায়ণ মাসে হরিংসারের বাজ হয়। উক্ত বাজ সংগ্ৰহ করিয়া মাঘ ফাল্গুন মাসে বপন করিলে বৈশাখ মাস মধ্যে তজ্জাত গাছ সমূহকে হলচালনা দ্বারা ভূশায়ী করিতে পারা যায়। অতঃপর দুই চারি পদলা রুটি পাইলেই তৎসমুদায় বিগলিত হইয়া মৃত্তিকায় মিশিয়া যায়। চাকুন্দ, হাকুচ, শণ, নীল, বুট, আতুসী, মাট কলাই প্রভৃতিও বুনিতে পারা যায়। কেবল যে মৃত্তিকার বর্ণকে পরিবর্তন করিবার জন্য হরিংসারের ব্যবস্থা আছে তাহা নহে। উদ্ভিজ্জ-হীন তাবৎ জমিতেই উল্লিখিত প্রণালীতে সার দিতে পারা যায়। মৃত্তিকা কৃষ্ণাভ হইলে তজ্জাত উদ্ভিদগণ আরামে থাকে। শুষ্ক বা খেতাত বর্ণের মাটিতে যে সকল ফসল জন্মে তাহারা রৌদ্রের সময় সহজে বিমর্ষ ভাব ধারণ করে, বহু গাছ খমাইয়া পড়ে। ইদৃশ খেত মৃত্তিকার মাটির উপরে যে ইতঃপ-

পতিত হয়, তাহা শোষিত হইতে না পারিয়া প্রত্যাখ্যাত হয়—
 তাহা পূর্বেই বলিয়াছি। দূর হইতে প্রত্যাখ্যাত উদ্ভাপকে কম্প
 মান বলিয়া মনে হয়। উক্ত প্রত্যাখ্যাত উদ্ভাপে উদ্ভিদ বান্
 খাইয়া যায়, উদ্ভিদের রস শুষ্ক হইয়া যায়। কৃষ্ণাভ মৃত্তিকায়
 ইহা দেখা যায় না। প্রথমে রৌদ্রের দিনে বাগান-বাগিচায়
 কোমল প্রকৃতি উদ্ভিদের গোড়াকে সার দিয়া ঢাকিয়া দিবার
 ব্যবস্থা আছে। এইরূপে গোড়া ঢাকিয়া দেওয়াকে ‘আবৃতি’
 (Mulching) কহে। উক্ত আবৃতির জন্ত অর্ধ বিগলিত পাতা-
 ঝর কিম্বা গোবরাদি প্রাণীজ সার সচরাচর ব্যবহৃত হইয়া
 থাকে। আবৃতি দ্বারা আরও অনেক ও বিশিষ্ট উপকার পাওয়া
 যায়—সন্ধ্যাস্তরে তাহা বলিব।

উনবিংশ অধ্যায়

ভূমির জলময়তা, শৈত্যতা প্রভৃতি দূরীকরণার্থ পরঃপ্রণালী,
 পুষ্করিণী বা কূপ খনন করা যেরূপ প্রয়োজন,
 সেজন্যসংক্রামে ভূমিকে সরস রাখিবার জন্ত ক্ষেত্রে জল আনিবার
 বা সংকৃত রাখিবার ব্যবস্থা করা ঠিক সেইরূপ বা ততোধিক আব-
 শ্যক। মাটিতে যথেষ্ট রস না থাকিলে উদ্ভিদগণ যে সুচারুরূপে
 বর্দ্ধিত হইতে পারে না তাহা বারবার বলিয়াছি সুতরাং সে সম্বন্ধে
 কিছু বলিবার আর প্রয়োজন দেখা যায় না। ভূমিতে যথা
 পরিমাণ রস না থাকিলেই কৃত্রিম উপায়ে মাটিকে সরস করিতে

হয়। জলের সুবন্দোবস্ত না থাকায় ভারতবর্ষে লক্ষ লক্ষ বিঘা জমি অনাবাদে পতিত আছে, ইহাতে প্রজাসাধারণের ক্ষতি—গবর্ণমেন্টের ও ক্ষতি। এই সকল পতিত জমি আবাদে পরিণত হইলে স্থানীয় অপর জমির খাজনার হার কমিয়া যাইতে পারে, অনেকে জমি গ্রহণ করিতে পারে এবং যাহাদিগের ক্ষেত-খামার আছে তাহারা আবাদ বাড়াইতে পারে। যে দেশে জল সেচনের সুবন্দোবস্ত আছে তথাকার নীরস জমি পাড়িয়া থাকিতে পার না। আবাদী ক্ষেত্রেও সময় বিশেষে ও ফসল বিশেষের জন্য জল সেচন করিতে হয়। সুবৃষ্টির বৎসর হইলে আমাদিগকে ধান, মাদুরা, প্রভৃতি বর্ষাকালের ফসলের জন্য ক্ষেত্রে জল সেচন করিবার প্রয়োজন হয় না কিন্তু অল্প বর্ষা বা বর্ষার অভাব হইলে বর্ষাকালেও ক্ষেত্রে জলসেচন করা একান্ত আবশ্যিক হইয়া উঠে। যেখানে জলসেচনের কোন বন্দোবস্ত নাই সেখানে বৃষ্টির অভাব হইলেই ফসল নষ্ট হইয়া যায়,—অনেক বৎসর কৃষক-গণ চারা রোপণ করিতেও পারে না, কিন্তু সুখের বিষয়,—আজকাল গবর্ণমেন্টের স্থানে স্থানে দীর্ঘ খাল খনন করিয়া কৃষিকার্যের বিশেষ সুবিধা করিয়া দিতেছেন, এজন্য গবর্ণমেন্টের নিকট আমরা বিশেষ কৃতজ্ঞ। এতদ্ব্যতীত গবর্ণমেন্টকে প্রতি বৎসর লক্ষ লক্ষ টাকা ব্যয় করিতে হইয়াছে। এতদ্ব্যতীত ভারতে নূনকল্পে প্রায় চারি লক্ষা কূপ আছে এবং তদ্বারা বাট লক্ষ বিঘার জলের সরবরাহ হইয়া থাকে। ইটালি দেশে বড় নদী আছে তৎসমুদায়ই প্রায় গবর্ণমেন্টের কর্তৃত্বাধীনে এবং কৃষিক্ষেত্রে জল সরবরাহের জন্যই তাহা ব্যবহৃত হইয়া থাকে। মিশর দেশে এতই অধিক ভাল যে নীল নদের এক প্রায়মাংশ জলও

সুযথো সাগরে গিয়া পৌহিতে পারে না। স্পেন, জার্মানি, ফ্রান্স, ইংলণ্ড, স্কটলণ্ড, আর্জেন্টিনা, বেলাজিয়াম, সুইজার্ল্যান্ড, ডেনমার্ক, অস্ট্রিয়া এবং আমেরিকার যুক্ত-রাজ্য ও অস্ট্রেলিয়া মহাদেশে কৃষিকার্যোপলক্ষে খাল-বিলের নিরবিত্ত বাবস্থা আছে। জাপানে যে নাই তাহা নহে। ভারতবর্ষ, ইটালি ও মিশরে সেচিত্ত কালে কত জমি আবাদ হয়, নিজে তাহার তালিকা দেওয়া গেল।

ভারতবর্ষ.....৭৫, ০০০, ০০০ বিঘা

ইটালি১০, ১০০, ০০০ ঐ

মিশর১৮, ০০০, ০০০ ঐ

বিঘার হিসাব ধরিলে ভারতবর্ষ প্রথম, মিশর দ্বিতীয়, এবং ইটালি তৃতীয় স্থান পাইয়া থাকে কিন্তু ইটালি ও মিশরের তুলনায় ভারতবর্ষ বহুশুণ বৃহদাক্রম দেশ, সুতরাং ভারতবর্ষে উহার চতুর্শুণ কুপ হইলেও কুলার না।

সমগ্র বঙ্গদেশ মধ্যে কেবল দুইটি খাল আছে,—একটি উলুকেড়িয়া হইতে মেদিনীপুর অঞ্চলে, অন্য কলিকাতার বাগ-বাজার হইতে ভাদোড় অঞ্চলে গিয়াছে। বর্তমান বাকুড়া শাঁওতাল পরগণা, মানজুম, সিংজুম, ভাগলপুর, পাটনা, প্রভৃতি জেলায় খালের আরম্ভ কোন বন্দোবস্ত আজ পর্য্যন্ত হয় নাই। সমগ্র দেশ ব্যাপিয়া প্রতিনিয়ত যেরূপ জলাভাব হইতেছে, তাহাতে সৈবের উপর নির্ভর করিলে আর চলে না, এক্ষণ দেশের মধ্যে মানা ক্রমে খাল খনন করা বিশেষ প্রয়োজন হইয়া উঠিয়াছে। খাল-খনন করিতে বিপুল ব্যয় আছে সুতরা, কিন্তু সে ব্যয়ের ফলে গুবর্ণমেন্ট বৎসর বৎসর প্রজাদিগের নিকট হইতে

জলের মূল্য ও নৌকাদি যাতায়াতের মাফুল বাবতে বহু অর্থ আদায় করিতে পারেন। ইহাতে গবর্ণমেন্টের বহু দিকে লাভ হইবে। প্রথম লাভ—উল্লিখিত বাবতে, দ্বিতীয় লাভ,—দেশ মধ্যে হুতিক অন্নকষ্ট ও তাহাদিগের নিভা সহচর বিস্ফটিকা, মহামারী প্রভৃতি বিরল হটবে,—গবর্ণমেন্টকে প্রতিবৎসর অন্নসত্তা খুলিতে হইবে না,—রাজস্ব বেহাই দিতে হইবে না ইত্যাদি। প্রজাপক্ষের লাভ,—বৃষ্টির জন্ম অপেক্ষা করিতে হইবে না, ক্ষেত্র শস্যশালিনী হইবে, প্রজার সচ্ছন্দতা বৃদ্ধি পাইবে, প্রজার ঋণদার হ্রাস প্রাপ্ত হইবে। অতঃপর, সমগ্র জন সমাজের লাভ—দেশের ধন বৃদ্ধি হইবে।

মৃত্তিকাকে সরস করিবার জন্ম ক্ষেত্রে জল সেচন করিতে হয়। ভূগর্ভে যথেষ্ট রস আছে স্বীকার করি, সেচনের উদ্দেশ্যে কিন্তু সে রস দ্বারা সকল প্রয়োজন সুসিদ্ধ হয় না। বাঙ্গালা, আসাম প্রভৃতি যে সকল প্রদেশে সমধিক বারিপাত হইয়া থাকে, তথায় বর্ষাকালের ফসলের জন্ম বহু জেলাতেই জল সেচনের প্রায় আবশ্যক হয় না কিন্তু রবি বা হৈমাস্তিক ফসলের সময় মধ্যে মধ্যে বৃষ্টি না হইলে উপরিভাগের মাটি বড়ই রসহীন হইয়া থাকে, এরূপ অবস্থায় ক্ষেত্রে সেচন করা আবশ্যক হয়। মৃত্তিকার ঈষৎ সিল্ক বর্ণ দেখিয়াই সন্তুষ্ট হইলে চলিবে না, মৃত্তিকা যথেষ্ট সরস না হইলে উদ্ভিদকে কার-ক্ষেপে জীবনধারণ করিতে হয়। যে মানুষ প্রতিদিন এক সের সামগ্রী ভক্ষণ করিতে পারে, তাহাকে এক পোয়া দিলে সে জীবিত থাকে—মরে না, কিন্তু তাহার সে জীবন অতিশয় ক্লেশকর হইয়া থাকে এবং সে নানা রোগের আধাররূপ হইয়া জীবন

ধারণ করে। উদ্ভিদের পক্ষেও তাহাই। নাম মাত্র রসে উদ্ভদ জীবিত থাকিতে পারে ও জীবিত থাকে কিন্তু তাহার বৃদ্ধি ও পরিপুষ্টির নিমিত্ত মাটিতে প্রচুর রস থাকা আবশ্যিক। শুধু ভূমিই কোন একটা গাছের গোড়ায় এক দিনও যদি প্রচুর পরিমাণে জল দেওয়া যায়, তাহার ফল হাতে-হাতে প্রত্যক্ষ দেখিতে পাওয়া যায়। অতঃপর—

জল-সেচন দ্বারা মৃত্তিকাস্তর্গত উদ্ভিদের আহাৰ্য্য পদার্থকে আহরণের উপযোগী করিয়া দেওয়া হয়। উদ্ভিদগণ প্রাণ-ধারণের জন্য জলই অধিক পরিমাণে আহরণ করে। জল বা রস যতই নির্গম হইক, তাহার সহিত উদ্ভিদের আহাৰ্য্য পদার্থ থাকিবেই। এ স্বপ্নে ইহাও বলিয়া রাখি যে, উদ্ভিদগণ সচ্ছ জলই আহরণ করে। মূলস্থিত ছিদ্র সমূহ এতই ক্ষুদ্র যে তাহাতে ঘোলা জল প্রবেশ করিতে পারে না। জলের মধ্যে যে সকল সূক্ষ্ম অবিভাজ্য পদার্থ থাকে তাহাই উদ্ভিদগণ আহরণ করিতে পারে, তদপেক্ষা সামান্ত স্থূল হইলে পড়িয়া থাকে। অতঃপর ক্রমে বিগলিত, বিশ্লেষিত ও বিচূর্ণীত হইয়া উল্লিখিত অবস্থায় পরিণত হইলে, তবে ভবিষ্যতে উদ্ভিদের আহরণোপযোগী হয়। কিয়ৎ পরিমাণ ঘোলা জলকে বারবার উত্তমরূপে মোটা কাপড় দ্বারা ছাকিয়া একটা শিশি বা বোতল মধ্যে রাখিয়া তাহাতে একটা গাছ বা গাছের ডাল বসাইয়া রাখিলে দেখিতে পাওয়া যাইবে যে, জল কমিয়া যাইতেছে। উক্ত পাত্র একবারে জল-হীন হইলে তাহার তলার মাটি পড়িয়া আছে দেখা যায়। এতদ্বারা বুঝা যায় যে, উদ্ভিদ স্থূল মাটি বর্জন করিয়া কেবল সূক্ষ্মসিঞ্চ পদার্থ আহরণ করিয়াছে। সুতরাং অধিক জল

আকরিত হইলে, সেই সঙ্গে অধিক পরিমাণে আহার্য্য পদার্থ ও আহরিত হইবে—ইহা সহজেই বুঝিতে পারা যায়। উদ্ভিদ যতই রস আহরণ করুক তৎসমুদায়ই পত্র দ্বারা বর্জন করে। তবে উদ্ভিদের এক্ষণ বেগার খাটিয়া লাভ কি? পূর্বেই বলিয়াছি, উদ্ভিদগণ ভূগর্ভ হইতে জল উত্তোলন করিবার পম্প (Pump) নামক যন্ত্ররূপ। শ্রুতিকা হইতে রস আহরণ করিয়া বায়ু-মণ্ডলকে প্রদান করা উহাদিগের পক্ষে বদান্ততা হইতে পারে, কিন্তু স্বকীয় জীবনধারণের পক্ষে অনুকূল নহে। এই জন্ত রসের সহিত আহার্য্য পদার্থ ও উদ্ভিদ-শরীরে প্রবেশ করে এবং তাহাই উদ্ভিদ-শরীরে থাকিয়া যায় এবং জল বা রস বাষ্পাকারে বাহির হইয়া যায়। নীরস ভূমির গাছ যে বাড়ন্ত হয় না—রসের অপ্রাচুর্য্য তাহার কারণ।

সেচিত জল দ্বারা ভূমির উর্বরতা বৃদ্ধি পায়। কোন কোন

সেচিত জল, না
 তরল মার

জলাশয়ের জল লবণাক্ত বা কষা বা অল্প আর্ষাদের হইয়া থাকে, তদ্বারা উদ্ভিদের ক্ষতি হইতে পারে। এস্থলে তদ্রূপ জলের কথা বলিতেছি না। উল্লিখিত প্রকারে চূষিত জল তাহা আদৌ সেচন করা উচিত নহে। বাহা হউক, এইরূপে সেচিত জলের সহিত যে সকল পদার্থ আনিয়া পড়ে তদ্বারা ক্ষেত্র উর্বরা হয়। সেচিত জলকে কিংবা জল মাঝাকৈই তরল মার (Liquid manure) বলা বাইতে পারে।

নদীর জল আরও অধিক মারবান, কারণ তাহাতে স্ত্রুত পরিমাণ ও উদ্ভিদাহার বহু পরিমাণে বিস্তারিত থাকে। যে সকল ক্ষেত্র নদী বা খালের জল দ্বারা সেচিত হয় কিংবা জমি বস্তীর প্রাণিত হয়, তৎসমুদয় সাধারণ জমি অপেক্ষা মারবান

হইয়া থাকে। পূর্বাধ্যায়ের 'নদী-জল' প্রসঙ্গে ইহা আলোচিত হইয়াছে।

নীরস জমি সারধান হইলেও কোন ফল নাই। জলসেচন

উৎসাহিত। যক্ষা করিলে ভূগর্ভস্থ অবিশ্লিষ্ট ও অগলিত পদার্থ সমূহ

শীঘ্র বিশ্লিষ্ট হইয়া উদ্ভিদের ব্যবহারোপযোগী হয়।

জল ভূমিতে জলসেচনের ইহাও একটী বিশেষ ফল—ক্ষেত্রের উৎসাহিত। যক্ষার একটী বিশেষ উপায়। জলসেচনে লবণাক্ত মাটির লবণ ভূমির নিম্ন দেশে নামিয়া যায়। লবণাক্ত ভূমিতে গ্রীষ্মকালেই লবণ কুটিয়া থাকে অর্থাৎ ভূপৃষ্ঠোপরি প্রকাশ পায়। ঐদৃশ অবস্থায় তজ্জাত ফসলের অনষ্ট হয়। যে সকল জমিতে লবণ, সোরা বা সাজিমাটি থাকে, তাহাতে জলসেচন করিলে এই জন্ত বিশেষ উপকার হয়।

জলসেচন করিবার পক্ষে পড়ন্ত বেলা উৎকৃষ্ট সময়;—তখন

সেচনের সময় রৌদ্রের প্রখরতা কম থাকে এবং তাহাও ক্রমশঃ

সন্ধা সমাগমে অন্তর্হিত হয়। এ সময়ে জলসেচন

করিলে সেচিত জল অধিক শুকাইয়া যাইতে পারে না, তন্নিবন্ধম প্রায় সমগ্র জলই ভূমিতে শোষিত হইতে পারয়। সকালে সেচন করিলে বহু পরিমাণ জল রৌদ্রে ও বাতাসে শুকাইয়া যায়, তাহাতে যথেষ্ট আধিক ক্ষতি হয়,—অনেক সময়ও নষ্ট হয়। সকল স্থলে ও সকল সময়ে এ নিয়মে কাজ চলে না, কাজেই সুবিধানুসারে কাৰ্য্য সমাধা করিতে হয়। আর এক কথা। বর্ষাকালে কোন কোন বৎসর যথাসময়ে বৃষ্টি না হইলে ক্ষেত্রে ছেঁচ দিতে হয়। আশু বৃষ্টির আশা থাকিলে কিম্বা আকাশ মেঘাচ্ছন্ন থাকিলে আপাততঃ সেচন কাৰ্য্য স্থগিত রাখা ভাল।

জল সেচিত হইবার পর বৃষ্টি হইলে ভূমি অতিশয় আর্দ্র হইয়া যায়, মাটি শুকাইতে বিলম্ব হয়, ভূগর্ভের উদ্ভাপ কমিয়া যায়, ও তন্মধ্যে ভৌতিক ক্রিয়াদির ব্যাঘাত হয়, সুতরাং সে সময়ে সেচন না করিয়া বৃষ্টি কাল পর্য্যন্ত অপেক্ষা করিতে হয়। বৃষ্টির পরেও মাটিকে শুষ্ক মনে হইলে জলসেচন করিতে পারা যায় কিন্তু সেচনের পূর্বে জমিকে উষ্ণাইয়া না লইলে ভূমিতে অধিক জল শোষিত হয় না,—ক্ষেত্রের স্থানে স্থানে জল দাঁড়াইয়া থাকে। ইতোমধ্যে রৌদ্রে বা বায়ুতে অনেক জল শুকাইয়া যায়, যাহাতে শ্রম ও অর্থ ব্যয় পণ্ড না হয়, তাহার প্রতি দৃষ্টি রাখা বিশেষ প্রয়োজন। মাটিতে রস থাকা প্রয়োজন বলিয়া অপরিমিত জলসেচন করা কৰ্ত্তব্য নহে। যে পরিমাণ জল ভূমিতে শোষিত হইতে পারে ঠিক সেই মত সেচন করাই বিধেয়। মাটি খুরা থাকিলে সহজেই রস শোষিত হয়, নতুবা ক্ষেত্রের কোন অংশে অধিক—আবার কোন অংশে অল্প—জল ভূমিতে প্রবেশ করে, তন্নিবন্ধন ক্ষেত্রের সকল স্থানের মাটি সমভাবে রসাল হয় না,—তজ্জাত উদ্ভিদগণও সকল স্থানে সমভাবে বর্ধিত হয় না। প্রতিবার জলসেচনের পর মাটিতে 'যো' হইলে পৃষ্ঠদেশের মাটিকে উত্তমরূপে উষ্ণাইয়া চূর্ণ করিয়া দেওয়া আবশ্যিক। সেচনের পর জল যত শুকাইতে থাকে, ভূমির পৃষ্ঠদেশ তত ফাটিয়া যায় কিন্তু ভূমিকে অধিক ফাটিতে না দিয়া, 'যো' পাইবার মাত্র মাটি উষ্ণাইয়া খুরা করিয়া দিলে অধিক দিন রস থাকে। মাটি উষ্ণাইয়া খুরা করিয়া দেওয়া অপেক্ষা জলসেচন করা অনেক সহজ ও অল্প ব্যয়সাধ্য, কিন্তু তাহা বলিয়া ক্ষেত্রকে সরস রাখিবার জন্য অপরিমিত বা ঘন ঘন জলসেচন

করা উচিত নহে। জলসেচন দ্বারা মাটিকে ভিজা রাখিয়া নিড়ানী, খুরপী বা কুন্দালনের দায় হইতে নিষ্কৃতি পাওয়া যায় না।

জলসেচন একটা বিশেষ কার্য। এ বিষয়ে অভিজ্ঞতা না

থাকিলে কোন্ জমিতে কত জল দেওয়া উচিত, সেচনের নিয়ম

একবার জল সেচন করিলে পুনরায় কতদিন

পরে জলসেচন করা আবশ্যিক ইত্যাদি অনেক বিষয়ে বিশৃঙ্খলা

ঘটিবার সম্ভাবনা। অতিরিক্ত বা ঘন ঘন জল দিলে ভূমির উপর

সর পড়ে ও মেওলা ধরে। তাহা বাতীত ভূগর্ভে বায়ু প্রবেশ

করিতে পারে না, ভূগর্ভে উত্তাপ থাকে না এবং উত্তাপের অভাবে

জীবানুগণ মরিয়া যায়। এরূপ অবস্থায় উদ্ভিদগণের বৃদ্ধি ও স্থগিত

হয়, হ্রস্ত পত্র সমূহ বিবর্ণ ও স্থলিত হইয়া পড়ে। জলসেচন দ্বারা

ক্ষেত্রের উপরিভাগের এক বিস্তৃতি মৃত্তিকা ভিজাইয়া দিলেই

যথেষ্ট হইতে পারে। পৃষ্ঠদেশের এক বিস্তৃতি নিম্ন পর্য্যন্ত সরস

থাকিলে, উক্ত রস নিম্নস্তরের (Sub soil) সহিত সংযুক্ত হয়

কিন্তু ভূগর্ভের রস শুক হইতে পার না। বিনা সেচনে আবাদ

করিলে ভূগর্ভের ভিতর অনেক দূর পর্য্যন্ত নীরস হইয়া যায়।

অনন্তর কষণভাবে মাটি ফাটিয়া গেলে, ফাটলের মধ্যে বায়ু

ও সূর্য্যোত্তাপ অবর্ধে প্রবিষ্ট হইয়া ভূগর্ভকে আরও নীরস

করিয়া দেয়, মাটির চাপ সকল কঠিন হইয়া যায়—অবশেষে

তদুপরিষ্ক গাছ মরিয়া যায়। খাল-ক্ষেত্রের জল শুকাইলে বড়

বড় ফাটল দেখা দেয়, তাহাতে যে ফসল থাকে তাহার কোন

আশা থাকে না। এ অবস্থা ঘটিবার পূর্বে ক্ষেত্রে জলসেচন

করিতে পারিলে ভালই হয়, কিন্তু সে সুবিধা-সুযোগ না থাকিলে

কৃষ্ণা-আবাদ প্রণালীর অনুসরণ করা উচিত। 'শুক আবাদ'

অধ্যয়নস্বরে আলোচনা করিব। জলসেচনের নিয়ম যখন লোকে সম্যক্রূপে বুঝিতে পারিবে তখন অল্প জল ব্যবহার করিবে, তাহাতে খরচ অনেক হ্রাস পাইবে।

বড় বড় অনেক মহরে আজ কাল পাকা ড্রেণ হইয়াছে।

সেই সকল ড্রেণ দিয়া মহরের তাবৎ জল নিকাশ
ময়লা জল হইয়া থাকে। উক্ত জলে বহুবিধ সার পদার্থ

থাকায় উহা উদ্ভিদের পক্ষে বিশেষ উপকারী। উহার মধ্যে লোকে বড়ীর রক্তনশালা, স্নানাগার, পাইথানার আবর্জনা, অশুশালা, গো-শালা, নানাবিধ কল-কারখানা, বাজারের আনাঙ্গ-বনাজ, মাছমাংস, মহাজনদিগের শুদামের জঞ্জালাদি কত জিনিষ থাকে তাহার সংখ্যা করা যায় না। তাহা বাতীত কষাইখানার রক্ত, মৃত মুষিক, গন্ধমুসিক, কত কাট পতঙ্গ সেই জলের সহিত মিশ্রিত থাকে। এই জন্ত মহরের ময়লা জল ক্ষেত্রের উর্বরতা সাধন করিবার পক্ষে অমূল্য সামগ্রী। এই জল বাহারা সঞ্চয় করিয়া ক্ষেত্রে ব্যবহার করিতে পারেন তাহাদিগকে অন্য সার ব্যবহার করিতে হয় না। পহি গ্রামে ড্রেণ নাহি বটে কিন্তু সকল বাটি হইতেই ময়লা জল সংগ্ৰহ করিতে পারা যায়। যে সকল স্থানে ময়লা জল পতিত হয়, সেই-সেই-স্থানে এক একটা চৌপাচ্ছা বা বড় গামলা রাখিয়া দিলে সমুদয় জল সেই স্থানে গিয়া সঞ্চিত হয় এবং পাত্র পরিপূর্ণ হইলে কিম্বা প্রয়োজন-মত লইয়া ব্যবহার করিতে পারা যায়। এক্ষণে প্রায় সকল ময়লা জলই হয় বড়ীর পার্শ্বে বা সন্নিহিত আস্তাকুড়ে পতিত হয় ও সেই স্থানে শোষিত হয়। এক্ষণে স্থানের মাটি খুব সারল হইয়া থাকে। সময়ে সময়ে সেই স্থানের মাটি কাটিয়া:

লইয়া বাগান-বাগিচায় ব্যবহার করিলে বিশেষ ফল পাওয়া যায়। এই সকল ময়লা জলকে Sewage কহে। ইয়ুরোপ ও আমেরিকার যুক্ত-রাজ্যে ময়লা জল প্রায় অপচয় হইতে পায় না— চাষবাসের জন্য ব্যবহৃত হইয়া থাকে। সামান্য চেষ্টা ও উদ্যোগ-ভাবে আমরা কত জিনিষ নষ্ট হইতে দিতেছি। স্ব স্ব বাটীর আবর্জনা,—জলীয় হটক বা শুষ্ক হটক—রক্ষা করিতে কোন দায় নাই, বিশেষ পরিশ্রমও নাই। নগণ্য ও পরিত্যক্ত সামগ্রী দ্বারা কত উপকার পাওয়া যায়, কত আর্থিক লাভ হয় তাহা একবার ভাবিয়া দেখিলে উহাকে কেহ অপচয় হইতে দিবেন না—ঠা নিশ্চিত। অস্পৃশ্য পদার্থ রাশিকে ফেহে বা উদ্যানে প্রদারিত করিয়া দিলে কত উপকার পাওয়া যায়, সকলের একবার তাহা পরীক্ষা করা উচিত।

যে সকল উচ্চ প্রদেশে, ও উচ্চ বা গড়েন অথবা কিছা নীরস

রস রক্ষার্থে

বায়ুরোধ

ভূমিতে জলসেচন করিবার কোন সুযোগ নাই তথাকার রস না অধিক শুকাইতে পায়, তাহার ব্যবস্থা করিলে বিশেষ উপকার দর্শনা থাকে।

এতদপক্ষে বিস্তার্ত ক্ষেত্রের মধ্যে দূরে দূরে ডাঙদিক বেড়া থাকিলে বায়ুর গতিরূপ হইয়া থাকে। বায়ুতে ক্ষেত্রের সমূহ রস টানিয়া লয়, তাহাতে ভূগর্ভের অনেক দূর পর্যন্ত নীবস হইয়া যায়। ক্ষেত্রের চৌহদ্দিতে ভেরেণ্ডা, জিওল, কাশ্‌নৌ, জিলেবী, চিতা বা অড়হর, এরও, তুঁত প্রভৃতি অর্থকরী বৃক্ষের বেড়া থাকিলে ক্ষেত্র মধ্যে অধিক বাতাস প্রবেশ করিতে পারে না অথচ উদ্ভিদ্ধ-সারেরও সংস্থান হয়। উপরন্তু, অর্থকরী উদ্ভিদ হইলে তাহা হইতে ফসল পাওয়া যায়। শীতকাল ব্যতীত প্রায়


অপর সকল ক্ষতুতে বেহার অঞ্চলে প্রবল বাতাস বহে, তাহাতে ক্ষেত্রের রস বড় শুকাইয়া যায়। সেই জন্য অনেকে ক্ষেত্রের বা বাগানের চারিদিকে ঘন করিয়া শিশু বৃক্ষ রোপণ করিয়া থাকে। শিশু বৃক্ষ বসন্তকালে, তাবৎ পত্র বর্জন করে। উক্ত বর্জিত পত্র দ্বারা ভূমির যথেষ্ট উপকার হয়। তাহা বাতীত শিশুগাছকে এদেশে প্রতি বৎসর কার্তিক মাসে শাখাহীন করিয়া ছাঁটিয়া দিবার নিয়ম আছে। এই সকল সুরু শাখা-প্রশাখাকে 'কাঁকি' কহে। 'কাঁকি' জ্বালানী কার্যে ব্যবহৃত হয়—ইহাও গৃহস্থের একটি বিশেষ লাভ। অতঃপর সেই সকল গাছ পুরাতন হইলে তাহার কাঠে নানাবিধ আসবাব নির্মিত হয়। যাহা হউক, যে সকল ক্ষেত্রে চাষ-আবাদ হয়, তাহাতে এত দার্ব বা শাখাল গাছ পুতলে জমিতে আওতা হইয়া ফসলের অনিষ্ট করে। বাগান-বাগিচার এ সকল গাছ পুতলে ক্ষত হয় না। আবাদী ক্ষেত্রের পক্ষে অল্প-জীবী গাছই উপযোগী, কিন্তু তাহা হইলেও ৪।৫ হাতের অধিক উচ্চ হইতে দেওয়া উচিত নহে।

মৃত্তিকার রসালতা সন্থে বাগান-জমি শ্রেষ্ঠ। বাগানে
উদ্যান ভূমির
রসালতা

ছোট বড় নানাবিধ উদ্ভিদ রোপিত হয় বালিয়া
তপাকার মাটিতে অপেক্ষাকৃত অধিক রস থাকে।
চৌ চাপটে সমস্ত দিন রোজাধীন থাকিলে যে
কোন গাছই হউক, তাহার বৃদ্ধি ও ফলন ফুলন কিছু কম হয়।
এ স্থলে ছই একটি দৃষ্টান্ত দিই। চক্ষের সন্মুখে রাখিয়া বিভিন্ন
প্রণালীতে পরীক্ষা করিবার নিমিত্ত আমার বসবাসের বাংলাতে,
বিশেষ বিশেষ উদ্ভিদ রোপণ করিয়া থাকি। ছই একটি কার্পাস
বৃক্ষ এমন স্থানে রোপিত আছে, যেখানে দ্বিপ্রহরের পর আর

গাছ লাগে না, কোন সময় আবাধে বায়ুও প্রবাহিত হইতে পারে না। ইহাতে দেখিতে পাই, কৃষিক্ষেত্রের সহস্র সহস্র মুষ্টি অপেক্ষা এই কয়লা গাছের বৃদ্ধিশীলতা বেক্রম অধিক, ফলন ও সেচরূপ বা ততোধিক। ইহা হইতে স্পষ্টে প্রতিপন্ন হয় যে, চৌ চাপটু রৌদ্র বা আবাধ বায়ু অপেক্ষা জৈবচ্ছায়াযুক্ত ও প্রবল বায়ুহীন স্থান গাছপালার পক্ষে বিশেষ উপযোগী। মাঠ ময়দানে এ সকল সুবিধা পাওয়া যায় না। বলিয়া স্থানীয় অবস্থার প্রতি নির্ভর করিতে হয়। রৌদ্রের ধর্ম—উদ্ভিদকে কথঞ্চিৎ খর্ব ও দৃঢ় করা এবং ছায়ার ধর্ম—লম্বিত ও কোমল করা। যথায় এ উভয়ের সামঞ্জস্যতা রক্ষিত হয়, তথাকার উদ্ভিদ মধ্যবিধ প্রকারের হইয়া গদনুরূপ ফল ফুল প্রদান করে। উষ্ণান মধ্যে রৌদ্র ও ছায়া—এ উভয়ের সামঞ্জস্যতা রক্ষা হয় বলিয়া উষ্ণান-ভূমি অপেক্ষাকৃত সরস থাকে এবং তথাকার উদ্ভিদগণকে জীবন্ত মনে হয়।

বিংশ অধ্যায়



ফলের ভাগে সকল সুযোগ ঘটয়া উঠে না। কাহারও ভূমি নিরতা হেতু অতিশয় আর্দ্র, কাহারও বা এক আবাদ উচ্চ কিম্বা গড়েন বলিয়া নিতান্ত নীরস। এই উপ প্রত্যেকেরই একটা না একটা আপদ আছেই, কিন্তু গুরুতরও বুদ্ধি আছে এবং তাহারই সাহায্যে সকল বিষয় বাধা

অতিক্রম করিবার উপায় উদ্ভাবিত হয়। যাহাদিগের জমি স্বভাবতঃ সিক্ত ও সমৃদ্ধ বারিপাতের অধীন, তাহাদিগের একান্ত চেষ্টা,—যাহাতে মাটি শুকনা অথচ সরস থাকে। আবার যাহাদিগের জমি স্বভাবতঃ নীরস, রস-শোষণে অক্ষম তাহারাও চেষ্টা করে—যাহাতে জমি সরস থাকে। কারণ বশেষে ফলের স্বাতন্ত্র্যহেতু প্রতিবেধের ব্যবস্থাও বিভিন্ন কিন্তু উভয়ের উদ্দেশ্য এক,—ভূমিকে সরস রাখা। নীবস দেশে বা নাবস ভূমিতে জলসেচন করিবার উপায় না থাকিলে কিংবা তাহা বাস্তবপেয় হইলে জলসেচনের সমস্ত পবিভাগ করিয়া অত্র উপায় অবলম্বন করিতে হইবে। বিনা জলে আবাদ করিতে আমরা অভ্যস্ত আছি। আমরা দিগকে বিনা জলে অনেক কিসা অধিকাংশ ফসলেরই আবাদ করিতে হয়। উত্তর বঙ্গের মধ্যে পূর্ববঙ্গ ও আসাম—এই দুই প্রদেশে অধিক বারিপাত হয়। থাকে কিন্তু তাহা হইলেও সে বারিপাত প্রতি বৎসর বখানিয়মে পরিচালিত হয় না। বিনা জলে আবাদ করিতে হইলে কৃষককে তিনটি বিষয়ের প্রতি বিশেষ লক্ষ্য রাখিতে হইবে। ১ম,—সুকর্ষণ : ২য়,—অন্তভূমির পরিচর্যা ; ৩য়,—স্থানীয় মৃত্তিকা এবং হাওয়া সহনক্ষম ফসলের আবাদ।

সুকর্ষণ সম্বন্ধে দ্বাদশ অধ্যায়ে আলোচনা করিয়াছি, তাহা

সুকর্ষণের
সরঞ্জাম

হইলেও এ স্থলে তৎসম্বন্ধে আরও কিছু বলা

আবশ্যক বোধ করিতেছি। ভূপৃষ্ঠকে যতটা গভীর

করিয়া কর্ষণ করা যায়, সমগ্র ক্ষেত্রকেই সেইরূপ

গভীর করিয়া চাষ দেওয়া আবশ্যক। অভিজ্ঞ ও মনোযোগী কৃষক

ভিন্ন তাহা পারে না। কর্ষণকালে উপরিভাগের মাটি বুঁরা ও

সমতল হইতে পারে কিন্তু নিম্নতল প্রায় সমতল হয় না। কৃষাণের দোষে প্রায় একরূপ ঘটিয়া থাকে। কৃষাণ যদি লাঙ্গলের 'মুঠ' দৃঢ়ভাবে ধরিয়া রাখিতে পারে অর্থাৎ কোন স্থানে 'মুঠ' আলগা বা কোন স্থানে চাপিয়া না ধরে, তাহা হইলে নিম্নতল অনেকটা চৌরস হয়। অবহেলা সহকারে লাঙ্গল ধরিলে আলগা মুঠ হলে লাঙ্গলবাহী পশুগণ দ্রুত বেগে চলিয়া থাকে সুতরাং সেখানকার নিম্নতল ফালস্পর্শিত হইতে পার না, কিম্বা নাম মাত্র স্পর্শিত হয়। অতঃপর, যে স্থানে 'মুঠ' চাপিয়া ধরে, তথাকার নিম্নতল গভীর ভাবে কর্ষিত হয়। এইরূপ মুঠ ধরিবার দোষে পৃষ্ঠভূমির নিম্নতল আঁচড়ান স্থানের দ্বারা অসমতল হয়। লাঙ্গলের ফাল সূঁচাল হইলে নিম্নতল গভীর ও ঘনরূপে কর্ষিত হয় সুতরাং তাহাতে অল্পই খাঁজ হইতে পারে। খাঁজের অল্পতার উপর নিম্নতলের সমতলতা নির্ভর করে। ছুঁই বা নুতন বলদে লাঙ্গল টানিলে কর্ষণকালে অনেক স্থান এড়াইয়া যায় এবং তাহাতেও নিম্নতলের অসমতলতা সংঘটিত হয়। ক্ষেত্রের বিস্তৃতি অনুসারে কর্ষণার্থে প্রথম লাঙ্গলের পশ্চাতে একাধিক লাঙ্গল চলিয়া থাকে, তদ্বারা কাজ শীঘ্র হয়, কোন স্থান এড়াইয়া যাইতে পারে না। এতদ্বািত কয়েক জন কৃষাণ একত্রে থাকিলে অধিকক্ষণ কাজ করিতে পারে, উপরন্তু কাজ করিতে কষ্ট অনুভব করে না। পশুগণ সম্বন্ধেও ঠিক সেই কথা, কারণ দেখা যায়, কয়েকটি পশু একত্রে কাজ করিলে যেন অনেকটা সহজে কাজ করে। আমরাও অনেক কাজ পাঁচ জনে মিলিয়া করিলে তত ক্লেশ অনুভব করি না, বরং কাজে যেন সমধিক উৎসাহ হইয়া থাকে। যাহা হউক, শুদ্ধ-আবাদের জন্য গভীর কর্ষণ নিতান্ত আবশ্যিক।

গভীর শুষ্ক-আবাসে বায়ু ও উত্তাপ অধিক প্রবিষ্ট হইলে অধিক দূর নিয়ের মাটি শুষ্ক হইবার আশঙ্কী আছে, কিন্তু তাহা রোধ করিবার জন্য কর্ষিত ক্ষেত্রের উপরে ভারী চৌকী বা কল দিতে পারিলে মাটি চাপিয়া যায়, তখন বাতাস বা রোদ্র তন্মধ্যে অধিক দূর প্রবেশ করিতে পারে না। শুষ্ক আবাসের জন্য যত ঘন করিয়া কর্ষণ করিতে পারা যায় এবং মাটিকে যত ঝুরা করিতে পারা যায় তাহার প্রতি বিশেষ লক্ষ্য রাখিতে হইবে।

নিম্নতলের কিরূপ পরিচর্যা করিতে হইবে সে সম্বন্ধে

নিম্নতলের
পরিচর্যা

অধিক কিছু বলিবার নাই। উপরিভাগের মৃত্তিকা উল্লিখিত প্রণালীতে কর্ষিত হইলেই নিম্নতলের পরিচর্যা হইয়া থাকে। এতদবস্থায় নিম্নতলই

প্রকৃতপক্ষে আবাদ-ভূমি, উপরিভাগের মৃত্তিকা তাহার আবরণ মাত্র। উপরিতলের মাটি সুকর্ষিত ও নিম্নতল সুচৌরস থাকিলে তাবৎ বৃষ্টির জল ভূগর্ভ মধ্যে শোষিত হয় এবং সেই জল তদুপরিস্থ ফসল ক্রমে ক্রমে আহরণ করিয়া থাকে। শুষ্ক আবাসের সুবিধার্থ ভূমি হইতে বিন্দুমাত্র জলও বহির্গত হইতে দিতে নাই। অস্তভূমি যাহাতে তাবৎ জল শোষণ করিয়া লইতে পারে, সে বিষয়ে দৃষ্টি রাখা আবশ্যিক। ক্ষেত্রে ফসল থাকিতে বৃষ্টি হইলে মাটি বসিয়া ক্রমে ফাটিতে আরম্ভ হয়। একরূপ সংঘটিত হইলে খান্ন গোশূমাদির ক্ষেত্রে বিদে দিবার পদ্ধতি আছে, কিন্তু চারা যখন ছোট থাকে তখনই বিদে দেওয়া হইয়া থাকে, গাছ বড় হইয়া গেলে আর বিদে দেওয়া চলে না, কারণ সে সময় চারা সমূহের দণ্ড বা কাণ্ড অপেক্ষাকৃত দৃঢ় হইয়া যায়, তাহাতে বিদের ভার পড়িলে ও বিদের চালক বা বলদের

শদদলনে অনেক গাছ ভাঙ্গিয়া নষ্ট হইয়া যায়। হাত-বিদে ব্যবহার করিলে তাহা হইতে পারে না। হাত-বিদেকে ইংরাজিতে Rake কহে। হাত-বিদে বড় একটা কাহাকেও ব্যবহার করিতে দেখা যায় না, বাগান-বাগিচার কখন কখন ব্যবহৃত হয়। ফসলপূর্ণ ক্ষেত্রের হাত-বিদে ৫৬ অঙ্গুলির অধিক চওড়া হইলে পরিচালনা কালে বাধা পড়ে। স্থানান্তরে হাত-বিদের (৭ নং) চিত্র দেখুন। মাটি চাপিয়া গেলেই হাত বিদে ব্যবহার করিতে হইবে কারণ তাহা হইলে মাটি বরাবর সরস থাকিবে।

ফসল বিশেষের জন্য বিশেষ নির্দিষ্ট স্থান আছে। কি প্রকার

ভূমিতে কোন কোন ফসলের আবাদ হইতে
 শুক-আবাদের
 ফসল
 পারে, তাহা বুঝিয়া ফসল নিকাচন করিতে হয়।

অল্প রস ভূমিতে যে সকল ফসল থাকিতে পারে, সেই সকল ফসলই শুকনা-আবাদের উপযোগী। রবি ফসল সেই শ্রেণীর উদ্ভিদ। বর্ষাকালের ফসলও অনেক সময় শুকা-আবাদের অন্তর্গত হইয়া পড়ে, সুতরাং সে সময় তাহাদিগকে শুক-ফসলের (Dry crops) জায় পাট পরিচর্যা করিতে হইবে। জমি নিতান্ত নীরস হইলে, তাহাতে শীর্ষমূল উদ্ভিদের আবাদ করা উচিত। কার্পাস, অড়হর প্রভৃতি এই শ্রেণীর গাছ ইহাদিগের মূল প্রথমাবস্থা হইতেই ভূমির গর্ভদেশে প্রবেশ করিতে থাকে, এইজন্য উপরিভাগের রসের জন্য ইহারা বড় অপেক্ষা করে না, কিন্তু তাহা হইলেও উপরিভাগ সরস হইলে যে তাহারা আরও ভাল থাকে, তাহাদিগের বৃদ্ধি অধিক হয়, ফসল অধিক হয়, সে বিষয়ে কোন সন্দেহ নাই। শুক আবাদের

পক্ষে ক্ষু-জীবী, এবং তদপেক্ষা—দীর্ঘজীবী ফসলই সুবিধাজনক। যে উদ্ভিদের যেরূপ পরমায়ু তাহার মূল সেই মত দীর্ঘ হইয়া থাকে। এই ক্ষু-দীর্ঘজীবী সূক্ষ্মগণ মাছুষের সেবাকে তত গ্রাহ্য করে না। শুষ্ক ভূমিতে দীর্ঘকাল স্থায়ী গাছের আবাদ থাকিলে তাহাদিগের পত্র ঝলনে ভূপৃষ্ঠ উদ্ভিজ্জ পদার্থ দ্বারা পরিপুষ্ট হয়, ক্রমে তাহা মৃত্তিকার আবরণ স্বরূপ হয়। ভূপৃষ্ঠ এইরূপে আবৃত হইয়া পড়িলে উপরিভাগের ছিদ্র (Pores) বন্ধ হইতে পায় না, সুতরাং যোগাকর্ষণ দ্বারা ভূগর্ভস্থিত রস ক্রমাগত উপরিভাগে উঠিয়া মূলগণের আয়ত্ব মধ্যে আসিয়া পড়ে।

একবিংশ অধ্যায়

—:—

ভূমির রস শুকাইয়া যাওয়া কৃষকের পক্ষে মঙ্গলজনক নহে, কিন্তু ক্ষেত্রের বার আনা রসই বাতাসে ও রৌদ্রে
 রস-রোধ শুকাইয়া যায় সুতরাং উহা অপচয় হয় বলিতে
 হইবে। প্রয়োজনকালে মাথা কুটিলে এক ফোঁটা জল পাওয়া যায় না, অথচ কৃষকদিগের অনবধানতাবশতঃ প্রত্যেক ক্ষেত্র হইতেই শত শত মণ জল বাষ্পকারে বায়ুমণ্ডলে চলিয়া যাইতেছে, ইহা বড় ক্ষোভের বিষয়। বৎসরের বারমাস বর্ষাকাল নহে,—বর্ষাকালেও প্রতিনিয়ত বৃষ্টি হয় না, অথচ বর্ষাকালেও সামান্ত জ্যেষ্ঠি পাইলেই রস শুকাইতে থাকে, অপর ঋতুতে সারও অধিক শুকায়। এক ইঞ্চি বারিগাত হইলে প্রতি বর্গ

ইঞ্চ ভূমিতে $১\frac{১}{২}$ কাঁচা মাত্র জল পতিত হয়। যে সকল প্রদেশে ৫৭ কিম্বা ১০।১৫ ইঞ্চ বার্ষিক হয়, ত্যাকার জল শুকাইতে কতক্ষণ সময় লাগে? বিগ্রহেরর রৌদ্রে এক ইঞ্চ বা $১\frac{১}{২}$ কাঁচা জল শুকাইতে এক ঘণ্টায় অধিক সময় লাগে কিনা তাহা পাঠকগণ পরীক্ষা করিয়া দেখিতে পাবেন। কেবল রৌদ্র নহে, বাতাসেও যে জল শুকাইয়া যায় ইহা কাহারও অবিদিত নহে। বায়ু ও অক্সিজনের প্রভাবকে প্রতিহত করিবার উদ্দেশ্যে ভূমিকে আবৃত করিয়া রাখিলে ভূমির রস অপচয় হইতে পার না বরং ভূগর্ভস্থ রস ও তৎসম্বন্ধিত সার পদার্থ উপরিভাগে আসিয়া উদ্ভিদকে যোগান দিয়া থাকে। ভূমিকে আবৃত করিবার প্রথাকে Mulching কহে, কিন্তু—

মৃত্তিকার আবরণ কি এক্ষণে তাহাই দেখা যাউক। যে

কোন জিনিষের দ্বারা ভূপৃষ্ঠকে ঢাকিয়া রাখা আবরণ কি?

যায়, তাহাকেই আবরণ বলিতে পারা যায়

কিন্তু এ স্থলে কৃষিকার্যোপযোগী আবরণই আলোচ্য বিষয়।

ভূমি হইতে সর্বদা বাষ্পোদ্গত হইতেছে—ইহা পরীক্ষার জন্ত

অধিক চেষ্টা করিতে হয় না। ক্ষেত্রোপরি কোন স্থানে ইষ্টক,

কাষ্ঠ-খণ্ড বা অপর কোন জিনিষ পড়িয়া থাকিলে দেখা যায়,

তাহার নিম্নভাগ ও তদ্বারা আবৃত ভূমিখণ্ড অল্পাধিক ভিজা

থাকে। ভূমি হইতে যে বাষ্প উঠিতে থাকে, আবরণ হেতু

বায়ুমণ্ডলে মিশিতে না পারিয়া সেই খানেই স্থান প্রাপ্ত হয়।

প্রকৃত পক্ষে বাষ্প কোন স্বতন্ত্র পদার্থ নহে। জলের সূক্ষ্মাদপি-

স্মাংশ—বাষ্পের ব্যষ্টি আকার; উহাদিগের সমষ্টি—বাষ্প, এবং

বাষ্পের ঘনীভূত অবস্থা—জল। এতদ্বারা বুঝিতে পারা যায় যে,



বাষ্পের সহিত জলের কোন প্রভেদ নাই, তবে বাষ্প—বিক্ষিপ্ত, জল—সংক্ষিপ্ত ; বাষ্প—লঘু, জল—গুরু ; বাষ্প—উদ্ভনশীল, জল—পতনশীল। এ সকল জলের বা বাষ্পের অবস্থাভেদ মাত্র। বাহা হউক, মৃত্তিকার আবরণ মৃত্তিকা। ভূমি হইতে আবরণের মৃত্তিকা স্বতন্ত্র থাকে। মৃত্তিকার ঘনীভূত বা জমাট আকারকে জমি মনে করিয়া লইলে, তদুপরিস্থ বুঝা মাটিকে আবরণ বলা হইতে পারে। এ স্থলে উপরিভাগস্থ ২:৪ অঙ্গুলি পুরু বুঝা মাটির স্তরকে নিম্নভাগের মৃত্তিক বলিতে পারা যায়। তাহা হইলে কর্ষিত ক্ষেত্রের উপরিভাগস্থ লঘু ও বুঝা মাটিকে আবরণ বলিতে হইবে। উপরিভাগের মৃত্তিকা বুঝা থাকিলে তন্নিম্নস্থ মৃত্তিকা সরস থাকে। নিম্নতলস্থ মাটিকে সরস ও ক্রিয়ামণ্ডল রাখিবার জন্য ক্ষেত্রে বিদে দেওয়া হয়, কখনও বা খুরপী বা নিড়েন করা হয়। এইরূপে ক্ষেত্রের সরসতা সমভাবে রক্ষা করিতে হইলে ঘন ঘন খুরপী বা নিড়েন করিয়া উপরিভাগের মৃত্তিকাকে সাধামত চূর্ণীত অবস্থায় রাখা উচিত।

মৃত্তিকা ব্যতীত আবরণের অন্যান্য বহু উপাদান আছে।

আবরণের
উপাদান

আবরণার্থ সার ব্যবহার করিলে অপেক্ষাকৃত অধিক উপকার পাওয়া যায়। সার ব্যবহারে প্রথমতঃ আবরণের কার্য্য হয়, দ্বিতীয়তঃ উক্ত সার দ্বারা মৃত্তিকার উর্বরতা বৃদ্ধি হয়। আংশাল ও স্থল উদ্ভিজ্জ পদার্থ, গবাদি পশুর পুরীষ বা তজ্জাতীয় কোন পদার্থ কিম্বা উদ্ভিজ্জ ভয় এতদ্দেশে বিশেষ উপযোগী। এতজ্জাতীয় স্থল সার দ্বারা গাছের গোড়া বা মাটি ঢাকিয়া রাখিলে ছই চারি পয়সা বৃষ্টি

টেলে ও স্থানীয় মাটি তত দৃঢ়রূপে জমাট বাঁধিতে পারে না, ফলতঃ মাটিকে সর্বদা খুরপী করিবার প্রয়োজন হয় না। মাটি দ্বারা মাটি ঢাকিলে কিছু সে ফল পাওয়া যায় না, কারণ একবার জল পড়িলেই নিম্নতলের মৃত্তিকার সহিত উপরে মৃত্তিকা একাগ্নীভূত হইয়া যায়, তন্নিবন্ধন আবৃত্ত ও আবরণের মধ্যে পার্থক্য থাকে না, অগত্যা সত্বরই আবার খুরপী বা নিড়েন করিয়া মাটিকে ঝরা করিতে হয়। বাগানের কার্যে প্রতিনিয়ত খুরপী ব্যবহৃত হয়, কিন্তু যথায় আবরণের ব্যবহা আছে, তথায় এত অধিক বা ঘন ঘন তাহা করিতে হয় না। আমি নিজে আবরণের বড়ই পক্ষপাতী এজন্য উদ্যান কার্যে প্রত্যেক গাছেই আবরণ না দিলে যেন আমার তৃপ্তি হয় না। নীল-দ্বিতী, পাতামার, গোবর-দার—এই তিনটী জিনিষ আমি প্রয়োগ করিয়া থাকি। কৃষিক্ষেত্রে যে ব্যবহার করি না তাহা নহে, তবে ফসল বিশেষ আছে। ঘন-রোপিত ক্ষেত্রে অধিক পরিমাণে সার ছড়াইয়া দিতে হয়। দূরে দূরে যে সকল গাছ রোপিত হয়, তাহাদিগের প্রত্যেকের গোড়ায় 'খালা' বা মাদা বাঁধিয়া সার দ্বারা পূর্ণ করিয়া দিতে হয়। নবরোপিত গাছের পক্ষে উহা বিশেষ আবশ্যিক। মৃত্তিকার মিজাবস্তায় মাটি চালিতে কিম্বা তাহাতে আবরণ দিতে নাই। একরূপ অবস্থার আবরণ দিলে নিম্নস্থ মৃত্তিকার সহিত উহা ঘনভাবে সংলগ্ন হইয়া যায়, সুতরাং তাহাতে উপকার না হইয়া অপকার চইয়া থাকে। 'যো' অবস্থার খুরপী দ্বারা মাটিকে উত্তমরূপে চূর্ণ করিয়া গাছের গোড়ায় মানা করিয়া পরে তাহাতে সার প্রসারিত করিয়া দেওয়া বিধিসঙ্গত। এক অঙ্গুলি হইতে ৩/৪ অঙ্গুলি স্থূল করিয়া সার দিতে পারা যায়।

আবরণ দিবার পর খুরপী করিলে মৃত্তিকার সহিত উহা
 মিশিয়া যায়, মাটির ভিতর অধিক রৌদ্র ও বায়ু
 সতর্কতা প্রবিষ্ট হইয়া থাকে। এতদ্বিবন্ধন মৃত্তিকার
 যোগাকর্ষণ শক্তি ব্যাঘাত প্রাপ্ত হয় এবং ভূগর্ভস্থিত রস সহজে
 উপরিভাগে আসিতে পারে না। ইহার প্রতিবিধানার্থে খুরপীকৃত
 মাটিকে ধীরতা সহকারে উত্তমরূপে চাপিয়া দেওয়া আবশ্যিক।
 মাটিকে এইরূপে চাপিয়া দিলে ভগ্ন ছিদ্রপথ সমূহ পুনঃ সংস্থাপিত
 হয় কিম্বা নূতন ছিদ্রপথের সৃষ্টি হয়, পৃষ্ঠভাগের কূপ (Pores)
 সমূহের আকার সমভাব ধারণ করে। মাটি আন্টা থাকিলে
 ছিদ্রপথ সংস্থাপিত হইতে কালবিলম্ব হয়, তখন উহাকে আপন
 ভারে বা শিশির-বৃষ্টির চাপনে ক্রমে ঘন হইতে হয়। আবরণের
 উপকরণ স্থূল অর্থাৎ খড়, কাঠি, বা ঢেলা সংযুক্ত হইলে এবং
 তাহা মাটির সহিত মিশিয়া গেলে মাটির ঘনতা আরও নষ্ট হয়।
 এজন্য ঈদৃশ মোটা সার না দিয়া ঈষৎ আশাল সার দেওয়া
 উচিত। আবরণ সূত্র হৃদয়ঙ্গম করিতে পারিলে কি কৃষক, কি
 উদ্যানক—সকলেরই বিশেষ উপকার হইবে, কারণ তদ্বারা
 জলসেচনের ব্যয় ও পরিশ্রমের লাঘব হয়,—নিরন্তর খুরপী
 করিবার দায় হইতে অনেক পরিমাণে রক্ষা পাওয়া যায়; তাহা
 বাতীত আবরণ থাকিলে ভূমি ঠাণ্ডা থাকে এবং উদ্ভিদগণ
 সর্বদা সুন্দর হয়।

দ্বাবিংশ অধ্যায়

কৃষকের পরম শত্রু—আগাছা। আগাছাগণ ক্ষেত্রের রস
আগাছা ও সার অপহরণ করিয়া আবাদী ফসলের অভাব
সংঘটিত করে। সচরাচর বহু উদ্ভিদ মাত্রেই
আগাছা নামে অভিহিত কিন্তু কৃষকের নিকট আগাছা শব্দের
অর্থ আরও বিস্তৃত। ক্ষেত্র মধ্যে আবাদী ফসল ভিন্ন যে কোন
শুল্কলতাদি জন্মে, তৎসমুদাই ভূস্বামীর নিকট আগাছা, এবং
বস্তুতঃ তাহাই। ক্ষেত্রে যে ফসল থাকে কিম্বা তাহাতে যে
ফসলের আবাদ হইবে, তাহা ব্যতীত উহাতে যে কোন উদ্ভিদ
জন্মে তাহাকে সংহার করা কৃষকের বিশেষ লক্ষ্য হওয়া
উচিত। কৃষকের ফলে উক্ত শত্রুগণের নিপাত হইয়া থাকে। সত্য
কিন্তু উহাদিগকে নিপাত করা যে কৃষকের অন্ততম উদ্দেশ্য, তাহা
বিশেষরূপে স্মরণ রাখিলে মৃত্তিকা চূর্ণাদির প্রয়োজন না
থাকিলেও ভূকর্ষণ করিতে আগ্রহ জন্মে।

আগাছা যে কেবল ক্ষেত্রের রস ও সার পদার্থ আহরণ
আগাছায করিয়া ক্ষেত্রস্থ উদ্ভিদকে তাহা হইতে বঞ্চিত
শত্রুভাষ করে, তাহা নহে। আগাছার অবস্থান হেতু
আবাদী উদ্ভিদগণের শাখা পল্লবাদি প্রসারিত
হইবার জন্য স্থানের অসকুলান হয়, ভূগর্ভ মধ্যেও তাহাদিগের মূল
সমূহ অবাধে বর্ধিত হইবার সুযোগ পায় না,—আগাছার মূলেই

ভূগর্ভ পূর্ণ হইয়া থাকে। আগাছাগণ স্বভাবগত উদ্ভিদ এবং সবল ও তেজাল, কিন্তু আবাদী উদ্ভিদগণ অপেক্ষাকৃত কোমল-প্রকৃতি। সবলের নিকট দুর্বল চিরদিনই পরাভূত হইয়া আসিতেছে, ইহাতে নূতনত্ব কিছুই নাই। আগাছাগণ ক্ষেত্র মধ্যে অস্বাচিত ভাবে অনধিকার প্রবেশ পূর্বক আবাদী ফসলের আহাৰ্য্য অপহরণ করে,—ভূপৃষ্ঠে ও ভূমধ্যে স্থানাধিকার করে—ক্ষেত্র মধ্যে বায়ু, আলোক ও উত্তাপ প্রবেশের পথ রোধ করে। অতঃপর আগাছাদিগকে বীজ ধারণ করিতে অবসর দিলে সেই বীজ পরিব্যাপ্ত হইয়া ক্ষেত্রে আরও জঙ্গলময় করিয়া তুলে, মৃত্তিকাকে রসহীন করিয়া ফেলে, বায়বান্নি রোধ করিয়া ফসলের বিনাশ সাধন করে, এক কথায়—ফসলকে গলা টিপিয়া মারিয়া ফেলে। জঙ্গল দোঁখবামাত্রই সমূলে উৎপাটিত করা একান্ত কর্তব্য, বিলম্ব করিলে গাছে বীজ জন্মিবে এবং সেই বীজ ছড়াইয়া পড়িয়া বহু দিন, বহু বৎসর পর্য্যন্ত উপদ্রব করিবে। আগাছার বীজ সহজে মরে না; দুই চারি, হইতে পাঁচ সাত বৎসর পর্য্যন্ত মৃত্তিকা মধ্যে গুপ্ত থাকিয়া সুযোগ পাইলেই অঙ্কুরিত হইয়া উঠে। বীজ জন্মিবার আগেই বিনাশ না করিলে প্রতি বৎসরই উহার ঔভ দর্শন দিবে। আগাছা সম্বন্ধে হংরাজিতে একটা প্রবাদ আছে—'One year's seeding, Seven years' weeding.'—ইহার অর্থ এই যে, এক বৎসর বীজ জন্মিতে দিলে বহুকাল ধরিয়া জঙ্গল পরিষ্কার করিতে হয়। উলু, ভেরেণ্ডা, চোর-কাঁটা; শেয়াল-কাঁটা, বন-বেগুন, বন-ওকড়া, চকোর, মুখা, শামা, ছধিরা—এই কয়টা আগাছা এদেশের সর্বত্র দেখা যায়। আবাদী বা নরম জমিতে দুর্কাসন বড় দেখা যায় না। পতিত,

কঠিন, অনাবাদী ক্ষেত্র ও পথিপার্শ্বে ইহারা জন্মিয়া থাকে, সুতরাং দুৰ্কাষাগকে আমরা তত অনিষ্টকর বলিয়া মনে করি না। যাহা হটক, আগাছা মায়েই ফসলের হস্তারক, ক্ষেত্রের অপ-
 হারক, উদ্ভিজ্জগতের দুদাস্ত চোর। বীজ হইবার পূর্বে উহা-
 দিগকে সমূলে বিনষ্ট করা কৃষকের একটা বিশেষ কার্য মধ্য গণ্য
 হওয়া উচিত। উহাদিগকে উৎপাটিত করিয়া বাহিরে ফেলিয়া
 না দিয়া, ক্ষেত্রে থাকিতে দিলে ক্রমে তাহারা বিগলিত হইয়া
 মৃত্তিকার অঙ্গীভূত হইয়া যায় সুতরাং অপহৃত অংশ পুনরায়
 মৃত্তিকার সংযোজিত হয়, মৃত্তিকার উদ্ভিজ্জাংশ বৃদ্ধি পায়।
 বর্ষাকালে ভূকর্ষণ সময়ে কৃষকগণ ক্ষেত্রে তাবৎ আগাছাকেই
 ভূশায়ী করিয়া পচিতে দেয়। ইহাকে 'পচান-চাষ' কহে।
 এতদ্বারা জমি উর্বরা হয়। ক্ষেত্রের উর্বরতার জন্ত হরিৎ-
 সারের (green manure) ব্যবস্থা আছে। এতদ্বপক্ষে কৃষক-
 গণ স্বতন্ত্রভাবে কোন ফসলকে ভূশায়ী করিয়া দেয় না বটে,
 কিন্তু আগাছাদিগকে ভূশায়ী করিয়া দিলে সে উদ্দেশ্য কতকটা
 সূক্ষিত হইয়া থাকে। উৎপাটিত আগাছা ক্ষেত্র মধ্যে স্থান
 পাইলে, তৎপরিগৃহিত পদার্থ নিচয় মৃত্তিকা ফিরিয়া পায়, কিন্তু
 যে রস আহরণ করে তাহা ভূমিতে আর ফেরত আসে না।
 জীবিভাবস্থার উহারা যে রস পরিশোধন করে ততাবৎই বায়ু-
 মণ্ডলকে প্রদান করে, কেবল নিজ নিজ কলেবর রক্ষার্থে বতটুকু
 রসের প্রয়োজন তাহাই ধারণ করিয়া রাখে। অনেক
 স্থলে কৃষকগণ আগাছাদিগকে সংগ্রহ করতঃ ক্ষেত্রের স্থানে
 স্থানে স্তূপাকারে রাখিয়া দেয়, পরে সেই সকল স্তূপ অস্বাধিক
 শুক হইলে, তাহাতে আগুন লাগাইয়া দেয়। সংগৃহিত

আগাছাদিগকে জ্বালাইয়া না দিয়া ক্ষেত্রে পচিতে দিলে সর্বাংশে ভাল হয়। ক্ষেত্র মধ্যে পতিত থাকিয়া বিগলিত হইবার সময় না থাকিলে সচরাচর উহাদিগকে পুড়াইয়া ভয়ে পরিণত করতঃ ক্ষেত্রে প্রসারিত করিয়া দেওয়া হয়। সম্ভাব্য প্রযুক্ত হইলে, আপাততঃ না পুড়াইয়া উহাদিগকে কোন স্থানে বৃহৎ স্তূপ করিয়া রাখিয়া দিলে ক্রমে পচিয়া সুন্দর উদ্ভিজ্জ সারে পরিণত হয়, তখন স্তূপ ভাঙ্গিয়া সমগ্র সারকে ক্ষেত্রময় প্রসারিত করিয়া দিলে ক্ষেত্রের উর্বরতা বৃদ্ধি পায়। আবর্জনা কে ফায়ে পরিণত করিলে তদন্তর্গত সোরাঙ্গান (nitrogen) নামক পদার্থ বিমুক্ত হইয়া কেবল মাত্র স্থূল পদার্থ—পটাস, ফস্ফরিক-গ্যাসিড্, বালুকা, ও অন্যান্য ধাতবীয় পদার্থ অবশিষ্ট থাকে। এসকল পদার্থ যে কোন উপকারে আইসে না তাহা নহে, কিন্তু উদ্ভিজ্জ পদার্থ সর্বাংশে প্রয়োজন। উদ্ভিজ্জের পরিমাণ হ্রাস প্রাপ্ত হইলে ক্ষেত্র নিস্তেজ হইয়া পড়ে। তাহা ব্যতীত উদ্ভিজ্জ (Humus) পদার্থই সোরাঙ্গানের আধার। মৃত্তিকামধ্যে উহা না থাকিলে খাণ্ডভাবে জীবাণু (Germs) বৃদ্ধি পায় না কিন্তু ইহারাই ক্ষেত্রের উর্বরতা রক্ষা ও বৃদ্ধি করিবার প্রধান সহায়। আগাছার অনেক দোষ কীর্ত্তন করিলাম কিন্তু—

আগাছা দ্বারা আমরা প্রভূত উপকার পাইয়া থাকি, তাহা

অস্বীকার করা যায় না। পতিত, অসুন্দর বা

আগাছার বালিপ্রধান আটাল জমিতে আগাছা জন্মিলে

উপকার এবং তাহাদিগকে ভূকর্ষিত করিলে ভূমির উর্ব-

রতা বৃদ্ধি পায়, বেলে মাটি সারাল হয় এবং শোষণ ও ধারণক্ষম

হয়। তাহা ব্যতীত আটাল মাটির আটালতা অস্বাধিক হ্রাস প্রাপ্ত

হয়, মৃত্তিকার রস শোষণের শক্তি বৃদ্ধি পায়, অধিক কি—মৃত্তিকা কোমল ও স্থিতিস্থাপক হয়। মৃত্তিকার প্রকৃতিকে পরিবর্তন করিতে হইলে ক্ষেত্রে আগাছা জন্মিতে দেওয়ার লাভ আছে, কিন্তু অধিক দিন বর্দ্ধিত হইতে না দিয়া কোমলাবস্থাতেই হলচালনা দ্বারা উহাদিগকে ভূশায়ী করিয়া দিতে হইবে—ইহা যেন মনে থাকে। অধিক দিন বর্দ্ধিত হইতে দিলে ভূমির রস কমিয়া যায়। অতিশয় রসা জন্মিতে জঙ্গল জন্মিতে দিলে উহারা মূল দ্বারা ভূমির রস শোষণ করিয়া পত্র দ্বারা বর্জন করতঃ ভূমিকে শীঘ্রই শুকাইয়া দেয়। অতঃপর তাহারা ভূপতিত হইয়া মৃত্তিকার শোষকতা বর্দ্ধিত করিয়া দেয়, তখন আর মৃত্তিকা পূর্ক্ববৎ রসা থাকে না। অতঃপর, আগাছাগণ ভূগর্ভ হইতে নানাবিধ পদার্থ আহরণ করিয়া ভূপৃষ্ঠোপরি আনিয়া দেয়, তদ্বারা পরবর্তী ফসলের বিশেষ উপকার দর্শিয়া থাকে। এ হিসাবে আগাছাদিগকে ফসলের যোগান-দাতা বা মুটে বা অর্ডার সপ্লায়ার বলিলে চলিতে পারে।

উলু ও মুখা ঘাস যত ক্ষতিকর ও ধৈর্যচ্যুতিকর, একরূপ কোন আগাছা বিশেষের আগাছা বিশেষের উপায় নিম্নলিখিত করা বিষয় সমস্তার কথা। ইহা-দিগের বিনাশের একটা সহজ উপায়—ক্ষেত্রে ঘন করিয়া বীজ বপন করা। খালু, মাড়ুয়া, গোধুম, পাট প্রভৃতির গায় ফসল ক্ষেত্রে খুব ঘন করিয়া কুনিলে উক্ত আগাছাগণ অক্লান্ত হইতে পার না। উপর্যুপরি ছই একটা ফসলের এইরূপ ঘন আবাদ হইলে তাহারা বিনাশ প্রাপ্ত হয় কিম্বা উল্ল হইবার সুযোগ পায় না। বাগানের আগাছাদিগকে বিনাশ করিবার—

কেবল খুরপী ভিন্ন অন্য উপায় দেখা যায় না। বাগান-বাগিচার বা সজ্জী-ক্ষেত্রে নিরন্তর খুরপী করা হইয়া থাকে। তদ্বারা বিশেষ উপকার হয় এই যে, মৃত্তিকা সর্বদা বুয়া ও কোমল থাকে। বাগানে সর্বদা খুরপী হয় বলিয়া তথাকার তাবৎ গাছ-পালা তেজাল ও ফলস্তু হয় এবং প্রতিদিন তাহাদিগের জলের প্রয়োজন হয় না। সচরাচর দেখিতে পাওয়া যায়—লোকে গোলাপ-ক্ষেত্রে শীতের প্রারম্ভে কুদালিত করতঃ মৃত্তিকা চূর্ণ করিয়া চৌরস করিয়া দেয় এবং পরে সার ও জল প্রদান করে। ঈদৃশ পরিচর্যার ফলে উদ্ভিদগণ সত্বরই কুসুমিত হয়, কিন্তু অপর সময়ে কেহ উহাদিগের প্রতি দৃষ্টি ও করে না স্তরাং সে সময় গোলাপ-ক্ষেত্রে উপেক্ষিত বা বর্জিত বলিয়া মনে হয়। মধো মধো উক্ত ক্ষেত্রে উত্তমরূপে পূর্ববৎ পাট করিলে বারমাসই উহারা পুষ্প প্রদান করিতে পারে। উদ্ভিদের ফলনের বা পুষ্পের গুণবদ্ধার যে ইতরবিশেষ হয় তাহা ঋতু বিশেষের ক্রিয়া-ফল মাত্র। আর একটা দৃষ্টান্ত বলি—

রাজনগর স্বারভাঙ্গা-মহারাজার 'কলম-বাগ' নামে একটা আম্র-কানন মধ্যে ১৫।১৬ বৎসর বয়ঃক্রমের পাঁচ শত আম্র বৃক্ষ আছে। কলমের আম্র বৃক্ষগণ ১৫।১৬ বৎসর বয়ঃক্রমের ততাল তাহাদিগকে পূর্ণাবস্থা প্রাপ্ত বলিতে হইবে কিন্তু উক্ত উদ্যানে কখন কখন ১০।১৫ বা ২০.২৫টা ফল হইত। বলা বাহুল্য—আম্র কাননটা উলুঘাসে আবৃত, এমন কি দিনমানে তন্মধ্যে প্রবেশ করিতে ভয় হইত। খৃষ্টীয় ১৯০৬ সালের উহা আমার কতৃৎস্বাধীনে আসিলে সমগ্র ভূমিখণ্ডকে আমি উত্তমরূপে কুদালিত ও মৃত্তিক চূর্ণীভ করিয়া দিই। তাহার ফলে পর বৎসর নূনকমে ৫০,০০০

আম্র পাওয়া যায়। সেই অবধি প্রতি বৎসর নিয়মিত পাট হয়,—
প্রতি বৎসর ফল ও পাওয়া যায়। এমন ও ঘটে, কার্য্য বিপাকে
কোন বৎসর যথাবিধি পরিচর্যা হইয়া উঠে না, সে বৎসর ফলনও
যথেষ্ট কমিয়া যায়, ইহা প্রত্যক্ষ দেখিতে পাই। এইজন্য—

বন-জঙ্গলকে জ্বলাইয়া না দিয়া জমিকে কৰ্ষণাধীন রাখা
প্রয়োজন। কেবল যে মাটি তৈয়ার করিবার জন্য কৰ্ষণ করিতে
হয় তাহা নহে, জমির আগাছা বিনাশের জন্য ও উহা বিশেষ
প্রয়োজন। বন জঙ্গল ও আগাছা না জ্বালিলে লোকে যে,
জমির এত অধিক পরিচর্যা করিত, তাহা বিশ্বাস হয় না।

আবাদাধান ভূমি হইতে তৃণোৎপাটন করিবার প্রথাকে

(weeding) কহে। নিষ্কৃণতা শব্দ হইতে
নিষ্কৃণতা

'নিড়ান' শব্দের উৎপত্তি বলিয়া বোধ হয়।

নিষ্কৃণতা দ্বারা আবাদী ক্ষেত্র ও বাগ-বাগিচাকে পরিষ্কার ও
মাটিকে আলাগা করিয়া দেওয়া হয়। উদ্ভিদের পাদদেশে তৃণ
জন্মিত দিলে উহাদিগের আহাৰ্য্য অপস্থত হয়। চাষ-আদাদের
ক্ষেত্রে ফসলের প্রথমাবস্থায় নানা জাতীয় তৃণাদি জন্মে কিন্তু ফসল
কিঞ্চিৎ বাড়িয়া উঠিলে আগাছাগণ আর বড় জন্মিত পাবে না।
বনভাবে গাছ জন্মিলে আওতাৰণতঃ উহাদিগের উদ্গত ও বৃদ্ধিত
হইবার সুবিধা হয় না। ফলের বা ফুলের বাগানে মচরাচর গাছ
পালা অতিশয় ঘন করিয়া রোপণ করা হয় না। ইহাদিগের
পরস্পর মধ্যে যথেষ্ট স্থান থাকে। আম্র, কাঠাল, লিচু, পেয়ারা,
নারিকেল প্রভৃতি ফলোদ্ভিদ পরস্পর-মধ্যে অনেক ব্যবধান থাকে।
পুষ্পাশ্রানে উদ্ভিদের পুঞ্জ-পরস্পর মধ্যেও যথেষ্ট ব্যবধান থাকে।
এই সকল ব্যবহিত স্থানে তৃণ থাকে। এইরূপে ক্ষেত্র বা বাগানের

মধ্যে তৃণ থাকিতে দিলে মাটি ঠাণ্ডা ও সরস থাকে। বলুকা প্রদান ও হালকা মাটিতে যে সকল বাগান রচিত, তথায় তৃণমণ্ডল থাকিলে মাটি সরস থাকে এবং রৌদ্রের উত্তাপে মাটি উত্তপ্ত হইতে পার না, এঁটেল মাটির পৃষ্ঠদেশ নিষ্কৃণিত হইলে ভূপৃষ্ঠ কাটিয়া যায়, মাটি জমাট বাঁধিয়া কঠিন হইয়া পড়ে। ভূপৃষ্ঠ তৃণাচ্ছাদিত থাকিলে এ সকল বিড়ম্বনা ঘটিতে পারে না। অনেকের বাগ-বাগিচা হইতে লোকে ঘাস ছুলিয়া লইয়া যায়, অনেকে চুরী করিয়া লইয়া যায়। বিশেষ আবশ্যক বোধ না করিলে ভূপৃষ্ঠকে তৃণ বর্জিত করিতে নাই। তৃণ অধিক বড় হইয়া উঠিলে মধ্যে মধ্যে কাশ্বে দ্বারা কাটিয়া লইলে চলিতে পারে। উত্তানহু তৃণমণ্ডলের ঘাস কাটিবার জন্য Lawn mower নামক যন্ত্র ব্যবহৃত হয়। গ্রীষ্মকালে প্রচণ্ড রৌদ্রের সময় তৃণহীন ভূমি হইতে যে ঝাঁজ উঠে, তাহাতে উদ্ভিদগণ ক্লেশ পায়। কোমল প্রকৃতি উদ্ভিদ বা চারা গাছ সকল সেই ঝাঁজে বিমর্ষভাব ধারণ করে ও ঝিমাইয়া পড়ে। ভূমি তৃণাচ্ছাদিত থাকিলে মাটি উত্তপ্ত হইতে পারে না। তাহা ব্যতীত তৃণবর্জিত বাষ্প বায়ুমণ্ডলকে অস্বাভিক সরস রাখে সুতরাং তৃণদিগকে উত্তাপ নিবারক বলিতে হইবে।

ত্রয়োবিংশ অধ্যায়

—:~:—

সময়বিশেষে কোন কোন ক্ষেত্রকে 'পড়তি' বা পতিত
 কাৎ-পসল রাখিতে হয়। কোন জমি অনাবাদী অবস্থায় দীর্ঘ
 কাল পতিত থাকিলে তাহাকে 'পতিত' বা

'পড়তি' জমি কহে। বেহার প্রদেশে 'পড়তি' দিবার প্রথাকে 'চৌমাস' কহে। পড়তি দিবার উদ্দেশ্য—ক্ষেত্রকে নির্দিষ্ট কালের জন্য বিশ্রাম দেওয়া। উক্ত অবসর কালে 'চৌমাস' প্রাপ্ত জমি হইতে কোন জিনিষ খরচ হইতে পার না, অধিকন্তু বিরাম হেতু ভূভাগস্থ অগলিত পদার্থ সমূহ বিগলিত হইয়া ভাবী ফসলের বাহরণোপযোগী হইয়া উঠে। উদ্দেশ্য প্রশংসনীয় হইলেও কার্যতঃ উদ্দেশ্যমত ফল হয় না কিহ্ন তাহা উদ্দেশ্যের বা ভূমির দোষ নহে,—কৃষকের বুদ্ধিবার ভুল। ভূমিকে পতিত রাখিলে সকল উদ্দেশ্য সিদ্ধ হওয়া দূরে থাক, ভূস্বামীর অনর্থক ক্ষতি হইয়া থাকে। যে কয়মাস ক্ষেত্র 'পড়তি' অবস্থায় থাকে, সেই কয়মাসের জমির খাজনা কৃষককে বহন করিতে হয়, অথচ ক্ষেত্রও তাদৃশ উর্বরা হইয়া উঠে না। ক্ষেত্রকে কোন মতে একবারে পতিত অবস্থায় ফেলিয়া রাখা উচিত নহে। অনাগর বা অকর্ষিত অবস্থায় পতিত থাকিলে, যে উদ্দেশ্যে 'পড়তি' দেওয়া যায়, তাহা সুসিদ্ধ হয় না। এজন্য তাহাতে কোন না কোন ফসলের আবাদ করা ভাল। এতদুপলক্ষে অল্প দিন স্থায়ী লতিকা জাতীয় লাউ, কুমড়া, শশা, ঝিঙ্গে, ফুটি' কাঁকড়, উচ্ছে, করলা প্রভৃতি তরি-তরকারী উদ্ভিদের কিম্বা মটর, কলাই, নীল শনং প্রভৃতি মাষিক (Leguminosæa) জাতীয় গাছের আবাদ করিলে যাহা কিছু উৎপন্ন হয় তাহাই যথেষ্ট মনে করিলে হইলী উপকার পাওয়া যায় ; ১ম—উল্লিখিত উদ্ভিদগণের পুরাতন পত্র, ফুল প্রভৃতি ভূপতিত হইয়া মৃত্তিকার উদ্ভিজ্জতা বর্ধিত করে ; ২য়,—উদ্ভিদগণ দ্বারা ভূপৃষ্ঠ আবৃত থাকিতে পাওয়ার মাটির রস অধিক শুকাইতে পার না এবং তাহার ফলে

ভূগর্ভস্থ সঞ্চিত পদার্থ সমূহ বিগলিত হইবার সুযোগ পায়। ক্ষেত্রে বিরাম দিবার ছলে এইরূপ আবাদ করা যান বলিয়া উক্ত আবাদমাত ফসলকে 'ফাও-ফসল' (Catch crop) বলা গিয়া থাকে।

অনাবাদ অবস্থায় পতিত থাকিলে ভূমি ক্রমশঃ কঠিন হইয়া পড়ে,—ভূপৃষ্ঠ বিদীর্ণ হইয়া যায়, এতন্নিবন্ধন ভূমিতে যে সকল ফাটল দেখা দেয় তাহাদিগের ভিতর দিয়া ভূগর্ভ মধ্যে সমূহ রৌদ্র ও বাতাস প্রবিষ্ট হইয়া মাটির তাবৎ রস শুকাইয়া দেয়। মাটিতে যথোপযুক্ত রস না থাকিলে তন্মধ্যে নোরাণু (Nitro-bacteria) তিষ্ঠিতে পারে না। সোরাণুর আবির্ভাব ও বংশবৃদ্ধি না হইলে মৃত্তিকাস্তর্গত পদার্থ সমূহের বিশ্লেষণ হয় না, স্থূল পদার্থরাশির অর্থাৎ ভূতগণের কিম্বা উদ্ভিজ্জ পদার্থের কোন শক্তি বা ক্রিয়া বিকাশ প্রাপ্ত হয় না। এতদ্ব্যতীত বারিপাত হইলে তাবৎ জন ফাটলের ভিতর দিয়া ভূগর্ভের অধিকতর নিম্নদেশে গিয়া পড়ে, উপরিস্তরের মৃত্তিকা তদ্বারা কোন উপকার প্রাপ্ত হইতে পারে না। নিম্নস্তরের সহিত উপরিস্তরের ঘনিষ্ঠতা সংস্থাপিত না হইলে রসের পবিক্রমণ ক্রিয়া অবরুদ্ধাবস্থা প্রাপ্ত হয় কিম্বা ক্ষেত্রে যে কোন ফসল বর্তমান থাকিলে মৃত্তিকা বহু পরিমাণে সজীব থাকে।

ক্ষেত্রে উর্ধ্বরা করিবার জন্য যে ফাও-ফসলের আবাদ করিতে হয়, তাহা যেন ভূমির শক্তি-হরণকারী না হয়, তদ্বিষয়ে দৃষ্টি রাখিয়া ফসল নির্বাচন করা উচিত।

ছইটী প্রধান ফসলের মধ্যবর্তী কাল মধ্যে ফাও-ফসলের আবাদ করিতে হয়, সুতরাং ফাও-ফসলকে ক্ষেত্রে অধিক দিন

খাকিতে না দিয়া অন্নদিন মধ্যে সংগ্রহ করিয়া ভূমিতে চাষ দিতে হয়। পরবর্তী ফসলের আবাদ আরম্ভ করিবার অন্ততঃ একমাস পূর্বে ফাও-ফসলকে গৃহীত না করিলে, ফাও-ফসলের পরিত্যক্ত ও অবশিষ্টাংশ মাটিতে সূচাক্রমে মিশিয়া যাইতে পারে না। এই সকল পদার্থ উত্তমরূপে মিশিয়া না গেলে মাটি ফাঁপা থাকে, সূতরাং বায়ুবাতি তন্মধ্যে অবাধে প্রবেশ করিয়া জমির রস শোষণ করিয়া লয়, পরবর্তী ফসলের বীজ উশু হইতে বিলম্ব ঘটে, অসুস্থিত উদ্ভিদগণ রমাভাব হেতু বর্ধিত বা কাড়াল হইতে পারে না, অধিকতর শীর্ণ ও পাংশু বর্ণের হইয়া থাকে।

চতুর্বিংশ অধ্যায়

—:—

সার অথবা মৃত্তিকাস্তর্গত উদ্ভিদের আহারোপযোগী পদার্থই
 উৎপাদিকা শক্তি যে ভূমির উৎপাদিকা শক্তি, তাহা নহে। মৃত্তি-
 কার স্বভাবতঃ যে সকল সার-সকুল পদার্থ থাকে,
 কিম্বা জমিতে যে সার প্রদান করা যায়, উৎপাদিকা-শক্তি
 তাহাদিগের উপর তত নির্ভর করে না। উৎপাদিকা শক্তি
 স্বতন্ত্র জিনিষ। ভূগর্ভস্থ পদার্থ, বায়ুগুণ, সূর্য্য, রস প্রভৃতির
 সহযোগে ভূমির মধ্যে একটা শক্তি (Force) উৎপন্ন হয় এবং
 তাহাই উৎপাদিকা-শক্তি। মৃত্তিকার যে সকল স্থূল বা আঙ্গুল
 জিনিষ (Elementary matters) ও জৈব-পদার্থ থাকে তাহা-
 দিগের প্রত্যেক পরমাণু মধ্যে এক একটা শক্তি প্রচ্ছন্নভাবে

নিষ্কাশিত থাকে। সুযোগ ও অবসর ক্রমে তৎসমুদায়ের বিকাশ হইয়া থাকে। উক্ত প্রকার শক্তিগণকে উদ্দীপিত করিতে পারিলেই উদ্ভিদের অঙ্গসৌষ্টবে ভূমির উর্বরতা পরিলক্ষিত হয়। দ্বিতীয় অধ্যায়ে এ বিষয়ের আলোচনা করা গিয়াছে।

অনেকের একরূপ বিশ্বাস যে, ভূমি ক্রমশঃ নিঃস্ব হইয়া পড়ে, আবার অনেকের একরূপ ধারণা যে, কোন কুঁচু ফসলের আবাদ করিলে ভূমি একবারে নিঃস্ব হইয়া যায় এবং তাহাতে আর কোন ফসলের আবাদ করা চলে না। একথা আবহমানকাল শুনা যাইতেছে, কিন্তু কোন ভূমিকে একবারে নিঃস্ব হইয়া পড়িতে দেখা যায় নাই, কিম্বা এমনও শুনিলাম না যে, অমুক ক্ষেত্র দীর্ঘ কালের আবাদ ফলে নিঃস্বতা প্রাপ্ত হইয়াছে। কৃষকের পিতামহ যে ক্ষেত্রে চাষ-আবাদ করিয়াছে, কৃষকের বাপ খুঁড়াও তাহাতে আবাদ করিয়াছে, কৃষক নিজেও তাহাতে আবাদ করিতেছে, ইহা প্রত্যক্ষ দেখিয়া কেমন করিয়া বলিতে পারি যে, ভূমি চিরদিনের মত নিঃস্ব হইয়া যায় ?

সুগভীর ভূগর্ভ উদ্ভিদের খাদ্য ভাণ্ডার স্বরূপ। উহার

মধ্যে উদ্ভিদের আহাৰ্য্য পদার্থ এত অধিক
ধরিয়া গর্ভ

পরিমাণে অবস্থিত যে, তাহার আর নিঃশেষ হয়

হয় না। ছই দশ বৎসর কিম্বা ছই দশ পুরুষ কাল মধ্যেও যদি ভূমি নিঃস্ব হইয়া পড়া সম্ভব হইত তাহা হইলেও সময় সময় মানব জাতিকে নুহন ও মারবান ভূমির অল্প ছনিরাত্তরে যাইতে হইত এবং নূতন করিয়া তথায় চাষ-বাসের ব্যবস্থা করিতে হইত। এই পৃথিবী মধ্যে মনুষ্য হইতে ক্ষুদ্র কীটাদি পর্যন্ত

জীবকে যখন বাস করিতে হইবে, তখন মধ্যে মধ্যে জমির উৎ-
 পাদিকা-শক্তি ফুরাইয়া গেলে চলিবে কেন? উদ্ভিদ ও জীব—
 এতদুভয় জগতই আহারীয় পদার্থের জন্য একমাত্র ভূমির উপর
 নির্ভর করিয়া আসিতেছে। মৃত্তিকা উদ্ভিদরূপ ধারণ করিয়া
 শত্রাদি প্রসব দ্বারা জীব জগতের আহার যোগাইতেছে, তাহার
 নিনিম্নে জীবগণ ধরিত্রীকে সার প্রদান করিয়া আসিতেছে কিম্বা
 ভুক্ত পদার্থকে রূপান্তরিত করিয়া ভূমিকে প্রত্যর্পণ করিতেছে।
 যে সকল জমিকে আমরা নিতান্ত অনুর্বর বলিয়া উপেক্ষা করিয়া
 থাকি, তাহাতেও রাশিকৃত উদ্ভিদাহার বিদ্যমান রহিয়াছে।
 তাহা বলিয়া এরূপ কেহ বলে না যে, তাবৎ ভূমির উৎপাদিনী
 শক্তি সমান। মৃত্তিকার উপকরণানুসারে ক্ষেত্রবিশেষের
 উৎপাদিকা-শক্তি অল্প বা অধিক হইতে পারে। দেশভেদে,
 স্থানীয় অাশ্রাভেদে, আবাদ প্রণালী ও কর্ষণের প্রক্রিয়াভেদে
 কিম্বা দৈব কারণে ভূমির প্রাকৃতিক অবস্থার অবাস্তুর ঘটয়া
 থাকে। কোন শস্তশালিনী ক্ষেত্রোপরি ঘন একস্তর বালুকা
 সঞ্চিত হইলে, তাহার প্রকৃতি বহু পরিমাণে পরিবর্তিত হইয়া
 যায়। এরূপ পরিবর্তনকে দৈব ভিন্ন অথু কিছু বলিতে পারা
 যায় না। ভীষণ ভূমিকম্পে অনেক সময় ভূমির প্রকৃতি
 সম্পূর্ণরূপে পরিবর্তিত হইয়া যাওয়া সম্ভব। ১৮২৬ খৃষ্টাব্দে যে
 ভয়ানক ভূমিকম্প হইয়াছিল, তাহাতে আমাদের ও পূর্ববঙ্গের
 অনেক স্থানের মৃত্তিকার প্রকৃতি পরিবর্তিত হইয়া যায়। ঈদৃশ
 দৈব ঘটনার উপর মানুষের হাত নাই। দীর্ঘকাল আবাদ ও
 কর্ষণের ফলে মৃত্তিকা দীনাবস্থা প্রাপ্ত হইলে তাহার সংস্কার কর
 কৃষকের আরম্ভ বহির্ভূত নহে।

যে যে কারণে ভূমির উর্বরতা কমে যায়, তাহা সংক্ষেপে
 বিবৃত করিতেছি। অবিরত আবাদ, সম-
 জাতীয় ফসলের পুনঃ পুনঃ আবাদ, চাষের তার-
 তম্য, অনাবৃষ্টি, ভূমির আর্দ্রতা, সারাভাব—

শক্তিক্রয়ের
 কারণ

এই কয়টা কারণে মৃত্তিকার উর্বরতা হ্রাস পাইয়া থাকে।

ক্ষেত্র উর্বরা হইলে তাহাতে বারম্বার ফসল উৎপন্ন করিবার
 প্রবৃত্তি হইয়া থাকে। যে সকল স্থানে জলাশয়
 অবিরত আবাদ আছে তথাকার কৃষকগণ সেই জলাশয় হইতে জল
 লইয়া ক্ষেত্রে সেচন করিয়া থাকে। এ সকল সুবিধা না থাকিলে
 এত অধিক বার আবাদ হইতে পারিত না। সকল ক্ষেত্রের
 পক্ষেই দুইটি ফসল প্রশস্ত। সবৎসর মধ্যে দুইটি ভাঙই কিম্বা
 আমন ও রবি—এই দুইটি ফসলের আবাদ হইলে জমিকে পীড়ন
 কম হয় না কিন্তু তিনটি ফসলের আবাদ করিলে ক্ষেত্র আদৌ
 বিশ্রাম পায় না। ফসল পরস্পরের মধ্যবর্তী কাল মধ্যে কিকিঞ্চ
 ব্যবধান থাকিলে কর্ষণাদি পূর্বাঙ্গিক কার্যকাল দীর্ঘ হয়, তন্নি-
 বন্ধন রৌদ্র, বায়ু ও শিথিলাদি সংযোগে মৃত্তিকা মধুর হয়।
 এক ফসল সংগৃহিত হইবার পর অব্যবহিতকাল মধ্যে ক্ষেত্রের
 কর্ষণাদি কার্য সমাধা করিয়া অপর ফসলের সূত্রপাত করিলে
 মৃত্তিকা অধিক দিন উহাদিগের সংস্পর্শে থাকিতে পায় না।
 সুতরাং ভূগর্ভস্থিত আবদ্ধ উত্তাপাদিও বহির্গত হইবার এবং
 বায়ুমণ্ডল হইতে মৃত্তিকা টাটকা সামগ্রী আহরণ করিবার
 যথেষ্ট অবসর পায় না। কেবল তাহাই নহে। সকল উদ্ভিদের
 মূলে এক প্রকার অম্ল (acid) থাকিতে দেখা যায়। উক্ত অম্ল
 দ্বারা মূলগণ মৃত্তিকাস্তর্গত পদার্থ সমূহকে পরিশোধন করিবার

পূর্বে পরিপাক করিয়া লয়। ক্ষেত্র হইতে ফসল উঠিয়া গেলেও উক্ত অল্প মৃত্তিকামধ্যে অল্পাধিক কাল বর্তমান থাকে, কিন্তু সে অল্প পরবর্তী ফসলের পক্ষে কুচিকর নহে, এইজন্য সেই অল্পমহলিত মৃত্তিকায় পরবর্তী ফসল ভাল থাকিতে পারে না। অতঃপর ইহাও দেখা যায়—নূতন ক্ষেত্রে আবাদ করিলে প্রথম ২।১ বৎসর তাহার যেক্রম ফলন হয়, তাহার পর সেক্রম হয় না। এতদ্বারা সহজেই বুঝিতে পারা যায় যে, উর্বরতার একটা সীমা আছে, সেই সীমায় পৌঁছিলে উর্বরতার হ্রাস বৃদ্ধি কিছু বুঝিতে পারা যায় না। এই অবস্থাকে ক্ষেত্রের স্বাভাবিক অবস্থা বলিয়া মনে করা যাঠিতে পারে। ক্ষেত্রের শক্তিকে পীড়ন করিলে কোন ফল নাই সুতরাং ক্ষেত্রের শক্তি অনুসারে তাহাতে আবাদ করিতে হইবে। অবিরক্ত আবাদ করিলে ক্ষেত্র শক্তিহীন হইয়া পড়ে এবং তজ্জাত উদ্ভিদ শীর্ণ ও শ্রীকষ্ট হইয়া পড়ে। এরূপ স্থলে ক্ষেত্রে কোন কাও-সালের আবাদ করা উচিত। শক্তিহীন হইবার অন্য কারণ—

সমশ্রেণীস্থ ফসলের পুনঃ পুনঃ আবাদ হওয়া। ধাতু, গোধূম,

মাড়ুয়া, ভুট্টা, কাওন প্রভৃতি তৃণ মদূশ উদ্ভিদগণ
সমজাতীয় উদ্ভিদ সম্বন্ধে। ইহাদিগের আবাদের পর দাল,

কলাই প্রভৃতি প্রজাপতিপুষ্পক (Papilionaceæ) উদ্ভিদের

আবাদ করা প্রশস্ত। অনেক স্থলে এরূপ দেখা যায় যে, ধাতু,

মাড়ুয়া, কাওন প্রভৃতি বর্ষাকালের ফসল সংগৃহিত হইবার পর

গোধূমের আবাদ হয়, কিন্তু তাহা ক্ষেত্রের ক্ষতিকর এবং পর্যায়

পদ্ধতির অননুমোদিত। কোন ফসলের পর কোন ফসল বুঝিতে

হয়—স্থানীয় কৃষকগণ তাহা সর্বিশেষ বুঝে, সুতরাং এ সম্বন্ধে

তাহাদিগের প্রণালী অবলম্বন করা উচিত। সকল জেলার পর্যায়-প্রণালী সমান নহে, একত্র পর্যায়ের নিয়ম এস্থলে দেওয়া গেল না। স্বর্গীয় নিতা গোপাল মুখোপাধ্যায় মহাশয়ের Hand Book of Indian Agriculture নামক পুস্তকে তাহা বিশেষ রূপে আলোচিত হইয়াছে।

মৃত্তিকা সারবান হইলেও অনাবৃষ্টি হেতু উদ্ভিদগণ বর্ধিত হইতে পারে না। মাটিতে সমুচিত রস না থাকিলে তদন্তর্গত পদার্থ সমূহ বিগলিত হইতে পারে না, বিগলিত পদার্থ ও রসাত্তাব বা রসালতা হেতু উদ্ভিদ মধ্যে প্রবিষ্ট হইতে পারে না। কৃত্রিম উপায়ে জলসেচন করিতে পারিলে স্বভাবতঃ নিতান্ত অনুর্বর ভূমিতেও উৎপাদিকা শক্তির বিকাশ হইয়া থাকে। একদিকে যেরূপ রসাত্তাব প্রযুক্ত উৎপাদিকা-শক্তি প্রচ্ছন্ন থাকে, অন্য দিকে—

ভূমি অতিশয় আর্দ্র থাকিলে ধান্যাদি জলজ উদ্ভিদ ভিন্ন কোন উদ্ভিদ তাহাতে আরাম পায় না। রসাত্তাব জমির আর্দ্রতা উত্তাপ স্বভাবতঃ কম বলিয়া তজ্জাত উদ্ভিদের স্বাস্থ্যহানি হইয়া থাকে, একত্র সঞ্চিত জল নিকাশের ব্যবস্থা না করিলে তাহাতে বারোমাস মুশৃঙ্খলে আবাদ করা চলে না। অতঃপর—

বারম্বার আবাদহেতু উৎপাদিকা শক্তি হ্রাস পাইলে সার প্রয়োগ দ্বারা ভূমির অভাব পূরণ করিয়া দিতে হয়। মৃত্তিকায় স্বভাবতঃ মথেষ্ট সার বিদ্যমান থাকিলেও সার প্রদান করিলে ফসলে সহরই তাহার ক্রিয়া দেখিতে পাওয়া যায়। কৃষকগণ সার প্রদান করিতে পারে না বলিয়া ফসলের

ফলন এত অধিক হ্রাস পাইতেছে। ক্ষেত্রে যত সার থাকুক, প্রতি ফসলের সহিত তাহার সারাংশ যে অস্বাভাবিক পরিমাণে ক্ষেত্র হইতে বহির্গত হইয়া যায়, সে বিষয়ে কোন সংশয় নাই। ক্ষেত্রে সার দিলে ভূমির স্বাভাবিক শক্তি অক্ষুণ্ণ থাকে।

পঞ্চবিংশ অধ্যায়

ভূগর্ভ মধ্যে উৎপাদিকা-শক্তি অতি প্রচুরভাবে অবস্থান করে। উহাকে উদ্ভোপিত করিতে পারিলেই চাষ ও উর্বরতা ভূমির উর্বরতা দৃষ্টিগোচর হয়। সচরাচর আমরা দেখিতে পাই—একই প্রণালীতে ক্ষেত্র কর্ষিত হইয়া থাকে। প্রচলিতভাবে সকল লাঙ্গল দেখা যায় তদ্বারা কেবল ভাসা-চাষ (Shallow ploughing) হইয়া থাকে। সকল সময় একই ভাবে ক্ষেত্র কর্ষিত হইলে মনোরমত বা আশানুরূপ ফল পাওয়া যায় না। এক ফসলের জন্য ভাসা-চাষ, পরবর্তী ফসলের জন্য গভীর-চাষ (deep-ploughing) দিলে সম্যক উপকার পাওয়া যায়। অবিরাম ভাসা-চাষ দিলে উপরিভাগের মাটি হইতে উদ্ভিদের আহাৰ্য্য পদার্থ ক্রমশঃ হ্রাস প্রাপ্ত হয়, কিন্তু গভীর-চাষ দ্বারা উপরিভাগের আপাত নিঃস্ব মৃত্তিকাকে উল্টাইয়া নিম্নদিকে, এবং নিম্নাংশের সারবান মৃত্তিকাকে উপরিভাগে আনিতে পারা যায়। উপরিভাগের মাটি হইতে ক্রমশঃ সার পদার্থ কমিয়া যায়, কিন্তু তাহা হইলেও উহাতে অর্জাৰ্ণবহার যাহা বর্তমান থাকে

তাহা নিম্নদেশে গিয়া ক্রমে বিগলিত হইয়া ভবিষ্যতে উদ্ভিদের ব্যবহারোপযোগী হইয়া উঠে। তাহা বাতীত উপরিভাগস্থ মাটির ভিতর দিয়া যে সকল সার পদার্থ চুয়াইয়া নিম্নে নাগিয়া যায় তাহাও তথায় গিয়া সঞ্চিত হয়। এইজন্য উত্তম স্তরের মাটিকে উলট-পালট করিয়া রাখিতে পারিলে তত নিঃসৃত কখনই উপলব্ধি হয় না। মৃত্তিকাকে সর্বদা জীবন্ত রাখিবার জন্য ইহা একটা প্রধান উপায়। এতদুপলক্ষে Leslie Co'র 'Hindustan Plough' বিশেষ ফলপ্রদ। এ গরীব দেশে কৃষকগণকে এ পরামর্শ দিতে ইচ্ছা হয় না। ছই তিন টাকা মূল্যের দেনী লাঙ্গল—তাহাই কৃষকগণ মেরামত করিয়া উঠিতে পারে না,—ভাল বলদ রাখিতে পারে না, বলদকে পূর্ণ আহার দিতে পারে না, তখন তাহারা কিরূপে লেসলি কোম্পানীর ১২।১৩, টাকা দামের লাঙ্গল কিনিবে? আর সে লাঙ্গল টানিবার জন্য বৃহৎ ও বলিষ্ঠ বলদই বা কোথায় পাইবে? বিত্তসম্পন্ন ব্যক্তিদিগের পক্ষে উন্নত লাঙ্গল ব্যবহার করাই শ্রেয়। উন্নত লাঙ্গল ব্যবহার করায় বিশেষ লাভ এই যে—

কর্ষণকালে মাটি একেবারে উন্টাটয়া যায়,—মাটি গভীররূপে

কর্ষিত হয়, ফলতঃ তজ্জাত তৃণ ও আগাছা সমূহ
সমূলে উৎপাটিত হইয়া মাটির নিম্নে গিয়া পড়ে—

ক্ষেত্রে শীঘ্র ও অধিক জঙ্গল জন্মিতে পার না,—গৃহস্তের নিচুই-
বার খরচও অনেক কমিয়া যায়। উপরন্তু উৎপাটিত তৃণাদি
বিগলিত হইয়া ক্রমে উদ্ভিদের খাদ্যে পরিণত হয়, মৃত্তিকা সারবান
হয়। সাধারণ আবাদের মাটি ছয় অঙ্গুলি গভীর হইলেই যথেষ্ট।
এক বিস্তৃতি মাটিকে উত্তমাবহার রাখিতে পারিলেই সকল কাজ

গণিতে পারে। উপরিভাগের এই এক বিস্তৃতি মাটিতে যে কত সার পদার্থ সঞ্চিত হইয়া রহিয়াছে তাহার ঠিকানা নাই, তবে মোটামুটি হিসাবে দেখা যায় যে, প্রতি বিঘার আট ইঞ্চ মৃত্তিকা মধ্যে প্রায় ৫০ মণ যবক্ষারজান, ৮৫ মণ ফস্ফরিক স্যাসিড, এবং ২৫০ মণ পটাস থাকে। যে সকল জমির আট ইঞ্চ মাটির মধ্যে প্রতি বিঘায় উল্লিখিত পরিমাণ যবক্ষারজান, ফস্ফরিক স্যাসিড, ও পটাস থাকে, তাহা অতি নিকৃষ্ট জমির মধ্যে গণ্য, কিন্তু উৎকৃষ্ট অর্থাৎ সারবান জমিতে ৭৫ মণ যবক্ষারজান, ১২৫ মণ ফস্ফরিক স্যাসিড্ এবং ৬২৫ মণ পটাস থাকা অসম্ভব নহে। উৎকৃষ্ট জমির কথা আপাততঃ ছাড়িয়া দিয়া নিকৃষ্ট জমির বিষয় অনুসন্ধান করিলেও দেখিতে পাই যে, তাহাতে বিবিধ ও বহু সার সঞ্চিত হইয়া রহিয়াছে। সেই সঞ্চিত সারকে কার্যোপযোগী করিয়া লওয়া ও কার্যে নিয়োজিত করাই বিচক্ষণ ব্যক্তির কার্য। জমিতে সার নাই, জমি নিঃস্ব, —একপ কথা যাহারা প্রচার করেন তাঁহারা কৃষি বিষয়ের কোন কথা বলিবার যোগ্যই নহেন— তাঁহাদিগের কথার কোন মূল্যই নাই। স্বভাবতঃ মৃত্তিকা মধ্যে এত সামান্য পরিমাণ সার বর্তমান থাকিলেও ক্ষেত্রে সার প্রদান করিবার তত আবশ্যকতা পরিদৃষ্ট হয় না। এইজন্য পূর্বেই বলিয়াছি যে, মৃত্তিকার উপাদান ও চূর্ণতার উপরে উর্বরতা যত নির্ভর করে, সারের উপর তত নহে। নিকৃষ্ট জমিতে সার সংযোজিত হইলে উৎপাদিনী শক্তি যে বৃদ্ধি পায় তাহা অল্প স্বীকার করিতে হইবে। আমাদের চাষীগণ ক্ষেত্রে সার প্রদান করিতে অক্ষম, এজন্য মৃত্তিকা মধ্যে স্বভাবতঃ যে সার সংগৃহীতাবস্থায় অব্যবহৃত হইয়া রহিয়াছে, তাহাই বাহাতে

ফসলের কাজে লাগে, সে জন্ত সচেষ্ট হওয়া একান্ত কর্তব্য।
সুর্কষণ দ্বারা আমাদিগের সে উদ্দেশ্য সফল হইয়া থাকে।

কার্পাস বা অড়হরের জ্বর দীর্ঘকাল স্থায়ী যে সকল গাছের
মূল ভূগর্ভ মধ্যে তিন ফুটেরও অধিক নিম্নে প্রবেশ করিয়া থাকে,
তাহারা উল্লিখিত আট ইঞ্চি অতিক্রম করিয়া নিম্নদিকে প্রবেশ করি-
লেও তথায় তদনুরূপ পোষণোপযোগী পদার্থ প্রায় সমপরিমাণেই
পাইয়া থাকে, কারণ নিম্নস্তরেও সার পদার্থের অভাব নাই।

ভূমিতে যত উদ্ভিদ-খাত্ত বিদ্যমান থাকে তৎসমুদায়ই যে নিরন্তর
ব্যবহারোপযোগী হইয়া আছে, তাহা নহে। আবাদী
খরচ ও যোগান ক্ষেত্রের সার এক দিকে যেমন ব্যয় হইতে থাকে,
অন্যদিকে তেমনি অজীর্ণ পদার্থ দ্রবীভূত হইয়া ক্রমশঃ ব্যবহারো-
পযোগী হইতে থাকে। তাবৎ সারাংশ সর্বদা উদ্ভিদের
আহরণোপযোগী হইয়া থাকিলে তাবৎ ক্ষেত্রেই অবিশ্রান্তভাবে
আবাদ করা চলিত, তাহার ফলে—কালক্রমে বা অল্পদিন মধ্যেই
জমি একবারেই নিঃস্ব হইয়া পড়িত। ক্ষেত্র হইতে কোন ফসল
সংগৃহিত হইবার অব্যবহিত পরেই কোন ফসল আরম্ভ করিলে
প্রথমাবস্থায় তাহার বৃদ্ধি তত ত্বরিত হয় না; ক্রমে যত দিন
যায় তত তাহারা পুষ্টি লাভ করিতে থাকে, তত তাহাদিগের বৃদ্ধি
ত্বরিত হয়। অনুধাবন করিলে সহজেই ইহার কারণ খুঁজিয়া
পাওয়া যায়। সত্ত্ব ব্যবহারোপযোগী সার পদার্থ পূর্ব ফসল
দ্বারা আহরিত হইয়া যাওয়ায় মৃত্তিকার হয়ত আপাততঃ কোন
কোন পদার্থের অভাব থাকে কিন্তু ক্রমে ক্রমে জল, বায়ু, শিশির,
'ও রৌদ্রের প্রভাবে সেই সকল পদার্থ অবিভাজ্য পরমাণুতে
পরিণত হইয়া উদ্ভিদের ব্যবহারে আনিবার উপযোগী হয়।

একই ক্ষেত্রে উপর্যুপরি দুই চারিবার আবাদ হইলে মৃত্তিকার উৎপাদিকা শক্তি কিয়দিনের জন্ত স্থিতিশীল হইয়া পড়ে। এতদ্বারা ইহা মনে করা ভুল যে, ভূমি সারহীন হইয়া পড়িয়াছে। সার থাকিতেও কখন কখন ভূমির এরূপ অবস্থা হইয়া থাকে, তাহার কারণ এই যে, মৃত্তিকাস্তর্গত পদার্থ নিচয় হয়ত আপাততঃ উদ্ভিদের ব্যবহারোপযোগী নহে, কিম্বা হয়ত সে সকল পদার্থ এখনও উদ্ভিদের আহারণোপযোগী হয় নাই। মৃত্তিকাস্তর্গত স্থূল পদার্থ অনুরূপের আকারে পরিণত হইয়া রসের সহিত একবারে উত্তমরূপে মিশিয়া না গেলে উদ্ভিদগণের মূল কোন পদার্থকে আহরণ করিতে পারে না। সকল স্থূল পদার্থেরই একটা সূক্ষ্মাদিসূক্ষ্ম অবস্থা আছে। সেই অবস্থায় উহারা পরিণত হইলে উদ্ভিদের মূল তাহা গ্রহণে সমর্থ হয় কিন্তু ইহা নির্ণয় করা যায় না যে, উক্ত পদার্থ নিচয়ের কত পরিমাণ আপাততঃ ব্যবহারে আসিবার উপযোগী। রসায়নবিদগণ আজও পর্য্যন্ত ইহার কিছু মীমাংসা করিয়া উঠিতে পারেন নাই। তবে আমরা সহজ বুদ্ধিতে বুঝিতে পারি যে, কোন জমি ফসল গ্রহণের উপযোগী—আর কোন জমি নহে। ক্ষেত্র হইতে ফসল সংগৃহীত হইবার পর যে কোন ফসলের আবাদ করা যায়, তাহার অক্ষরণ, বৃদ্ধি প্রভৃতির ঋতিক দেখিয়া বুঝিতে পারি যে, মৃত্তিকার বর্তমান অবস্থা কিরূপ। উক্ত ক্ষেত্রে শেব ফসলের শ্রীবৃদ্ধি না হইলে বুঝিতে হইবে যে, মৃত্তিকা তখনও উদ্ভিদের উপযোগী হয় নাই। যতই নিম্নে জমি হউক, তাহাতে উদ্ভিদকে জন্মিতেই হইবে। জন্মিয়া সূচাক্রমে বর্ধিত হওয়া ও ফসল প্রদান করা উদ্ভিদের ধর্ম। গাছ জন্মিল কিম্বা তাহা বাড়িল না, ফল ফুল প্রদান করিল না

কিবা যাহা প্রদান করিল তাহা অকিঞ্চিৎকর। স্তূদ্র আবাদে অর্থ নষ্ট ও শ্রম পণ্ড হয়।

বাঁজা (Barren) জমির কথা স্বতন্ত্র। বাঁজা জমিতে যে

কোন উদ্ভিদ জন্মে না, তাহার কারণ মৃত্তিকাস্তর্গত
বাঁজা-ভূমি উপাদান ভেদ, বিশেষ বিশেষ উপাদানের অভাব

বা সমধিক প্রাচুর্য্যতা, মৃত্তিকার শোষকতা ও ধারকতার অভাব, উদ্ভিদজীবনের বিনাশকারী পদার্থের অবস্থান ইত্যাদি। উষ্ম বা লোনা জমি, মরুভূমি, বোদ মাটি প্রভৃতি বাঁজা শ্রেণীর অন্তর্ভুক্ত।

ষড়বিংশ অধ্যায়

—:—

উদ্ভিদগণ ভূমির উর্বরতা নির্ণয়ের যন্ত্র স্বরূপ। উদ্ভিদের অবস্থা

উর্বরতার লক্ষণ দেখিলেই ভূমি উর্বরা কি না তাহা সহজেই বুঝিতে পারা যায়। শাখা প্রশাখার স্থূলতা ও রসালতা, পত্রাধিক্য, পত্রের পূর্ণতা ও বর্ণের ঘনতা দেখিলে উদ্ভিদ যে সবল ও সুস্থকার তাহা বুঝিতে পারি। যে ক্ষেত্রে উদ্ভিদে এই সকল লক্ষণ দেখিতে পাওয়া যায়, তাহার মৃত্তিকা সারবান। সার নিঃশেষিত বা অল্প সার ভূমির উদ্ভিদগণ শীর্ণ, বিবর্ণ, পত্রাঙ্গ বা পত্রহীন হইয়া থাকে। সারবান ভূমির উদ্ভিদ তেজস্বাল হইয়া থাকে। অনেক স্থলে সারবান ক্ষেত্রের উদ্ভিদকে নিঃস্ব ক্ষেত্রস্বত উদ্ভিদের সার হইতে দেখা যায়। অনেকে প্রকৃত কারণ নির্ণয়

করিতে না পারিয়া ভূমির দোষ দিয়া থাকেন। মৃত্তিকার যথোচিত পরিচর্যা না হইলে কিম্বা মৃত্তিকা নীরস হইলে ভূগর্ভস্থ সার দ্বারা উদ্ভিদের কোন উপকার হয় না। মৃত্তিকার শক্তি উর্ধ্বরতা হইতে স্বতন্ত্র জিনিস। উর্ধ্বরতার আধার—ভূগর্ভস্থ সার পদার্থ। ইহা দ্বারা উদ্ভিগণের আহাৰ্য্যের সংস্থান হয়। ইহা-দিগের সমাবেশ ও পরিচর্যা গুণে মৃত্তিকার উৎপাদিকা শক্তির আবির্ভাব হয়।

ভূমিতে উদ্ভিদ্ধ পদার্থের অভাব হইলে মৃত্তিকার উর্ধ্বরতা হ্রাস পাইয়া থাকে। সেই অভাব দূর করিবার জন্ত সময় সময় ক্ষেত্রে ফাও-ফসলের আবাদ করা উচিত। ষড়বিংশ অধ্যায়ে 'ফাও-ফসল' আলোচিত হইয়াছে। ভূমিতে রাশিকৃত উদ্ভিদের আহাৰ্য্য পদার্থ বর্তমান থাকিতেও মাটি কঠিন হইয়া গেলে তাহাতে কোন উদ্ভিদ ভাল থাকিতে পারে না। মূল দ্বারা উদ্ভিদগণ আহাৰ্য্য আহরণ করে, মৃত্তিকা কঠিন থাকিলে মূলের সংখ্যা বৃদ্ধি পাওয়া দূরের কথা, যে সকল ইতঃপূর্বে জন্মিয়াছে, তাহারাও বিসৃত হইতে না পারিয়া নির্দিষ্ট স্থান মধ্যে অছুরিত হইয়া অবস্থান করে। ভূমির পৃষ্ঠদেশ কর্ষিত থাকিলে তাহাতে উদ্ভিদ জন্মিতে পারে কিন্তু তাদৃশ বৃদ্ধিশীল হইতে পারে না। নিম্নতলের (Sub-soil) সহিত উপরিতলের ঘন সংস্ক থাকিলে উদ্ভিদের মূল—সংখ্যায় ও দীর্ঘে বর্দ্ধিত হইয়া—যথাবশত রস এবং সেই সঙ্গে আহাৰ্য্য শোষণ করিতে সমর্থ হয়। উত্তর তলের এইরূপ সংস্ক রাখিতে হইলে মৃত্তিকার যথেষ্ট পরিমাণ উদ্ভিদ্ধ পদার্থ থাকা একান্ত প্রয়োজন। উদ্ভিদ্ধ পদার্থ দ্বারা মৃত্তিকা স্থিতিস্থাপক, কোমল ও রসাল হয়, উপরত রস ও উত্তাপ

শোষণ ও ধারণ করিতে সক্ষম হয়। এতদ্ব্যতীত উদ্ভিদের পদার্থ হইতে মৃত্তিকার সোরাঙ্গানের সংস্থান হয়, তন্নিবন্ধন সোরাঙ্গানের বংশ বৃদ্ধি হইয়া ভূমিতে সোরাঙ্গান সঞ্চিত হইবার সুবিধা করিয়া দেয়। অনন্তর মৃত্তিকা উত্তম সরসাবস্থায় থাকিলে উদ্ভিদগণ যথেষ্ট রস আহরণ করিতে সমর্থ হয়, সুতরাং আহাৰ্য্য পদার্থও যথেষ্ট পরিমাণে উদ্ভিদ শরীরে প্রবেশ লাভ করে। বর্ষাকালে যে উদ্ভিদের এত বৃদ্ধি হয় তাহার অগ্রতম কারণ— রস-প্রাচুর্য্য। অপর ঋতুতে ক্ষেত্রে জলসেচন করিবার নিয়ম আছে। এ সময়ে যে ভূমিতে জলসেচিত হয়, তজ্জাত উদ্ভিদ উল্লিখিত কারণেই বৃদ্ধিশীল হয়। উদ্ভিদ যদি কেবল জলই আহরণ করে, তাহা হইলে উহার অঙ্গ সোষ্টব কখনও দৃঢ় হইতে পারে না। কেবল রসে গাছ বাড়ে না। উদ্ভিদের যে স্থল শরীর তাহা স্থল পদার্থেরই সমাবেশ মাত্র কিন্তু ভিন্নরূপে প্রকাশিত। উদ্ভিদমূল যে রস আহরণ করে তাহা গাছের হরিতাংশ দিয়া বহির্গত হইয়া বাইতেছে। সমুদায় রস বহির্গত হইয়া গেলে গাছের মৃত্যু অবশ্যস্তাবী। কেবলমাত্র জলে—কি উদ্ভিদ, কি জীব—কেহই অধিক দিন বাঁচিয়া থাকিতে পারে না, অধিকন্তু স্থল ও পুষ্টিকর পদার্থের অভাবে অঙ্গ-সোষ্টবের বৃদ্ধি রুদ্ধ হইয়া যায় এবং ক্রমেই ক্ষয় প্রাপ্ত হইয়া অবশেষে কালগ্রাসে পতিত হয়। ইহাই হইল জগতের সাধারণ নিয়ম।

নিম্নবঙ্গ ভিজা দেশ বলিয়া 'সুজলা সুফলা শস্য শ্রাবলা'।

পশ্চিম বঙ্গ, রাঢ় দেশ, বেহার, বুরু-প্রদেশ
বারিকুচ্ছতা

প্রভৃতির মাটি সারসমৃদ্ধ হইলেও বারিপাতের
অল্পতা হেতু ভূগর্ভস্থ সার পদার্থ অতি অল্পই ব্যবহারিক কার্য্যে

আসে। বারিক্কে দেশে জলসেচনের সুবন্দোবস্ত থাকিলে দেশে কি অজন্মা হয়, না প্রতিনিয়ত দুর্ভিক্ষ হয়? দুর্ভিক্ষের কারণ নির্ণয় করিতে গিয়া অনেকে অনেক কারণ নির্দেশ করিয়াছেন, কিন্তু আমার—মনে হয় কেন—বিশ্বাস যে, ভূমির উৎপাদিকা শক্তি, যাহাতে কার্যকরী হইতে পারে তাহার চেষ্টা করিলে দেশ রক্ষা পায়। পঞ্জাব ও মুরুপ্রদেশে নানা দিকে খাল খনন করিয়া দেওয়ার সহস্র সহস্র বিঘা ভূমি আবাদোপযোগী হইয়াছে,—কত লক্ষা লক্ষা নরনারী,—সেই সঙ্গে কত লক্ষ লক্ষ গৃহপালিত পশু,—প্রতিপালিত হইতেছে! মৃত্তিকার রসের পরিমাণ জ্ঞাত হইতে পারিলে তাহার উৎপাদিকা শক্তির পরিমাণ বুঝিতে বিলম্ব হয় না। মৃত্তিকা মদ্যে লক্ষ লক্ষ মণ সার পদার্থ থাকিতে যদি তাহা রসহীন হয় তাহা হইলে সে জমি মরুভূমির স্তায় অকর্মণ্য,—সে জমি সংসারের কোন কাজেই আসে না।

ইতঃপূর্বেই বলিয়াছি যে, সিল্ক ও উত্তাপহীন জমিও সাধারণ কৃষিকার্যের পক্ষে বিশেষ উপযোগী নহে। উষ্ণ ও শুষ্ক জমিতে রসাত্মক বা রসের অল্পতা হেতু যে রূপ মৃত্তিকার উর্বরতা প্রকল্প থাকে, সিল্ক ও শৈত্য ভূমিতে ও সেই নিয়ম প্রদৃশ ভূমিকে কার্যোপযোগী করিয়া লইতে হইলে পরঃপ্রণালীর ব্যবস্থা করা বিশেষ প্রয়োজন। অতঃপর বর্তমান কোন ফসলে হরিৎসারে পরিণত করিতে পারিলে এ বিষয়ে অনেক সহায়তা হয় কারণ এতদ্বারা ভূমির সিল্কতা অনেক কমিয়া যায়, ভূগর্ভস্থ সার পদার্থ উদ্ভিদের ব্যবহারোপযোগী হইবার সুযোগ পায়। তাবৎ আবাদী কেত্রই প্রভূত সার পদার্থে পূর্ণ, কিন্তু উদ্ভিদগণ তাহার যৎসামান্য অংশই আহরণ করিয়া থাকে সুতরাং জমিতে

মারের প্রায় অভাব হয় না, তাহা হইলেও মৃত্তিকাকে সর্বদা উর্বরা রাখিবার জন্য সুরক্ষণ, জল নিকাশ, আবাদ পর্যায় ও ক্ষেত্রে মার সংযোগ প্রভৃতির ব্যবস্থা করা একান্ত কর্তব্য

সপ্তবিংশ অধ্যায়

অনুচ ক্ষেত্রে প্রথম প্রথম যত অধিক পরিমাণে ফসল উৎপন্ন হইয়া থাকে, পরে সেরূপ প্রায় হয় না। এই উর্বরতা রক্ষার উপায় রূপে যত দিন যায়, অবিচ্ছিন্নরূপে আবাদ হইতে থাকায় ক্ষেত্রের শক্তি তত কমিয়া আসে—ইহা সবলেই অবগত আছেন। পঞ্চাশ বৎসর পূর্বে যে ক্ষেত্র দশ মণ ফসল প্রসব করিতে পারিত আজ হয়ত তাহাতে পাঁচ মণ হয়, আবার কিছু দিন পরে পাঁচ মণ অপেক্ষাও কমিয়া যাইতে পারে। ভূগর্ভ মার পদার্থে পূর্ণ বলিয়া প্রতিনয়ত আবাদ হওয়ার ক্ষেত্র নিঃস্ব হইয়া পড়ে নাই। আবার ইহাও দেখা যায় যে, কোন বৎসর ফসল অধিক জন্মে, কোন বৎসর কম জন্মে। ক্ষেত্রের শক্তি প্রতি বৎসর হ্রাস পাইতে থাকিলে ফসলের পরিমাণ প্রতি বৎসর কম হইতে থাকিবে,—কোন বৎসর বাড়িতে পারে না। যখন হ্রাস বৃদ্ধি আছে, তখন ইহার অন্তরালে যে কোন কারণ প্রচ্ছন্ন আছে তাহা সুনিশ্চিত। বিশেষ বিশেষ কারণে মৃত্তিকার অবস্থান্তর হইয়া থাকে। অনাবৃষ্টি বা বারিকৃচ্ছ বৎসরে ফসলের বৃদ্ধি তাদৃশ অধিক হয় না, সুতরাং সে বৎসর ফসল অধিক জন্মে

মা, কিন্তু বারিপাত হইলে মৃত্তিকাস্তর্গত পদার্থ সমূহ বিগলিত হইবার সুযোগ পায়, এবং বিগলিত হইয়া সহজে ও অধিক পরিমাণে উদ্ভিদ শরীরে প্রবেশ করিতে পারে। মাটিতে রস অল্প থাকিলে সমূহ তেজস্কর জমিরও ফলন কমিয়া গিয়া থাকে। ক্ষেত্রের উর্বরতা রক্ষা করা মনুষ্যের চেষ্টা বা সাধের অতীত নহে। আগর চেষ্টা ও যত্ন করিলে ক্ষেত্রের উর্বরতা রক্ষা করিতে পারি এবং বাড়াইতে ও পারি, তখন আমাদের হতাশ হইবার কোন কারণ নাই।

আবাদী ফসল সংগৃহিত হইলে তাহার সহিত ক্ষেত্রের যে সারাংশ চলিয়া যায় তাহাতে ক্ষেত্রের শক্তির অভাব না হইলেও উক্ত পদার্থ ক্ষেত্রে থাকিতে পাইলে যে ভাল হয়, তাহাতে সন্দেহ নাই। উর্বরতাকে সমভাবে রাখিবার জন্য সময়ে সময়ে ক্ষেত্রে সার প্রদান করিবার ব্যবস্থা আছে। যে ক্ষেত্রে সার পদার্থের অভাব বা অল্পতা বুঝিতে পারা যায় তাহাতেই সার প্রয়োগ করিবার আবশ্যক হইয়া থাকে। সার প্রয়োগে জমির উর্বরতা বৃদ্ধি পায়।

ক্ষেত্র মধ্যে স্বভাবতঃ যে পরিমাণ সার পদার্থ সঞ্চিত আছে তাহার অনুপাতে প্রত্যেক ফসল যে পরিমাণ সার পদার্থ উহা হইতে গ্রহণ করে, তাহা অতি যৎসামান্য স্তরাং সহস্র | সহস্র বৎসর আবাদ হইলেও তাহা নিঃশেষিত হইবার নহে। কিন্তু সস্ত্র ব্যবহারোপযোগী পদার্থের পরিমাণ আপাততঃ হ্রাস প্রাপ্ত হয় বলিয়াই অবিচ্ছিন্ন আবাদের ফলে ক্ষেত্রের ফলন আপাততঃ কমিয়া যায়। হালুকা ও বেলেমাটির সংগঠন তাদৃশ ঘন নহে বলিয়া বর্ষকালে উপরিভাগস্থ স্ত্র পদার্থ সমূহ ভূগর্ভ মধ্যে নামিয়া যায়, তদ্বিক্রমে উপরিভাগের মৃত্তিকার আপাততঃ উদ্ভিদের আহারীক

পদার্থের অনটন বা অভাব হয়। এই কারণে সঁদূশ জমিতে নিরন্তর সার প্রদান করা একান্ত প্রয়োজন, অত্যা তাহাতে আবাদ করিয়া কোন ফল লাভ হয় না। এইরূপ পুনঃ পুনঃ আবাদ হওয়ার ও ক্ষেত্রে পুনঃ পুনঃ সার প্রদত্ত হওয়ার মৃত্তিকা-কারও অবয়ব পরিপুষ্ট ও সারাল হয়, ফলতঃ তাহার প্রকৃতির ও অনেক পরিবর্তন সংঘটিত হয়। জ্ঞাতসারে বা অজ্ঞাতসারে ক্ষেত্রের উর্বরতা চিরকাল সংরক্ষিত হইয়া আসিতেছে। ভূমি যতই অমূর্করা হউক তাহাতে তত আসিয়া যায় না, কিন্তু সুকর্ষণ (অর্থাৎ ক্ষেত্রে বারবার হলচালনা করা, ক্ষেত্রে গভীর রূপে কর্ষণ করা, মৃত্তিকাকে চূর্ণ করা এবং ক্ষেত্রে শীতোত্তাপ রক্ষা করা) দ্বারা ভূমির উৎপাদিকা শক্তিকে রক্ষা ও বর্দ্ধিত করিতে হইবে।

অষ্টবিংশ অধ্যায়

ভূমি হইতে যত সার ক্ষয় প্রাপ্ত হয়, তৎসমুদায়ই যে ধননের দ্বারা গৃহিত হইয়া থাকে তাহা নহে। বর্ষাকালের খোঁচ ভূমি বৃষ্টিতে অনেক জমি ধুইয়া যায়, সেই সঙ্গে উহার উপরিভাগের অনেক সূক্ষ্ম সার মাটি তিরোহিত হয়। মৃত্তিকার শক্তিশীন হইবার ইহাও একটা বিশেষ কারণ। প্রতি পমলা বৃষ্টিতেই যে জমি ধুইয়া যায় তাহা নহে। সূচরাচর প্রবল ধারার বৃষ্টি হইলেই প্রায় এইরূপ ঘটে কারণ তখন জমিতে এত শীঘ্র জল সঞ্চিত হয় যে, মৃত্তিকা তাহা শোষণ করিয়া লইবার অবসর পায়

না। যিম্-ঝিমে বা অন্ন অন্ন বৃষ্টি হইলে মৃত্তিকা তাহা অবিলম্বেই শোষণ করিয়া লইতে পারে সুতরাং তদ্বারা জমির কোন ক্ষতি না হইয়া বরং উপকারই হইয়া থাকে।

ঢালু ও বন্ধুর জমি হইতে এইরূপে মৃত্তিকার স্তম্ভ সার ভাগ বহির্গত হইয়া অপেক্ষাকৃত নিম্ন ও সমতল ভূমিতে গিয়া আশ্রয় লয়। ইতঃপূর্বে বলা হইয়াছে যে, স্তম্ভ পরমাণুই উদ্ভিদের আপাততঃ ব্যবহারোপযোগী সার পদার্থ, সুতরাং তাহা বহির্গত হইয়া গেলে ভূমির উৎপাদিকা শক্তি হ্রাস প্রাপ্ত হয়। এইরূপে পুনঃ পুনঃ ও দীর্ঘকাল ধরিয়া ক্ষেত্র বিধৌত হইয়া ধোয়াট মাটি ক্ষেত্রান্তরিত হইলে ভূমির শক্তি যে কমিয়া যাইবে তাহাতে আর আশ্চর্য্য কি? দুই একবার ধুইয়া গেলে তত আসিয়া যায় না, কিন্তু মৃত্তিকার স্তম্ভ ও অনূঢ় পদার্থ যতই বায়ু বৃষ্টি প্রভৃতির সাহায্যে স্তম্ভাংশে পরিণত হইবে, ততই যদি তাহা বিধৌত হইয়া স্থানান্তরে নীত হয়, তাহা হইলে সে জমিতে কোন কালেই সার সঞ্চিত হইয়া থাকিতে পারিবে না, অগত্যা অত্যন্নকাল মধ্যেই উহা অসার ও অকর্মণ্য হইয়া পড়িবে।

পার্বত্য প্রদেশে প্রতি বৎসর বর্ষাকালে রাশি রাশি স্তম্ভ মাটি ধৌত হইয়া তরাই ভূমিতে স্থান পাইতেছে
 ধোয়াট-রোধ
 সুতরাং তাহার দিন দিন তরাট ও সারপূর্ণ হইয়া উঠিতেছে, অল্প দিকে উচ্চ ও গড়েন ভূমি সমূহ কঙ্কালসার হইয়া পড়িতেছে এবং উপরিভাগে স্তম্ভ মৃত্তিকার পরিবর্তে শিলা কঙ্কর দেখা দিতেছে। ধোয়াট হইতে রক্ষা করিবার জন্য স্তম্ভ গড়েন জমিকে চকবন্দি ও থাকবন্দি করিয়া লইতে হয়। এ দেশের কৃষকগণ এ প্রথা বহুকাল হইতেই অবগত আছে।

ক্ষেত্র মধ্যে বর্ষার জলকে আঁবল করিবার উদ্দেশ্যেই কুর্ষকর্গণ স্বয়ং ক্ষেত্রের চতুর্পার্শ্বে আল বা বাঁধ দিয়া রাখে। ইহাকেই চকবন্দি কহে। ক্ষেত্রের জল আটক করা ও সার আটক করা—একই কথা এবং এক উদ্দেশ্যে দুই কার্য সমাহিত হয়। ক্ষেত্র চকবন্দি ও সমতল হইলে সর্বত্র সমভাবে রস সঞ্চিত থাকে এবং উত্তাপও সর্বত্র সমভাবে সংরক্ষিত হয়। আলহীন ও গড়েন জমিতে যে সকল আবাদ হইয়া থাকে, তাহাতে দেখা যায় যে, উচ্চ স্থান অপেক্ষা নিম্ন স্থানের উদ্ভিদসমূহ বৃদ্ধিশীল ও তেজাল হইয়া থাকে এবং তাহার ফসল ও পরিপুষ্ট ও সমধিক হয়। এতদ্বারা বেশ বুদ্ধিতে পারা যায় যে, উচ্চ স্থান অপেক্ষা নিম্নাংশ অধিক সারাল—অধিক রসাল।

জমিকে মধ্যে মধ্যে 'জিরেন' দিতে হয়, ইহা অনেকই

অবগত আছেন। ক্ষেত্রে ক্রমাগত আবাদ
জমির জিরেন

হইতে থাকিলে মৃত্তিকার স্থূল পদার্থ শীঘ্র জ্বীভূত

হইতে না পারায় উদ্ভিদগণ আহারাভাব অনুভব করে। মৃত্তিকা-
কার উৎপাদিকাশক্তি অনুসারে জমিকে মধ্যে মধ্যে এক বা দুই
ফসল-কাল বিশ্রাম দেওয়া যায়। বিশ্রাম পাইলে বায়ু, বৃষ্টি ও
শিশিরাতির সাহায্যে মৃত্তিকাস্তর্গত পদার্থ সমূহ পরিমাণে বিগলিত
হইয়া উদ্ভিদের ব্যবহারোপযোগী হইয়া থাকে। এইরূপে নবশক্তি
সঞ্চারিত হইবার পর ক্ষেত্রে যে কোন ফসলের আবাদ করা যায়
তাহা অপেক্ষাকৃত অধিক ফলস্তু হইয়া থাকে। কোন মূল্যবান
ফসলের আবাদ করিতে হইলে ভাবী ক্ষেত্রকে এক ফসল কাল
জিরেন দিবার প্রথা অনেক দেশেই আছে। ত্রিহতে যে ক্ষেত্রে
ভাষাকের আবাদ হয়, তাহাকে পূর্বেই এক ফসল-কাল জিরেন

দেওয়া হইয়া থাকে এবং জিরেন-কালে তাহাতে মধ্যে মধ্যে হল-চালনা করা হয়।

ইয়ুরোপ ও আমেরিকাতেও জমিকে জিরেন দিবার পদ্ধতি বহুকাল হইতে প্রচলিত আছে কিন্তু আমেরিকার এক্ষণে জিরেন-প্রথা প্রায় উঠিয়া গিয়াছে। এক্ষণে কর্ষণোপযোগী নানাবিধ যন্ত্র আবিষ্কৃত হওয়ার কৃষকগণ ক্ষেত্রকে জিরেন না দিয়া উত্তম-রূপে কর্ষণ করিয়া থাকে। মার্কিনাগণ কার্যতঃ প্রতিপন্ন করিয়াছেন যে, উত্তমরূপে কর্ষণ করিতে পারিলে জমিকে জিরেন দিবার আবশ্যক হয় না। প্রাচীন কালে কৃষিকার্যের উপযোগী উত্তম উত্তম যন্ত্র না থাকায় লোকে জমিকে উত্তমরূপে অর্থাৎ গভীররূপে কর্ষণ ও মৃত্তিকাকে চূর্ণ করিতে পারিত না, তন্নিবন্ধন মৃত্তিকাস্তম্ভিত সার পদার্থ সমূহের দ্রবীভূত হইতে কালবিলম্ব ঘটত। এক্ষণে উন্নত যন্ত্রের সাহায্যে ভূমি উত্তমরূপে কর্ষিত হইয়া থাকে, তন্নিবন্ধন উপরের স্তম্ভিত মৃত্তিকা নিম্নভাগে ও নিম্নের সার মৃত্তিকা উপরিভাগে আসিয়া পড়ে স্তম্ভিত মৃত্তিকা সুলভরূপে চূর্ণিত ও বচলিত হয়। এই সকল কারণে উৎপাদিকা-শক্তি পুনরুদ্ধারিত হইয়া উঠে, ফলতঃ জমিকে জিরেন দিবার আদৌ আবশ্যক হয় না। ভারতবর্ষে এখনও সেই প্রাচীনাবস্থার বিরোধান হয় নাই, ভারতে এখনও সেই সাবেক আমলের লাজল চলিতেছে,—কাজেই ভূমির উৎকর্ষতা বৃদ্ধি পাইতেছে না, বরং তাহার লাস্যবই হইতেছে।—তু গর্ভে সার সঞ্চিত থাকিতেও জমি নিঃস্ব হইয়া পড়িয়াছে মনে করিয়া আমরা হতাশ হইয়া পড়ি, আর জমিকে মধ্যে মধ্যে জিরেন দিয়া অনর্থক পতিতাবস্থার সৃষ্টিতে বাধ্য হই। এক্ষণের লাহেব কৃষিমালাগণ ও অনেক

কৃষিকৰ্মনিরত সাহেব বিলাতী উন্নত যন্ত্রাদি ব্যবহার করিয়া থাকেন। দেশীয় অল্পাধিক ব্যক্তিও উন্নত লাঙ্গল, উন্নত বিদে প্রভৃতি দ্বারা কৃষিকার্য্য করিতেছেন। বাহারা এই সকল আধুনিক যন্ত্র ব্যবহার করিয়াছেন বা করিতেছেন তাঁহারা এই উদ্দেশ্যের উপকারিতা যথেষ্ট হৃদয়ঙ্গম করিয়াছেন।

সুর্কষণ হইলে কষিত মৃত্তিকার পরিমাণ অধিক হয়,—মাটি

ধূলাবৎ হয়। এতদবস্থায় একাধারে বহু পরিমাণ মৃত্তিকা ভৌতিক ক্রিয়ার সাহায্য প্রাপ্ত হয় এবং রৌদ্র, বৃষ্টি, শিশির, বায়ু প্রভৃতি ভূতগণ প্রত্যেক অণুপরিমাণের উপর আপনাপন শক্তি প্রয়োগ করিবার অবসর ও সুযোগ পায়। আমাদিগের ক্ষুদ্র লাঙ্গল ও মদিকা দ্বারা না হয় গভীর কর্ষণ, না হয় মৃত্তিকা চূর্ণ। ঈদৃশ লাঙ্গল দ্বারা জমির সমুদায় স্থল কর্ষিতও হয় না। তাহা ব্যতীত রাশি রাশি ছোট বড় ঢেলা থাকিয়া যায়, কাজেই ভূতগণ সমগ্র মৃত্তিকার উপর নিজ নিজ আধিপত্য বিস্তার করিতে পারে না। এই সকল কারণ বশত; অধিক মাটি দ্রবীভূত হইতে পারে না—আর এই জন্ত ভূমির শক্তি আমরা বৃদ্ধিতে পারি না।

জিরেনের প্ররোজনীতা স্বীকার করিলেও, ক্ষেত্রকে পতিত রাখিয়া জিরেন না দিয়া, জিরেন কাল-মধ্যে ক্ষেত্রে কোন কাণ্ড-ফসল উৎপন্ন করিলে চলিতে পারে। ষাৰিংশ অধায়ে কাণ্ড-ফসলের বিষয় আলোচিত হইয়াছে।

ঊনত্রিংশ অধ্যায়

—:—

যে সকল দেশের বারিপাত অতি সামান্য, এমন কি—সবৎসরে
২০।১৫ ইঞ্চের অধিক নহে, তথাকার জমি স্বভাব-
বিরাম কাল
তঃই শুষ্ক। তথায় যে সকল উদ্ভিদ-খাদ্য থাকে,
তাহা জীর্ণ হইয়া উদ্ভিদের আহরণোপযোগী হইতে অধিক
সময় লাগে। গড়েন জমিতে জল অধিক শোষিত হইতে পারি-
না, তন্নিবন্ধন তথাকার মৃত্তিকা সরস না হইলে তাহাতে ভৌতিক
ক্রমের সমাবেশ হয় না, সুতরাং তাহার সামান্য অনুচাবস্থায়
থাকিয়া যায়। একরূপ স্থলে ফাও-কমল আবাদ করিয়া ক্ষেত্রে
জিরেন দেওয়া ভাল, কিন্তু কত দিন অন্তর জিরেন দিতে হইবে
তাহা ভূ-স্বামীর বিবেচনার উপর নির্ভর করে। ভূমি একান্তই
সারহীন হইলে এক বৎসর অন্তর জিরেন দিতে হয়, নতুবা দুই
তিন বৎসর অন্তর দেওয়া আবশ্যিক। জীদূশ জমিতে যথোচিত
পরিমাণে উদ্ভিজ্জ-সার দিতে পারিলে উহা অধিক পরিমাণে বৃষ্টির
জল শোষণ করিতে সমর্থ হয়, তাহার ফলে অনুচ পদার্থ বহু-
পরিমাণে ও অল্পকাল মধ্যে জীর্ণ হইয়া থাকে। ‘পতিত-
জিরেনের’ ব্যবস্থা অনুরূপ।

জমিকে পতিত-জিরেন দিয়া নিশ্চিত থাকিলে চলিবে না।

পতিত-জিরেন
এতদবস্থায় মধ্যে মধ্যে হলচালনা দ্বারা মৃত্তিকা
আঙ্গুলা রাখিতে পারিলে বর্ষার তাবৎ জলই ভূমি

শোষণ করিয়া লইতে পারে। যত অধিক জল শোষণ করিতে সক্ষম হইবে, মৃত্তিকা তত অধিক দিন সরস থাকিবে। স্বভাবতঃ যে জমি আর্দ্র তাহাকে বিশ্রাম দিবার আবশ্যক হয় না, বরং জিরেন দিলে তাহাতে নানাবিধ ঘাস ও আগাছা জন্মিয়া ভবিষ্যতে আবাদ করিতে বড় কষ্ট পাইতে হয়, কারণ জিরেন পাইবার হেতু সেই সকল আগাছার শিকড় ক্ষেত্রময় এত বাগ্ন হইয়া পড়ে যে, পরে সে ক্ষেতকে ক্রমাগত নিড়াইতে হয়। এই সকল আগাছার বীজ জন্মিলে বীজ সমূহ ক্ষেত্রময় ছড়াইয়া পড়িয়া নূতন ভাবে জন্মিতে থাকে, সুতরাং নিড়াইবার কাজ বাড়িয়া যায়।

জমিকে জিরেন দিলে আর একটা বিশেষ উপকার পাওয়া যায়,

এই যে, সংযুক্ত পদার্থ সমূহ বিমুক্তি লাভ করতঃ
জিরেনের
উপকারিতা
বিচ্ছিন্ন হইয়া পড়ে। সংযুক্ত পদার্থ বিচ্ছিন্ন হইয়া
পড়িলে উদ্ভিদ-খাদ্য দ্রবীভূত হয়, উপরন্তু নাই-

ট্রোজেন (যবক্ষারজান) বিমুক্ত হইবার পথ সরল হয়। জিরেন-ভূমি কর্ষিত হইলে তন্মধ্যে ভূতগণে $\frac{1}{2}$ ক্রিয়া অধিক ও বিস্তৃত হয় বলিয়া অনুচ্চ স্থল পদার্থ আর ঘন ভাবে সম্বদ্ধ থাকিতে পারে না, অগত্যা তাহারা নাইট্রোজেনকে ছাড়িয়া দিতে বাধ্য হয়। সারবান হালকা জমিতে এতদ্বারা অনেক সময় উপকার না হইয়া অপকার হইয়া থাকে, কারণ হালকা জমির মাটি ফাঁপা থাকে, তন্মধ্যে বায়ু গমনাগমনের পথ প্রশস্ত থাকে এবং বৌগিক আকর্ষণে মৃত্তিকাস্তর্গত বিমুক্ত নাইট্রোজেন বায়ুমণ্ডলে চলিয়া যায়। নাইট্রোজেন ভূমির একটা বিশেষ সম্পত্তি এবং উদ্ভিদের একটা বিশেষ পুষ্টিকর আহারা। ভূমি হইতে ইহার অপচয় হওয়া ফসলের পক্ষে বিশেষ অমঙ্গলকর। উদ্ভিদের লাবণ্য ও

বৃদ্ধিশীলতা—এই নাইট্রোজেন নামক বাষ্পের উপরেই নির্ভর
কবে। জৈব জমিকে জিরেন না দিয়া পর্যায় পদ্ধতি অবলম্বন
করিলে সে উৎকৃষ্ট সুসিক্ত হইতে পারে।

ত্রিংশ অধ্যায়

একই ক্ষেত্রে বারবার এক ফসলের আবাদ করিলে তাহাতে
তাৎক্ষণিক অধিক ফসল উৎপন্ন হয় না, এই জন্য ক্ষেত্রে
পর্যায়-আবাদ
ভিন্ন ভিন্ন ফসলের আবাদ করিতে হয়। এই প্রণা-
লীকে 'পর্যায়-আবাদ' (Rotation) কহে। একই ক্ষেত্রে প্রতি
বৎসর ইক্ষুর আবাদ করিলে প্রথম বৎসর অপেক্ষা দ্বিতীয় বৎসরে
ফলন কম হইয়া থাকে, আবার তৃতীয় বৎসরে দ্বিতীয় বৎসরের
অপেক্ষা ফলন কমিয়া যায় এবং পরে ক্রমশঃ ফসল কমিতেই
থাকে। এতদ্ব্যতীত ফসলের গুণবদ্ধিও হ্রাস হয় কিন্তু দ্বিতীয়
বৎসর তাহাতে অপর ফসলের—বিশেষতঃ শস্য ফসলের অর্থাৎ
নানা জাতীয় মটর ও কলাই, লীল, শগ, বীন, বুট, সীম প্রভৃতির
—আবাদ করিলে ক্ষেত্রের নষ্ট-শক্তি পুনরায় সমাগত হয়।
সকল ফসলের নিজ নিজ আহাৰ্য্যের একটা নির্দিষ্ট পরিমাণ
আছে, সুতরাং একই ক্ষেত্রে উপযুক্ত পরিমাণে একই ফসলের আবাদ
হইলে উক্ত ফসল আপাততঃ প্রয়োজনমত আহাৰ্য্যতাবে
স্বীয়স্থান হইয়া পড়ে, সুতরাং হইতে উক্ত ফসল যে যে পদার্থ
সংস্করণে যে পরিমাণে আহরণ করিয়া লইয়াছে, সেই সেই

পদার্থ আপাততঃ ব্যবহারোপযোগী অবস্থায় রূপে পাওয়া যায় না, কিন্তু সে বৎসর তাহাতে উল্লিখিত কোন সিঁথীক ফসলের আবাদ করিলে শোষণ ফসল তথা হইতে আপনাদিগের আহাৰ্য্য যথা পরিমাণে পাইয়া থাকে। সিঁথীক উদ্ভিদের বিশেষত্ব এই যে, উহাদিগের মূল সমূহ দায়ুম গুলহ যবকারজান (nitrogen) আহরণ করিতে সমর্থ। এই কারণে উহারা আপনারা বৃদ্ধিশীল হয় অধিকন্তু নিজ নিজ অবয়বগত তাবৎ পদার্থ মরণকালে ভূমিতেই রাখিয়া যায়। এতদ্বারা ভূমিতে সোরাঙ্গানের সঞ্চয় হয়, তন্নিবন্ধন পরবর্তী ফসলের উপকার হয়। অতঃপর—

দ্বিতীয় ফসলের, পূর্ববর্তী ফসলের প্রয়োজনীয় পদার্থ সমূহের প্রয়োজন না হওয়ায়, সেই সকল পদার্থ ইতোমধ্যে পুনরায় ভৌতিক ক্রিয়াবশে ব্যবহারোপযোগী হইয়া উঠে এবং উপরিভাগে সঞ্চিত হইয়া থাকে, এই জন্ত ফসল পরিবর্তন করিলে প্রত্যক্ষ লাভ দেখিতে পাওয়া যায়। পর্যায়-আবাদের জন্ত কোন ফসলের পর কোন ফসল সে ক্ষেত্রের উপযোগী হইবে তাহা বিবেচনা পূর্বক নিৰ্বাচন করিতে হয় নতুনা হিত করিতে গিয়া বিপরীত ফল হইয়া থাকে। ইক্ষু ক্ষেত্রে ভুট্টা, দেব-ধান বা গহমা, ধান, গোধূম, চীনা, মাড়ুয়া প্রভৃতি ভূগর্ভাতীয়া উদ্ভিদে আবাদ করিলে চলিবে না, কারণ এ সকলই সম জাতীয় উদ্ভিদ এবং ইহারা ক্ষেত্রের নিতান্ত শক্তি হরণকারী। সিঁথীক উদ্ভিদগণ মৃত্তিকার শক্তি-সংগ্রাহক। সেই জন্ত উল্লিখিত যে কোন ফসলের পর সিঁথীক ফসলের আবাদ করা উচিত।

প্রায় দেখা যায় ধান, গোধূম, চীনা, মাড়ুয়া প্রভৃতি একই ক্ষেত্রে আবাদ হইয়া থাকে, তাহার প্রথম কারণ,—আমাদের

কৃষকগণের জমি অধিক থাকে না—সকলেরই প্রায় এক এক টুকরা মাত্র জমি। অগত্যা তাহাদিগকে সেই অল্প স্থানের মধ্যেই সম্বৎসর মধ্যে দুই বা তিনটা ফসল উৎপন্ন করিয়া লইতে হয়,—জমিকে জিরেন দিলে কিম্বা তাহাতে অল্প মূল্যের বা অল্প উৎপন্নকারী ফসলের আবাদ করিলে চলে না। দ্বিতীয়তঃ—‘বারমেসে’ জমি প্রায় নাতিসিক্ত প্রদেশ বা ভূখণ্ডে দেখিতে পাওয়া যায়। বারিপ্রধান দেশে বারিপাত অধিক হয় বলিয়া মৃত্তিকায় যবক্ষারজানের অভাব হয় না, বরং বর্ষাকাল মধ্যে জমিতে উহা এতই অধিক লক্ষিত হয় যে, সম্বৎসরের তাবৎ ফসলই তদ্বারা প্রতিপালিত হইয়া থাকে। নাবাল জমি প্রায় রস পশান হইয়া থাকে, সুতরাং তাহাতে রসের আধিক্য হেতু মৃত্তিকার সারাংশ উদ্ভিদের ব্যবহারোপযোগী অবশ্যই সর্বদা বিদ্যমান থাকে। ধাতু—বর্ষাকালের ফসল। উহা কল্কিত হইলে সে জমিতে সারের অভাব থাকে না, তজ্জন্ম উহাতে গোধূমের আবাদ করিলে বিশেষ ক্ষতি হয় না। অতঃপর সকল ক্ষেত্রেই যে গোধূমের আবাদ হয় তাহা নহে। ডোবা ও নাবাল জমিতে এবং সরস বা দো-রসা দেশে এইরূপ হইয়া থাকে। গোধূমের পর সে জমিতে বোরো ধাতু হহতে পারে না কারণ গোধূম কাটিবার পর এবং বোরো ধাতুর আবাদকালে ভূমি নীরস অতি শীঘ্র হইয়া আসে। এ সময়ে ভূমির সার আর অধিক বিগলিত হইতে পারে না,—রসা-ভাবে উদ্ভিদগণ ও তাহা প্রয়োজনমত আহরণ করিবার সুবিধা পায় না। ইক্ষু, ভুট্টা প্রভৃতি বৃহজ্জাতীয় তৃণান্তর্গত উদ্ভিদ এবং উহাদিগের আহরণ করিবার শক্তি স্বভাবতঃই অধিক। এই কারণে উহাদিগের সার বৃহৎ ফসলের জল পুষ্টি-আবাদ অবশ্য স্পৃহনীয়।

ঋতু অনুসারে ক্ষেত্রে ভিন্ন ভিন্ন ফসলে আবাদ করিতে হয় এবং তাহাতেও পর্যায়-আবাদের কল পাওয়া গিয়া থাকে। বর্ষাকালে যেসকল গোদূমের আবাদ হয় না, সেইসকল শীতকালে ধানের আবাদ হয় না অগত্যা ঋতু অনুসারে নির্দিষ্ট ফসলের আবাদ করিতে হয়। প্রাকৃতিক অবস্থা ভেদে কোন দেশে সম্বৎসরে একটি মাত্র, কোথাও দুইটা, আবার কোথাও তিনটা ফসলের আবাদ হইয়া থাকে। যে জমিতে একটা ফসল হয় তাহাকে 'এক-ফসলে', যে জমিতে দুইটা ফসল হয় তাহাকে 'দু ফসলে' এবং বাহাতে তিনটা ফসল হয় তাহাকে 'তিন-ফসলে' বা 'বার-মেসে' জমি কহে। উদ্ভিগত প্রণালিতে জমিকে বিভাগ করিলে বারমেসে জমিকে প্রথম, দু-ফসলে জমিকে দ্বিতীয় এবং এক-ফসলে জমিকে তৃতীয় শ্রেণীর জমি বলা যায়।

প্রকৃতপক্ষে বারমেসে জমি বড়ই বিরল। বাহাকে বার-মেসে জমি বলা যায়, তাহাতে সচরাচর দুইটা ফসলই উৎপন্ন হইয়া থাকে — এক, — বর্ষাক, অল্প, — শীতে। শীতের অর্থাৎ রবি ফসল সাধারণতঃ ফাল্গুন বা চৈত্র মাসে সংগৃহিত হয়। এ সময়ে কোন শস্ত ফসলের আবাদ করা চলে না। বোরো বা 'যাজী' ধানের আবাদ হইতে পারে কিন্তু তাহা ও অত্যন্ত নাবাল জমি ভিন্ন হয় না। তাহা ব্যতীত বোরো ধান উল্লেখযোগ্য ফসলের মধ্যে গণ্য নহে। যে সকল ক্ষেত্র হইতে রবিশস্ত মাঘ মাসের দ্বিতীয়াংশ বা ফাল্গুনের প্রথমভাগে সংগৃহিত হইয়া থাকে তথায় ফুটি, কাঁকড়, তরমুজ, শশা, খেড়ো, চৈত্র-লাউ, উচ্ছে, কিসে নানা বিধ শাক প্রভৃতির আবাদ চলিতে পারে। ইহারা কৃষি ফসল নহে, — উদ্ভানিক ফসল মাত্র। জমিকে ফেলিয়া না রাখিয়া

সাহা হইতে যাহা কিছু উৎপন্ন হয়—এই উদ্দেশ্যে উল্লিখিত ফল-পাকুড়ের আবাদ হইয়া থাকে। এইরূপ ঋতুবিশেষে একই ক্ষেত্রে যে ভিন্ন ভিন্ন ফসলের আবাদ হয়, তাহাতে ক্ষেত্রের উপকার হইয়া থাকে।

একত্রিংশ অধ্যায়

—:—

অনেক উদ্ভিদের মূল দীর্ঘ হয়, অনেক উদ্ভিদ গুচ্ছমূলক হয়।

মূলনিশেষে
পদ্যায়

যাচ, গোধূন, যব, প্রভৃতি গুচ্ছমূলক উদ্ভিদ।

ইহাদিগের গোড়ায় বহুসংখ্যক তন্তুবৎ মূল জন্মিয়া

থাকে। উক্ত মূলগণ মৃত্তিকা মধ্যে ছয় বা আট

অঙ্গুলির অধিক নিম্নে প্রবেশ করে না এবং উক্ত কয় অঙ্গুলি মৃত্তিকা মধ্যে থাকিয়া উহারা নিজ নিজ প্রয়োজনীয় পদার্থ আহরণ করে। এইরূপ গুচ্ছমূলক উদ্ভিদের একই ক্ষেত্রে বারবার আবাদ করিলে উপরিভাগের মৃত্তিকা শীঘ্রই সারহীন হইয়া পড়ে, প্রথমোক্ত পরবর্তী ফসলের ফলন হ্রাস হইয়া থাকে। অত্ৰ দিকে সে জমিকে ঘন ঘন 'জিরেন' দিলেও ক্ষেত্রস্বামীর ক্ষতি হয়। এরূপ স্থলে জমির ব্যবহার হয়, অথচ ক্ষেত্রস্বামীর ক্ষতি না হয়, তাহা করিতে হইলে পরবর্তী ঋতুতে উক্ত ক্ষেত্র অড়হর, কার্পাস প্রভৃতি দীর্ঘ মূল ফসলের আবাদ করা উচিত। দীর্ঘ মূল উদ্ভিদ মৃত্তিকাতন্ত্রেরে বহুদূর পর্য্যন্ত মূল সমূহকে বিস্তৃত করিতে পারে। উপরিভাগের মৃত্তিকা মধ্যে কি আছে বা না

জানি, তাহাতে কিছু আসিলা যায় না, কারণ তাহারা মৃত্তিকার গভীর প্রদেশে হহতে মার আহরণ করিয়া থাকে। মৃত্তিকার অভ্যন্তর দেশে যে মারপূর্ণ তাহা পূর্বেই উক্ত হইয়াছে।

তরি-ভনকারির বাগানেও উল্লিখিত নিয়মের প্রতি লক্ষ্য থাকিলে তথা হইতে বারমাসই তরকারি পাওয়া যায়। গাজর ও মূলা দীর্ঘমূলক কিন্তু বীট ও শালগম দীর্ঘমূলক নহে। বীট, শালগম মৃত্তিকার ভিতর অধিক দূর প্রবেশ করে না—উপরিভাগ হইতেই মার আহরণ করিয়া জীবিত থাকে ও বদ্ধিত হয়। গাজর প্রভৃতি দীর্ঘমূলক উদ্ভিদ অঙ্কুর বা কার্পাসের স্রাব উপরিভাগের মাটির উপর নির্ভর না করিয়া নিম্নতর স্থান হইতে আহারীয় সংগ্রহ করিয়া থাকে। এই সব কারণে ক্ষুদ্র বা অনতি-দীর্ঘমূলক উদ্ভিদের পর দীর্ঘমূলক উদ্ভিদের আবাদ করিলে উপকার হইয়া থাকে।

অনেক জমি ভাসা-মূল উদ্ভিদের উপযোগী না হইতে পারে, অন্ততঃ কিছু দিনের জন্ত মার-হীন হইয়া পড়িতে পারে। তখন তাহাতে গভীর বা দীর্ঘ মূল ফসলের আবাদ করিলে তাহার কোন পুষ্টির পদার্থের অভাব হয় না, কিন্তু তাহা না করিয়া পুনঃ পুনঃ অল্প মূল উদ্ভিদের আবাদ করিলে আশানুরূপ ফসল পাওয়া যায় না। ভাসা-মূল উদ্ভিদের আবাদের পর দীর্ঘমূল উদ্ভিদের আবাদ করিলে শেষোক্ত ফসলের আবাদকাল মধ্যে উপরিভাগের জমি একদিকে যেমন জিরেন পায়, অত্রদিকে উক্ত ফসলের জন্ত কর্ষণ ও পরিচর্যা হেতু অল্প দিন মধ্যে তাহা আবার সারিবান হইয়া উঠে।

পরিষ্কার-আবাদের অল্প শুভফল এই যে, ক্ষেত্র মধ্যে নানাবিধ
 কীট বা রোগ স্থান পায় না। কতকগুলি রোগ
 পর্যায়ে
 কীট নিবারণ আছে তাহারা ফসল বিশেষকেই আক্রমণ করে,
 আবার কতকগুলি কীট আছে, তাহারা ফসল-
 বিশেষকে লক্ষণ করিতে ভাল বাসে। একই ক্ষেত্রে একই
 ফসলের বারবার আবাদ হইলে কীটবিশেষ বা রোগবিশেষ
 ক্ষেত্র মধ্যে স্থায়ীভাবে প্রতিষ্ঠা লাভ করে এবং যখনই সে ফসলের
 আবাদ হয় তখনই তাহাদিগের আবির্ভাব হয়। এইরূপে যত
 দিন যায় তত তাহারা বিস্তার লাভ করে। অনেক ক্ষেত্রে
 আলু দাগী হইয়া থাকে। এই 'দাগী' রোগকে Potato Scab বা
 Potato-rot কহে। যে ক্ষেত্রে এই রোগের আবির্ভাব হয় তাহা
 হইতে পরবৎসর আলুর আবাদ স্থানান্তরিত না হইলে উক্ত রোগ
 আরও প্রবল হইয়া উঠে। ইক্ষু গাছে নানা জাতিক কীট দেখা
 যায়। ইহারা ইক্ষুকে নষ্ট করিয়া ফেলে। বার্তাকু গাছের
 জাতিগত যে কম্বী কীট আছে তাহারা বার্তাকু গাছের শিকড়
 ও গাছের ডগার ছিদ্র করিয়া গাছ নষ্ট করে, ফলের মধ্যে প্রবেশ
 করিয়া সমগ্র ফলকে নষ্ট করিয়া দেয়। ফসল সকল মধ্যে মধ্য
 ক্ষেত্রান্তরিত হইলে তাহাদিগের আক্রমণ হইতে রক্ষা পায়।
 ফসল বিশেষের জাতিগত কীট অল্প ফসলকে প্রায় আক্রমণ করে
 না। ফসল উঠিয়া গেলে সেই সকল কীট অথবা রোগের
 কীটানু (Germs বা Spores) মৃত্তিকা মধ্যে লুক্কায়িত থাকে বা
 নির্জীবাবস্থায় অবস্থান করে। সময় আগত হইলে আবার
 তাহারা নবজীবন লাভ করে এবং বংশ বৃদ্ধি করিয়া আরও
 বিস্তৃত হইয়া পড়ে। ভিন্ন ভিন্ন ফসলের আবাদ হইলে অল্পতম

তাহারা বিলুপ্ত হয়। বারম্বার এক ক্ষেত্রে একই ফসলের আবাদ হইলে উদ্ভিদগণ তাদৃশ তেজাল না হইয়া ক্রমশঃ ক্ষীণ দশা প্রাপ্ত হইতে থাকে। ক্ষীণ ও দুর্বলের নিকট রোগ চিরদিনই প্রাধান্য লাভ করিয়া আসিতেছে। অতএব ফসলকে তেজাল ও নীরোগ রাখিতে হইলে সকল ফসলকেই মধ্য মধ্য স্থানান্তরিত করা উচিত। এতদ্ব্যতীত—

কতক ওলি আগাছাও ফসল বিশেষের প্রতি বিশেষ অমুরক্ত।

যে ফসলকে ইহারা ভাল বাসে কিম্বা যে ফসলের
পৰ্য্যায়ে অমুরূপ পাট-পরিচর্যা পাইলে ইহাদিগের শ্রীগৃহি
আগাছা

হয়, সে ফসলের আবাদে সূত্রপাত হইলেই ইহারা যেন আগ্রসহকারে দেখা দেয়। বৎসর বৎসর ফসল ক্ষেত্রান্তরিত হইলে তাহারা আর দেখা দিতে পারে না। এই সকল আগাছার সমগ্র ক্ষেত্র জঙ্গলময় হইয়া যায়। ইহারা ফসলের আহাৰ্য্য অপহরণ করে ও নানা প্রকারে ক্ষেত্রস্বামীকে উদ্বাস্ত করিয়া তুলে।

ক্ষেত্রকে অনর্থক পতিতাবস্থায় রাখিলে ক্ষেত্রস্বামীর ক্ষতি, হয়, তাহা পূর্বেই বলিয়াছি এবং পাঠক ও তাহা বুঝিতে পারেন। ক্ষেত্রকে বারমাস খাটাইয়া লইতে হইবে। জগতের সকলেই যখন ক্রিয়ানীল, তখন ভূমিকে আমরা কেন না সর্বদা ক্রিয়ানীল রাখিতে চেষ্টা করিব? জমিকে পতিত রাখিতে হইলে আমাদের পানাহার ও সময়ে সময়ে বন্ধ রাখিতে হয়। আমাদের বাঁচিয়া থাকিবার একটা খরচ আছে। জীবনের প্রতি মুহূর্তই ব্যয় সাপেক্ষ। একটা সামান্য দৃষ্টান্ত দিই। আমি বর্ণাক্ত হইতেছি। উক্ত বর্ণ আমার শরীর হইতে নির্গত হইতেছে।

ঘর্ষ শরীরজাত পদার্থ। উহার সহিত শরীরান্তর্গত কোন কোন পদার্থ বহির্গত হইয়া যাইতেছে। সেই পদার্থ নিচয়কে পুনরায় শরীর মধ্যে আনিতে হইলে আমাকে পানাহার করিতে হইবে। পানাহারে খরচ আছে। তাহাতেই বলিতেছি জীবনের প্রতি-মূর্ত্তই খরচ সাপেক্ষ,—বিনা খরচার বাঁচিয়া থাকা যায় না। মূর্ত্তে মূর্ত্তে যখন আমরা অভাবগ্রস্থ, তখন ভূমিকে বিশ্রাম দিই কি রূপে? তবে ইহা সর্বদা মনে রাখিতে হইবে যে, কোন্ ফসল কোন্ ফসলের পর আবাদ করিতে হয়। কোন্ ফসলের আপাততঃ আবাদ করিবার ইচ্ছা বা প্রয়োগ না থাকিলেও ক্ষেত্রে হরিৎ-সার (green-manure) দিবার জন্য সাময়িক কোন ফসলের আবাদ করতঃ যথা সময়ে হলচালনা দ্বারা সেই সকল উদ্ভিদকে ভূশায়ী করিয়া দিলে উহারা বিগলিত হইয়া ভূমির যে উৎকর্ষতা পরিবদ্ধিত করে তদ্বিষয়ে কোন সংশয় নাই। জমিতে আবাদ থাকিলে যুক্তিকার ক্রিয়াশীলতা সর্বদা বিদ্যমান থাকে।

জমির উর্ধ্বরতা সংরক্ষণ বা পুনঃসংস্থাপিত করিবার জন্য
 অবিমুগ্ধভাবে যে কোন ফসলের আবাদ করা
 মুখ্য ও গৌণ উচিত নহে—তাহা পূর্বেই বলিয়াছি। এস্থলে
 কসল আর একটি বিষয়ের প্রতি বিশেষ লক্ষ্য রাখিতে
 হইবে। পর্যায়ের তিনটি বিষয় অবিচ্ছিন্নরূপে সম্বন্ধ থাকা
 উচিত। যে কর্তী ফসলকে পর্যায়ক্রমে আবাদ করিতে হইবে,
 পূর্ক হইতেই তাহার একটি সকল স্থির করতঃ বিবেচনা
 সহকারে যথাযোগ্য কসল নির্বাচন করিতে হইবে। যে যে
 ফসলের আবাদ করিতে হইবে, তাহাদিগের মধ্যে একটি কসল

প্রধান অর্থাৎ গৃহশালী বা অর্থকরী হওয়া উচিত। উক্ত গৃহশালী বা অর্থকরী ফসলকে মুখ্য বা মধ্যবিন্দু স্বরূপ মনে করিয়া অপরাপর বা গৌণ ফসল নির্বাচন করিতে হইবে। গৌণ ফসল এরূপ হওয়া উচিত যে, তদ্বারা মৃত্তিকার উপকার হইতে পারে অথচ তাহা হইতে অর্থাগম ও হইতে পারে। যে কাঁচাই ফরা যাউক, তাহার সহিত অর্থের সম্বন্ধ—অন্ততঃ কাল্পনিক সম্বন্ধ—না থাকিলে ফলের তারতম্য উপলব্ধি করিতে পারা যায় না। বক্রয় করি বা না করি, সকল ফসলের একটা বাজার দর আছে। এস্থলে বাজার দরের কথা বলাই উদ্দেশ্য। অতঃপর, তৃতীয় ফসলগণ হরিৎসারোপযোগী হইলে ভাল হয়। শেবোক্ত ফসলকে হরিতাবস্তার ভূশায়ী করিয়া দিতে হয় এবং তাহা হইলে মৃত্তিকার সার প্রদানের ফল হয়। নীল, শূণ, বুট প্রভৃতি হরিৎসারের জন্ত আবাদ করিতে হইলে খুব ঘন করিয়া বীজ নিতে হয়। ঘনরূপে বীজ বুনিলে গাছে ক্ষেত্র ভরিয়া যায়, তাহার ফলে ক্ষেত্র মধ্যে আগাছা ও উলু শব প্রভৃতির স্থায় বিশেষরূপে উদ্ভিদ জন্মিতে পারে না।* দীর্ঘমূল আগাছাকে বর্ষণ দ্বারা উচ্ছেদ করা একরূপ অসম্ভব।

* যে ক্ষেত্র অধিক দিন পতিত থাকায় আগাছার আবাদ ভূমি হইয়া পড়ে, অর্থকরী ফসলের আবাদ করিবার পূর্বে তাহাতে ঘনরূপে কোন শস্যের আবাদ করিলে আগাছা জন্মিতে পারে না। এইরূপ দুই এক বার আবাদ করিতে পারিলে উহাদিগের হস্ত হইতে মুক্তি লাভ করিতে পারা যায়। অনেক আবাদী ক্ষেত্রের সন্নিকটস্থ ক্ষেত্র-পাথার হইতে ঘানের বীজ উড়িয়া আসিয়া পড়ে, তন্নিবন্ধন ভাল ক্ষেত্রেও উহাদিগের আবির্ভাব হইয়া থাকে। এক্ষণে মধ্যে মধ্যে সকল ক্ষেত্রেই হরিৎ-ফসলের আবাদ করা ভাল।

ক্ষেত্র বিস্তীর্ণ হইলে পর্যায়-প্রণালীতে আবাদ করিতে বিশেষ

পরিবিধা হয়, কারণ পর্যায়ের জন্ত সঙ্কল্পিত সকল
 পর্যায়ের
 কাল ব্যবধান
 ফসলই প্রতি বৎসর কোন না কোন খণ্ড ক্ষেত্রে
 স্থান পাইয়া থাকে। যদি ইক্ষুই ক্ষেত্রস্বামীর

প্রধান ফসল হয়, তাহা হইলে ক্ষেত্রস্বামীর পক্ষে ইক্ষুর আবাদ
 কোন বৎসরই বন্ধ করা উচিত নয়। প্রথম বৎসর এক ক্ষেত্রে,
 দ্বিতীয় বৎসর অন্য ক্ষেত্রে, তৃতীয় বৎসর অন্য ক্ষেত্রে উহার
 আবাদ করিতে পারেন এবং চতুর্থ বৎসরে পুনরায় প্রথম
 বৎসরের ইক্ষু ক্ষেত্রে ইক্ষুর আবাদ করিতে পারেন। একদিকে
 ইক্ষু যে রূপে প্রতি বৎসর নূতন ক্ষেত্র পাইতে লাগিল, অন্য দিকে
 দ্বিতীয় ও তৃতীয় ফসল ও তাহার পশ্চাৎ পশ্চাৎ অন্য ক্ষেত্র পাইতে
 লাগিল। সঙ্কীর্ণ ক্ষেত্র হইলে প্রতিবৎসর ইক্ষুর আবাদ করা চলে
 না, আর যদিও চলে, তাহা হইলে সে ক্ষেত্রে আর দ্বিতীয় অর্থকরী
 ফসলকে স্থান দেওয়া যায় না, কেবল মাত্র ক্ষেত্রের উর্বরতা
 বর্ধিত কারবার জন্ত হরিৎ-ফসলের আবাদ করিতে পারা যায়।

যে কয় বৎসর পরে প্রধান ফসল পুনরায় প্রথম বৎসরের
 ক্ষেত্রে স্থান পায় সেই কয় বৎসর ধরিয়া এক একটা পর্যায়ের
 নাম হইয়া থাকে। প্রতি বৎসর একই ক্ষেত্রে প্রধান ফসলের
 আবাদ হইলে তাহাকে 'এক-বছরে,' এক বৎসর অন্তর হইলে
 'দু-বছরে,' তিন বৎসর হইলে 'তিন-বছরে' পর্যায় বলে।
 পর্যায়,—চক্রের স্থায় যে স্থান হইতে ঘুরিতে আরম্ভ করে দুই,
 তিন হইতে পাঁচ মাত্ৰ বৎসরে ঠিক সেই খানে আসিয়া উপস্থিত
 হয়। সাত বৎসরের অধিক আর পর্যায়ের পরিমাণ বা ব্যাপ্তি
 হইতে দেখা যায় না।

কেবল উর্বরতা বৃদ্ধি করিবার বা পুনরানয়ন করিবার ঋতু পর্যায় প্রণালী অবলম্বন না করিলেও চলিতে পারে, কারণ প্রতি ফসলের পূর্বে ক্ষেত্রে যথেষ্ট পরিমাণে সার প্রদান করিলে সে উদ্দেশ্য সিদ্ধ হইয়া থাকে। হরিৎফসল ক্ষেত্রে চষিয়া দিলেও চলিতে পারে, কিন্তু পর্যায়ের সহিত অনেকগুলি উদ্দেশ্য সম্বিহিত থাকায় উহাকে উপেক্ষা করিতে পারা যায় না।

তামাকের গায়ে কোন কোন ফসলের জন্ত উৎকৃষ্ট জমি প্রয়োজন কিন্তু সরুপ জমি সর্বত্র পাওয়া যায় না। যে জমিতে তামাকের অনুকুল সার-পদার্থ অবস্থিত তাহাতেই উহা উত্তম জন্মে এবং সেই জমিই উহা ভাল বাসে। ঈদৃশ মূল্যবান অধিকারী ফসলকে প্রতি বৎসর এক ক্ষেত্রেই থাকিতে দেওয়া ভাল কারণ স্থানান্তরিত হইলে উহার গুণাবতার ইতরবিশেষ হইবার সম্ভাবনা। যাহা হউক, এক ক্ষেত্রে বহুদিন উহার আবাদ করিতে হইলে ফসল কৰ্ত্তিত হইবার পর হইতে পুনরায় আবাদ আরম্ভ হইবার সময় পর্য্যন্ত ক্ষেত্রের পরিচর্যা করিতে হয়, ক্ষেত্রে যথেষ্ট পরিমাণে সার প্রদান করিতে হয়, কিম্বা হরিৎসার দ্বারা ক্ষেত্রের উন্নতি সাধন করিতে হয়। তাহা সত্ত্বেও বহুদিন এ প্রণালীতে সুবিধা হয় না। ইহাতে জমির সমূহ ক্ষতি হয় এবং ফসলের উৎপন্নের পরিমাণ ক্রমশঃ এত হ্রাস হইয়া আসে যে, ক্ষেত্রস্বামীকে অগত্যা হয় ক্ষেত্র, না হয় ফসল, পরিবর্তন করিতেই হয়। যে সকল জমিতে প্রতি বৎসর পলি পড়ে তাহাতে বহুকাল একই ফসলের আবাদ হইতে পারে। সুপ্রসিদ্ধ কৃষি-সামান্যিক Lawes ও Gilbert সাহেব দ্বয় ইংলণ্ডের রদামষ্ট্যাড্ট (Rothamstadt) কৃষি পরীক্ষা-ক্ষেত্রে ক্রমান্বয়ে ষাট বৎসর

এক ক্ষেত্রে গোধূমের আবাদ করিয়াছিলেন, তাহাতে ক্ষেত্র বা ফসল—কিছুরই কোন ক্ষতি হয় নাই। একরূপ উপমা অতি বিরল। তাহা ব্যতীত, পরীক্ষার উদ্দেশ্য—যে ফসলের আবাদ হয়, তাহার প্রতি পরীক্ষকের সবিশেষ দৃষ্টি থাকে। অল্প ভূমিতে অল্প ফসলের আবাদ হয়, সুতরাং তাহার পরিচর্যা যথেষ্ট হয়, তন্নিবন্ধন ভূমির শক্তি হ্রাস পাইতে পারে না। একরূপ বিরল বা একমাত্র দৃষ্টান্তের উপর নির্ভর করিয়া ক্রমান্বয়ে একই ফসলের আবাদ করা কোন মতে পরামর্শসিদ্ধ নহে। এক ক্ষেত্রে বহুদিন এক ফসলের আবাদ হওয়ায় বহু বহু ক্ষেত্র ধ্বংস প্রাপ্ত হইয়াছে।

দ্বাত্রিংশ অধ্যায়

ভূমির উর্বরতা রক্ষা করিয়া কৃষিকার্য্য করিতে পারিলে কৃষকের কৃতিত্ব প্রকাশ পায়। ক্ষেত্র হইতে কৃষক ও উদ্যানক ফসল উৎপন্ন করা সহজ, ফসলের ফলন বৃদ্ধি করাও সহজ, কিন্তু ভূমির উর্বরতা রক্ষা করা একটা দূরূহ কার্য্য। ক্ষেত্র হইতে নানাধিধ ফসল, ফল পাকুড় বা শাক-সবজী উৎপন্ন করা সেইরূপ বা ততোধিক প্রয়োজনীয় বিষয়। আশু ফসল উৎপন্ন করিবার জন্য ক্ষেত্রে সার প্রদান করিয়া কৃষকের লাভ হয়, কিন্তু ইহা বুঝা উচিত যে, যে সার প্রদত্ত হয় তাহার বহু পরিমাণ ফসলের সহিত স্থানান্তরিত

হয়। উদ্ভানকগণ এ বিষয়ে বিশেষ মনোযোগী। তাহারা
 প্রতিনিয়ত সার ব্যবহার করিয়া ক্ষেত্রের উর্বরতা রক্ষা
 করিয়া আসে, কিছুতেই ক্ষেত্রে নিঃস্ব বা জুতসার হইতে দেয়
 না। কৃষকগণ তাহা পারে না বলিয়া কৃষিক্ষেত্র দিন দিন
 শক্তিহীন হইয়া পড়ে। উদ্ভানক ও কৃষক—এতদুভয়ের কার্য
 প্রণালী মধো যেরূপ বিভিন্নতা দেখা যায়, জমির উর্বরতা
 সম্বন্ধেও সেইরূপ দেখা গিয়া থাকে। কেবল তাহাই নহে।
 কার্য প্রণালীর বিভিন্নতা হেতু উভয়ের আর্থিক আয়েরও
 তারতম্য হইয়া থাকে—ইহা অবশ্যস্বাভাবিক। উদ্ভানকের জমি
 প্রায় প্রতিনিয়তই কোন না কোন তরি-তরকারী বা ফল-ফুলে
 আবদ্ধ থাকে। এই জন্ত উদ্ভানক আপন ভূমি হইতে বারমাস
 কিছু না কিছু সামগ্রী আদায় করিয়া থাকে, ফলতঃ তাহার
 আয় অধিক হয়। সার না দিয়া উদ্ভানক চিরদিন নিশ্চিন্ত মনে
 ক্ষেত্রে দোহন করিলে মৃত্তিকা কয় দিন উর্বর থাকিতে
 পারে? উদ্ভানক নিরন্তর সার ব্যবহার করে বলিয়া পর্যায়ের
 প্রতি তাদৃশ—অনেক স্থলে আদৌ—লক্ষ্য রাখে না, অধিক কি,
 অধিকাংশ উদ্ভানকই পর্যায়ের অর্থ বা উদ্দেশ্য বুঝে না। সার
 ব্যবহার দ্বারাই তাহার সকল উদ্দেশ্য সকল হয়। পর্যায়ের
 প্রতি উদ্ভানকের যেরূপ উদ্যম, সার সম্বন্ধে কৃষকের সেই ভাব।
 ফল আহরণ করিয়া লইবার পর কৃষক আর ক্ষেত্রের বিষয়
 ভাবে না, তাহার আরও যে কিছু কর্তব্য আছে, সে কথা মনে
 করে না। অতঃপর পরবর্তী ফসলের সময় আগত প্রায় হইলে
 কৃষক পুনরায় হাল-চৌকী লইয়া ক্ষেত্রে আবিভূক্ত হয়।
 উদ্ভান-ভূমির উৎপাদিকা শক্তি বারমাস অক্ষুণ্ণ থাকিবার অন্ততম

বিশেষ কারণ আছে। উদ্ভানের ভূমি ঘন ঘন সঞ্চালিত হয়, কিন্তু ক্ষেত-পাথার তাহা হয় না। উদ্ভানে ঘন ঘন নিড়ানী হয়, তদ্বারা মৃত্তিকা বিচলিত ও চূর্ণীত হওয়ায় তন্মধ্যে বায়ুবাধি প্রবিষ্ট হইয়া মৃত্তিকার সজীবতা রক্ষা করে। অনন্তর ভূমধ্যস্থ মোরাগুগণ (Nitrosomonades) বায়ু ও সূর্যোত্তাপাদির সংস্পর্শে আসিয়া অধিকতর কার্যকরী হয় এবং আপনাদিগের বংশবৃদ্ধি করিয়া ভূমির উৎপাদিকা শক্তি বৃদ্ধি করিবার সুযোগ পায়।

সঞ্চালন হেতু মৃত্তিকা মধ্যে দুইটা বিশেষ বিশেষ ক্রিয়ার সমাবেশ হইয়া থাকে, ১ম—বায়ুবাধির সংস্পর্শিত হইয়া মোরাগুগণ বায়ুমণ্ডল হইতে সোরাঙ্গান আহরণ করিয়া ভূমির সোরাঙ্গানিক লবণ বৃদ্ধি করে এবং জৈব পদার্থকে (Organic matter) জীর্ণ করিয়া উদ্ভিদের ব্যবহারোপযোগী করিয়া দেয়; ২য়—বায়ুমণ্ডলস্থ সোরাঙ্গান ভূগর্ভে প্রবিষ্ট হইয়া মৃত্তিকার স্থূল উপকরণ (Inorganic elements) সমূহকে আপেক্ষিক সূক্ষতার পরিণত করে। উক্ত স্থূল পদার্থ সমূহ যাবৎ না সূক্ষাণু-সূক্ষাবস্থায় পরিণত হয় তাবৎ উহারা উদ্ভিদ শরীরে প্রবিষ্ট হইতে পারে না। স্থূল উপাদান সমূহ কত সূক্ষ হইলে উদ্ভিদের আহরণোপযোগী হইতে পারে, উদ্ভিঞ্জ ভগ্ন দেখিলেই তাহা বুঝিতে পারা যায়। কোন পদার্থ সূক্ষাদপিসূক্ষাবস্থায় পরিণত হইলে বাতাসে উড়ে ও জলে ভাসে—ইহা সকলেই জ্ঞাত আছেন। একমুষ্টি শুক খুরা মাটি বায়ুমণ্ডলে ছাড়িয়া দিলে বায়ু প্রবাহে তাহা অনেক দূরে গিয়া পড়ে, বহু উচ্চ অট্টালিকা, স্তম্ভ বা বৃক্ষের উপর গিয়া স্থান পায়, নিকটে স্থির জলাশয় থাকিলে তাহাকে

পতিত হইয়া প্রথমাবস্থায় ভাসিয়া থাকে। মৃত্তিকার যে অংশ ঈদৃশ অবিভাজ্য ও লঘু অবস্থায় পরিণত হইয়াছে তাহাই উদ্ভিদের আশ্রয় আহারগোপযোগী। কৃষকের ক্ষেত্রে মৃত্তিকা সেক্ষণ সঞ্চালিত হইতে পার না। ফসলের প্রথমাবস্থায় ছোট একবার নিড়ানী হইয়া থাকে মাত্র, কিন্তু পরে আবাদের গাছ বড় হইয়া উঠিলে অরে নিড়ানী হয় না এবং নিড়ান করিবার সুবিধা হয় না।

তরি-তরকারি, ফল, ফুল প্রভৃতি উদ্ভিদকে ফসল। এই

সকল জিনিষের আবাদে যাহা উৎপন্ন হয়, সার সংস্থানের উপায় উদ্ভিদ হইতে তাহাই সংগৃহীত হইয়া থাকে,

অবশিষ্টাংশ ভূমিতে স্থান প্রাপ্ত হয় কিংবা উদ্ভিদক তৎসমুদায়কে সংগ্রহ করিয়া কোন স্থানে রাখিয়া দেয়, পরে আবার জমিক প্রত্যর্গণ করে, এতদ্ব্যতীত সার প্রদান করে। কৃষকের আবাদজাত শস্তাদি সংগৃহীত হইলে, উপরন্তু উদ্ভিদ-জাংশও সংগৃহীত হইয়া স্থানান্তরিত হয়। এত কারণে কৃষিক্ষেত্রে নীচ মারহীন হইয়া পড়ে, কিন্তু কৃষকগণ যদি সারের মনুষ্য বা উপকারীতা বুঝিত তাহা হইলে ক্ষেত্রে এক্ষণ ক্ষতিগ্রস্ত করিত না। অপর স্থান হইতে সার আনয়ন করিয়া ক্ষেত্রে প্রদান করিবার সামর্থ্য না স্বযোগ না থাকিলেও যে মৃত্তিকার উর্বরতা রক্ষা বা বর্দ্ধিত করিতে পারা যায় না—তাহা নহে। ফসলের ব্যবহার্য অংশ সংগ্রহ করিয়া অবশিষ্টাংশকে ভূমিতে স্থান পাইতে দিলে কিংবা গৃহপালিত পশুদিগকে খাইতে দিবার পর তজ্জাত পুরীষাদি সংগ্রহ করিয়া ক্ষেত্রে প্রদান করিলে সমুদায় জাত হইবার কথা। এজন্য—

সকল কৃষকের অল্লাধিক গো মেঘাদি পশু পালন করা একান্ত কর্তব্য। কৃষিকার্যের সহিত পশুপালনের পশুপালনের প্রয়োজনীয়তা সম্বন্ধ অতি বনিষ্ট। জীবগণ নাহা কিছু পানাহান করে তৎসমুদায়ই প্রকারান্তরে প্রতারণ করে, জীবন ধারণের জন্য বৎকিঞ্চিৎ রাখিয়া অবিশিষ্টাংশ পরিত্যাগ করিয়া নূতন সামগ্রী দ্বারা উদর পূর্ণ করে। যে সামান্য ভাগ আপাততঃ শবীর রক্ষার্থে জীব মধ্যে থাকিয়া যায়, তাহাও পার্থক্যে ভূমিতে আসিয়া সংস্কৃত হয়। এ সংসার হইতে জীবোদ্ভিদ নিষ্করশেষে, কেহ একটা পত্রমাণ্ডু পর্দা শু লইয়া সরিয়া পড়িতে পারে না, তবে নানা কারণে একস্থানের জিনিষ অন্যস্থানে গিয়া পড়িতে পারে। পশুপালন দ্বারা সংসারের অশেষ উপকার সাধিত হইয়া আসিতেছে ও ভবিষ্যতে হইবে। পুরীষাদি অতি রূগা ও ভূচ্ছ সামগ্রী মধ্যে গণ্য হইলেও একমাত্র কৃষিকর্ম্মান্বিত ব্যক্তি তাহার অমূল্যতা প্রতিপাদন করিতে সমর্থ। নাহা হউক, পশুপালন করিলে কৃষকগণ সমৃদ্ধি পাইতে পারে, অন্তর্দিকে ধূহস্থানীবও অন্ত অনেক উপকার হইতে পারে।

কেন্দ্রজ্ঞাত যে সকল সামগ্রী জীবগণ আহার করে, তৎসমুদায় জীর্ণ হইয়া একরূপ অবস্থায় পরিত্যক্ত হয় যে সারোৎপাদন যন্ত্র তাহার প্রভূতাংশ উদ্ভিদগণ সবই আহরণ করিতে সমর্থ। এইজন্য জীবমাত্রকেই উদ্ভিদের আহার প্রস্তুতকারী যন্ত্র মধ্যে পরিগণিত করিতে পারা যায়। জীবগণ যাহা উদরস্থ করে অল্পকণ মধ্যে তাহাকে জীর্ণ করিয়া পরিত্যাগ করে কিন্তু স্বাভাবিক অবস্থায় পচিতে দিলে কালবিলম্ব ঘটে। এক মুষ্টি চাউল বা গোধুমকে পচাইতে হইলে খুব নূন করে

১০।১৫ দিবস সময় অতিবাহিত হয়, তাহ ব্যতীত উক্ত সময় মধ্যে উহার বাষ্পীয় বা জলীয় (volatile) ভাগ অল্পাধিক শুষ্ক হইয়া যায়, কিন্তু উদর-যন্ত্রে তাহা না হইয়া ২।৪ ঘণ্টার মধ্যে ভুক্ত পদার্থ জীর্ণ হইয়া প্রধানতঃ মূত্র ও পুরীষরূপে বর্জিত হয় অথচ জলীয় বা বাষ্পীয় অংশ অধিক নষ্ট হইতে পার না। উদ্ভিদের আহার্য পদার্থের সংস্থান হেতু ভূগর্ভে যেকোন একটি কারখানা বা রসায়নাগার স্বরূপ জীবদেহও সেইরূপ। উদ্ভিদ নিজেও একটি যন্ত্র মধ্যে গণ্য। উদ্ভিদগণ ভূগর্ভে ও বায়ুমণ্ডলে হইতেই নানা পদার্থ সংগ্রহ করতঃ ফলমূলাদি রূপে আমাদেরকে প্রদান করিতেছে, আমরা তৎসমুদায়কে উদরস্থ করিয়া পরে বর্জন করিতেছি। জগদীশ্বরের কি সুন্দর নিয়ম! সকল পদার্থই এক শৃঙ্খলে আবদ্ধ থাকিয়া পরস্পরকে বজায় রাখিতেছে। এই চক্রের (cycle) কথা ভাবিতে গেলে তন্ময় হইয়া যাইতে হয়। যাহাহউক, এস্থলে আমরা দুইটি জিনিষ দেখিতে পাইতেছি—ভোজ্য ও পরিভোজ্য। এস্থলে প্রশ্ন হইতে পারে—ভোজ্য হইতে পরিভোজ্য বা পরিভোজ্য হইতে ভোজ্যের উৎপত্তি কিনা? ইহার বিচার করা গ্রন্থকারের বিষয়ীভূত নহে। কিন্তু ইহা সুনিশ্চিত যে উহার পরস্পরের উপর নির্ভরপর। অনন্তর—

জীব-পরিভোজ্য পদার্থ দ্বারা মৃত্তিকা নিরন্তর পরিপুষ্ট হইতেছে

সেই সঙ্গে ভূমির নষ্ট-শক্তি পুনরাগত হইতেছে।

সমাবেশ চক্র

সেই সকল পদার্থ ভূগর্ভে আসিয়া তন্মধ্যস্থ পদার্থের

ও রসোক্তাপের সমাবেশ বিমুক্ত হইয়া নূতন পদার্থে পরিণত

হইতেছে এবং উদ্ভিদগণ তাহা গ্রহণ করিয়া জীবন ধারণ করিতেছে

ও প্রাণী জগৎকে ফল-পুষ্প প্রদান করিতেছে। পুরীষদি ঘৃণিত

ও অশুভ বলিয়া আমরা তৎসমুদায়কে তুচ্ছ জ্ঞান করি, সাররূপে ক্ষেত্রে ব্যবহার করিতেও ঘৃণা করি, কিন্তু ভাবিয়া দেখিলে সেই সকল দ্রব্যই রূপান্তরিত হইয়া আমাদের উদরে গিয়া প্রতিদিন স্থান পাইতেছে—ইহা বুঝিতে বাকী থাকেনা। এস্থলে উদ্ভিদের আহার্য প্রস্তুত করিবার জন্য ভূগর্ভকে একটা বৃহৎ কারখানা বলা যাইতে পারে। উদ্ভিদগণ তৎসমুদায় আহরণ করিয়া ফল-ফুলাদি প্রদান করিয়া প্রাণী জগৎকে প্রতিপালন করিতেছে, ফলতঃ উদ্ভিদ ও আমাদের আহার্য ও বিলাস জব্যোৎপাদন করিবার যন্ত্র মধ্যে পরিগণিত। এতদ্বারা আমরা বুঝিতে পারিলাম যে, উদ্ভিদজগৎ, প্রাণীজগৎ ও মৃত্তিকা— ইহারা পরস্পরে কিরূপ চক্রাকারে শৃঙ্খলাবদ্ধভাবে অবস্থান করিতেছে। এই চক্র বা মধ্যে বায়ুমণ্ডলকে গ্রহণ করিতে পারা যায়। কারণ উহার মধ্যে প্রাণী, উদ্ভিদ ও মৃত্তিকা—এ তিন জগতের বিশেষ সম্বন্ধ রহিয়াছে। ভূমি হইতে বাষ্পাকারে রস বায়ু মণ্ডলে যাইতেছে, আবার বারি বা শিশিররূপে পৃথিবীতে আসিয়া স্থান পাইতেছে। সেই রস উদ্ভিদে যাইতেছে এবং উদ্ভিদ তাহা পত্রকূপ দ্বারা বাষ্পাকারে বর্জন করিতেছে, এবং প্রাণীগণকে ও শস্যাদিরূপে প্রদান করিতেছে। জগতের সকল জিনিসের মধ্যে প্রায় এইরূপ দান-প্রতিদান সম্বন্ধ রহিয়াছে।

